



med 92



UNIVERSITEITSBIBLIOTHEEK GENT



900000102959

Digitized by Google

Habuit et Authore in Amicitia Symbolum.


Die 12 Junio: 1639

Commilina



JOHANNIS MUNNICKS,
Doct̃oris & Professoris Medici,
CHEIRURGIA,
A D
PRAXIN HODIERNAM
ADORNATA.

IN QUA
VETERUM pariter, ac NEOTERICORUM
Dogmata dilucidè exponuntur.



TRAJECTI ad RHENUM,
Ex Officina FRANCISCI HALMA, Academiae
Typographi, cl̃o l̃oc LXXXIX.





V I R I S

Nobilissimis, Gravissimis, Amplissimis,

D. JOANNI BORRE

van AMERONGEN, JC^{to},

Supremi Fœderatorum Belgarum Senatus, qui
Hagæ Comitum est, nuperrimè membro,

D. ARNOLDO SPOOR, JC^{to},

Illustrium Ordinum nomine ad Cameram Rationum
hujus Provinciæ quondam delegato,

CONSULIBUS;

NEC NON

INCLYTO

Reipublicæ ULTRAJECTINÆ,

SENATUI,

ACADEMIÆ CURATORIBUS,

JOH. MUNNICKS, S. P.



On selectum quidem,
ILLUSTRISSIMI
PROCERES, sed per
* 3 stu-

DEDICATIO.

studiorum laxamenta concinnatum quaecunque hoc opus, & sistere vobis, & ad judicii vestri solem examinare, tam officii mei ratio, quam debita summis vestris meritis observantia postulabat. De Cheirurgia enim agitur, Artis Medicæ parte cum antiquissima; tum maximè certa & evidente: namquè in aliorum morborum curationibus quum dubitari possit, secunda valetudo Medicinæ, an corporis beneficio contigerit; in hac parte, quæ manu curat, evidens est, omnem profectum,
ut

D E D I C A T I O.

ut aliquid ab aliis adjuvetur,
hinc tamen plurimum trahere;
imò nonnunquam in totum
pendere. Hæc nihilominus,
haud absquè summa injuria, se-
quioris ævi temporibus à Medi-
cina ità sejuncta fuit, ut si redi-
rent prisca Rei Medicæ antisti-
tes, artem hanc, tanta cum in-
dustria ab ipsis excultam, tam
mutilam nunc, & à corpore suo
divulsam, deplorarent, ac in
ipsa Medicina Cheirurgiam
quærerent, eamque exulantem
omni studio revocandam resti-
tuendamque prædicarent, con-
tenderent. Quic-


DEDICATIO.

Quicquid hujus est, in char-
tarum harum angustias contra-
ctum, vestris oculis subjicere
non dubitavi. Dedi equidem,
quod hoc quidem tempore
optimum videbatur è literario
meo proventu publicam in lu-
cem prodere. Cætera benevo-
lencia vestra commendabit, qua
me publicis Academiae vestrae
muneribus admotum, non
promptè minus suscepistis,
quam constanter hactenus fo-
vetis.

LE.



LECTORI BENEVOLO,
CHEIRURGICAM ARTEM
AMANTI, S.

 *Aud immeritò actum agere videar ,
quod post tot laudatissimos auctores
Cheirurgiam scribere voluerim. Sed
quamvis hoc viri multi , ingenio pra-
stantissimi atquè in praxi versatissimi , tentave-
rint ; non tamen , quod pace ipsorum dixero ,
ob multa antehac obscura admodum , id hacten-
us peregisse videntur. Multum egerunt , in-
quit Seneca , qui ante nos fuerunt ; sed non
peregerunt. Multum adhuc restat operæ ,
multumque restabit. Neque ulli nato ,
post mille secula , præcidetur occasio , ali-
quid adhuc adjiciendi. Cum itaque , ab ali-*

* *

quot

P R Æ F A T I O.

quot retrò annis , major in Medicina lux affulserit ; multò felicius hoc beato nostro seculo tentari id posse existimans , manum operi admovi : atquè Cheirurgicam Praxin , demtis ubiquè supervacuis , propositisque solis necessariis , in ordinem redigere constitui. Desudavi multum , ex Veterum pariter , ac Recentiorum fundamentis , ità librum hunc conscribere , ut in arte provec̃tioribus non solum , sed & ipsis posset inservire tyronibus. Quod an consequutus sim , æquissimo tuo judicio lubens committo. Vale , & nostris laboribus fruiere.



In

In limatum & tersissimum
O P E R I S
CHIRURGICI CODICEM,
Auctore Clariss. Medico
JOHANNE MUNNICKS,
Antecessore Ultrajectino.



Uisquis es, appropera, totumque huc men-
tis acumen,
Dirige, qui penitus vulnera nosse cupis,
Vulnera, non animis & amantum infixæ medullis,
Qualia vel Flaccus, Naso vel ipse tulit;
Sed nimium fœdâ stillantia vulnera tabe,
Cum ferrum, aut ferro sævior ignis agit;
Urendusque jacet, qua parte est saucius æger,
Aut trepidus miserè membra secanda dolet:
Sævities nihil ista nocet, corpusque jacentis
Ne pereat totum, pars benè parva perit.
Omne quis unguentum, ruptos quis turpiter artus,
Ossaque quis memoret fracta, quis omne malum?
Singula charta VIRI surgentis ad alta loquatur,
Sunt nimis à curis hæc aliena meis.

Castor

Castor gaudet equis , enarrant vulnera miles
Et Medicus , ventos navita , pastor oves.
Mille ego prudentum volvo responsa , tuasque ,
Roma vetus , leges explicuisse meum est.
Nec me scire juvat , quid sint gangræna , tumorque ,
Quid cruor , & sanies , cumque liene jecur.
Scire tuum majus scis esse , ubi , doctæ Machaon ,
Extinctos habili scis secuisse manu.
Rimaris parvum dissecto in corpore mundum ,
Nexaque demonstras ordine cuncta suo.
Quanta DEI ex uno laus nata cadavere , quantus
NUMINIS ex ipso pulvere surgit honos !
Copia quæ rerum , quantus tibi militat usus ,
Agmina morborum quantaque quotque domas !
Principiis prudens obstas , languentibus adstas
Ipse vigil : vigilæ debilis æger amat ;
Inde fit , ut Medicâ tot Febribus arte fugatis ,
Famæ etiam claris proripiare rotis.
Laurus eat circum crines gaudentis , & ævo
Stet longo , Patriæ , Te medicante , salus.

L. v. P O L L.

PRA-



PRAXEOS CHEIRURGICÆ


LIBER PRIMUS.

D E

Tumoribus præter naturam.

CAPUT I.

De Tumoribus in genere.

I.  UMOR Græcis *ὄγκος*, corporis eminentiam sonat. Hæc autem consideratur, vel secundum naturam, ut in capite, ventre, juncturis, cæteris. Vel naturæ modum excedens, quemadmodum in Mammis lacte turgentibus, & in Ventre Mulieris prægnantis. Vel præter naturam, ut in omni Tumore nonnaturali actiones lædente.

II. Hippocrates generali nomine quemcunque tumorem *ὄγκος* vocare consuevit, *Aphor. 34. sect. 4. & 37. 6.* ac passimalis in locis. At potius cum Galeno nobis Oedema erit tumor peculiaris, mollis, non dolens, quiquè prementis digiti vestigium seu foveam exhibet. Arabes omnem omnino tumorem Apostema nuncupant: quæ tamen vox apud Græcos, significatione multò contractiore, solum Abscessum, *hoc est*, collectæ materiæ in pus, aut in alienam substantiam conversionem denotat. Igitur Apostematis seu Abscess-

Tumoris
Nomen.

A

Abscess-

Abscessus est angustius nomen, quam Tumoris, quia omnis abscessus est tumor, non contra.

Definitio.

III. Galenus porrò Tumores modò inter morbos partium similiarium recenset, alibi inter morbos organicos collocat, alibi ad continui solutionem refert. Verum Avicenna in tumore omnis generis morbos reperiri statuit; ac proinde morbum esse compositum, unde tot tumoris definitiones promanarunt, ut videre est apud Galenum *lib. 13. Meth. cap. 1.* Tagaultium *lib. 1. de tumor. pr. nat. cap. 1.* Eustach. Rudium *lib. 1. de tumor. pr. nat. cap. 2.* Aquapend. *Chirurg. part. 2. lib. 1. cap. 1.* Pigræum *prax. Chir. lib. 3. cap. 1.* aliosquæ. At verò si rem rectè perpendamus, significatumquæ vocabuli tumoris & ὄζωα consideremus, ac tumoris essentiam per se contemplemur, Tumorem definiamus, quod sit *morbis, in quo corporis nostri partes à naturali statu magnitudine auctà recedunt.* Vel simpliciter dicamus, Tumorem præter naturam esse partium extuberantiam iustò majorem, atque adeò esse morbum figuræ, in magnitudine aucta.

Generales
tumorum
causæ.

IV. Ut autem propiùs intelligatur modus, quo plerique tumores excitentur, considerari debent 1. *Materia affluxus*, qui si non adsit, non datur tumor; verb. gr. si cadaver fustibus excipiat, nullus oritur tumor, quia sanguis, aliiquæ humores in eo non fluunt, sed condensati ac coagulati sunt; Sin verò fustigetur corpus vivum, ingentes oriuntur tumores, viz. ex sanguine in parte contusa fluido, & nunc propter contusionem ibidem stagnante, 2. *Transitus impeditus*; etenim si via circulationis sit aperta, partibusque aliis communicetur, nunquam fit tumor, 3. *Infarctio* seu *Inbasio materia*, quæ insolitam in magnitudinem partem distendit.

V. Similiter Guido de Cauliaco, Tagaultius, Pigræus, & plures alii, unanimiter statuunt Causas tumorum efficientes esse fluxionem & congestionem. Est autem Fluxio humoris in corpore motus ad aliquam partem, quæ eundem quantitate aut qualitate peccantem, sine sui læsione recipere non potest. Hinc sequitur, Fluxionem fieri aut partis mittentis robore, aut recipientis imbecillitate: Etenim

nim in imbecilliores sese exonerare solent partes robustiores. Congestio verò est excrementorum in parte aliqua collectio, ob ejusdem partis imbecillitatem. Per hanc congestionem ferè frigidi tumores semper fiunt; calidi autem fluxione.

VI. Speciales autem tumorum causæ, ut morborum omnium, sunt externæ, vel internæ. Externæ variæ sunt, viz. ictus, casus, crapula, motus longior aut vehemens, & similes. Enimvero cum quis ex alto ceciderit, aut baculo percussus fuerit, aut ab animali demorsus, si Flore Liberi Patris largiter sit perfusus, facilius in hujus vel illius partis tumorem incidet. Internæ tumorum causæ duæ sunt, Plenitudo sc. vel Impuritas, *hoc est*, Plethora, vel Cacochymia. Inflammationes Plethora gignit. Cæteros tumores Cacochymia ferè producit, ut Cacochymia Biliofa Tumores Biliofos, Pituitosa Pituitosos, Melancholica Melancholicos, & sic porro.

Speciales
tumorum
causæ.

VII. Differentiæ verò ac varietates tumorum præter naturam sumuntur à natura illius, quod influit, ut Phlegmone nascitur à sanguine subacido, volatili; at quantitate magis quam qualitate peccante. Erysipelas fit è sanguine bilioso, tenui, fervido. Oedema tumor est ex humore pituitoso, seroso. Scyrrhus tumor ab humore terrestri, crasso, melancholico.

Tumorum
differen-
tiæ.

VIII. Alii tamen dividunt tumores in calidos, aut frigidos. Calidos appellant, qui fiunt ab humore calido, sanguine, aut bile. Frigidos, qui ab humore frigido, pituitoso, aut melancholico. Hippocrates omnes calidos tumores appellat Inflammationes, neque id absquæ ratione; ita Erysipelas nil aliud est, quam Plegmone à sanguine tenuiore, fervidiore, dicto bilioso.

IX. Tagaultius, Gormelenus, Severinus, tumorum differentias petunt ex quantitate, unde tumores dicuntur magni, mediocres, parvi; qualitate, hinc calidi, frigidi; substantia, ut molles, duri; symptomatibus, colore viz. & dolore, unde albi, nigri, lividi, rubri, dolentes, indolentes; partibus affectis, hinc Ophthalmia, Peripneumonia,

nia, Pleuritis; Materiâ, à qua dicuntur sanguinei, biliosi, pituitosi, aquosi, flatulenti, melancholici. Quæ tamen omnes differentiæ inutiles sunt, quia non mutant formam tumoris, nec novam speciem constituunt; sique tumorum differentiæ ita essent considerandæ, plures eo referri possent, uti ad Phlegmonem Carbunculus, ad Erysipelas uterque Herpes, exedens atque miliaris, &c.

Tumorum
Signa Dia-
gnostica.

X. Sed Curationis principium cum ex ipsius morbi cognitione maximè pendeat, Signa præprimis considerata sunt, tum Diagnostica, tum Prognostica. Itaque tumores aut in internis ac occultis partibus sunt, aut in apertis & externis. Qui in occultis oriuntur partibus, ex perfecta partium cognitione maximèprehenduntur. Verum in apparentibus partibus tumorem esse, ex partis tumentis cum se ipsâ, naturali statu & dispositione prædita, collatione cuiqueprehendere promptum est. Etenim è partis extensione, dolore, rubedine, calore, duritie, &c, tumorem adesse faciliè cognoscimus: melius tamen hæc in specie, quam in genere exponuntur.

Tumorum
Signa Pro-
gnostica.

XI. Futurum autem tumorum exitum, aut conversionem, ex ipsorum differentia; materiæ sc. benignitate aut malitia, tenuitate aut crassitie, caliditate aut frigiditate, similibusque qualitatibus: item ex partis affectæ natura; robore puta, aut imbecillitate; nec non corporis universi dispositioneprehendimus. Sic tardioris sunt curationis tumores ex humore pituitoso, crasso, melancholico producti: Periculosiores, qui è sanguine acrisalino, aut bile generantur; qui partes occupant internas; qui circa vasa majora, articulos, nervos, partesque membranosas & tendinosas se exhibent; quique insignis sunt magnitudinis, & in corpore cacochymico sese produnt.

XII. Solent verò quatuor potissimum modis terminari tumores; Nimirum Dissipatione seu Resolutione, Suppuratione, Induratione, Degeneratione in Gangrænam & Sphacelum. Dissipationis seu Resolutionis futuræ signa sunt, levitas membri affecti, deficiens pulsatio, tumoris, febris, cæterorumque symptomatum imminutio, emplastrorum vel

vel cataplasmatum mador, haud secus ac si rore essent perfusa. At Suppurationem futuram indicant, dolor internus, pulsatio, calor, & febris increfcent, juxta Hippocratem *Aphor. 47. sect. 2* Circa puris generationes, dolores, & febres magis accidunt, quam ipso facto. Suppurationis autem, quæ fit, & facta est, notæ versibus hisce contineri videntur:

Durities longa, pulsus, dolor, & calor antè

Signant pus fieri, sed factum, dista remissa

Sub digitis undans, albescens pars & acuta.

Enimvero factæ suppurationis seu abscessus indicia sunt, partis affectæ levitas, remissio vel ablatio doloris, calor, tensio, pulsationis, ac duritiei tumoris. Tumor eminentior fit, & in mucronem subducitur, ac elevatur. Acuties præterea fit erosâ nonnihil cute, quam pus sensum corrodit, donec perforet.

Indurationem verò, quam nimius Repellentium, aut immodicus Resolventium usus non raro relinquit, indicant tumoris imminutio, & cum hac remanens durities.

Cæterum Degeneratio in Gangrænam ex nativi caloris defectu, dignoscitur ex affectæ partis lividitate, aut nigredine, quibus nonnunquam graveolentia accedit. Hisce tamen Signis febres ingentes, dolores, inquietudines, vigiliæ, aliaque prava symptomata plerumque præcesserunt.

XIII. Denique tum ad Diagnosin, tum ad Prognosin plurimum considerare juvat Tumorum Tempora, quæ quatuor sunt; Principium nempe, quum pars intumescere incipit; Augmentum, quum intumescencia, dolor, cæteraque symptomata augentur; Status, in quo symptomata summo in vigore consistunt, nec in pejus vergunt; Declinatio, cum ea imminuuntur. Hæc autem tempora considerare maximè necessarium est, quoniam remedia, quæ in principio profunt, nocent in augmento & statu; & vicissim quæ profunt in augmento & statu, nocent in principio.

XIV. Ut autem tumor præter naturam ritè curetur, Tumorem perpendendum, cum aut nunc fieri, aut jam factum esse, adcoquè duplicem hic occurrere indicationem; affluentis sc. generalis Curatio.

humoris aversionem, atque materiæ, quæ influxit, evacuationem. Et quoniam causarum remotio fluxionem inhibet, si propter totius corporis plenitudinem humor fluxerit, ipsam Venæsectione, si vires & aliæ indicationes permittant, item Cucurbitulis, Frictionibus, Balneis, Excitatione, Inedia tollemus: Cacochymiam vero convenienti purgatione, sive per alvum, sive per corporis habitum, sive per alias vias, pro peccantis humoris natura, evacuabimus.

XV. Altera indicatio, quæ evacuare docet, locum habet & in tumore qui adhuc fit, quatenus ejus aliquid jam factum est, & in eo qui omnino factus est. Etenim quod in loco aliquo præter naturam continetur, id sui ablationem indicat; quo fit, ut vacuatâ materiâ tumorem faciente, curetur tumor. Vacuationem vero duobus modis moliri debemus: priori quidem Repellentibus humorem ad alias partes transferendo; in quorum usu tamen aliquot casus merito excipiuntur, in quibus repellere non licet.

1. Si ad emunctoria fluxio fiat, in glandulas puta sub axillis, in inguinibus, pone auriculas, in collo, repellendum non est; quia humores excrementitios, quibus onusta est, eo ablegare solet natura. Atque ex intempestivo usu Repellentium ad emunctoria applicatorum mortis periculum aliquando sequutum fuisse, memorabile adfert exemplum Fabricius Hildannus *observ. Chirurg.* 78. Cent. 3.

2. Repellentibus uti non licet, cum fluxionis materia sit maligna, ut in Bubone gallico vel pestilenti, Anthrace, in morfu canis rabidi, serpentis, scorpionis, aut alius cujusdam animalis venenati.

3. Neque Repellendum si fluxio sit critica, nisi fortè febratur ad partem nobilem, quia naturæ benè operanti motum contrarium moliri non oportet; & si sufficiens non sit is naturæ motus, eam potius juvare, & ad partem affectam propellere debemus. Huc referri possunt affectus cutanei, ut pruritus, scabies, impetigo, lepra, variolæ, morbilli; quia fiunt per modum crisis, naturâ ex interioribus in corporis habitum onus deponente.

4. Quum

4. Quum à contusione , similive causa fluxio fiat , parti contusæ non admovendum Repellens ; sed potius Defensivo supra partem affectam applicato , ea præmuniatur.

5. Cum humor multus sit , & crassius , abstinendum à Repellentibus , quia magis densaretur. Atquæ hinc tumoribus , qui à congestione fiunt ea non conducunt , quod nulla fiat fluxio , peccansque humor crassus sit , & frigidus.

6. Abstinere debemus à Repellentibus , quando fluxio excitatur in corpore Plethorico , aut Cacochymico ; sed Venæsectione Plenitudo prius imminuenda est , ac Cacochymia per convenientem Purgationem tollenda. Similiter quando fluxio fit juxta vel ad partem nobilem , quemadmodum in inflammatione faciei , oculorum , &c. non adhibenda sunt Repellentia.

XVI. Altero modo evacuatimus materiam foras educendo Digerentibus , Suctu , Sectione , Scarificatione , Cucurbitulis , & similibus. Sed in utraque evacuationis specie ad tumoris , ipsius materici quantitatem & qualitatem , atque ad partis affectæ naturam attendere oportet : alio namque modo tractari debent tumores sanguinei , alio modo ii , qui aut humoris biliosi , aut pituitosi ac serosi , aut melancholici soboles sunt.

XVII. Igitur diversimodè , pro fluentis humoris natura , tumores curari debent. In fluxionis Principio , non omisiss Purgatione & Venæsectione , si ob vias latiores videatur humor sæpius ad aliquam partem ruerè , Defensivo interceptiatur fluxio. Eum in finem familiare est Cheirurgis Emplastrum defensivum ; vel cum ovi albumine & oleo rosaceo agitant bolum armenum , aut sanguinem draconis , atque inde Cataplasma conficiunt , quod Defensivum vocant. Huic instituto satisfaciunt itidem Unguentum album simplex , aut Unguentum Comitissæ : conducit etiam vulgare Oxycratum , vel Oxyrhodanum. Si vero intolerabilis cruciatus proripit fluxionem , anodyno dolor mitigandus ; imposito v. gr. cataplasmate ex mica panis albi in lacte dulci decocta , addito pulvere croci , vel simili.

XVIII. In

XVIII. In Augmento equidem, cum manifestè pars intumuerit, ac symptomata, qualia sunt durities, calor, dolor, pulsatio, febris, ingravescant; neque potuerit Revelentibus, ut Phlebotomia, neque Repellentibus, ut Oxycrato, similibusve impediri tumoris incrementum, tentanda est Resolutio, si modo humor non admodum multus & crassus resolvi queat.

XIX. Sed quandò resolvi nequit humor, in pus ut veratur necesse est, præcipuè quum in vigore & statu tumor existit. Pus vero fieri cognoscimus ex vehementia symptomatum antea commemoratorum. Juvatur autem puris generatio admotis suppurantibus.

XX. Facto pure mitescunt accidentia: remittit calor, dolor, tensio, febris. Adhæc prementibus sub digitis puris fluctuatio percipitur, pars albescit, & in acumen tendit pure crassiore subsidente, tenuiore in pyramidis formam ascendente. Aliquandò tamen Signis hisce difficillimè cognoscimus pus confectum esse, quando vel cutis valde dura est, vel pus in profundo delitescit.

XXI. Igitur cum certis colligere liceat indicis pus probè confectum esse, aperiendus abscessus, vel Ferro, vel Cauterio potenti, quod optimum è fortissimo conficitur lixivio. Attendendæ vero, & considerandæ in apertione hæc conditiones,

1. Ut sectio eo loco fiat, ubi purulenta materia continetur.
2. Ut fiat in loco inferiori.
3. In musculis ut fiat secundum ductum fibrarum motricium.
4. Vitentur venæ, arteriæ, nervi, vasa lymphatica, quantum fieri potest.
5. Ut non omnis purulenta materia simul educatur, præsertim in magnis abscessibus, ne ex subita & nimia inanitione, ac Spirituum resolutione, virium sequatur prostratio.
6. Ut apertus abscessus blandius tractetur, & ne validè comprimatur.
7. Ut facta apertione dolor inprimis leniatur, dein ulcus deter-


detergeatur, hinc carne impleatur, tandem ad cicatricem perducatur.

Non tamen suppuratio in malignis tumoribus semper expectanda, atque tardare in iis, ut in Bubone Venereo & Pestilenti, sæpè periculosum est; sed aperiri plerumque debent, vix dum incipiente suppuracione, ne virulenta retrocedat sanies.

XXII. Ambrosius Paræus *Chir. lib. 7. cap. 5.* in Apostematum Curatione tria, *inquit*, „veniunt consideranda. Primum est, Essentia Apostematis. Secundum, Qualitas humoris Apostema committentis. Tertium, Partis obfessæ temperies. Prima indicatio ab essentia, hoc est, tumoris magnitudine aut exilitate ducta, curandi rationem variat. Secunda itidem ab humoris natura ducta, curandi quoque consilia immutat: aliter namque Plegmone, aliter Erysipelas curatur, & sic porro. Tertia indicatio à natura partis, in qua tumor residet, sumitur: alia namque re media partibus carnosiss, alia nervosis conveniunt; alia Oculo, alia Gulæ, alia Collo, alia Emunctoriis admoventur, debent, &c.

C A P U T II.

De Phlegmone seu Inflammatione.

I.  Uæ de Tumoribus præter naturam in genere superiori capite dicta sunt, singulis tumorum speciebus ac differentiis nunc accommodemus. Initium autem ab *Inflammatione* faciemus, quia hæc frequentissimè accidit, & pluribus aliis affectibus supervenire non rarò consuevit.

II. Antiqui omnem calorem, naturæ modum excedentem appellabant *Inflammationem*, & hanc duplicem faciebant, φλόγωσι καὶ φλεγμαίνωσι. Igitur sicca illa Inflammatio, in qua citra ullius humoris defluxum calor parti insitus excitatur, φλόγωσις Græcis, Latinis *Exarsio* appellatur, estque propriè incipiens Inflammatio. Sed *Plegmone* dicitur,

B

1. de

1. de quovis tumore calido , & eo respectu est calidorum humorum defluxio , sanguinis nempe puri, volatilis, aut biliosi , tenuis , fervidi , ut complectantur Erysipelas, Herpes, & similes tumorum species. 2. de ea Inflammationis specie, quæ nomine generis absolute & usitate Recentioribus dicta est *Phlegmone* ; Tumore nimirum à sanguine puro, eoquæ mediocri, seu temperato.

Phlegmonis Definitio.

III. Est ergo PHLEGMONE seu INFLAMMATIO rubescens, renitens, dolorificusquæ Tumor. Vel potius dicatur, Tumor præter naturam è sanguine in cutem & subjectos musculos effuso, calorem, rubedinem, dolorem, pulsationem, & tensionem excitans.

IV. Distinguitur porro Phlegmone in exquisitam, & non exquisitam seu spuriam. Exquisita dicitur, quandò purus sanguis extra sua vasa in aliquod membrum effusus est, eique inhærens alteratur, & incenditur. Non exquisita appellatur, quæ sit ex sanguine minus puro, sed hoc vel illo humoris genere abundante, unde Phlegmone Erysipelatodes, Oedematodes, Scyrrhodes.

Phlegmonis Causæ.

V. Ideoque Phlegmonis causa habita semper fuit, vel purus sanguis extra sua vasa effusus, vel permixtione aliûs humoris inquinatus, qui non solummodò in cutem, sed in subjectam quoquæ carnem tandem confluit. Quum enim venæ arteriæque majores immodicâ sanguinis copiâ distenduntur, gravatæ in minores quasi onus deponunt, atquæ hæc demum in minimas, tumquæ per minima illarum oscula sanguis, quæ cohiberi nequit, effluit, ac in vacua illabitur spatia ; quæ inter fibras sunt primorum organorum, præcipuè musculorum, arteriarum, venarum, nervorum, atque membranarum. Quæ partes dum fluxione perfunduntur ac implentur, copiâ distentæ quasi divelluntur, ferventisquæ sanguinis ardore incalescunt, ac dolorem excitant : Sanguis quippe extra vasa collectus, nec libere circulare potens, necessariò putrescit, ac incenditur.

VI. Verumenimverò sanguinem licet veluti causam tumori huic enodando plerique assignent Auctores, tamen sciendi modum plurimi tacent; quem inter Veteres aliquatenus

tenuis exprimit, Doctissimus Fernelius *lib. de extern. corpor. affect. cap. 2.* quando dolorem ex calore, hunc ex vehementi Inflammatione, illam à sanguine non in solam cutem, sed & in subjectam carnem impacto, & ex venis eò confluyente oriri contendit, &c. Hic quanquam causam attribuat fluxioni vasa distendenti, quæ distentio à Plethora ad vasa oritur; equidem credendum non est, omnem omninò Inflammationem à sola sanguinis copia fieri, cui ratio & experientia quoque contrariantur. Enimverò in Plethora cruor tali modo vasa distendit, permeatque, ut suâ sponte carceres suos non perfringat, nisi aliud quid accedat, quod sanguinis motum retardet, quodque stagnationem, effusionem, atque adeò Inflammationem molitur. Cl. Sylvius *Praxeos Medica lib. 1. cap. 40.* incendi sanguinem, & Inflammationem oriri arbitratur, quatenus ex ipso in vasis suis valde distentis, & aliis quibusvis partibus subsistente, *hoc est*, stagnante mox incipiunt evanescere partes spirituosæ, magisque volatiles & subtiles, tum acidæ, tum salinæ temperare solitæ, unde utræque acriores factæ acrius in se mutuo insurgunt, effervescentiamque ob particulas sanguinis oleosas calidam excitant, quin paulatim sanguinem ita corrumpunt, ut in pus vertatur, & quidem pro sanguinis corrupti varietate planè varium: ubi satis clarè acidum accusat minus temperatum, partibusquæ spirituosius volatilibus illud temperantibus privatum.

Modus,
quo In-
flamma-
tio fiat ex-
ponitur.

VII. Ex dictis itaque constare videtur, sanguinis in minoribus vasis stagnationis, hinc ejus effusionis, indequæ ortæ Inflammationis, primam esse causam *Plethoræ ad vasa*, vel ex obstructione vel compressione. Enimverò venæ cum nunc à sanguine, nunc à pituita in ipsis coagulatis ac concretis obstruuntur; vel ab aëris externi frigore, aut potenter adstringentibus medicamentis admotis constringuntur, tunc plus sanguinis per arterias influit, quam per venas nunc obstructas vel compressas reflueri potest; hinc Cruor paulatim collectus, eadem vascula magis, magisque distendit, & ita quidem, ut referatis eorundem osculis, exitus ipsi patefiat; unde tunc (quoniam sanguis ex

arteriis in venas non per anastomoses, sed per intermediam partium substantiam, *hoc est*, carniū tubulos seu poros circulatur) is necessariò extravasatur, ac in vicinarum partium substantiam effunditur; ubi copiā mediocri saltem collectus, modo nunc exposito, mox excandescit, & caloris sensum molestum in parte sensili producit; quæ mutatio *Inflammatiō* vocatur.

Symptomata ple-
risque In-
flamma-
tionis spe-
ciebus su-
pervenire
solita.

VIII. Sequuntur nunc ordine Symptomata pluribus Tu- moribus communia, qualia sunt Dolor, Tensio, Pulsatio, Rubedo, Febris, perpendenda. Et sanè Inflammationi ple- rumquè conjunctus est *Dolor*, propter peccans acidum acidius ac volatilius, effervescentiam inordinatam primò sanguini, dein membranosas partes vellicando dolorem inducens. Do- lorem excipit *Tensio* ab affluxu sanguinis in partem subje- ctam, quem venæ recipere nequeunt, sed potius continuò novum suppeditant, unde Tensio oritur. Hanc sequitur *Pulsatio* ab intestina cruoris effervescentia præternaturali, obstructis vel compressis vasīs, incipiente, tandemquè ebullitione sanguinem in pus præcipitante, quæ postmo- dum cessat. *Rubedo* oritur ab extravasato & excandescen- te sanguine per cutem ac cuticulam transparente: altius enim impressus per musculos, cutemque vix transparet, ac minorem inducit ruborem, qui tamen pro ratione ebulli- tionis vel effervescentiæ sanguinis vel accrescit, vel decre- scit. Cæterum *Febris*, quæ non rarò adest, vel primaria est, vel symptomatice; Viz. à sanguine acido, vel aliter de- pravato, atque hinc in parte Inflammata stagnante, unde motus ejus vitiatur, ac inordinatior fit.

Signa
Phlegmo-
nis Dia-
gnostica.

Prognos-
tica.

IX. Signa porro, quibus dignoscitur hic affectus, sunt membri inflatio, rubor, calor, dolor, profunda pulsatio, molestaquè tensio, & aliæ ejusmodi, quæ sanguinis abun- dantiam & extravasationem apertè arguunt.

X. Hæc verò partium externarum Inflammatio à multis morbis liberat partes internas, adeoque salutaris plerum- què; nisi extensione Gangrænâ produxerit. Periculosa equidem & difficilis curationis est Inflammatio, quæ Ocu- los, Fauces, Penem, Muliebre pudendum, Articulosve occu-

occupat. In juvene, & Æstate brevius curatur: tardius in corpore pingui, quam macilento.

XI. Ut autem rectè perfectèque Phlegmone curetur, Quæ in Phlegmonis Curatione sunt observanda. duo inprimis sunt observanda: primum ut causæ antecedenti occurramus: secundum ut causam continentem evacuemus: quibus tertium adjungi potest, ut emendentur symptomata; quæ aliquandò tam sæva superveniunt, ut omnem Medentis curam ad se, neglecto etiam morbo, convertant.

XII. Repellimus ergò, & Corrigimus causam antecedentem rectò rerum nonnaturalium Usu, & humoris in partem influentis Revulsione.

XIII. Rectus rerum nonnaturalium usus in bona Diætâ, Victus ratio in Phlegmone. seu debita ac ordinata illarum rerum dispensatione consistit. Aër eligatur ferenus. Cibus Porusque modicè sumantur, iique refrigerantes: calida quævis, dulcia, pingua, ut Zinziber, Piper, & similia nocent. Nocet etiam corporis motus, inprimis partis læsæ. Conducit somnus moderatus. Obsunt Alvi dunties, Venus.

XIV. Quod si bona Diætâ, *hoc est*, recta rerum nonnaturalium dispensatio ad humorem, qui in partem affectam influit avertendum, nec satis idonea, nec satis valida fuerit, Venæsectio. Venæsectio quamprimum instituatur, utpote summopere necessaria, vel ad evacuandum, vel ad revellendum, vel ad derivandum.

XV. Interim verò dum hæc fiunt, cum rarissimè corpus vitiosis non abundet humoribus, etiam per Clysteres, atque Purgantia leviora ritè usurpata, sæpè æquè ac Venæsectio iteranda, multum efficere possumus. Purgatio.

XVI. Alterum autem Medici ac Cheirurgi de evacuanda conjuncta materia consilium versatur in recta Topicorum applicatione, & commoda administratione, *hoc est*, in debita ac tempestiva eorundem ad partem affectam appositione, diligenter considerando, quod sit tumoris initium, quæ progressio, &c.

XVII. Remedia igitur quibus in Inflammationis initio uti oportet, sint modicè repellentia, quibus aliquid discuti- Quæ topica in Inflammatione.

tionis
principio
admove-
da.

tientium admisceatur, ut influens materia arceatur, & quæ nunc influxit leviter interim resolvatur. Quem in finem conducunt Aqua Plantaginis, Solatri, Spermatidis ranarum, Rosarum, Florum sambuci, Acetum rosarum, Sambuci, Vinum rubrum adstringens, Saccharum Saturni, Camphora, & similia. Abstinendum verò à vehementer adstringentibus, Bolo sc. armeno, Sanguine Draconis, Acacia, Gallis, Alumine, omnibusque oleosis & pinguibus, utpote valde noxiis. Quæ omnia poros obstruendo, adeoque distensionem prohibendo dolorem, calorem, hinc & Inflammationem augent.

XVIII. Sed quanquam incipienti Inflammationi sunt imponenda Repellentia, ab iis tamen abstinendum, 1. ubi juxta partes nobiles est Inflammatio, vel in glandulis, 2. Quando humores maligni sunt. 3. Quando criticè expelluntur. 4. Quum fit Inflammatio in corpore Cacochymico, quumque pars affecta debilis admodum est.

Quæ in In-
flamma-
tionis in-
cremto.

XIX. In incremento, *hoc est*, crescente Phlegmone, quoniam & repellere, & digerere tum oportet, habenda magis ratio humoris influentis, & ejus qui jam influxit. Sic nimirum repellentia admixtis solventibus & lenientibus erunt temperanda, ut solventia prævalcant. Fomentum ver. gr. applicetur ex Malva, Althæa, Violaria, Absynthio, Scordio, Ruta, Floribus Camomillæ, Meliloti, Sambuci, Rosarum rubrarum, Baccis juniperi, similibusve in Aqua, vel Cerevisia tenui decoctis.

Quæ in
statu, &
declina-
tione.

XX. In statu vero solventium pondus augeatur, admixtis una anodynis, si dolor molestus admodum sit. Cum autem ad declinationem vergat Inflammatio, vehementius discutere convenit, adeoque sola discutientia & solventia sunt imponenda. Quem in finem applicetur sequens, aut simile Cataplasma,

Rx. fol. malvæ, althææ an. Mj.

sum. absynthy

flor. camomillæ, meliloti an. Mß.

*Coq. in cerevisia tenui ad mollitiem, dein
in mortario contundantur; contusis adde
farina hordei, fanigraci an. ℥iß.*

olei

olei anethini ℥ij. pulv. croci ℥b.

M. F. Cataplasma.

Cataplasmatibus loco non minore cum fructu apponatur Fomentum ex superscriptis discutientibus, additis & aliis, dococtum, cui vel Vinum Gallicum, vel Spiritus vini, pro re nata, admisceri potest.

XXI. Quod si Inflammatio ægrè resolvatur, tendatque in Suppurationem, promovenda erit & acceleranda puris confectio ac generatio. Hoc verò præstant omnia medicamenta Emollientia & Maturantia vulgò dicta, Radices puta & folia Althææ, Malvæ, Liliorum alborum, Branca ursina, Flores Camomillæ, Meliloti, Farinæ Lini, Fœnigræci, Fabarum, Caricæ, Cæpæ sub cineribus assatæ, Unguentum Basilicon, Emplastrum Diachylum, & similia. Ex quibus commodissimè parari solent Cataplasmata.

Quæ in suppurationem tendente inflammatione.

Rx. rad. liliorum albor. recent. ℥iij.

ceparum sub cineribus assatar. ℥ij.

fol. malvæ, alibæ

flor. meliloti an. Mj.

Caricarum ping. confiss. N. x.

Coq. in aqua pura vel cerevisia tenui ad mollitiem;

tunc in mortario confusis adde

farina seminis lini, fœnigræci an. ℥ib.

unguenti basilici ℥ij.

M. F. Cataplasma.

XXII. Si autem Ægris ardeant magis Unguenta vel Emplastra, nec à pinguibus lædantur; inungi poterit semel aut sæpius pars dolens litu, ex Unguento Agrippæ, Althææ simplici vel composito, Oleo liliorum alborum, similibusve parato; moxque ei imponi Emplastrum Diachylum cum gummi, ut & Mucaginum.

XXIII. Igitur ubi Calor, Febris, & alia accidentia remiserint, quando in mucronem tumor attollitur, quum pressione digitorum fluctuantis velut humoris inundatio percipitur, tum intelligere licet pus confectum esse. Quare sine procrastinatione tumor aperiendus erit, ne pus diutius

Confecto pure quæ observanda.

tius conclusum morâ reddatur acrius, idèdque nocentius; atque ab ipso partes vicinæ magis magisque corrumpantur, sicque ulcus majus, sinuosum, & fistulosum fiat. Aperendus autem est loco commodissimo, *hoc est*, in loco tumoris maximè molli & declivi. Fiat verò apertio aut Cauterio, aut Scalpro: Equidem Scalprum Cauterio præferendum puto, præsertim quum tumori inest rubor, ardor, atque purulenta materies calida est.

XXIV. Sed patiens si admittere nolit apertionem, danda opera, ut versus corporis superficiem alliciatur pus, quo citius ab ipso perforetur corrola cutis; Cui usui Cl. Sylvius *prax. Medic. lib. 1. cap. 40. §. 58.* sequens emplastrum valdè extollit,

*℞. Mellis optimi
farina secaliginis an. ʒj.
vitellum unius ovi*

*Imponantur blando igni, & agitentur ad emplastri
consistentiam.*

Emplastrum hoc extendatur supra linteum densum, & applicetur parti affectæ, indies renovando.

Possunt etiam Ficus contundi, & Cataplasmatibus modo calidæ applicari loco tumoris maximè molli & eminenti, quo sic faciliter ac promoveatur abscessus apertio.

XXV. Ubi autem multum puris continetur in abscessu, sedulò cavendum, ne omne unâ vice educatur, sed partim; quoniam Ægrorum vires aliàs non parum prosternuntur. Ubi verò parum puris adest, nil nocet omne effluere, quod aptum est, paratumque ut effluat; omissa pressione forti & diutinâ multis Chirurgis familiari, à qua nunquam aliquid commodi Ægris evenit, at sæpius multum incommodi.

XXVI. Cæterum factâ & apertâ puri viâ, ad ulceris mundationem & consolidationem pergendum; in quem finem conducit Digestivum ex Therebinthina, Melle, & Ovi Vitello, petiis impositum; vel applicetur Unguentum Basilicon, vel Unguentum Aureum, vel si magis detergendum sit

℞. The-

℞. *Therebinthina venet.*

Mellis optimi, vel Rosacei aa. ℥j.

Vitellum unius ovi

Farina Hordei ℥ij. Thuris ℥ij.

M. F. S. A. Digestivum.

Nonnulli laudibus extollunt Deterfivum ex Apio, cujus hæc est descriptio

℞. *Succ. apii, plantaginis, betonica an. ℥j.*

Mellis optimi ℥v. Therebinth. venet. ℥iiij.

Farina hordei, orobi aa. ℥ij.

pulv. aloës, myrrha, iridis florent. an. ℥j.

Coquantur mel cum succis, quibus consumptis addantur farina & pulveres, & omnia misceantur ad formam Unguenti.

Sin adhuc validius detergere fuerit consilium, utendum Unguento Apostolorum vel solo, vel Unguento Basiliconi admixto.

XXVII. Ubi verò satis deterfivum est ulcus, carne op-
pleatur, & cicatrice obducatur, adhibitis Medicamentis
variis nunc expositis, & porro exponendis lib. III. de Ul-
cerum curatione. Hunc tamen in finem vehementer laudat
Balsamum sulphuris therebinthinatum Cl. Sylvius *prax. Medica*
lib. 1. cap. 40. §. 61. 62. cujus effectus mirabilis ac ferè incredi-
bilis est, si ejus aliquid ulceri instilletur, aut illinatur. „ Mox
„ enim, *inquit*, novi puris generatio ita fuit inde diminuta,
„ ut non raro hujus unius Balsami ope intra paucos dies ple-
„ nê curata fuerint & in Mammis, & alibi excitata post In-
„ flammationes Apostemata notabilia.

„ Ex hoc autem experimento, haud parvi pendendo, cen-
„ sui Ulcerum Apostemata consequentium Mundationem ac
„ Consolidationem consistere in *Correllione puris acidi, roden-*
„ *tisque* ulceratæ parti adhærentis, atque sanguinem ipsi
„ nutriendæ dicatur ex parte saltem corrumpentis, ac in
„ novum pus vertentis: *Corrigi* verò illud *Pus* parti affectæ
„ adhærens à *Sulphuris Balsamo* laudato, imprimis ratione
„ *Olei Aromatici*, adeoque *sale volatili oleoso* abundantis; à
„ quo Spiritus acidus in pure luxurians, quin Sanguinem
„ in pus indies corrumpens non tantum obrundatur, sed
C „ insu-

„ insuper mitigetur , emendeturque ita , ut affluens sanguis partes prius consumptas brevi repararet , Consolidationemque ultimam expediat.

Accidentium correctio.

XXVIII. Ultimus tandem Curandæ Inflammationis scopus est , ut Symptomata , illam nonnunquam comitantia placentur. Sunt autem ea ut plurimum quatuor , Dolor , Durities , Gangræna , Febris. Inter hæc primum locum Dolor obtinet , in eoque sedando diligentem esse Medicum oportet. Nam præterquam quod vires prostermit , functionesque debilitat , etiam fluxiones ciet , adeoque Inflammationem auget. Igitur imponatur Cataplasma ex mica panis albi & lacti dulci , addito Croci pulvere , confectum. Vel

*Rx. Flor. Camomilla , Meliloti , Sambuci an. Mj.
Coctis in lacte dulci , & in mortario contusis adde
Farina seminis lini , fenigraci an. ℥ij.
Vitellos duorum ovorum
Olei rosacei ℥iſs.
M. F. Cataplasma.*


Quod si Dolor perseveret , nec his cedat remediis , ad validiora confugiendum erit , usurpatis etiam Narcoticis ; cæ tamen cautione , ne inde parti inferatur Necrosis. In hoc casu itaque Cataplasmati addantur Folia Hyosciami , Papaveris , Solani , &c.

Durities vel *Gangræna* quomodo curari debeant , suis locis sumus dicturi.

Ad curam *Febris* quod attinet , ea ad Medicum potius , quam Cheirurgum spectat : Tolli tamen ut plurimum solet Diætâ , Venæsectione , & Medicamentis , quæ in Plegmonis Curatione observanda modo docuimus.

CAPUT III.

De Furunculo.

I. URUNCULUS Latinis, *Fibula* Græcis, Nostratibus *Em Bloet-bui*, est Tuberculum in acumen protuberans, cum inflammatione, duritie, rubore, ac summo dolore; ovum columbinum magnitudine non excedens. Similiter C. Celsus *lib. 5. cap. 28.* Furunculum definit, quod sit, Tuberculum acutum cum inflammatione, & dolore, maximèquè ubi jam in pus vertitur.

Furunculus quid.

II. Species autem Furunculi plures sunt: Alius enim benignus est, ac mitis: Alius malignus, ac vehementius dolens. Idem observavit Paulus *Ægineta lib. 4. cap. 23.* sic inquit: „Furunculorum alius est clemens, alius maleficus: Clemens quidem cum in sola cute coierit; Maleficus autem, curatuquè difficilis, cum altius radicibus actis in cutem erumpat.

Furunculi species.

III. Fit vero Furunculus è crasso, impuro, acido-acri, alijsve modis depravato sanguine, quem natura à reliquo puriore secernens, tanquam insensum & inutilem in corporis habitum criticè expellit.

Causæ.

IV. Signa quibus cognoscitur hic affectus, sunt exigua inflammatio cum pustula, & vesicula sensim increfcescens, cum dolore, duritie, & rubore cum Statum attigerit, qui paucos intra dies absolvitur. Porro tuberculum in acutum tendit, & columbini ovi magnitudinem non excedit. C. Celsus aliud signum adjungit, dicens: „Qui ubi adaper- tus est, & exit, super apparet pars carnis in pus versa, pars corrupta subalbida, subrubra, quem ventriculum Quidam Furunculi nominant.

Diagnos.

V. Idem Celsus *loco citato.* docet, in Furunculo nullum esse periculum, etiam si nulla Curatio adhibeatur. Maturefcere enim per se, atque crumpere. Sed dolorem efficere, ut potior Medicina sit, quæ maturius liberet.

Prognosis.

Dicendum ergo Furunculum periculo vacare, nisi morbo grassante maligno in Anthracem degeneret. Sed quoniam Cacochymia soboles est Furunculus, hinc raro fit, quod solitarius erumpat, sed fere multis corpus scateat, atque inquinetur.

Curandi
Methodus.

VI. In Curatione Furunculi, quum humor huiusmodi Tumorem efficiens crassus sit, impurus, acido-acris, & aliquandò malignus, nunquam Repellentibus utendum est, sed ex sententia Galeni, & Pauli Aeginetæ, Furunculus coquendus appposito Pane masticato, & in Cataplasmatibus formam redactò; vel Diachylo cum gallinaceo adipe; vel ex C. Celsi præscripto, Gummi Galbano.

VII. Igitur applicandum mox Emplastrum Diachylum cum gummi; vel quid simile faciliè confici potest, ut Puris generatio promoveatur & acceleretur. v. gr.

Rx. Picis navalis, liquida an. ℥ij.

Gummi Sagapani ℥iſs.

Emplastri Diachyli cum gummi ℥ſs.

M. F. S. A. Emplastrum.

Vcl

Rx. rad. lilior. alb. rec. ℥ij.

caparum sub cineribus asatar. ℥iſs.

fol. althea, flor. camomilla, meliloti an. Mj.

Coctis in aqua pura, vel cerevisia tenui ad molliorem,

& in mortario contusis adde

Farina Secaliginis

mellis virginis an. ℥ij.

unguenti Basiliconis ℥iſs.

vitellos duorum ovorum

M. F. S. A. Cataplasma.

Furunculo aperto, & expressio omni Pure, vix ulla ultra Curatio necessaria est. Equidem Puriseductio ut facilius fiat, imponendum porrò Emplastrum Diachylum cum gummi, cum Unguento Basilicone, aut alio quodam mundificativo: postea Emplastrum Diachylum simplex, vel Diapalma.

VIII. Sed malignus si sit Furunculus, & ex venenata materia


ria

ria excitatus, malignitas illa, priusquam applicentur remedia, foras trahatur admotâ cucurbitulâ cum multâ flammâ.

IX. Cæterum ut præcaveatur, ne sæpius hujusmodi tubercula infestent, præcipiunt Multi, ut Nux Moschata Mas vestibus insuatur. Sed qua vi & proprietate Amuletum hoc ab istis Satellitibus immune corpus reddere queat, Sagacioribus expendendum relinquo.

C A P. IV.

De Epinyctide, & Termintho.

I.  D Furunculum haud ineptè referri possunt Epinyctis, & Terminthus. EPINYCTIS, ex C. Celsi, Pauli Æginetæ, & Aëtii sententia, est pustula pessima, colore sublivida, vel subnigra, vel rubicunda, vel alba, circa quam vehemens suboritur inflammatio cum ingenti dolore, noctu magis affligens, cumque aperta est, intus mucosa reperitur exulceratio. Color est humori suo similis, ab eaque cruenta emanat sanies. Dicta verò Græcis *Ἐπινύκτις*, quia fere semper noctu oritur. Arabes *Effere*, *Sere*, vel *Saire* appellantur.

Epinyctis
quid.

II. Fit Epinyctis, haud secus ac Furunculus, è sanguine impuro, acri, maligno, criticè in corporis superficiem expulso.

Epinyctis
dis Cause.

III. Signa verò quibus cognoscitur Epinyctis, sunt quod pustulæ hæ sua sponte proveniant, colore sint rubicundæ, vel sublividæ, vel albicantes, atque gravius noctu quam interdiu affligant. Cæterum dolor in Epinyctide vehementior est, quam pro ejus magnitudine, cum fabâ major non sit: sponte exulceratur, & cum rumpitur mucosam parit exulcerationem, unde subcruenta emanat sanies.

Diagnosis.

IV. Equidem pustulæ hæ, ex C. Celsi sententia, maxime eveniunt in puerili ætate, rarò in medio corpore, sæpè in eminentibus partibus, & verno tempore, suntque nullius

Prognosis.

nulius periculi, nisi in curando error committatur, quamvis pravos humores in corpore redundare indicent.

Curatio.

V. In Curatione Epinyctidis, haud secus ac in Furunculo Curando, procedendum; viz. Pustula maturanda, & Puris generatio acceleranda, appositis Uvis passis contusis; vel imposito Cataplasmate ex Uvis passis, Caricis pinguibus, & Ruta viridi, simul comminutis; vel Emplastro Diachylo cum gummi, cum Unguento Basilicone; vel, ut malignitas si quæ adsit corrigatur, tali Digestivo,

R. Unguenti Basiliconis ℥j.

Therebinth. venet. ℥℔.

Theriaces Andr. ℥ij.

Mellis virginiei ℥vj.

Olei Scorpionum ℥iij.

M. F. S. A. Digestivum.

Postea ulcus mundetur Digestivo communi; Unguento Aureo vel Basilicone impleatur; atque imposito Emplastro Diapalma, vel Stryptico tandem cicatrice tegatur.

Termin-
thus quid,
&c.

VI. TERMINTHUS autem Tuberculi species est, & Epinyctidi ferè similis, cui superne & inferne nigra pustula incumbit, qua rupta infernè desquamatio apparet: dissecto autem tuberculo pus invenitur. Sed cum Terminthus ex eadem causa, qua Epinyctis, hoc est, ex adusto, acri, & venenato sanguine fiat, eademque pars afficiatur; hinc eadem Curatio ei convenit, idemque Prognosticum, quod Epinyctidi.

C A P U T V.

De Erysipellate.

I.



Umor, qui Græcis ERYSIPELAS, Latinis Ignis Sacer, seu Rosa, Nostratibus De Noose nuncupatur, ab Auctoribus malè describitur; quod sit Tumor præter naturam ex Bile ferè in solam cutem, quandoque etiam in musculos subjectos effusa, dolorem, calorem, aliaque sympto-

symptomata causante. Si namque sola Bilis in cutem effunditur Herpes, non Erysipelas oritur.

II. Sed quum vera Inflammatio, atque adeo Phlegmonis species sit Erysipelas, potius dicendum videtur, quod sit Inflammatio valde ardens, maximèque circa cutem consistens, & aliquando subiectæ carnis aliquid occupans, orta ab effuso, extravasatoque bilioso, tenuiore, & subtiliore sanguine, cum tumore vel exiguo, vel sæpè, quoad sensum, nullo; cujus color pallidior aut magis flavescent est, quam Phlegmonis, & si tetigeris facilè sanguis subterfugit, rursusque illabitur exquisitè tenuis, aspectuque rubens.

Erysipel-
tis Descri-
ptio.

III. Est autem Erysipelas duplex; verum seu legitimum, & non verum seu spurium. Verum Erysipelas simplex est, simplici fervore & rubore affectum sine ulla exulceratione, è sanguine bilioso, tenuiore, fervidiore, in quo Acidum volatile prædominatur, genitum. Non verum seu spurium Erysipelas trium vulgò habetur generum: Unum quod oritur ex sanguine bilioso, tenuiore, at acri, pungente, & rodente, qui idcirco latam, & aliquandò profundam satis efficit exulcerationem: Alterum Erysipelas spurium est sine partis affectæ exulceratione; in eo tamen exiguæ succedunt pustulæ & vesiculæ, quæ nonnihil incisæ, perforatæque Saniei aliquantulum fundunt: Tertium genus est, quod fit quidem è sanguine tenui, fervido, at simul vel copiâ peccante, vel serò abundante, vel terrestribus, acido-austeris, similibusve particulis redundante, unde Erysipelas dicitur vel Phlegmonodes, vel Oedematodes, vel Scyrrhodes.

Differen-
tiæ.

IV. Igitur verum seu legitimum Erysipelas è sanguine bilioso, tenui, subtili, fervido, in quo Aciditas volatilis abundat, generatur; qui ex minutissimis capillaribus vasculis exiliens, præ sua tenuitate & subtilitate in interiore carne subsistere nequit, sed per extremam cutem, partefque ei vicinas diffunditur, atque ardentem ibidem excitat Inflammationem.

Causæ.

V. Ardens autem illa cutis, partiumque proximè ei

sub.

Quomodo

Erysipelas à Phlegmone sit distinguendum.

subjectarum Inflammatio, Erysipelas dicta, à Phlegmone distinguitur, 1. Colore; est namque Inflammationis color ruber, Erysipelatis ex rubro flavescens. 2. Pulsatione; quæ magna adest in Phlegmone, parva vel nulla in Erysipelate. 3. Tumoris magnitudine; Etenim in insignem tumorem Inflammatio partem attollit, cum & cutem & subiectos musculos occupet; Erysipelas verò partem affectam modicè elevat, adeo ut vix appareat tumor, cum cutaneas partes solummodo ardens hæc Inflammatio invadat. 4. Calore, qui major est in Erysipelate, quam in Phlegmone. 5. Dolore, qui in Erysipelate minor est, at pungitivus; in Phlegmone tensivus, & gravativus. 6. Duritie & Mollitie; cum Inflammatio tactui non cedat, sed renitatur; Erysipelas verò si tangatur, tactui cedat. 7. Eo, quod rubedo, quæ in Erysipelate adest, si digito prematur, statim abeat, & cutis sub digito alba evadat, deinde vero mox redeat eadem rubedo, ob tenuem subtilemque sanguinem, à quo fit; in Inflammatione verò hoc non accidat, 8. Quod in Erysipelate nulla tensio, ut in Phlegmone appareat. 9. Loco affecto; Erysipelas namque loco dimovetur, serpit, & vicinas partes similiter afficit; Inflammatio autem in uno figitur loco, ab eoque nec discedit, nec dimovetur.

Signa Erysipelatis Diagnostica.

V I. Signa itaque, quibus hic affectus cognoscitur, sunt æstus ingens, dolor acris non valdè vehemens, rubedo ad flavedinem tendens, ad tactum ut facilè cedens, ita & facilè rediens, partis intumescencia, ac tensio levis, pulsatio minor; sitque invasio ejus plerumque cum Febre, nisi à causa externa oriatur.

Prognostica.

V II. Equidem rarò periculosus est affectus Erysipelas, nisi ab exterioribus ad interiora materies repellatur: periculosior verò, si circa oculos, fauces, aliasve nobiles partes consistat; aut si vulnere, ulceri, fracturæ, luxationi superveniat. Ut autem facilius tutiusque sanetur, resolutione, aut insensibili transpiratione, seu per diaphoresin terminari debet, non suppuratione, quæ in hoc affectu mala admodum est, difficilisque curationis.

V III. Ut

VIII. Ut verò Erysipelas ritè Curetur, 1. Conveniens ^{Quæ in Erysipelatidis Curatione observare oporteat.} institutuenda Diætâ, atque eadem sex rerum nonnaturalium dispensatio hic observanda, quæ in Phlegmone. Dein Antecedens Materia evacuanda Cholagogis blandioribus, Venæsectione, ac inprimis Diaphoreticis iterandis, reitrandisque.

IX. Tertia Cura erit de Medicamentis Topicis : Quæ in Principio minimè sint validè Repellentia, Exsiccantia, Adstringentia, quod illorum usu Materia acrior intrò compulsa vicinas partes corrodat, & exulceret. Sed si exiguum fuerit Erysipelas, pars affecta à nobilioribus remota, humoresque adhuc fluxerint, applicentur modicè Repellentia, at Resolventibus mixta ; ne oclusis nimium poris, hinc radiante nativo calido ferè suffocato, Gangræna accedat.

X. Pessimè quoque Ægris suis consulunt Chirurghi, qui partem Erysipelate affectam inungunt Unguento Nutrito, de Cerussa, Populeo, Rosaceo, Oleo Rosarum, Violarum, similibusve pinguibus ; utpote quæ biliosum, tenuem, fervidum, atque in partes cutaneas effusum, extravasatumque sanguinem excitant magis, incendunt, adeoque ardenti huic Inflammationi maximè adversantur, ut rectè monet Galenus *lib. 5. de simpl. Med. Facult.* Et scribit Fabricius Hildanus, *Cent. 1. observ. 82.* se observasse, Erysipelas ex Olei Rosacci inunctione in Gangrænam mutatum fuisse.

XI. Modicè ergò Repellentia, at Resolventibus Volatilibusque permixta, quæ simul Acidum volatile infringere ac mitigare possunt, hic sunt apponenda, v. gr.

℞. *Aqua florum Sambuci* ℥viij.

Aceti Sambuci ℥ij.

Spir. vini ℥iβ.

Sacchari Saturni gr. xv.

Camphora ℥j.

Misceantur pro Epithemate.

Vcl

℞. *Aqua florum Sambuci* ℥viij.

D

Vini

*Vini albi Gallici ℥iij.
Misceantur.*

Vel

*℞. Aqua florum Sambuci ℥vj.
Spiritus vini ℥j.
Camphora ʒj. Troch. alb. Rhafis ʒij.
Misceantur.*

Vel

*℞. Fol. Malva, Albæ, Parietaria, Salvia an. Mj.
Flor. Sambuci, Camomilla an. Mij.
Rosarum Rubr. Mj.
Cog. in aq. part. aq. comm. & Vini albi Gallic. ad ℥xxx.
pro Fomento.*

Vel decoquantur Flores Sambuci in Lacte Dulci, vel Ebutyrato, & applicentur.

Vel fiat Sacculus intersutus ex Floribus Sambuci, isque in Aqua Florum Sambuci, tantillo Aceti Sambucini addito, madefactus, iterumque leviter expressus calidè parti affectæ applicetur, & sæpius renovetur.

Vel dissolvatur Sapo Venetus in Aqua Pluviali, vel Florum Sambuci, atque isto lixivio imbuantur panni lanci mundi, qui dein fortissimè exprimantur, & parti affectæ calidi applicentur, ac identidem permutentur.

Sunt qui Stercus ovillum in vino aut aceto decoctum usurpant.

Alii laudant Cretam pulverisatam ope chartæ emporiticæ parti impositam.

Nonnulli Spiritum Vini, in quo Theriaca dissoluta est, linteis duplicatis aut quadruplicatis imponunt.

XII. Sed remediis hisce si Erysipelas curari nequeat, quin potius exulceretur, hoc vel simile illinatur Unguentum.

*℞. Troch. albor. Rhafis, Tutia prepar. an. ℥j.
Lithargyri ℥ss. Cernissæ ℥ij.
Flor. Sulphuris ʒj. Camphora ʒss.
Olei Rosarum ℥ij. Cera alba q. s.
Terantur diu, & exactè levigentur in Mortario
plumbeo, ac F. S. A. Unguentum.*

XIII. Sin

Erysipelas
quando
exulcera-
tur, quid
ageadum.

XIII. Sin vero in Facie fuerit Erysipelas, nulla apponenda sunt Repellentia vel Adstringentia, ne quidem Retolventibus mixta; ne materia ad Oculos, Fauces, aliasve partes nobiles pellatur. Sed imponatur Sacculus intersutus ex Floribus Sambuci, in calida Aqua Florum Sambuci, addito Vino albo Gallico, madefactus, leviterque expressus, qui identidem renovetur. Vel calidè applicetur Sacculus, subtilissimâ Tritici vel Hordei Farinâ repletus.


Erysipelas
si sit in
Facie.

XIV. Atqui cum Caput occupet Erysipelas, uti Mulieres aliquando experiuntur, nulla omninò humida sunt apponenda; sed lintea munda recenter lota, adeoque vapore Saponis perfusa, calida imponantur, sæpiusque permulentur. Vel calidè applicetur laudatus sacculus, subtilissimâ Tritici vel Hordei Farinâ repletus. Vel Lixivium fiat fortissimum ex Sapone Veneto cum Aqua Florum Sambuci; cò imbuantur lintea munda, quæ dein exsiccata, & calidè apposita, identidemque renovata, mirum in modum Ardentem illam in capitis partibus cutaneis Inflammationem discutiant, resolvuntque.

Si Caput
occupet.

C A P. V I.

De Oedemate.

I.  Edema apud Hippocratem, & plerosque Veteres Medicos generaliter denotat omnem Tumorem præter naturam. *Ὠδῆσις* namque, seu *Ὠδῆσις* nil aliud significat, nisi Eminentiam. Sed potius cum Neotericis *Oedema* nos appellabimus Tumorem ab humore pituitoso genitum.

Oedema
quid sit.

II. Sit igitur OEDEMA Tumor frigidus, pituitosus, mollis, laxis, doloris & caloris expers, plerumquè albidus coloris. Vel dicatur, Tumor præter naturam ab humore seroso aut pituitoso ortum habens, albus, mollis, indolens, prementi digito cedens, per congestionem frequentius, quam per affluxum humorum productus.

D 2

III. At-

III. Atqui distinguitur vulgò Oedema in duas species. Nimirum est Tumor hic, vel cum humore collecto cumulat, certà circumscriptione definitus, isque genuinum & legitimum dici solet *Oedema*: vel est sine ulla circumscriptione, aut humoris in unum locum collectione, sed per partem diffusus & expansus, ac rectè nuncupatur *Oedematofus Tumor*. Verum legitimumquè Oedema fit ab humore subcruento, crudo, seroso-pituitoso, subacido, à sanguine in aliquam partem secreto, ibidemquè congesto, atquè mollem, laxum, indolentem, certàquè circumscriptione definitum tumorem excitante. Tumor verò Oedematofus fit ab humore crudo, seroso-pituitoso, subacido, è Cruore itidem amandato, vel Lymphatico, per totam partem diffusum, disperfoquè; quam ita tumefacit ac distendit, ut cum digito prematur fovea quædam fiat, quæ remanet, atquè sui vestigium servat, ut in Tabidis, Cachecticis, aut aliter malè habitis indies observatur.

Oedematis
Cause.

IV. Cause ergò Oedematis sunt humores crudi, seroso-pituitosi, subacidi, in sanguine redundantes, hinc in partem quandam effusi, in eaquè Tumorem hunc per congregationem potius, quam per fluxionem excitantes. Procatartica verò, seu Primitivæ Cause esse possunt, Casus, Percussio, Aër nimis frigidus & humidus, Cibi viscosi ac glutinosi, Crapula, Somnus longior, Otium nimium, vita sedentaria, & similia, quæ sanguinem crudum, serosum, pituitosum, subacidum, producere valent.

Signa Dia-
gnostica.

V. Signa autem quibus cognoscitur Oedema, sunt Albedo, Mollities digitis cedens, ut fovea relinquatur, quod maximè proprium est Oedematis signum. Minor quoquè adest Dolor, minorquè Pulsatio.

Prognostica.

VI. Solet præsertim Oedema generari hyeme, & frequentius Senibus, corporibusquè phlegmaticis accidere. Terminatur verò pluribus modis, vel per Resolutionem, vel per Suppurationem, vel per Indurationem. Per Resolutionem seu Insensibilem Transpirationem sæpius terminatur, sæpè etiam Induratur, rarò per Suppurationem solvitur, quia ex humore oritur frigidiore ac mitiore, qui
haud

haud facile in pus vertitur : aliquandò tamen hic Tumor Suppuratur, si in calidioribus fiat partibus. Atqui in Scyrrhum aut Abscessum si abeat Oedema, difficilioris est curationis; Periculosum item si Pthisis aut Hydrops adfuerit.

VII. Oedematis Curatio duplicem sibi scopum proponit: unum, qui antecedenti materiæ se opponat: alterum, qui causam conjunctam evacuet. Antecedens materies emendabitur recto ac legitimo rerum nonnaturalium usu, qui sanguinis, aliorumque humorum dyscrasiam immutare & corrigere queat. Cibus & Potus, similiter ac Aër moderatè calefaciant, exsiccentque. Caro assata præstat elixatà. Nocent Fructus Horarii, Caseus, Pisces Marini. Nocet & quantitas Cibi Potusque nimia. Conducit Vinum, per se usurpatum, aut herbis calefacientibus alteratum. Exercitia profunt moderata. Obeft somnus longus, item Alvi durities, Quies, Tristitia, Venus.

Quæ in
Oedematis
Curatione
sunt obser-
vanda.

Dieta.

VIII. Sed præter convenientem rerum nonnaturalium administrationem Antecedens Causa corrigetur insuper, ac educetur Remediis Generalibus, quæ crudos, seroso-pituitosos, subacidos humores emendare, ac evacuare solent. At quoniam affectus hujus causa antecedens in sanguine non fervido, sed vappido, seroso, ac aliter vitioso consistit, hinc *Venasectio* nequaquam conducit, atque non nisi rarissimè in Oedemate curando instituitur. Et si aliquandò sanguis sit mittendus, id non ratione morbi, aut causæ conjunctæ, sed ratione alicujus symptomatici, aut causæ antecedentis fieri solet.

Venasectio
non con-
ducit,

IX. Frequentius verò locum habent quæ viscera roborant, obstructions aperiunt, humores seroso-pituitosos attenuant, eosque Transpiratione auctà Insensibili, promotisque tum Diaphoresi, tum Diuresi, nec non per Alvum factâ Purgatione educunt. v. gr.

Humores
in Oede-
mate præ-
parantia, ac
educuntia.

R. Rajur. Ligni Guajaci ℥iij. Sassaparilæ ℥6.

Infund. per noctem calidè in Aqua puræ ℥LXX.

Dein S. A. coq. addendo.

Rad. Fœniculi, Petroselin. an. ℥j.

Galangæ ℥ij.

Cort. med. Sambuci rec. ℥ij.

Herb. Calamenthe, Chamæpitheos an. Mj.

Baccar. Juniperi ℥ib.

Pulpa Colocynthis ℥j. vel ℥iv.

Glycyrrhyze rase ℥iij.

F. ex his S. A. Colatura ℥xxxx.

X. Corpore sic purgato, utile erit Decoctum Diaphoreticum, simulquè Diureticum, ex quo mane in lecto adhuc decumbens, & horà à meridie circiter quartà largiorem haustum calidè sumat Æger, atque matutino tempore, quousquè vires concedant, inde sudores moveat.

R. Raser. Ligni Guajaci ℥iv. *Sassaparilæ* ℥vj.

Rad. China ℥j.

Infund. ut prius in Aqua pure ℥LXX. *Dein coq. add.*

Rad. Bardana rec. ℥iij.

Parasitidis.

Bac. Juniperi an. ℥ib.

Sem. Apii ℥b.

F. ex his S. A. Decoctio ad ℥xxxx.

Quæ Topica Oedemati curando sunt imponenda.

XI. Alter Curationis Scopus est, humorem parti affectæ in hærentem evacuare Topicis admotis Medicamentis. Sint autem Ea, Incidentia, Attenuantia, Digerentia, Exsiccantia, Resolventia. Tumoribus namque à Congestione ortis Repellentia nunquam sunt imponenda. Igitur acre sumatur Lixivium, prout majore aut minore Resolutione opus est, cui admisceatur Acetum, Sal Gemmæ, aut Alumen, vel Sal commune, idquè cum nova sponsia imponatur.

v. gr.

R. Ciner Ligni Quercini.

Stiptum Fabarum

Sarmentorum Vitis an. p. æq.

per hoc transfundatur Aqua Fabrorum extinctionis Ferri calida, addito Aceti Vini modico, idquè poties fiat, donec efficaciam acquisveris Lixivium. In cuius ℥iij. dissolve

Salis Natri, Aluminis an. ℥iib.

Sulphuris vivi ℥ij. *Misceantur pro Fotu.*

Lixivii loco usurpari potest Fomentum.

R. Rad. Ebuli, Bryonia an. ℥ib.

Cu-

Cucumeris Asinini ℥j.

Herb. Absynthy, Abrotani,

Salvia, Calamentha an. Mj.

Flor. Camomilla Miß. *Rosar. Rubr.* Mß.

Sem. Cumini ℥vj.

Cog. in S. Q. Cerevisia tenuis ad ℥iiij.

Barbette Chir. part. 2. lib. 1. cap. 4. laudat Ceratum,

℞. Sulphuris crudi

Ciner Samentorum Vitis

Salis Gemma an. ℥ij.

Farina Fabarum ℥ij. *Aceti* ℥j.

Olei Nucum ℥j. *Therebinthina, & Cera q. s.*

F. ex his S. A. Unguentum vel Ceratum.

Nonnulli Olea & Unguenta calida inungunt; sed puto ea poros obstruendo, adeoque transpirationem cohibendo, parum prodesse.

XII. In statu & Declinatione non malè applicatur hoc vel simile Cataplasma.

℞. Rad. Althææ rec. ℥iß.

Bryonia, Cucumer Asinini rec. an. ℥j.

Fol. Salvia, Ruta

Flor. Camomilla an. Mj.

Coltis in Cerevisia tenui ad mollitiem, & in mortario minuium contusis adde

Farina Fabarum ℥ij.

Ciner. Ligni Quercini, Stercoris Vaccini an. ℥j.

Salis Nitri ℥ij. *Olei Anethini* ℥ij.

M. F. S. A. Cataplasma.

Alii haud absque ratione imponunt *Stercus Vaccinum calidum*, quod respectu *salis volatilis* ac *nitrosi* in eo abundantis potenter poros aperit, ac Tumorem Oedematofum resolvit, discutit. Vel Cataplasma conficiunt ex *Stercore Vaccino*, quod una cum *Aceto* frigunt, ac parum *Aluminis* & *Sulphuris* ei admiscunt. ex. gr.

℞. Stercoris Bubuli ℥iiij.

Fimi Columbini ℥ij.

Frigantur simul in sartagine cum Axungia, aut

Butyro,

*Butyro, aut quovis Oleo, vel bulliant in Oxycrato;
atque Sulphure & Alumine additis,
F. S. A. Cataplasma.*

Insuper Emplastra Resolventia utiliter imponi possunt; qualia sunt, de Meliloto, de Ranis sine Mercurio, de Spermate Cœti, & similia, quibus pro re nata & alia Attenuantia, & Resolventia addi possunt.

XIII. Scultetus *post Armamentarium Chæurgicum obs. 72.* refert, se multos Tumores Oedematosos discussisse *Calcis Aquâ* per aliquot dies usurpatâ. „ Sumitur autem, *inquit*, „ frustulum Calcis vivæ, ad quantitatem Nucis Juglandis, „ & in Aquam ferventem immittitur, donec dissolvatur, „ quo factò Calx cum Aqua agitur, & postea spontè re- „ sidere finitur. Hinc clarior Aqua, per inclinationem in „ aliud vas transfunditur, in qua spongia nova exprimi- „ tur, calidèque parti affectæ superligatur. Notandum „ verò, quod Pars Oleo Amygdalarum dulcium, vel Axun- „ gia Porcina veteri debeat inungi: facilè enim fieri potest, „ ut portio quædam Calcis, quæ est acerrima & corrosiva, „ in Aquam transfusam abierit, quæ cum Spongia applicita „ erodere, partemquè mordicare posset.

Idem *Observ. 98.* in Tumoribus Oedematosi, simulque Erysipelatosis curandis admodum extollit hoc Epithema,

R. Lixivii ex Cineribus sarmentorum viuis lbj.

Salis comm. 3j. Nitri ʒiſs.

Aceti vini optimi ʒj.

Fiat Mixtura, qua splenio duplici tepidè excepta applicetur, facisque stricte loco affecto superligetur.

XIV. Cæterum pro Crure & Pede Oedematoso, sequens aliquoties expertus sum summopere conducere.

R. Spiritus Vini optimi

Aceti Vini an. ʒviij. in iis dissolve

Salis comm. ʒiij. aut circiter.

*Hic liquor cum panno immerso tepidè applicetur. Deinde per tibia universa faciâ lineâ longâ, digitos tres quatuor-
ve latâ, à digitis pedum incipiendo, sursumquè ad genu us-
què procedendo, stricte ligetur, ita tamen ne pars affecta
nimis*

nimis comprimatur, & cavendo ne plicis aliqua in crura fiat impressio.

Si verò spernat hoc remedium Æger, vesperi cubitum iturus per semihoram pedibus insideat Balneo calido, (quod fiat ex *Semine Graminis exsiccati*, hoc est, *Fœni*, *Cineribus Ligni Quercini*, & *Sale communi*, in *Aqua pura* decoctis) & dein, pedibus mappâ calefactâ probè absterfis, in lectum se conferat, cruribusquè magis solito elevatis decumbat: manè autem fasciâ lineâ Pedes, Tibiæquè universæ dicto modo ligentur.

Attamen omnibus hisce ritè administratis Oedematofus Tumor si non discutiatur, consulendum ut *Therma Aquigranenses*, aliasve calidas adeat Æger, quæ potenter humores seroso-pituitosos discutere, simulque interna viscera suâ caliditate roborare valent.

XV. Sed Suppurationem si minetur Oedema, quod raro contingere observamus, Cataplasma imponatur, cui addantur Herbæ Emollientes, Fermentum acre, Fimus Columbinus, Unguentum Basilicon, &c.

R. Rad. Liliorum albor. recent.

Caparum sub cineribus assat. an. ℥ij.

Fol. Malva, Althea, Salvia,

Flor. Camomilla an. Mj.

Caricarum ping. No. x.

Cottis in Aqua pura ad mollitiem, & in mortario contusus adde

Farina Fabarum ℥iib.

Fermenti acris, Fimi Columbini an. ℥ib.

Unguenti Basiliconis ℥ij.

M. F. S. A. Cataplasma.

Cataplasmatris loco Emplastrum Diachylum cum Gummi applicatum Suppurationem abundè promovet.

XVI. Quum igitur suppuratum, & ad maturitatem perductum sit Apostema, curandum ut id tum loco comodo, tum tempore opportuno aperiatur. Etenim lenta frigidaque materies nos fallit non rarò, quod sua effecta extrinsecus rarius producat, quam intrinsecus, ubi partes

E

inte-

interiores paulatim sine magno dolore corrodit, exeditque. Tutius autem hujusmodi frigidum Apostema Potentia Cauterio, quam Scalpello aperiri solet; quod contrarium in calidis tumoribus observamus. Illud namque ad humorem illum frigidum, Viscidum, Pituitosum maturandum, atque ulterius coquendum non parum juvat.

Apostemate aperto, Ulcus conveniente Digestivo mundandum, & dein Sarcotica imposito Unguento carne replendum.

Sin verò alicujus Morbi Symptoma sit Oedema, ut Pthi-
seos, Hydropsis, Cachexia, vel similis, Morbus à quo
provenit imprimis curandus.

CAPUT VII.

De Tumore Flatuoso.

Flatuosus
Tumor
quid sit.



I. Umorem Oedematofum proximè excipit *Flatuosus*, qui Græcis *ὑμφομα*, *Inflatio* aut *Apostema Venosum* dicitur. Est autem **TUMOR FLATUOSUS**, qui ex Flatibus intra membranas alicujus membri partes, aut sub ipsa densiore cute, aut inter muscutorum interstia conclusis oritur. Vel *Flatuosus Tumor* nuncupatur, qui ex Flatulento Spiritu in aliqua parte coacervato gignitur. Fiunt namque Tumores hi ex vapore & Flatu, alias sub cute, alias sub membranis coercito; hinc aliquandò sævissimi excitantes dolores, ob partium exquisito sensu præditarum distensionem; divulsionemque.

Tumor hic
quomodo
nat.

II. Causa vero Flatuosi Tumoris est nativi in parte affecta caloris, vel spirituum radiantium partemque vivificantium imbecillitas, ac debiliior motus, qui seroso-pituitosum, glutinosumque humorem, è quo facillè suscitatur Flatus, resolvere & dissipare nequit. Enimverò quum crudi, pituitosi, viscidique humores in sanguine redundantes, hinc in partem quandam effusi, suâ glutinositate poros ejus obstruant, facillè datur intelligere, qua ratione tardior

tardior Spirituum vitalium per eandem partem motus, debiliorque radiatio vitiosos illos humores resolvere, & ultra promovere nequens Flatus gignat, qui membranosas intra partes conclusi Tumorem hunc excitant.

III. Cognoscitur Tumor Flatulentus, & ab aliis Tu-
moribus distinguitur, 1. quod compressus vestigium seu
foveam non relinquit, ut Oedema. 2. Quum percutitur
murmur, seu sonum quendam edat. 3. Addit Avicenna
renitentiam manus comprimentis. 4. Aut Guido, lucidum
quendam splendorem apparere in ejus summitate. 5. Non
perpetuò, sed interdum dolor adest, ob nimiam distensionem.
Interim Tumor hic nec rubet, nec calet, sed friget
potius, albetque ut Oedema. Articulos sæpè occupat,
præsertim Genua.

Diagnosis.

IV. Magnus autem Flatuosus Tumor periculosus est, Prognosis.
ob sui magnitudinem, & partem affectam debili calore
præditam. At parvi si sint hujusmodi Tumores, omnis
periculi expertes meritò censentur. Porro Hyeme fre-
quentius, quam Æstate evenire solent.

V. In Curatione generalibus circa Dietam, & intus
sumenda Medicamina roborantia ac evacuantia præmissis,
haud secus ac in Oedemate, partis læsæ meatus aperiendi,
in eaque contenta Flatulenta materies attenuanda, discuti-
enda, resolvenda. Quem in finem conducunt Calida,
Siccantia, & Attenuantia, Curminativa dicta, ut aper-
tis membri læsi poris humores flatusque dissipari queant.

Flatulenti
Tumoris
Curatio.

v. gr.

℞. *Herb. Mentha, Pulegii, Ruta an. Mj.*

Flor. Camomilla Mis.

Sem. Anethi, Flor. Rosarum Rybr. an. Mj.

Sem. Cumini ℥j. Bacc. Lauri ℥vj.

*Cog. in S. Q. Cerevisia tenuis, vel Aeq. Part. Aq. pura &
Vini Albi ad ℥iij.*

Colatura sit pro Fomento.

Egregios aliquandò vidimus successus in hujusmodi Tu-
more resolvendo solo Oleo Cucumeris Asinini illito. Potest
tamen ejus loco fieri Linimentum. v. gr.

E 2

℞. Olei

℞. Olei Cucumeris Asinini ʒvj.
Anethi, Ruta an ʒß.
Nucismoschata express. ʒiß.
Cumini Stillat. gut. vj.
Misceantur.

Barbette Chirurg. part. 2. Libr. 1. Cap. 7. laudat hoc Cataplasma

℞. Fol. Ruta, Calamentha an. Mß.
Farina Fabarum ʒij.
Sem. Anisi, Cumini an. ʒß.
Baccar. Lauri, Salis Comm. an. ʒiiij.
Nitri, Sulphuris an. ʒj.
Siercoris Caprilli ʒvj.
Olei Anethini, Nardini an. ʒj.
Vini Albi Gallici q. s.

Cog. simul S. A. & Contund. in formam Cataplasmatidis.

Conducit quoque Emplastrum de Meliloto, de Ranis cum, aut sine Mercurio. Vel

℞. Emplastri de Meliloto
de Ranis sine Mercurio an. ʒj.
Gummi Galbani in Aceto soluti ʒiß.
Pulv. Castorei ʒij.
Olei Cumini Stillat. gutt. vj.
Cera & Therebinthina q. s.

M. F. S. A. Emplastrum, extendendum in Corio.

Sed notandum ejusmodi Medicamenta actu calida parti ægræ semper imponenda esse, caloremque conservandum appositis linteis, lateribus, lagenis, similibusque rebus calentibus.

Genus inflatio quo modo curanda.

VI. Veruntamen Genu cum Flatuoso Tumore vehementer inflatum sit, nonnulli sequens commendant,

℞. Fæcis Cera novæ ex pralo ʒiß.
Mica Panis Furfuracei ʒiß.
Florum Rosarum Rubr. ʒj.
Bulliant in Vino albo, dein contendantur, & addendo
Piperis, Cariophyllorum, Nucismoschata, Zinziberis an. ʒiß
Sem. Cumini, Anisi, Feniculi, Ammii an. ʒß

Olei

DE TUMORIBUS PRÆTER NATURAM. 37

Olei Chamemelini, Anethini, Rutacei an. ʒij.

M. F. S. A. Cataplasma.

Platerus *observ. libr. 3.* Tumorem in Genu immensum, mollem, laxum, & diuturnum discussum, ac penitus curatum scribit imposito Cataplasmate ex *Radibus Bryonia, Iridis, & Liliorum* recentibus, simul confusis, atque in *Vino*, additâ etiam *Aqua vitæ* decoctis.

Vel fiat Cataplasma ex rasura *Radicis Raphani Rustici* cum *Aceto Rosaceo*, quod calidè apponatur.

Magno quoque cum levamine inflato & tumido admodum Genu aliquandò applicari jussi Vesicatorium magnum, ex *Cautaridibus & Fermento acris*, addito *Aceto*, confectum.

CAPUT VIII.

De Testudine, & Talpa sive Topinaria.



I. Ltum inter Veteres de Tumoribus hisce fuit silentium, atque illorum ne ulla quidem ab illis unquam facta est mentio; Hæc tamen Nomina à Recentioribus excogitata sunt.

Testudo & Talpa quid sint.

Testudo, ut inquit Guido, est *Abcessus magnus, humoralis, mollis, & latiori formâ in modum Testudinis*, unde denominationem sumpsit. Alii tamen definiunt Testudinem, quod sit *Tumor mollis, vel non valdè durus, satis autem magnus, in quo pinguis materia, tunica quadam inclusa continetur, qua Calvaria ita inhaeret, ut ipsam plerumque vitiet.* Talpa verò, sive Topinaria Guidoni & Aliis dicitur *Testudinis species*, & inquirunt esse *Testudinem ipsam in Capite ortam.*

II. Igitur TESTUDO seu TALPA, sive TOPINARIA dicta, est Tumor in Capite, ortus ex impuris, viscidis, glutinosis, acris-salinis, nec non acidocris humoribus, è sanguine ibidem depositis, atque intra Cranium & Cutem corrumpentibus, Testudinis seu Talpæ formam referens, vel terræ à Talpa egestæ similis. Sunt autem hujusmodi Tumores vel cum, vel sine exul-

ceratione, & cranii erosione; atque subsistent plerumque Cranium inter & Cutem, aut nonnunquam inter binas Cranii tabulas in Diploë, hinc ad crassam usque Menyngem totum Cranium non raro eroditur.

Causæ.

III. Materia ergo Tumorem hunc faciens est *Humor viscidus, glutinosus, acris-salinus, & acido-acris, exedens*, Calvariam non raro erodens, in eaque *Cariam* excitans. Causæ verò Antecedentes sunt dicti humores in corpore redundantes, qui in Capitis partes depositi exedunt, & ad subiectam usque membranam Carie frequenter Calvariam erodunt.

Diagnosis.

I V. Signa quibus dignoscitur hic affectus sunt, Tumor mollis & latus, Testudinis vel Talpæ similitudinem referens.

Prognosis.

V. Est autem periculosus hic Tumor, ne Cranium erodat atque corrumpat. Qui tamen est absque Cranii erosione & corruptione facilius curatur, quam qui Calvariæ corruptionem seu cariem jam induxit; Et si magna adsit Cranii corruptio, præstat Patientem dimittere, atque Curationem non aggredi: vel si suscipere Curationem coacti sumus, curâ tantum palliativâ uti oportet.

*Testudinis
Curatio.*

VI. Sed quanquam Testudo seu Talpa nonnunquam sit sine Calvariæ erosione & carie, aliquando cum Cranii carie & corruptione; utriusque tamen Curandi ratio communia habet præcepta. Primum in universalibus consistit, *hoc est*, in Causæ Antecedentis correctione, ac educatione legitimo rerum nonnaturalium usu, Remediisque usurpatis generalibus, haud secus ac de Oedemate curando diximus.

VII. Secundum præceptum consistit in Materiæ intra Tumorem contentæ evacuatione, dein ulceris mundificatione, hinc partis affectæ consolidatione. Id assequi debemus, vel Resolventibus, vel Suppurantibus, vel Manuali Operatione.

VIII. Si ergo Tumor sit sine Calvariæ corruptione, aut Ulcere, Incidentibus & Resolventibus, Capite XI. de Scyr-

Scyrrho proponendis, inprimis tentanda Curatio. At Resolvi si nequeat, Suppuratio promovenda imposito hoc vel simili Cataplasmate,

℞. Rad. Liliorum Alborum rec. ℥iij.

Ceparum sub cineribus assatarum ℥ij.

Fol. Malva, Althea,

Flor. Meliloti an. Mj.

Caricarum pinguium N^o. xij.

Coltis in Aqua pura ad mollitiem, Et in mortario minimum contusis, adde

Farina Fabarum ℥iij.

Unguenti Basiliconis ℥ij.

Vitellos trium Ovorum


M. F. S. A. Cataplasma.

Equidem perfecta Suppuratio expectanda non est, sed cā duntaxat incipiente, ne Carie inficiatur Cranium, profunda incisione mox Tumor aperiendus, ac porro ex arte curandus.

IX. Atqui cum Cranii corruptione si fuerit Testudo, sentit Guido palliativā utendum esse Curā: Et sanè si magna sit Cranii corruptio, solo utendum Prognostico, Ægerquē ita dimittendus, vel Cura sit tantum fucata. Verum parva si inveniatur Ossis corruptio, curandus erit Affectus, ut Fractura Cranii; sc. facta incisione, Cranium Trepano perforandum, Osquē corruptum Modiolo tollendum, vel Scalpris radendum, deinde Pars affecta detergenda, Carne replenda, eademquē tandem convenit Curatio, quæ in Vulneribus Capitis cum Cranii Fractura.

CAPUT IX.

De Atheromate, Steatomate, & Meliceride.

I.  Umores folliculis inclusi varii occurrunt, quorum præcipui sunt *Atheroma*, *Steatoma*, & *Meliceris*, atque materiæ contentæ ratione inter se differunt. Namque Folliculo quum includitur Pituita pultis consistentiam habens, Tumor *Atheroma* dicitur, ab *âripu pulticula*. Sed inclusa folliculo Materies si similis Sevo, quod *στέας* Græcis dicitur, *Steatoma* nuncupatur. At contentus intus humor quando colore & consistentia Mel refert, *Meliceris* appellatur.

Atheroma
quid sit.

II. Igitur **ATHEROMA** est Tumor indolens, Cuti concolor, in membrana seu nervosa tunica humorem continens lentum, glutinosum, similem pulci, quæ ex farina in lacte cocta conficitur. Interdum tamen in *Atheromate* juxta humorem pultaceum lapidosa quædam, duraquæ corpuscula, & alia veluti Sulphuris ramenta inveniuntur. Nonnunquam tanquam mansa essent gallinarum ossicula, sæpè etiam velut pili complicati tactui occurrunt. Vel dicatur *Atheroma*, Tumor præter naturam propriâ capsulâ comprehensus, ab humore pulci simili, sine dolore, simplicis coloris, nec digitis facile cedens, nec iis remotis faciliè iterum extuberans.

Quid Steatoma.

III. **STEATOMA** verò Tumor est præter naturam proprio folliculo comprehensus, à materia sevo simili, ejusdem ubiquè coloris, mollis, ab exiguo principio augmentum sensim sumens, digitis difficulter cedens, iis tamen remotis ad priorem magnitudinem faciliè rediens.

Quid Meliceris.

IV. At **MELICERIS** est Tumor præter naturam dolore carens, rotundus, in quo inclusus folliculo humor reperitur tenuis, mellis substantiam repræsentans. Differt autem ab *Atheromate* & *Steatomate* *Meliceris* figurâ & humoris substantiâ : Figurâ namquæ & rotundior est, & Humo-

DE TUMORIBUS PRÆTER NATURAM. 41

humoris substantiâ tenuior. Proinde Meliceris magis quam Atheroma extenditur, digitorumquë pressione celerimè cedit, atque remotis digitis ad pristinum situm pari celeritate redit.

V. Sed qua in parte hi folliculis inclusi Tumores potissimum eveniant exponit C. Celsus *lib. 7. cap. 6.* dicens, *Atheroma, Steatoma, & Meliceridem evenire posse in qualibet corporis parte.* Si tamen materia pulti, sevo, melli, vel viscidiori ovi albumini similis folliculo inclusa circa articulos subsistat, *Ganglion*, nuncupatur.

VI. Causa horum Tumorum Humor est Pituitosus, Viscidus, Glutinosus, è Cruore huc amandatus, atque in uno magis, in alio minus alteratus; qui folliculo inclusus diu paulatimquë increfcit, atque vel Atheroma, vel Steatoma, vel Meliceridem tandem producit, prout materia tunicâ suâ inclusa pulti, sevo; aut melli similis est: rarò namque aliud quid ei admixtum observatur.

Horum
Tumorum
Causa.

VII. Signa porrò quibus dignoscuntur & ab aliis distinguuntur hi Tumores, ex descriptione illorum nunc tradita satis patent. In genere verò Tumores cysti includi palam fit ex eo, quod mobiles sint, cutisque inter tractandum facilè separetur. Atqui fixi quum sint, carniquë adhærentes, nullâ eos involvi membranulâ indicium est.

Diagno-
stica.

VIII. Atheroma, Steatoma, & Meliceris, quandoquidem Tumores sunt folliculis inclusi, vix nisi per manua-lem operationem curantur; siquë inter operandum contingat, quod membranula rumpatur, aut tota non auferatur, Fistula ferè, aut Ulcus fœdum remanet, quorum difficilis & tarda plerumquë curatio.

Progno-
stica.

IX. Curationis consilium tribus hisce abscessuum generibus, Atheromati viz. Steatomati, & Meliceridi commune est, ut quod tunica illa continet Discutiat, aut Medicamentis totum cum sua tunica Exedatur, vel Suppuratur, aut Sectione auferatur. Triplici hac ratione Curatur Meliceris, utpote humorem continens liquidiozem. Sed

Curandi
Methodus.

F

Athe-

Atheroma, humorem continens glutinosiorem, vel Sectione tollitur, aut Medicamentis Exeditur seu Suppuratur, atqui nunquam Discutitur. Steatoma verò nec Discuti, nec Exedi aut Suppurari potest; at solà Manus Operà, *hoc est*, Sectione duntaxat Curatur, quoniam Sevo haud absimilis materies nec resolvi, nec suppurari aut exedi potest, semperque duriore includitur tunicà.

X. Notandum quoque hujusmodi folliculis inclusos Tumores, si recentes sint ac molles, & Resolvi, & Suppurari posse, duos verò & inveteratos solà Cheirurgià Curari. Hinc diligenter in eo laborandum, ut singulæ differentiæ discernantur. *Steatoma* quippe durius est, resistitque tangenti, & basin habet solidiorem. *Meliceris* è contrario facilè subsidet, cedit in se compressa, lenteque dissilit, citò tamen revertitur. *Atheroma* est veluti medium inter utrumque extremum.

Folliculis
inclusi
Tumores
quando &
quomodo
sint resol-
vendi.

XI. Igitur hujusmodi Tumor si mollis sit, *Resolventibus* erit tentanda Curatio, imposito scilicet *Emplastro Stiptico Paracelsi*, vel è *Ranis cum Mercurio*; vel manè diu fricetur Tumor digitis *Salivâ hominis jejuni* identidem madefactis, Cui ratione salis volatilis & spirituum in eà abundantium vis attenuandi resolvendique copiosa inest; vel post Tumoris diutinam frictionem illinatur *Balsamum Peruvianum*, quo solo scribit Barbette se aliquandò molliores hujusmodi Tumores curasse.

XII. Scultetus *post Armament. Cheir. observ. 66.* eum in finem valdè laudat *Ceratum Diasinapios*, quo duas Melicerides resolvissè scribit, alteram in Humero, alteram in Genu, ovum anserinum suâ magnitudine æquantem, quam tamen hoc solo Cerato mensis spatio integrè discussisse refert. *Ceratum Diasinapios* Aquapendens describit *Cap. de Meliceride*, & à Spigelio correctum ita proponit Scultetus *Armam. Chirurg. Tab. 43.*

℞. *Salis Gemma, Cerussæ, Lythargiri an. ʒiiij.*
Cera, Therebinthina an. ʒij.
Galbani, Opoponacis an. ʒʒ.
Pulveris Seminis Sinapi ʒij.

Olei

Olei veteris ℥ix. Aceti acerrimi q. s.

M. F. S. A. Cerasum.

Barbette hoc habet Emplastrum.

℞. Gummi Sagapani, Ammoniacy an. ℥ß.

Pulv. Euphorbiæ, Rad. Pyrethri an. ℥ß.

Sulphuris ℥iij. Olei Succini ℥j.

M. F. S. A. Emplastrum.

Alii laudant id quod sequitur

℞. Passularum majorum enucleatarum lbß.

Contundantur minutim in mortario, & addendo

Pulv. Sem. Cumini ℥iij.

Salis Nitri ℥ib.

Simul subigantur, & adhibeantur.

XIII. Alterum Curationis consilium est, ut Folliculi hi Quomodo
Caustico
exedantur,
vel Suppu-
rentur.
Caustico exedantur: viz. Cauterium in medio imponatur Po-
tentiale; aut si magnus sit Tumor multa simul admovean-
tur Cauteria, cumquæ Crusta deciderit immittantur Pe-
nicilli Unguento Egyptiaco & Apostolorum illiti, aut Melle
cum Mercurio Pracipitato. Joh. de Vigo Mensis intra spa-
tium omnes excrescentias indolenter erodit: Accipit Lineo-
rum usû detritorum & decerptorum ℥ij. Medulle Panis albi ℥iij.
Sublimati tenuissimè pulverisati ℥j. Aqua Rosarum & Plantaginis
an. lbj. omnia simul coquit in vase aneo ad consumptionem dua-
rum aut trium partium; dein expressa linamenta exsiccat in furno
mediocriter calido, quæ iterum discerpta servat in vase benè operto
ad usum, qualem ipse ita describit. Primum Defensivo vicine
partes muniuntur; deinde Ulcus quod fecit Pyroticum prædictis
linamentis impleatur, supponatur Unguentum de Tutia, vel de
Cerussa; atque ita persistendum, donec virva appareat caro, tum
Ulcus Melle Rosaceo & Therebinthina mundandum, &c.

Nonnulli Arsenico utuntur & Auripigmento, sed non nisi summo cum periculo Ea usurpantur, quia acria nimis sunt, partesquæ subiectas penitus erodunt.

Non desunt quoquæ qui Parva hujusmodi Tubercula transversim incidunt, moxque implent Alumine, aut Vitriolo nro, quæ folliculum erodunt simul, & hæmorrhagiam sistunt, vel Oleum aut Spiritum Vitrioli cum Plumacolis

ceolis applicant : Magna verò cruciatim trajiciunt duplici Setone , altero secundum longitudinem , altero per transversum.

Sin ad *Suppurationem* tendant hi Tumores , quod tamen rarò contingit , naturam Cheirurgus adjuvet Maturantibus fortioribus.

Quomodo
per Sectionem & Separationem Athetoma, Streptoma, & Meliceris auferri debeant.

XIV. At verò omnium tutissima Curationis Methodus est, *Tumores hosce per Sectionem & Separationem auferre*. Fit autem hoc modo : Primò tum ad lumen illustre, tum ad Cheirurgum quam commodissimè vel in Sella, vel in lecto collocandus est Patiens ; dein atramento signetur sectionis longitudo, quæ sit tanta, quanta est tumoris rotunditas, tum elevanda cutis, quæ incidenda vel simpliciter vel cruciatim, eaque postea circumquaque lato specillo, aut scalpelli manubriolo, aut indice digito separanda, donec integer Folliculus appareat, qui tum circa pedunculum rescandus est, simul cum Vase tumori nutrimentum adferente, ne vel minima relinquatur folliculi portio, tumorque regeneretur. Quo in casu notat Joh. van Horne in *Microtechnè*, prius arctè vasculum tumorem nutriendum esse ligandum, antequam rescetur. Hoc peracto, & folliculum postquam extraxit Cheirurgus, vulneris labia sunt conjungenda Linteolis Emplasticis in crucem appositis, &c.

Quod si Folliculus jam ruptus sit, aut per se, aut per Cheirurgi negligentiam, tum necesse est, ut vel tumor revertatur, vel Ulcus remaneat foedum, & fermè incurabile, nisi Cathæreticis absumatur folliculus. Plura de modo excidendi hujusmodi Tumores videri possunt apud Fabricium ab Aquapendente *Operat. Chirurg. part. 2. lib. 1. cap. 16.* & Scultetum *Armament. Cheirurg. Tab. 35.*

XV. Sed hujusmodi Tumor si ingentis sit magnitudinis, magnisque vas, arteriis puta, venis, nervis, adhæreat, sinendus is est, aut saltem magna in excidendo requiritur industria. Ita refert Scultetus *observ. 88.* se in externa femoris parte Atheroma ovum gallinaceum magnitudine superans excisione curasse. Et scribit Petrus de

Mar-

Marchettis *observ. Medico-Chirurg.* 21. sc Meliceridem majoris oculi anguli, ad pupillam usque protensam, illæso oculo, cum folliculo extirpassc. Atque *observ.* 24. & 25. duas non minus raras addit historias; alteram Atheromatis inferioris palpebræ, internâ parte, prope angulum majorem oculi, ab ortu geniti, avellanæ mole, in puella quinque mensium, sectione extirpati & sanati; alteram Meliceridis colli prope asperam arteriam, & venas jugulares externas, in cujus dissecto folliculo alius ejusdem generis tumor, sed minor delituit suâ & ipse membranulâ conclusus. Haud minus rarum fuit Steatoma in dorso circa finem vertebrarum colli, quod pondus librarum septem excedens, à Joanne Grifffonio Medico-Chirurgo feliciter extirpatum fuit: uti videre est apud Fabricium Hildanum *Cent.* 6. *observ.* 16.

XVI. Cæterum Tunicatis hisce Tumoribus propè accedere videntur *Propenduli*, qui non exciduntur, sed funditus amputantur; in Pusillanimis filo ad stuporem partis restricto & relicto, donec Tumor decidat; in Animosiss scalpello. Quod si post Tumoris Propenduli abscissionem, sanguis copiosè profluat, aut filum aliquid de radice relinquat, ne recidiva fiat, locus candente ferro leviter tangatur, & escara ablata, cicatrice obducatur: vel id quod ex radice relictum est absumatur admotis Cathæreticis, uti *Alumine nstro cum Mercurio præcipitato* insperso, vel *Unguento Basiliconi* admixto, sicquè imposito, &c.

Tumores
Propenduli
quo modo
tollendi.

CAPUT X.

De Ganglio, & Lupia.

I.



D Tumorum folliculis inclusorum numerum haud immeritò adjungi solent Ganglion quid sit. & Lupia. Apparet autem Ganglion sæpè in Manuum Carpis, Pedumquè Malleolis, in summa cute, nec unquam profundius delitescit; estquè secundum Paulum Æginetam, *Nervorum*

concretio ex percussu & labore proveniens; & ex Aëtii sententia, Nervi nodosa concretio ac tumor ex plaga aut labore obortus, raroque sponte proveniens. Sed perfectior erit descriptio, si dicatur **GANGLION** Tumor corpori concolor, renitens, dolorisque expers, sed vehementer pressus obtusum quendam doloris sensum exhibens, circa Articulos plerumque, partesque illorum nervosas & tendinosas, ac sæpius in Carpo existens; hinc Nostratibus non ineptè dicitur *Em Prep-hnoop.*

Partes Affectæ.

II. Partes igitur à Ganglio affectæ sunt pleræque corporis partes, præsertim verò motui dicatæ, ut Articuli, Manus, Pedes, Brachialia, Malleoli: frequentius enim Manuum Juncturas ac Talos occupat, rarius Cubitum & Caput, &c.

Ganglii Causæ.

III. Causa hujus Tumoris est *Tendinis* in Articulo *Imbecillitas*, ex Contorsione, Extensione, Ictu, Labore, Aliave simili Causa contracta; cujus occasione Fibre Motrices ita distorquentur, ut humores, inter circulandum per minimos porulos, multas obstructions pro obstaculo offendent, stagent inter Tendinis Debilitati motrices fibras, tandemque ab humoribus ultra accedentibus propellantur usque ad membranam, quæ tendinem investit, ubi, efformatâ sibi cavitare, colliguntur & concresecunt aliquatenus particulæ viscosiores & glutinosiores, ovi albumen suâ consistentiâ referentes, tenuioribus interim abeuntibus, & ita oritur Tumor hic folliculo inclusus, qui *Ganglion* nuncupatur.

IV. Equidem Alii malunt Ganglion oriri ex Lympha in partibus articularum nervosis ac tendinosis ita debilitatis & contorsis extravasata, ac in hujusmodi lentum, viscidum, glutinosumque humorem concreta, quæ folliculo inclusa, atque in articulo hærens *Ganglion* excitat.

Signa Diagnostica.

V. Signa verò quibus cognoscitur & ab aliis tumoribus distinguitur Ganglion sunt, quod hujusmodi Tumor parvus sit, cuti concolor, inæqualis, tactui renitens, dolore vacans; si tamen violenter præmatur, quendam exhibet torporis sensum; non altè, sed sub ipsa oritur cute, atque ad la-

ad latera tantum movetur, prorsum & retrorsum nequam, etiam si violenter adigas. Differt à Meliceride & Atheromate tumoris inæqualitate, & renixu, & quod non orbiculatim velut illa transfertur, sed dextorsum solum & sinistrorsum pro situ tendinis affecti flectitur.

VI. Ganglion porrò Cheirurgia, *hoc est*, Excisione raro Prognoscitur, præsertim si in quodam manus pedisve articulo situm sit: est namque, monente Paulo Ægineta *lib. 6. cap. 39.* periculum si quid illic excidatur, mutilum reddi illud membrum.

VII. Sed Ganglion ut tollatur, imponenda sunt molliendi, attenuandi, & discutiendi vim habentia medicamenta. v. gr. Methodus Curandi.

Rx. *Emplastri de Meliloto, Oxycroci, de Mucilaginis an. Part. Æq.*

Olei Petra tantillum

M. F. S. A. Emplastrum, extendendum in Corio.

Vel

Rx. *Gummi Galbani, Ammoniaci, Sagapæni in Aceto solut. an. ʒiʒ.*

Emplastri e Ranis cum duplicato Mercurio ʒʒ.

M. F. S. A. Emplastrum.

Vel

Rx. *Gummi Ammoniaci, Sagapæni in Aceto solut. an. ʒʒ.*

Liquefiant, hinc addendo

Sulphuris Vivi Pulverisati ʒij.

M. F. S. A. Emplastrum.

Eundem in finem conducit *Gummi Ammoniacum*, vel *Galbanum in Spiritu Vini dissolutum*, atque Emplastri modo impositum. Vel imponatur *Emplastrum de Ranis cum Mercurio*, & *Stricta satis ligatura*, quæ impediatur, ne viscosi denuò humores affluere, cum aliis concrefcere, sicquæ Ganglion augere queant.

Felix Platerus laudat hoc Cataplasma, quo Ganglion pugni magnitudine in utroque Genu curavit, ut refert *lib. 3. Observationum.*

Rx. *Rad.*

℞. Rad. Bryonia, Iridis Nostrat. rec. an. ℥ss.

Liliorum alborum rec. ℥ij.

Cottis in Aceto fortissimo ad mollitiem, & in mortario minutim confusis, adde

Olei Liliorum alborum ℥ij.

Gummi Ammoniaci in Spiritu vini soluti ℥iij.

Pulv. Rad. Iridis Florent. ℥ij.

M. & S. A. redigantur in Formam Emplastri seu Cataplas-
matis.

VIII. Cum igitur Remediis hisce emollitus sit Tumor, atterendus tantisper, quoad sub digito cystis frangatur; mox lamina plumbea Argento Vivo illita fortiter ipsi apprimatur, & advinciatur, quæ quod superest Tumoris tabefacere & consumere queat. Etiam crebra tantummodo Tumoris Frictione, humorisque hac illuc distractione non raro sanatur Ganglion. Et scribit Antonius Chalmeteus in *Encheiridio Chirurgico*, se Ganglia in Carpo existentia frequenter cum Saliva frictione sæpius curasse, absque aliorum medicamentorum usu.

Reincerus Solenander *Consil. Medicin. 24.* sequens commendat Emplastrum.

℞. Emplastri Oxycroci ℥j.

Gummi Ammoniaci, Bdellii dissol. an. ℥ij.

Pulv. Rad. Iridis Florent. ℥j.

Lumbricos terrestres Vino lotos & dissolutos No. iij.

Commixtis omnibus cum paucis Oleo Therebinthina & Cera nova F. S. A. Ceratum, quod extendatur in Corio, applicetur Tumori, & Fasciâ arctè constringatur.

Tumore autem Cerati ope quodammodo emollito; addit; singulis quatuor quinque, sexve diebus solutâ fasciâ, & ablato Cerato, Tumorem debere suffumigari suffitu Aceti acerrimi, cui Satureia, Origanum, vel similia incocta sunt, affusi Pyritidi, vel Lapidum Molarium frustis candentibus; dein absterso sudore, compresso attritoque satis Tumori rursus Ceratum imponi. Tandem hisce aliquoties factis præcipit, ut tenuis Plumbi lamina arctè Ganglion illigetur, qua ulterius consumatur.

IX. Sin

IX. Sin verò his modis Ganglion non cessërit, Nonnulli volunt ferro rescandum & extirpandum esse; Quorum sententiæ tamen minimè subscribimus, si in manus pedisve articulo existat, ob tendines aliasquë partes nervosas ibidem facillè læsuras. Sed potius Sectione Tumor aperiatur, atque viscoso educto humore, impositoquë *Balsamo Peruviano*, aut *Balsamo Sulphuris Therebinthinato*, Ulcus porrò curetur.

X. Jobus Mekeranus *Observ. Chirurg. Cap. 60.* prolixè docet, quomodo Ganglion in Carpo existens *Conusione* curari queat. Viz. manus plana mensæ imponatur, hinc Cheirurgus manu in pugnum contracta bis terve Tumorem vehementer contundat, donec cyllis findatur, humorquë contentus effundatur, qui dein continuo articuli motu, accedente insuper crebra partis affectæ frictione, facillè resolvitur; præsertim si hoc vel simile Linimentum frequenter inungatur,

℞. Olei Cera, Therebinthina an. ʒij.

Philosophorum ʒvj.

Vitellum unius Ovi

M. F. S. A. Linimentum.

XI. Ganglio affinis est Tumor mollis, rotundus, fermè Lupia quid Lupini figurâ, sæpius in juncturis sedem figens, qui L.U. sit. PIA, Nostratibus *Em Men* dicitur. Non differt autem Tumor hic à Ganglio, eandemquë agnoscit causam. Sed cum manus pedisve articulum occupet, *Ganglion* appellatur; atqui circa aliarum partium articulos quum emergat, *Lupia* dicitur.

XII. Lupiarum Species variæ occurrunt: sunt Nimirum maximæ, mediocres, parvæ. Aliæ porrò existunt in Lupiarum Species. partibus nervosis, nec procul ab artubus. Quædam oriuntur sub poplite, in brachii flexura, & ejusmodi locis: in omnibus namque proveniunt corporis partibus. Insuper nonnullæ basi latæ sunt, quædam angustæ, aliæ mediocri; omnes tamen in membrana conclusæ.

XIII. Ad Curationem verò quod attinet. Materia hæc Lupiæ Cu- nec Resolutioni, nec veræ Suppurationi facile cedit; sed ratio.

G

ut

ut humor evacuetur, tumor hic aperiendus est. Quod ut tutò ac feliciter fiat, tumoris magnitudo, situs, latitudo seu densitas, denique & basis seu fundamentum consideretur.

Si igitur Magnus sit Tumor, vasis majoribus, partibusve nervosis ac tendinosis proximus, sinendus is est ob periculum, quod ex Apertione facillè consequitur.

At si Parvus sit, in quacunque parte fuerit, sæpè Resolvitur comprimendo, digitis Saliva madefactis identidem fricando, frangendo tamen cystim seu folliculum, quo includitur, ut hinc illinc effusus humor dispergatur, & dein Naturæ ipsius beneficio discutiatur, resolvaturquè.

Quod si Lupia eo in loco sit, in quo validam compressionem facere non liceat, ut in Facie, Thorace, Ventre, Guttore, similibusve locis, Emplastrum aliquod in Ganglii Curatione præscriptum apponatur, quod Resolvendi vim habeat.

Scribit Riverius in *Observ. communicatis à Dionysio Pomares*, Lupias Resolutione curatas fuisse *Folis Acetosa charta madida involutis, & sub cineribus coltis*, quæ postmodum cum cineribus per cribrum trajectis incorporabantur in formam Cataplasmatidis, calidè applicandi.

Sin Lupia Mediocris sit, neque in Articulo existat, tollatur excisione, ut Atheroma, Steatoma, vel Meliceris.

Quod si basin habeat angustiores, infima illius pars ligetur, non aperiatur, neque secetur; atque singulis diebus ligatura constringatur, donec alimentum ei omninò detrahatur, sicque Lupia spontè decadat.

C A P U T X I

De Scirrbo.

Scirrhus
quid sit.

I.



CIRRHUS Græcis & Latinis ita dictus, Arabibus *Sephros*, hoc est, *Lapidosum Apostema*, Aliis *Durus Tumor* vocatur. Estque Tumor durus, remittens, doloris expers, cum

DE TUMORIBUS PRÆTER NATURAM. 51

tum sensu aut exiguo, aut prorsus nullo, ex crasso, viscido, lento, & austero humore genitus.

II. Hunc autem Tumorem ab humore melancholico, aut pituitoso, aut simul ab utroque originem habere, non sine ratione censuerunt Veteres. *Humorem* namque *Austerrum*, sanguinem faciliè in aliqua parte fundentem, simulque lympham vehementer coagulantem, *Præcipuam* existimamus *Scirrhi Causam*. Scirrhi
Cause.

III. *Austerrum*, hoc est, *Acidum potentius ac validius* nos accusamus, sive in Cruoris massa genitum, & ad partem aliquam propulsum, in eaque collectum & concretum; sive relictum ex alio Tumore nimis tardè, negligenter, vel malè Curato, quapropter faciliè in magis Austerrum desinere potest Scirrhus, ac in Cancrum degenerare, qui tandem ob summam & pertinacem Austeritatem vim Corrosivam nactus exulceratur, atque incurabilis redditur.

IV. Igitur Scirrhus aliquando est Primarius, sitque à principio, nullo præternaturali Tumore præcedente; quum Nimirum Humor ille Austerrus, Sanguinem fundens, Lymphamque coagulans, in Aliqua Parte congeritur, minimisque ejusdem meatibus inhærens Tumorem hunc excitat. Congeritur autem Humor Crassus, Viscidus, Austerrus in Partibus, vel propter Malam Viſtus Rationem, vel ob Hepatis, Lienis, aliûsve Viſceris Dyscrasiam, vel ob Hæmorrhoidum aut Mensium Suppressionem, adjuncta Partis Affectæ imbecillitate, qua vitiosi hujusmodi humores in Sanguine redundantes faciliè suscipiuntur.

V. Sed nonnunquam Symptomaticus est Scirrhus; viz. qui Malæ Phlegmonis, Erysipelatis, aliorumve Tumorum Curationi succedit, uti non rarò fit Cheirurgi imperitiâ, quod præter modum usus fuerit Narcoticis, aut nimium Refrigerantibus, vel immodicè Resolventibus, quibus tenuiores humorum particulæ discutiuntur, solis crassioribus viscidioribusque remanentibus, atque in Parte induratis.

VI. Haud ineptè ergò Scirrhus dividitur 1. in Primarium,

rium, Verum, Exquisitum, & Symptomaticum, Illegitimum, Spurium; qui magis propriè *Tumor Scirrhus* nominatur. 2. In Purum, & Impurum; qui fit, quum humori viscido, crasso, austero, Scirrhum facienti admisceatur alius humor, unde *Scirrhus* dicitur *Phlegmonodes*, *Oedematodes*, *Erysipelatodes*.

Diagnos. VII. Distinguitur porrò Scirrhus ab aliis Tumoribus hisce Signis. A Phlegmone, dolore. Ab Erysipelate, duritie & calore. Ab Oedemate, tactus renitentiâ. A Tumoribus Aquosis & Flatuosis, quod hi percussi sonitum edant, Scirrhus verò minimè. A Struma, Ganglio, Lupia, aliisque folliculis inclusis Tumoribus, sua immobilitate. Deniquè à Cancro, quod in Cancro dolor adsit pungitivus, Scirrhus autem dolore caret; dein Cancer citius augetur Scirrho, quia Materia ejus est magis mobilis.

Atquiprehenditur Scirrhus ex duritie summa, immobilitate, omnisquè doloris absentia. Et hujusmodi Scirrhusi Tumores non tantum in partibus consistunt externis, sed internis quoquè, ut in Hepate, Liene, Pancreate, Utero, aliisque.

Prognosis. VIII. Cæterum Exquisiti Scirrhi nullam admittunt Curationem, atque Remediis quandoquè ita efferuntur, ut in Cancrum transmutentur. Verum Scirrhusi Tumores, in quibus aliquis, etsi valdè obscurus, superest Sensus, aliquando, licet admodum difficulter, Curationem suscipiunt. Sed lividi coloris Scirrhus valdè periculosus est, & sæpius in Cancrum degenerat.

**Indicationes Curati-
væ.** IX. In Curatione haud neglecta legitima rerum nonnaturalium dispensatione, usurpatisque humores crassos, viscidos, austeros Præparantibus ac Expurgantibus Remediis, applicentur leviter Emollientia, Attenuantia, Incidentia, Resolventia. Fugiantur tamen nimis vehementer Emollientia, ne Tumor in Ulcus Cancrosum abeat. Vid. Fabrit. Hildan. Cent. 1. *Observ.* 89. Immodicè quoque Discutiencia caveantur, ne crassiore tantum humoris substantia remanente, discussa tenuiore, Tumor reddatur incurabilis. Validioribus namque adhibitis Digerentibus, primis diebus

diebus Cura procedere videtur: sed quod remanet, id insanabile omnino evadit, quod resolutio tenuiore, crassum restitit lapidosum. Leviter igitur Emollientia, & Resolventia, nec non Austerum Humorem Mitigantia Tumori applicentur, quale est *Emplastrum de Ranis cum aut sine Mercurio*. Idem efficiunt *Gummi in Aceto soluta*, quæ emolliunt simul, & resolvunt. Vel

R. *Gummi Ammoniacy, Galbani, Sagapæni in Aceto solut. Syracis liquida an. 3iſ.*

Emplastri de Meliloto, de Mucilaginitibus an. 3ij.

M. F. S. A. Emplastrum.

Barbette commendat Emplastrum, & Cataplasma.

R. *Gummi Galbani, Ammoniacy, Opoponacis in Acet. Sol. an. 3j.*

Flor. Sulphuris, Myrrha rubra an. 3ß.

Camphora 3j.

Olei Liliorum alborum, Axungia Anatis an. 3vj.

Cera q. s. M. F. S. A. Emplastrum.

R. *Rgd. Althææ rec. 3iij.*

Iridis 3j.

Fol. Brasica, Parietaria, Matæ,

Flor. Camomilla, Meliloti an. Mj.

Seminis Lini 3ij.

Costis in Aqua Pura ad mollitiem, & minutim confusis, addæ Stercoris Caballini rec. 3ij. Caparum coctarum 3ß.

Axungia Porci, Olei Chamamelini an. 3j.

M. F. S. A. Cataplasma.

X. Sed priusquam admoveatur Emplastrum vel Cataplasma, Nonnulli Scirrhum foveri volunt Decocto aliquo Emolliente. Alii desiderant Suffitum ex Aceto forti & Spiritu Vini super lapidem molarum, pyritem, aut laterem candentem effusis: sic namque viscidum crassumque humorem incidi, attenuari, & resolveri censent. Mox per intervalla repeti volunt Emollientia, hisquæ succedant Resolventia ad reliquam portionem, quæ simul evacuari non potuit, absumendam; Atque sic Cercilii Filio Scirrhum sanavit Galenus. Verumenimvero etsi Acetum crassos hu-

mores dissolvat, exsiccetque, quoniam equidem *Austerum*; hoc est, *Acidum Potentius & Validius* hic peccat, videtur mihi frequentem nimis Aceti usum hunc affectum augere posse, adeoque usus ejus ut mediocris sit, necesse est, id quoque monente Fabricio Hildano *Cent. 6. observ. 75.*


XI. Itaque inter Remedia Scirrhi Imponenda præstant *leviter Emollientia*, & *Resolventia*, nec non *austum humorem Mitigantia*, ita tamen ut toto Curationis decursu jungantur, modo unius, modo alterius quantitatem augendo. *Suppurantibus* verò nunquam utendum, quoniam quæ Exulcerationem, vel etiam minimam Tumoris Excoriationem promovent, faciliè Tumorem Scirrhum in Ulcus Malignum & Cancrosum degenerare faciunt.

XII. Sunt qui *Excisionem* vel *Inuisionem* tentant, sed nimis audacter, nisi proprio contineatur folliculo, tuncquæ Scirrhi nomen talis Tumor minimè meretur. At quam periculosa sit Scirrhi Tumoris Excissio docet Fabricius Hildanus *Cent. 3. observ. 82.* exemplo cujusdem, qui, cum ipsi excidendus esset Tumor Scirrhus ex interna Femoris parte, inter operandum Animam DEO reddidit. Insuper docet idem *Cent. 2. observ. 80.* quomodo incipiens Mammarum Scirrhus ex lacte coagulato fuerit sanatus. Et *Cent. 3. observ. 79.* Scirrhi gravissimi in Carpo Curationem tradit. Quemadmodum *Cent. 2. observ. 49.* Scirrhi Lienis compendiosam describit curationem.

CAPUT XII.

De Tumore Aquoso.

Aquosus
Tumor
quid sit.

I.  Arcus Aurelius Severinus *Synops. Chæirurg. l. 1. p. 48.* *Aquosum Tumorem* definit, quod sit *Serosi & Aquosi Humoris in aliqua corporis parte præter naturam Collectio, cum ejusdem partis secundum quantitatem excessu.* Sed potius dicatur TUMOR AQUOSUS aut SEROSUS, Humoris Aquosi seu Serosi in aliquo corporis membro Collectio,

lectio, mollis, sine dolore, digitis facile cedens, at illico resiliens.

II. Redundantia igitur Serosæ Humiditatis in corpore Huiusmodi Tumoris Causa est, orta ob læsam Sanguificationem, quâ loco laudabilis, dulcis, ac balsamici sanguinis, cruor generatur vitiosus, vappidus, aquosus; qui crudas, quibus scatet, humiditates in aliquam corporis partem effundit, in qua cæ Tumorem hunc per Congestionem excitant.

Quomodo
fiat.

III. Distinguitur vero Tumor Aquosus 1. ab Oedemate, quoniam dum comprimitur, comprimentis vestigium ac fovea in eo non relinquitur, ut in Oedemate. 2. A Tumore Flatuoso, quod percussus Sonum non edat, veluti Flatuosus Tumor. 3. A Phlegmone & Erysipelate, quia istis in Tumoribus dolor adest, minime autem in Tumore Aquoso. 4. A Scirrho, quoniam tactui non renititur, veluti Scirrhus.

Diagnos.

IV. Signa porro quibus cognoscuntur Aquosi Tumores sunt, quod ii legitimo ac exquisito Oedemate sint laxiores, molliores, minusque tactui renitentes, quamvis prementis digiti vestigium non remaneat, sicut in Oedemate. Insuper si percutiantur vel premantur Aquosi Tumores, instar murmurantis aquæ sonitum reddunt. Caterum minus turbidi sunt Oedemate, & si quis ad lucem ipsos intueatur, perlucet & splendidi apparent. Denique peculiare huiusmodi Tumorum signum est, quod cum pruritu fiant; ob salsedinem scilicet; quæ serosæ adest humiditati.

V. Tumores Aquosi, qui ob viscerum quorundam dyscrasiam, atque adeo læsam sanguificationem fiunt, periculosi sunt, non ratione tumoris, sed ratione principum partium affectarum: ii autem qui à nullo viscerum vitio foveantur, periculosi non sunt. Difficulus tamen curantur omnes Aquosi Tumores, imprimis circa Articulos, & in illis.

Prognosis

VI. Curatio Aquosi Tumoris eadem ferè est ac Oedematis, & Tumoris Flatulenti. Consistit nimirum in ablatione Causarum. Est autem Causa humiditas tum universalis,

Scopi Curativi.

salis, in toto corpore redundans; tum particularis, quæ ipsum parit Tumorem. Hinc duplicem quoque sibi scopum proponit curandi methodus: unum, qui Serositatibus in toto redundantibus sese opponat: alterum, qui humiditatem Tumorem facientem evacuet. Serositates in toto redundantes amoveantur rectè & legitimè rerum non-naturalium dispensatione, nec non Generalibus usurpatis Remediis, quæ Antecedentem hanc Materiam emendare ac evacuare possint, haud secus ac de Oedemate curando diximus.

VII. Equidem Conjuncta Causa è parte affecta evacuabitur Topicis admotis Digerentibus, Exsiccantibus, Resolventibus. v. gr.

*R. Emplastri de Meliloto, de Cumino
de Mucilaginibus, an. ʒb.*

Pulv. Castorei ʒb.

*M. F. S. A. Emplastrum, extendendum in Corio.
Barbette eundem in finem sequentia commendat*

R. Thuris, Mastichis, Myrrha an. ʒb.

Sercoris Caprilli ʒib.

Sulphuris Vvvi, Salis Communis,

Sem. Cumini an. ʒiij.

Camphora ʒb.

Therebinthina, & Cera q. s.

M. F. S. A. Emplastrum.

R. Sercoris Vaccini ʒb. Columbini ʒij.

Sulphuris Vvvi ʒb. Salis Nitri ʒij.

Mellis, Aceti an. ʒib.

Farina Fabarum ʒij.

Baccar. Lauri, Sem. Cumini an. ʒb.

Olei Anethini, Nardini an. ʒj.

Vini albi Gallici q. s.

M. F. S. A. Cataplasma.

Alii laudant ea quæ sequuntur

R. Salis nitri ʒx.

Piperis, Baccar. Lauri an. ʒj.

Olei Laurini ʒvj.

Cera

Cera q. s. M. F. S. A. Linimentum.

Rx. Sem. Sinapi, Urtica,

Sulphuris Vivi, Spuma Maris, Bdellii,

Rad. Aristolochia Rot. an. ʒj.

Gummi Ammoniaci, Olei Veteris an. ʒij.

M. F. S. A. Ceratum.


Sed præter descripta nunc Medicamenta, omnia illa quæ in Oedemate & Tumore Flatuoso curandis exposuimus, huc quoque referri possunt.

VIII. Quod si nec ita Tumor Aquosus cedat, aperiendus est Scalpro, seu potius Potentiali Cauterio, ut de Oedemate docuimus.

Insuper ad Aquosos Tumores curandos, consulendum sæpe ut *Thermas Calidas* adeant Ægri, *Aquiugranenses* puta, *alsasve Sulphureas & Aluminosas*, quæ humiditates potenter discutere, suæque caliditate debilitata viscera simul roborare queant.

C A P U T XIII.

De Hydrocephalo.

- I.  D Aquosos Tumores quum adscribi soleant Hydrocephalus, Hydromphalus, & Hydrocele, Tumores scilicet manu quoque Chæirurgi curandi, de iis ut in specie quædam dicamus ordo postulare videtur.

Hydrocephalus igitur *Aquosum Capitis Apostema*, seu *Aquosus* Hydrocephalus quid sit. *qua in Capite reperitur* dici consuevit. „Congregatur autem interdum, inquit Manardus *Epistol. Med. lib. 7. Epist. 2.* „in capitibus præsertim puerorum Aqua in medio „aut cutis, aut pericranii, aut hujus& ossis, quam *ιδροκεφαλον* Græci vocant. Pariter Galenus Aquam in capite extra cranium interdum esse admittit, tuncquæ mollem apparere tumorem; aut quandoquæ sub cranio existere, neque tum foris conspici; vel nonnunquam utrobiquè inesse. Asserunt porro nonnulli, ejusmodi morbum nequaquam fieri,

fieri, neque inchoari, nisi in recens natis puerulis, idque ex morbi hujus causis ritè pensculatis constare putant; nihilominus tamen observatum fuit, pueros septem, octo, decem, duodecim annorum hoc Affectu laborasse.

II. Est autem HYDROCEPHALUS Tumor Aquosus, vel totam exteriorem capitis partem, vel majorem ejus portionem occupans; hinc quibusdam haud immeritò *Hydrops Capitis* appellatur.

Hydrocephali Causa.

III. Causa itaque hujus Affectus est Humor Aquosus in toto corpore redundans, hinc in capitis partes, exteriore plurimum, effusus, qui nonnunquam serosus, aliquando pituitosus & subcruentus, semper verò lentus ac subviscidus existit.

Partes affectæ, &c.

IV. Cæterum quatuor hujus Affectus enumerari solent differentiæ, desumptæ ex sede diversa. Aliquando namque aquosus humor inter cutem consistit & pericranium, tuncque mollis est tumor, doloris expers, eique impressa digitorum in hærent vestigia. Nonnunquam pericranium inter & cranium humor colligitur, estque Tumor magno cum dolore, neque tam facili tactui cedit. Aut inter cranium & crassam menyngem; Vel sub menyngibus in ipsius cerebri ventriculis humor continetur, atque tum foris nulla tumoris mollities est, sed suturarum cranii dehiscencia sentitur, quemadmodum visum fuit in bienni puella, cujus meminit Andreas Vesalius, intra cujus cerebri ventriculos novem propè aquæ libræ deprehensæ fuerunt, uti refert *Humani corpor. Fabric. lib. 1. cap. 5.*

Prognosis.

V. Equidem Aquosus Humor si extra cranium hæreat, Hydrocephalus aliquando curatur, nisi ob tenellam patientis ætatem remedia adhiberi nequeant. Sed sub cranio, vel ipso in cerebro si humor collectus sit, lethalis est affectus: hinc rectè ait J. C. Arantius *lib. de Tumor. pr. nat. cap. 1.* „ eorum, qui ab interna causa Hydrocephalo corripiuntur, „ & præcipuè altius latitante malo, neminem evasisse vidi. Si Apoplexia aut Lethargus accedat, mors præ foribus est.

Hydrocephali Curationis.

VI. Ut autem tollatur hic Affectus, Antecedentes Causæ primo sunt removendæ. Quem in finem circa Victum, Resque

Resquæ cæteras Nonnaturales; & circa Remedia Universalia, si Ægrotans adultus sit, eadem conveniunt, quæ pro Oedemate curando proposuimus. Sin vero infans sit, Nutrix parcè tenuiterquè vivat, & siccantibus utatur, humectantia fugiat, ac parum bibat; dein curandum ut tum Infanti tum Nutrici alvus semper libera sit.

VII. Sed ad Continentem Causam ex parte læsa tollendam, duplex occurrit Curationis Methodus. Altera est, quæ Topicis convenientibus absquæ manuali operatione omnem humiditatem absumit. Altera vel unicâ incisione, vel pluribus scarificationibus aquosam materiem educit. Prima Curationis Methodus sanè tutior est, in Puerulis præsertim natu minoribus; atquæ poros cutaneos Aperientibus, Materiamquæ Conjunctam Attenuantibus & Resolventibus perficitur, sub quacunque formâ Capiti applicentur. ex. gr.

Prima Curationis Methodus.

℞. Rad. Calami Aromat. ℥iij.
Fol. Betonica, Majorana, Salvia, Rosmarini,
Summ. Anethi an. Mj.
Flor. Stachados Arab. Mß.
Bacc. Juniperi ℥ß.
Sem. Cumini ℥iij.
Cerevisia tenuis vel Vini albi Gallici ℔iiij.
Coq. S. A. in Diplomate pro Fotu.

Hoc Fomentum cum pannis lanceis Capiti calidè admoveatur, ac identidem renovetur, exactè interim cavendo, ne unquam refrigeretur. Et quia sæpè id prohiberi nequit, hinc Fomenti loco Capiti imponatur Cucupha ex Folis Majorana, Betonica, Salvia, Calamentha, Floribus Stachados, Lavendula, Rosis Rubris, Nucemoscata, &c. quæ sæpius permittetur.

VIII. Malunt alii totum caput linimento inungere,

℞. Olei Cucumeris Asinini ℥j.
Ruta, Anethini an. ℥ß.
Absinthii stillat. gutt. xv.
M. F. Linimentum.

eiquè inunctione factâ mappam probè calefactam, vel modo laudatam Cucupham imponere.

In Adultionibus haud inutiliter *Spiritu Vini calido* caput fricari solet, quod tamen non temerè in Infantibus tentandum.

J. B. Cortesius laudat Unguentum à Foresto descriptum & probatum, quo spatio trium dierum, in puero quindecim dies nato Hydrocephalum se curasse refert,

R. Pulv. Absynthii.

Flor. Camomilla aut Meliloti an. Zij.

Butyri recent.

Olei Camomilla aut Anethini an. Zijij.

Cera parum q. s.

M. F. S. A. Unguentum.

Alii Cataplasma ex Cephalicis in Vino coctis compositum, & capiti applicatum multum laudant.

Cataplasma ex *Cochleis cum Decocto Cephalico minutim contusus* extollit Avicenna, eoque Ægram se sanasse refert Carolus Piso.

Altera Curationis Methodus, quæ Manuali Operatione peragitur.

IX. Sed Remediis hisce si morbus non cedat, ad alteram Curationis partem, Cheirurgiam puta, deveniendum est, quæ proponitur ab Aëtio & Paulo Ægineta, dicendo: „ quod ubi aquosa materia inter cutem & pericranium, vel „ inter pericranium & cranium continetur, & quando tumor parvus est, apex ipsius unica incisione per diametron à parte postica ad anteriorem ducta incidendus. Si „ vero materia inter pericranium & cranium contineatur, „ & tumor major sit, duas per medium se mutuo secantes, „ crucis instar incisiones moliemur, vel triangularis formæ. Sin grandior adhuc sit tumor, ternas literæ H figuram æmulantes, aut etiam plures juxta tumoris magnitudinis proportionem.

X. Equidem Curatio hæc, quæ per Incisionem fit, quamvis à gravissimis descripta sit Auctoribus, cum vix tutâ sit, mihi non probatur; atque de periculosa illa Hydrocephali apertione testatur Fabritius Hildanus *Cent. 3. obs. 17.* imprudenter illos agere, qui in Hydrocephalis multa


multa promittunt, sectionemque tentant. Si tamen per imposita exsiccantia & resolventia medicamenta aquosus humor absumi nequeat, atque adeo Cheirurgia requiratur, præstat in pluribus capitis locis maximè tumidis (cavendo à musculis temporalibus) cum Phlebotomo parvas facere incisuras, quales in Venæsectione, aut partis post appositas cucurbitulas scarificatione fieri solent: Deinde mappæ sicæ ac probè calefactæ imponantur, quæ identidem, quoties à suscepto humore seroso madefactæ sunt, permutentur, usque dum omnis aquositas ablata, & Hydrocephalus sanatus sit.

XI. Alii Causticis capitis cutem aperire, vel Actuali Cauterio inurere, quinque, sex, pluribusve in locis suadent: sed videtur talis Chirurgia meritò suspecta, & ob Cerebri vicinratem admodum periculosa. Atqui potius usu venirent Vesicatoria, Fonticuli, Setacea.

XII. Si sub cranio, viz. crassam menyngem inter & cranium, vel sub menyngibus ipso in cerebro hæreat aquosus humor, nulla tentanda Cheirurgica Operatio, sed per sola Topica est procedendum, & reliquum opus naturæ committendum: rectè namque inquit Ambrosius Paræus *Cheir. lib. 7. cap. 1.* ex tumore & humore intus sub cranio contento neminem convaluisse vidi. At de variis, nec non monstrosis Hydrocephalis videantur Scenkius *obs. Medic. libr. 1. p. m. 10. 11. 12.* Fabricius Hildanus *Cent. 1. obs. 10. Cent. 3. obs. 17. 18. 19. Cent. 4. obs. 10.*

CAPUT XIV.

De Hydromphalo, & Hydrocele.

- I.  YDROMPHALUS seu AQUO-
SUS UMBILICI TUMOR est Hydromphalus.
Tumor ille, qui ob Aquosæ Materiæ intra Umbilicum collectionem oritur ac fit, & à Nonnullis *Umbilici Procidencia* nominatur.

- II. Quæ verò sit hujusmodi Tumoris Causa, indicare Ejus Causæ Signa, &c.
videtur

videtur Aëtius, dicens : „procidunt pueris umbilici, dum „aut in diurno ejulatu, & multum distenduntur, aut „ex plaga, aut casu. Sed fit Tumor hic, ex aquoso humore peritonæum inter & rugosam umbilici cutem collecto, hinc Umbilicum ita distendente.

III. Signa verò quibus dignoscitur hic Tumor sunt manifesta, quoniam Umbilicus turgidus & prominens apparet, talisque Tumor laxus est, & si prematur, quædam Aquæ fluctuatio per sentitur, atque ad digitorum compressionem neque minuitur, neque incrementum, neque occultatur, apppositoque lumine perspicuus apparet.

IV. In puerulis hujusmodi Tumor facile curari solet, estque ferè sine periculo. Topica imponantur, quæ Exsiccandi & Resolvendi vim habent, quæquæ in Aquosi Tumoris curatione modo proposuimus, ac in Aquosæ Herniæ tractatione porro proponemus.

Hydrocele. V. HYDROCELE autem Tumor est Aquosus, qui Scrotum replet, dilatat, distendit; unde & *Aquosa Hernia* dici consuevit.

Ubi aquosa materia colligitur. VI. Colligitur Aquosa hæc Materies non fluctuans in Scroto, inter Darton tunicam & Cutem, neque Darton inter & Erythroidem membranam; sed inter Erythroidem seu Vaginalem, & Albugineam seu Nerveam membranam, tanquam intra sacculum concluditur.

& quomodo. VII. Accidit hic Tumor frequenter cum Hydrope Ascite, serositatibus ex Abdominis cavitate per peritonæi processum solito laxiores in Scrotum affluentibus, & spatium illud, quod tunicam vaginalem inter & albugineam est, replentibus ac distendentibus, hinc ut Testiculi in Aquis fluctuare videantur. Aliquando etiam fit Hydrocele sine Hydrope Ascite, quando aquosa materies, ob læsam sanguificationem toto in corpore redundans, tum per vasa sanguinea, tum per lymphæductus intra proximas Testiculorum membranas deponitur, quæ ibidem congesta Scrotum sensim distendit, atque Tumorem hunc efficit.

Diagnos. VIII. Facile verò dignoscitur, & ab aliis tumorum generibus distinguitur Hydrocele. Sensum namque sine magno

magno dolore augetur Tumor, gravis est, seu ponderosus, vitreâ ferè claritate pellucidus, quod opposito candelæ lumine facilè cognoscitur: pressio quocunque modo Scroto, aqua undiquè movetur, nisi fortè nimia copia universi Scroti capacitatem distendat & occupet. Rarissimè tamen in Abdomen compelli potest, uti Omentum, vel Intestinum; quia Tumor Scroti Aquosus sæpius oritur peritonæi processu rectè sese habente & minimè relaxato: alioquin enim in Abdominis cavitatem facilè compelli posset Aqua, uti cernitur si accidit Hydrocele cum Hydrope Ascite.

IX. Differt igitur Aquosus Scroti Tumor ab Hernia Intestinali, quoniam in Hernia Aquosa tumor ferè semper ejusdem magnitudinis est, & nunquam ex toto remittit, quod contrarium accidit in Intestinali. Differt etiam ab Hernia Omentali, quoniam inguen in Hydrocele plerumque secundum naturam sese habet, quod non evenit in Omentali. Distinguitur itidem ab Hernia Ventosa, *hoc est*, Scroti Tumore Flatuoso, quoniam in eo tanta non cernitur pelluciditas, quam in Tumore Aquoso, & subito fit.

X. Hydrocele porrò pro Causarum varietate nunc *Prognosis.* magis nunc minus periculosa est: quæ enim cum Hydrope conjungitur, non curatur, nisi sanato prius Hydrope, ejusdemque causâ ablata. Nam licet aquosus humor vel discutiatur, vel Scroti apertione evacuetur, novus tamen rursus affluit. Si vero Causa Aquam generans minus gravis sit, facilius curatur. Equidem inveterata Hydrocele, ne Testes corrumpantur, haud immeritò suspecta est.

XI. In Curatione autem Herniæ Aquosæ, *Medendi Methodus.* Universalibus ad tollendas Causas Antecedentes haud neglectis, ut de Oedemate, nec non de Tumore rum Flatulento, tum Aquoso curandis dictum fuit; vel Topica Scroto prætumido applicentur Calida, Siccantia, Resolventia, Digerentia, contentam adeo in eo aquositatem Absumentia; vel Scroti quocunque modo Apertione aquosa materies educatur.

XII. Fal-

XII. Fallopius *tom. 2. tract. de Tumor. p. n. cap. 34.* haud abs re duplicem statuit Herniam Aquosam; Unam, in qua dilatato nimium peritonæi processu, aqua ex Abdominis cavitate in Scrotum descendit, adeoque fluere & refluxere potest: hæc autem non curatur, nisi prius ex Abdomine omnis educatur aqua.

Altera Herniæ Aquosæ species est, in qua nimium non aperto peritonæi processu, aquosa materies per extrematum sanguineorum, tum lymphaticorum vasculorum oscula in Scrotum, vaginalem inter & albugineam testiculi tunicam, effunditur. Atque in hac specie Topica Medicamenta Calida, Resolventia, & Digerentia adhibita multum profunt, eaque semper experiri oportet, priusquam ad Scroti apertionem veniamus. v. gr.

℞. Rad. Cucumeris Asinini ℥j.

Fol. Calamentha, Abrotani, Ruta,

Sum. Anethi,

Flor. Camomilla, Rosar. rubr. an. Mj.

Sem. Cumini ℥vj.

Coq. in Aqua pura & Vini albi an. p. æq. ad ℥xxx.

Colatura sit pro Fomento.

Magnæ quoque efficacitæ talia dicuntur medicamenta, si Aceto incoquantur.

℞. Rad. Cucumeris Asinini

Bacc. Lauri, Sem. Cumini, Agni Casti an. ℥℔.

Fol. Lauri, Ruta, Rosmarini an. Mj.

Decoq. in Aceto ad ℥xxx.

Colatura Pars Affecta cum Spongia foveatur.

Vel Fomentum fiat ex Lixivio Cinerum Sarmentorum Vitis, in quo Similia cocta sint, nec non Sal, Sulphur, aut Alumen liquatum fuerit.

Etiā Litus hic multum profunt. ex. gr.

℞. Olei Cucumeris Asinini ℥j.

Ruta, Laurini an. ℥℔.

Cumini Stillat. gutt. x.

Misceantur pro Linimento.

Laudant Alii Cataplasma ex Stercore Vaccino, mixtis Cineribus

DE TUMORIBUS PRÆTER NATURAM. 65

ribus Plantarum Digerentium, aut Seminibus Ruta, Vticii, Cuminis, Baccis Lauri, Juniperi, similibus.

Nonnulli imponi volunt Emplastrum de Meliloto, de Cuminio, vel simile.

Scoltzius *Consil. Medicin.* 131. vehementer laudat id, quod sequitur,

℞. Rad. Cucumer. Asin. rec. contus. & in Aceto Scyll. macer. ℥ij.

Mellus Despumai ℥ij.

Misceantur, & bulliant in Cerat consistentiam, addendo in fine Sem. Cuminis subst. pulv. ℥iiij.

M. F. S. A. Emplastrum.

XIII. Sin his, similibusve remediis Tumor resolvi nequeat, ad Cheirurgiam, hoc est, Scroti Apertionem veniendum. Quo modo autem & ordine Scroti Apertio instituenda sit, docent Paulus Ægineta *lib. 6. cap. 62.* & C. Celsus *lib. 7. cap. 18.*

Nonnulli Scalpello Scrotum aperire solent, cui tamen methodo vix assentimur, quoniam Id ex collecta aqua distentum admodum, & flaccidum difficulter consolidatur; atque non raro ob Partis Affectæ porositates obstructas, spirituumque per eam radiationem valde imminutam Gangræna accedit.

Alii hanc apertionem Caustico, vel Ignitis Ferramentis efficiunt, atque apertum diu servant foramen Cannulâ immissâ Argenteâ vel Plumbeâ.

Quidam Scrotum aperiunt, Acum filum duplicatum vel quadruplicatum ducentem Setacci in modum trahiendo, & quotidie bis terve protrahendo.


Avicenna in Inguinis regione candentibus ferramentis inurit, ut pars corrugetur, ne aqua iterum descendere possit.

Sed potius Scrotum aperiatur Acu perforatâ Barbetianâ, vel Blockianâ, sicquæ aquosa educatur materies. Atque hac methodo sæpius Hydrocelen curavimus, eduximusque aliquandò ex Scroto tres, aliquando quatuor Aquæ libras. Etiam nunc inter mortales versatur Vir Septuagenarius, cui singulo præter propter biennio Scro-

tum perforatâ acu aperiri solet, ad collectam in eo aquam evacuandam. Similiter Fabritius Hildanus *Cens. 4. Obs. 66.* scribit, se novisse Virum Sexagenarium, cui ob Herniam Aquosam singulis annis Scrotum ex inferiore parte perforabatur, & serofus humor evacuabatur, ac postea ad cicatricem ulcus perducebatur: additque hominem illum ad summam pervenisse senectutem. Equidem circa Scroti Apertionem utiles quasdam admonitiones & observationes proponit idem Hildanus *Cens. 4. obs. 65. 66. 67. 68.*

CAPUT XV.

De Bubone.

I.  Ippocrates Magnas in Emunctoriis sitas Glandulas vocat *Bubones*, tractato nomine ab affecta parte, quandoquidem illarum Inflammatio *Bubo* nuncupari solet. Ita Galenus *libr. 2. ad Glauconem cap. 1. & de differ. Febr. lib. 1. cap. 5.* inquit, *Bubo est Glandularum seu Glandulosarum Partium Inflammatio.* Et *lib. 11. de Meth. Med. ait, Bubonem esse Affectionem Corporis Glandosi, & quandoque Pestifera Febris associari.*

Bubo quid sit.

II. Est igitur BUBO Inflammatio, seu potius Tumor præter naturam Glandularum rubicundus, dolens, renitens, ex impuro sanguine criticè in illas expulso ortus. Hinc Pars Affecta in Bubonibus sunt plerumque Glandulæ pone Auriculas, sub Axillis, aut in Inguinibus sitæ: aliis namque in glandulis vix unquam, aut saltem rarò Bubones fiunt.

Bubonum Differentiæ.

III. Hujusmodi verò Glandularum Tumoris quædam dantur Differentiæ. Enimvero minor si sit Tumor, minusque dolens, facilè tamen suppurctur, *Phyma* dici consuevit. Sin ad Erysipelatis naturam magis accedat, nequè facilè suppuretur, quin potius discutiatur, *Phygesblon* appellatur. Si sub Maxilla existat *Pannus*; atqui post Auriculas *Parotis* nominatur.

IV, In-

IV. Insuper Bubones alii critici sunt, alii symptomatici: & horum alii contagiosi, alii non contagiosi. Qui contagiosi, alii Pestilentes sunt, quia Pestilentes sequuntur Febres, atque vulgò *Bubones Maligni* seu *Pestilentes*, Belgis ~~Pest-Bubon~~ nuncupantur. Alii non sunt Pestilentes, qui *Veneri* seu *Gallici Bubones*, Nostratibus ~~Clap-Doren~~ appellantur, cum à Gallica Lue proveniant.

V. Generalis ergò Bubonum Causa est Sanguis Viti- Causæ.
tiosus, Acefcens, dictas in Glandulas naturæ robore expul-
sus; qui illic hærens, cum propter abundans *Acidum*
sanguinis formam amiserit, atque suppuretur, Tumorem
hunc excitat.

VI. Causa verò Efficiens est partium internarum ro-
bur, quæ in Glandulas, ceu vera Emunctoria, vitiosos
ablegant humores. Sed quod in Glandulis tantum Bubo- Cur Bu-
bones in
Glandulis
contin-
gant.
nes contingant, ratio est, non quod destinatione quadam
naturæ cruoris recrementa has in partes deferuntur; at
cum vitiosæ particulæ ubique passim in sanguine scatent,
in Glandulis, ceu partibus laxioribus, velut in communi
foco promptius aggeruntur, præsertim quum sanguis illic
ad arteriolarum extrema delatus, difficulter & non ita
promptè suscipitur, ac refertur à venis: atque hoc circa
Glandulas fieri experientiâ, & hodiernorum Anatomico-
rum observationibus liquidò constare putamus: quare
cum in locos Glandulosos vitiosi in toto corpore scatescentes
humores promptius, quam alias in partes deponuntur,
impuritatibus velut nidus ibidem conflatur.

VII. Ita *Pestilens Bubo* fit, quando particulæ venenatæ Bubo Pe-
stilens.
& malignæ in Glandulas pone aures, aut sub alis, aut in
inguinibus, aut in collo sitas, naturæ robore expelluntur.

VIII. Atqui *Venerius Bubo* plerumque in inguine fit, Bubo Ve-
nerius.
estque Tumor, qui nec sponte, intimoque vitio, nec
ullo simplici tactu, congressu, aut corrupti aëris in-
ductione, sed impuro duntaxat concubitu contrahitur:
atque adeo Efficiens ejus Causa haud immeritò censetur
maligna & venenata quædam labes, quæ coitu in Pené
primum accepta, nonnunquam pustulis, tuberculis, &

ulceribus ipsum conspurcat, & sese manifestò prodit, antequam partium continuatione altius in corpus propagetur: nonnunquam verò, Penè adhuc integrò, clanculum penitus sese insinuans, intestinas partes primum afficit, foedatque, nullis adhuc notis extrinsecus conspicua. Quæ si exigua infirmiorquè est, corpus verò sanum & firmum, humorum vitium atque corruptela parva consequitur, quam natura suis facultatibus tanquam copiis nixa, in partes externas, Inguinum puta Glandulas deponit, unde *Bubonem Venereum* nasci contingit.

Signa Diagnostica.

IX. Equidem varia hæc Bubonum genera facile dignoscuntur, & Signis à se invicem distinguuntur. Ita Symptomati, non tamen Contagiosi Bubones cognoscuntur ex tumore, rubore, dolore, calore, tensione, renitentia, pulsatione, quibus sæpè Febris adest. In Critico Bubone eadem adfunt Signa; sed insuper adjungitur præcedens morbus, per erumpentem Bubonem morbi sublevatio, & dein ab eodem morbo liberatio.

Pestilentis Bubonis Signa sunt, quod conjuncta sit Febris Maligna, Pestilens, Malignis Symptomatibus, ut Nausæa, Vomitu, Cordis Oppressionem, Animi Deliquio, & similibus, quæ in Peste observari solent, comitata: insuper si Ægrotans versatus fuerit in aëre pestilenti, aut in loco, in quo plures Peste sunt correpti.

Veneri Bubonis Signa sunt, non solummodo tumor, dolor, rubor, calor, & alia proposita; sed Coitus cum Persona Gallica Luc infecta: nonnunquam & alia adfunt Luis Veneræ Signa, ut Penis Ulcera, Virulenta Gonorrhæa, Dolores vagantes & noctu magis affligentes, pilorum deslivium, &c.

Prognostica.

X. Cæterum Benigni Bubones Periculosi non sunt, nisi tardè dissipentur aut suppurentur. Nam quamvis ex sua natura non sint periculosi, facilè tamen, si diutius protrahantur, in Fistulas abeunt; quæ non solum sunt difficiles curatu, sed sæpè periculosa.

In genere Bubones citius maturantur sub Axillis, quam in Inguinibus, & hic citius quam post Aures.

Mali-

Malignus seu Pestilens Bubo subitanæ mortis non raro Prodromus est; minus tamen periculosus est, qui præcedit Febrem Pestilentialem, quam qui eandem sequitur. Qui in Inguine apparet, minus habet periculi, quam pone Aures, aut sub Alis. Etiam talis Bubo quo minor est, eo periculosior.

Venerus Bubo lethalis non est, sed difficilis curationis, idque non Bubonis, sed Veneræ infectionis ratione: est equidem salubris, eo namque mediante brevi sæpè curatur Veneræ Lues.

XI. Cum igitur Bubonum Species hoc modo distinxerimus, proponenda erunt unicuique propria & accommodata Remedia. Sic in *Bubonibus Benignis*, *ortis per modum expulsiōis*, Antecedens Causa primò est evacuanda. Quem in finem lenis *Purgatio* sæpè admodum necessaria est. *Vena-sectio*, nisi Febris gravior aut Plethora exegerit, ne instituat, quippe quæ sanguinem perturbare, atque adeo naturam in opere expulsiōis impedire possit. Verum *Sudoris provocatio* in omni Bubone valdè prodest.

Quæ in
Bubonum
Curatione
sunt obser-
vanda.

Bubo Be-
nignus
quomodo
curandus.

XII. Deinde ad Conjunctæ Materiæ correctionem & evacuationem, nec non Symptomatum mitigationem conducunt Resolventia, imo & Attrahentia, ac Maturantia foris imposita: Repellentia verò ne admoveantur, quæ vitiosos robusto naturæ conatu expulsos humores cohibere, adeoque interiora versus repellere solent, unde gravia oriuntur Symptomata, atque non raro pallida mors succedit; ita Hildanus *Cent. 3. observ. 78.* se observasse scribit, ex intempestivo Repellentium ad Emunctoria applicatorum usu mortis periculum sequutum fuisse.

Sed in dolorifico Bubone necessarium omninò est *dolorem sedare* antequam ulla alia imponantur remedia, ad-
moto hoc vel simili Cataplasmate,

R. Fel. Matvæ, Alibæ an. Miß.

Cōstis in Aqua Pura ad mollitiem, & minutim contusus addde

Farinæ Hordei, Alibæ, Fœnigraci an. ʒiß.

Vucllos Ovorum N°. ij. Crocipulver. ʒj.

Butyri rec. ʒiß.

M. F. Cataplasma.

I 3

Sedato

Sedato paulisper dolore Attrahentia & Suppurantia admo-
venda sunt. v. gr.

R. Rad. Lilior. Albor. rec. ℥iiij.

Caparum sub cinerib. assat. ℥ij.

Fol. Malva, Althea

Flor. Meliloti an. Mj.

Caricar. ping. confiss. No. x.

Coctis in Aqua pura ad Mollitiem, & minutim contusus adde
Farina Sem. Lini, Fœnigraci an. ℥ij.

Olei Lilior. alb. ℥iſs.

Unguenti Basilici ℥j.

M. F. Cataplasma.

Suppuratus Bubo quam citissimè aperiatur, Ferro potius
quam Cautico, atque apertus servetur, donec omnis ma-
teria fuerit evacuata, & dein aliorum ulcerum adinstar
curetur: viz. Emplastrum Diachylum cum Gummi, aut de
Mucilaginis applicetur. Solo sæpè Oleo Olivarum, Rapa-
rum, Camomilla, vel Liliorum Alborum curatur.

Curatio
Bubonis
Venerei.

XIII. In Venereo autem, seu Gallico Bubone nec Repellen-
tibus utendum est, nec Resolventibus: verum omni ope-
rà curandum, ut quamprimum fiat Maturatio & Suppu-
ratio, cum indices videamus, Bubones hi si maturescant,
& ad suppurationem deveniant, sæpissimè à Lue Venerea
evadere Ægrotantes. E contrario in Gallicam Luem fa-
cilè illos incidere, in quibus vel Repellentibus, vel Re-
solventibus Bubones curare conamur. Hinc nec Venam
secare, nec corpus purgare licet, quamdiu ulla spes est
Topicis Medicamentis eos curari posse.

XIV. Igitur ad malignorum humorum perfectam ex-
pulsionem si tardior ac imbecillior videatur natura, At-
trahentibus adjuvanda est, imponendumque Cataplasma.
v. gr.

R. Caparum sub cineribus assat. ℥ij.

Saponis Nigri,

Emplastri Diachyli cum Gummi an. ℥iſs.

Unguenti Basiliconis ℥j.

Fiat ex his S. A. Cataplasma.

Vel

Vel

*R̄. Rad. Liliorum Albor. sub cinerib. coct. ℥iij.**Caparum pari modo coctarum ℥iij.**Axungia Porci ℥ij. Croci pulv. ℥j.**Vitellos duorum Ovarum,**M. F. S. A. Cataplasma.*

Veruntamen quum talis Bubo pertinax sit, nonnunquam *Cucurbitula cum magna flamma* imponi solet.

Botallus *lib. de Lue Venerea cap. 10.* ad Gallicos Bubones maturandos *Friktiones & Cucurbitulas Ventosas* valdè commendat, nihilque his citius vel melius Suppurationem accelerare ait. Fricentur autem digitis simpliciter, vel recenti Butyro illitis, usque dum tumentes, & Phlegmone obfiti tactum amplius ferre nequeant; quo tempore Suppurantia imponenda.

Fallopious *lib. de Morbo Gallico cap. 91.* commendat motum, & mandat ut ludant gladio, vel pilâ parvâ, ut saliant, & motu isto fiat fluxio, ac promoveatur Suppuratio.

XV. Suppuratus hujusmodi Bubo mox aperiatur, Ferro potius quam Caustico; etiam *Semicollâ existente materiâ*. Enimverò tardius facta apertura sæpè noxia est, quod ampliorem, quam par est, sibi sedem efficiat venereum venenum, vicinas partes inficiat, pessimaquè symptomata inducat, ut exemplo demonstrat Hildanus *Cent. 5. obs. 65.*

Hiscæ tamen omnibus nihil efficientibus, Curatio porrò instituat ut in Lue Venerea.

XVI. Similiter in *Pestilenti Bubone* nec Venæsectio, nec Purgatio (quicquid etiam contra adferant Adversarii) locum habet; sufficiunt Sudorifera & Alexipharmaca, ut in generali Pestis curatione.

In Bubone
Pestilenti
quid agenda-
dum.

Extrinsècus Nonnulli suadent Bubonibus hisce imponere Discutientia, quos inter est Cl. Sylvius, qui *prax. medic. lib. 5. Tract. 2.* laudat Pestilentes Bubones in principio Discutere litu *Olei Corini Cerumi*. Sed cum modus hic periculosus sit & incertus, ei non subscribimus; verum præstat per Attrahentia & Suppurantia Curationem instituire.

XVII.

XVII. Quum ergo Peste Correpti duritiem cum dolore sentiunt pone Aures, in Collo, sub Axillis, vel in Inguinibus, mox ei applicetur *Vescatorium ex Cantharidibus & Fermento acris*, ut venenata materies naturæ robore expulsa foras ulterius protrahatur. Altero die admoveatur Cataplasma Attrahens, & vehementer maturans. ex. gr.

℞. Rad. Liliorum Albor. rec. ℥ij.

Fol. Ruta, Matva, Alibæ Scabiosa an. Mj.

Caricarum ping. Consciss. No. x.

Omnia in Aqua Pura cocta in Mortario contundantur; additis tribus Bulbis Caparum sub cineribus assatis, &

Farina Alibæ, Tritici an. ℥vj.

Fimi Columbini ℥iij. Fermenti Acris ℥iij.

Mellis ℥j. Unguenti Basiliconis ℥iij.

Butyri rec. ℥ij.

M. F. S. A. Cataplasma.

Equidem in secundo Cataplasmate Fimus Columbinus, Fermentum acre, & Capa possunt omitti.

Vel

℞. Rad. Alibæ, Caparum sub Ciner. assat. an. ℥iij.

Fol. Scabiosa, Matva, Ruta an. Mj.

Coctis in Aqua communi ad molliem, & contusis adde

Emplastri Diachyli cum Gummi ℥iij.

Olei Scorpionum

Mithridatii an. ℥ij. Crocipulver. ℥j.

M. F. S. A. Cataplasma.

Vel

℞. Capam unam, quæ excavetur, & cavitas impleatur Theriacâ vel Mithridatiâ; dein chartâ involuta sub cineribus calidis coquatur, hinc teratur cum Oleo Scorpionum, & Fiat S. A. Cataplasma. Cui nonnunquam Fermentum acre addi solet.

Vel solæ Capa sub cineribus assata, contusæ, & cum pauxillo Theriaces & Butyri insulsæ mixtæ, Cataplasmatidis formâ per biduum aut triduum imponantur.

Barbette hoc in casu vehementer laudat Emplastrum;

℞. Em-

R2. *Emplastri Diachyli cum Gummi
de Mucilaginis an. lbß.*

Unguenti Basiliconis ℥iij.

Sem. Sinapi pulver. ℥iij.


M. F. S. A. Emplastrum.

Nonnulli Gallinam aut Ranam viventem atque discissam parti affectæ applicant, sæpius eandem renovando. Alii Gallinæ aut Columbæ viventis podicem deplumatum admovent. Quidam totum Bubonem Sectione auferre conantur, quod periculosum valdè, & nequaquam permittendum. Neque etiam Cucurbitulæ vel infra Bubonem, vel ipsi Buboni appositæ conducunt, quoniam in Peste, & Pestilenti Bubone eæ admodum damnosæ sunt.

XVIII. Tumor verò maturus mox Scalpello incidendus, ut Puri exitus detur: & quidem aperiendus est, priusquam omninò maturescat, ut de Bubone Venereo dictum fuit, cum citissimè Venenum sit educendum. Atque hujusmodi Bubo aliquamdiu, quantum fieri potest, apertus servandus; dein ab omni sorde mundificandus, & aliorum ulcerum adinstar porrò tractandus: quem in finem summoperè conducit *Digestivum ex Unguento Basilicone, Melle, Theriaca, & Balsamo Sulphuris Therebinthinato.*

CAPUT. XVI.

De Carbunculo seu Anthrace.

I.  Ubonem sequitur *Carbunculus* seu *Carbo*, ita dictus, quia extinctum Carbonem refert; &c. vel (ut alii volunt) quia illius color in ambitu instar Carbunculi Lapidis obscuro rubore splendet. Nominatur etiam *Anthrax*, ab antiquis in Carbonem mutò, quia occurrit Affecta Pars extincta quasi, & in Carbonem mutata; hinc Nostratibus *Eni Noole* appellatur. Arabibus *Ignis Persicus* & *Pruna* nuncupatur, quia non malè refert exustionem cum Pruna ignita factam: vel

K

ut

ut mavult Galenus, quia vicinæ partes vehementer inflammantur, & quasi uruntur.

II. Nonnulli inter Anthracem, Carbunculum, & Ignem Perficum, aliquam statuunt differentiam, cum tamen re ipsâ nihil differant, nequè Veteribus ullum discrimen fuerit cognitum: Et Avicenna in curatione Ignis Persici eadem præscribit medicamenta, quæ Galenus in Carbunculi curatione commendat. Verum nulla alia hîc obtinet Differentia, quam quod modò major, modo minor, quandoquè magis, quandoquè minus malignus sit Carbunculus.

Carbunculus seu Anthrax quid sit, & unde oriatur.

III. In cognitione autem Carbunculi graviter hallucinatum est inter Medicos. Galenus namque Ulcerum ordinem Anthracem annumerans in *Comm. ad Hipp. Aphor. 45. Sect. 6.* ait: *Anthrax est Ulcus crustosum, cui coniungitur malus partium circumstantium fervor.* Et alibi: *Carbunculus est Ulcus crustum cui cum valida Phlegmone circumstantium particularum indacens.* Hanc Galeni definitionem sequitur Paulus Ægineta *lib. 4. cap. 25.* Cui plerique posteriores Medici subscripserunt. Verumenimvero si Carbunculi Essentiam curiosius indagemus, observabimus has definitiones ipsi non satis propriè accommodari: etenim Carbunculus non est partis alicujus Exulceratio, sed potius ejusdem Necrosis seu Sideratio à particulis acri-salinis lixivialibus inducta. Est igitur *Carbunculus* partis alicujus Gangræna, dum in fieri est; vel ejusdem Sphacelus, dum in factò est, quorum neutrum Ulceribus annumerari potest. Sphacelum esse, & non Ulcus, inde liquet, quia nullâ naturæ vi edomari & in Pus converti potest Carbunculus, quod posset si Ulcus esset; sed integer à vicinis partibus separatur.

IV. Præterea in *Causis Carbunculi* adhuc gravius erratum est. Galenus *lib. de Tumor. pr. nat.* dicit, *Carbunculos excitari, cum sanguis tanquam fervens & inflammatione propinquus cutem exurit.* Haud secus Aquapendens *Oper. Chirurg. part. 2. lib. 1. cap. 27.* scribit, *Carbunculum fieri à fluxione ferventissimi sanguinis ad partem.* Paulus Ægineta *lib. 4. cap. 17.* & Mercurialis

riales de Peste cap. 18. putant, illum causari à crassis & adustis humoribus. Actuarius Meth. Med. lib. 2. cap. 12. credit eum oriri à sanguine melancholico fervente. Fernellius crassum torridumque sanguinem, Forestus sanguinem corruptum, fervidum cum succo melancholico vel atra bile, Carbunculi Causam statuunt. Sed à veritate longissimè aberrant, & Illi, & quotquot hæcenus illorum sententiis subscripserunt Medici. Namque CARBUNCULUS seu ANTHRAX est partis alicujus vel incipiens, vel perfecta Mortificatio aut Corruptio, à particulis acri-salinis, lixivialibus, ac venenatis, criticè in illam expulsis, orta; unde excitatur Tumor maximè adurens, & nigram crustam habens.

Carbunculi Definitio.

V. Ut plurimum autem ab exili Pustula, in ambitu inflammata, ac dolente; interdum a pluribus parvis Pustulis, quæ postea in unam vesiculam coeunt; aliquando sine Pustula incipit Anthrax. Dein Pars Affecta dolorem sentit pungitivum, & quasi constringitur, hinc paulatim magis magisque corrumpitur, ac nigrum vel cinereum acquirit colorem: partes, quæ proximè Carbunculum circumstant, alterantur, haud secus ac in Gangræna fieri solet; etiam valdè inflammantur, acriterquè dolent, quas natura, antequam mortificationis labes in illas quoque proferpat, suppurat, atquè hac mediante Suppuratione corruptam & emortuam particulam, viz. Carbunculum, à sanis separatur, ejicitquè.

Signa Diagnostica.

VI. Omnis Anthrax suâ naturâ periculosus est, præsertim tempore Pestilenti, quique niger est, Parti Principi vicinus, magnus, & subitò evanescens. Minus verò lethalis est Carbunculus, qui primum ruber, dein citrinus apparet. Qui livescit aut nigricat, neminem ferè non jugulat.

Prognostica.

VII. In Curando Carbunculo Purgantia valdè mihi suspecta sunt; imo suspecta magis Venæsectio. Sed Sudoriferis & Alexipharmacis solummodò insistendum, quibus particula venenatæ acri-salinæ domentur, & per habitum corporis expellantur. Topica verò Medicamenta ne Repellant, sed potius foras trahant. Itaque locus affectus altè Scarificetur,

Carbunculi seu Anthracis Curatio.

atque ne sanguis corruptus concreſcat, liberiusque ut effluat, foveatur *Spiritus Vini in quo diſſoluta Theriaca*; dein ſuperponatur Cataplaſma.

℞. *Farina Seminis Lini* ℥iſſ.

Cog. cum ſ. q. lactis dulcis recentis, & addendo

Croci pulver. 3℔. Vuellum unius ovi,

Mellis q. ſ. F. S. A. Cataplaſma.

Sed quoniam Anthracis Curatio exigit, ut quamprimum promoveatur Suppuratio, & exitioſa Mali inhibeatur propagatio, præſtans remedium sæpè eſt, ut *Candente Ferro pars affecta incutatur*. Nequè enim dolor metuendus, quia caro emortua non ſentit, finisque adurendi eſt, dum omni ex parte ſenſus doloris adſit. Sunt tamen qui eo horrendo nimis (ut dicunt) præſidio abjecto, *Cauterium Potentiale* aut *Veficatorium* eligunt; quod utrumque etiam conducit, quoties aut fortia ſatis videntur, aut alio medio uti non licet: sæpius namquè multiſciorum adſtantium voluntati obtemperare cogitur Medicus, etiam cum damno Ægrotantis.

Hoc in Caſu Vigierius *Chir. lib. 1. cap. 9.* ad malignitatem & virulentiam Carbunculi corrigendam, iſtud laudat remedium.

℞. *Calcis viva & non extincta* 3j.

Saponis mollis q. ſ.

Formetur in formam Unguenti ſolidi, & fiat Emplaſtrum quod Carbunculo applicetur per duas treſve horas.

Cl. Sylvius *praxeos Medica lib. 4. tract. 2. §. 690.* teſtatur, „ nihil ſe hæcenus noviffe, quod potentius, ac certius, „ citiusque ſerpentem Carbunculorum mortificationem „ ſiſtat, quam *Butyrum Antimonii*, ſi circumcirca illinatur „ parti affectæ; ad miraculum enim tunc ſiſtitur partium „ omnium corruptio ſerpens, ac omnia depaſcens.

At verò *Eſcaræ* ſeparationem promovet inunctum *Unguentum Baſilicon*, vel *Butyrum recens*, vel id quod ſequitur,

℞. *Butyri inſuſi* 3iſſ. *Unguenti Baſiliconis* 3℔.

Theriaces 3j *Vuellum unius Ovi*

M. F. S. A. Linimentum.

Bar-

Barbette ad Crustæ separationem commendat Emplastrum,

℞. Theriaces, Mithridatū an. ʒʒ.
 Therebinthina, Fermenti acris an. ʒij.
 Mellis Rosarum ʒiʒ. Butyri rec. ʒij.
 Vatrioli albi ʒj. Fuliginis ʒiijʒ.
 Saponis nigri ʒiij. Croci pulver. ʒiij.
 Vuellos trium Ovorum.

M. F. S. A. Emplastrum.

VIII. Nonnulli in principio Curationis, omiſſā Scari-
 ficatione, Carbunculo imponunt *Folium Brassica rubra assa-
 tum*, Oleo *Raparum inunctum*; ac postea hanc vel similem
 applicant Puliculā, sæpius eam permutando,

℞. Rad. *Consolida maj. pulver.*
Fol. Scordii pulver. an. ʒij.
Farina Althææ, Lini, Truici an. ʒʒ.
*Coq. paulatim in Aqua Purā, ut mucilagines solvantur, &
 compositio ad pulicula crassioris consistentiam deveniat, cui adde*
Mellis, Therebinthina, Unguenti Apostolorum an. ʒiij.
Picis Liquidæ, Unguenti Basiliconis an. ʒij.
Croci pulverisati ʒj. Vuellum unius ovi

Misceantur.

Vel Pix *Navalis* & *Liquida* equalibus partibus mixta, formā
 Emplastri imponatur, aut Emplastrum *Diachylum cum Gummi.*

IX. Carbone separato & exempto, Ulcus aliorum ul-
 cerum instar curetur, diligenter sc. abstergendo; quem
 in finem admodum conducit *Mundificativum ex Apio*, cujus
 hæc est descriptio,

℞. *Succi foliorum Apii depurati lbj.*

Vel ejus loco

Abynthii, Plantaginis, Crassula an. ʒiij.
Thuris, Myrrhæ, Mastichis an. ʒij.
Therebinthina ʒiij.
Farina Hordei, Fabarum, Orobi an. ʒiijʒ.
Mellis optimi lbj.

Coq. simul S. A. ad Spissitudinem mellis, & sit usui.


Velloco hujus mundificativi,

℞. *Fol. Scordii pulv. ℥ij. Vitellum unius ovi Mellis, Therebinthina, Unguenti Apostolorum an. 3℔. Misceantur.*

Potest quoque hic usurpari *Unguentum Fuscum Felici Wurtzii*. Sed notandum Ulcera hæc nimis citò occludenda non esse, quin potius aliquamdiu aperta servanda, ut venenata materies probè expurgetur.

CAPUT XVII.

De Gangræna, & Sphacelo.

I.  *Angrana & Sphacelus* nec Tumores sunt, nec Ulcera; imo nec Morbus *Sphacelus* est, sed partis affectæ *rixa* & Mortificatio: *Gangrana* verò via ad mortificationem tendens, quæ nonnunquam sine Tumore invadit: quia tamen frequentissimè Tumores subsequitur, Inflammationes præsertim graviore, Pleriquè inter Tumores de Affectibus hisce agere consueverunt; quorum ductum nos sequentes de iis hoc loco etiam sumus dicturi.

Gangrænæ
& Sphaceli
Descriptio.

II. GANGRÆNA igitur, quam vulgò *het herte Duer* / *ofte den Heissen-band* / & *Ignem S. Antonii vel Marcelli* nominant, incipiens est partis Mortificatio aut Corruptio, ad *rixa* seu Mortificationem tendens, cui nisi celerrimè succurratur, membrum plane emoritur, omnemque sensum & vitam amittit, nihilquè seu secetur seu uratur percipit; quæ *rixa* ità perfectà Latinis SIDERATIO, Græcis σφάκηλα, Nostratibus *het koude Duer* nuncupatur, adeo ut duo hi affectus non nisi gradu differant. In Sphacelo namque pars omni sensu & vitâ destituta est, planequè mortua: in Gangræna verò perfectà partis corruptio nondum adest. Et cum in Gangræna nondum sit tanta corruptio, neque perfectà mortificatio, molliores partes solummodo invadit: Sphacelus verò, utpote qui est perfectà ac integra partis corruptio, non solum partes molliores,

liores, Cutem puta, Carnem, Venas, Arterias, Nervos invadit, sed & ipsa Ossa intacta non relinquit.

III. Hinc multi Gangrænam definiunt, quod sit incipiens mortificatio partium corporis mollium, ferè Inflammationem gravem, aut malè curatam insequens. Galenus lib. de Tumoribus præter naturam, videtur definire, quod sit initium mortificationis in parte agra, qua paulatim sic invadit & occupat partes vicinas & adjacentes, ut nisi adferatur remedium, perfecta subsequatur mortificatio. Et alibi inquit, Gangrænam esse dispositionem mediam inter summas Inflammationes & Sphacelum, eamque Inflammationibus esse tanto deteriorem, quo mitior est Gangræna Sphacelo. Alii aliam dant Gangrænae definitionem. Sed omnes omnium definitiones aut descriptiones adferre infinitum foret: sufficit si dicamus, GANGRÆNAM esse incipientem & imperfectam partium mollium, cutis sc. musculorum, venarum, arteriarum, nervorumquè mortificationem. SPHACELUM verò plenam, perfectam, & absolutam mortificationem, non solum supradictarum partium, sed & Ossium quoquè, aliarumquè plus minus solidarum. Vel GANGRÆNAM esse partis fientem mortificationem; SPHACELUM verò jam factam & deploratam.

IV. Cum itaque uterquè affectus, Gangræna nempe & Sphacelus, sit Mortificatio, hic quidem Perfecta, illa autem Imperfecta, adeoque nec differant nisi gradu, ideo utriusque Eadem erunt Cause. Affectuum
horum
Cause.

V. Gangrænae & Sphaceli Causa est, quum Pars Spiritibus, quibus foveri & vivificari solebat, destituitur. Spiritibus pars destituitur, vel quia in ista parte suffocantur, vel quia in eam transferri non possunt. Suffocantur & Opprimuntur Spiritus aut nimia inflammatione; aut frigore externo; aut aquoso humore in partibus collecto; aut nutrimenti defectu; aut animalis venenati punção seu morsu; aut nimio æstu externo ex ambustione; aut magnâ partis contusione; aut scorbuto. In partem perferri nequeunt Spiritus, quum nimia vasorum & pororum obstructione via interclusa & obturata est.

VI. Nam-

Gangrænæ
Causa
Prima.

VI. Namque Gangræna haud rarò oritur, quando naturalis vivificans calor ex impedita transpiratione suffocatur, uti evenit in magnis Inflammationibus; præsertim ubi temerè iis adhibentur Frigida, Adstringentia, & Emplastica Medicamenta, Bolus viz. Armenus cum Ovi Albumine, similiave, quibus spiritus influentes, ipsumque nutrimentum arcentur, & repelluntur quasi à parte affecta: ipsisque adeo vasculis capillaribus, porisque cutaneis eorundem medicamentorum usu constrictis, empyreumata per insensibilem transpirationem evacuari solita Parti impinguntur valdè, ac veluti inculcantur; atque ita obruitur, suffocaturquè quantulumcunque inest calidi innati, *hoc est*, spiritus radiantis ac partem vivificantis.

Secunda.

VII. Insuper ab Ingenti Frigore Externo sæpè oritur Gangræna, atquè non rarò observatur hyeme per nives & glaciem iter facientibus extrema pedum, manuum, aures, nasum emori ob externi frigoris vehementiam. Sed priusquam extremæ hæ partes planè emoriantur, primò Acutus & Pungens oritur Dolor, quo cessante Gangræna, hinc & Sphacelus adest. Enimvero quum tardius in extrematibus sanguis circuletur, facile, vasculis capillaribus porositatibusque externis vehementi frigore constrictis, ibidem stagnat & condensatur; interim affluens cruor ultra moveri nequiens itidem subsistit, concrevitque: qui, postquam Spirituosæ & Salinæ volatiles particulæ evanescere, per fluorem Salinarum particularum acrior factus nervosas, tendinosas, aliasve membranosas fibrillas vehementius rodit & lancinat, adeoque acutum pungentemque dolorem excitat. Atqui corrupto magis sanguine, vasculisque capillaribus excisis, cessat Dolor, cessat Spiritus Vivificantis Radiatio, suffocatur natus calor, hinc Incipiens primò, dein Perfecta accedit Partis Mortificatio; cuius color rubicundus in lividum ac nigricantem protinus mutatur.

Tertia.

VIII. Etiam Gangrænæ Causa quandoque est Humor Aquosus in Partibus inferioribus, cruribus puta, pedibus, ac scroto collectus; quo partes hæ nimis distenduntur, porosi-

porositates obstruuntur, insensibilis impeditur transpiratio, hinc (recrementis per eam exhalare consuetis in partibus retentis) vivificantium spirituum radians motus imminuitur, tandemque aboletur, atque adeo innatus calor extinguitur, oriturque Gangræna.

IX. Cæterum Alimenti, sanguinis scilicet, spiritusque Quarta influentis Defectu nonnunquam oritur Gangræna. Cum enim radians vivificansque spiritus perpetuo nutrimento, ceu flamma oleo, indigeat; id si denegetur, suffocatur & extinguitur, ut flamma in lampade deficiente oleo. Et hoc modo extremis corporis partibus accidit interdum Gangræna in Atrophia, Tabe, similibusve Affectibus Chronicis; præsertim in Senibus, in quibus, præ siccitate plus debito oclusis corporis poris, motus humorum retardatur nimis, tandemque sistitur, ut adeo natus calor suffocetur, parsque hæc vel illa emoriatur. Eadem de Causa, si luxatus articulus non benè reponatur, luxatum os vicina comprimit vasa, sanguinisque ac spirituum transitum impedit, unde partis extenuatio, ac nonnunquam mortificatio accedit. Simili planè modo fit Gangræna, si pars quæpiam nimis arctè & diu vinculis constringatur: atque Gangrænam Paralyticorum ex interceptione spirituum animalium ita oriri nonnulli volunt.

X. Adhæc è mala Februm, præsertim Malignarum, Crisi oritur aliquandò Gangræna & Sphacelus; viz. cum humores acri-salini ad partem quampiam debilem, per quam evacuari nequeunt, ruunt, atque ibidem aggesti sanguinis spiritusque motum intercipiunt, nec non vitalem radiationem, *id est*, innatum calidum suffocant, extinguunt. Sic refert Hildanus de Puella Peste afflictâ, cui, cum sanata videretur, & liberata ab omnibus symptomatibus, subito tantus exortus est dolor in utriusque pedis digitis, ut siderati illicò fuerint, adeoque ad ultimam usque articulationem amputandi: quo facto, & adhibitis remediis tandem convaluit. Memini quoque, me simile quid vidisse ante octodecim annos, cum in hoc Athenæo sub au-

Observatio
Prima.

spiciis Cl. Diemerbroeckii studiis medicis operam darem,

L

in

Secunda,

in virgine triginta præter propter annorum, decumbente in Xenodochio nostro, atque mensium suppressione laborante; cui nasi, auricularum, vulvæ labiorum, denique & manuum ac pedum digitorum extremitates emoriebantur, quibus omnibus separatis pristinam illa recuperavit sanitatem. Alterum succurrit Exemplum, quod nobis videre contigit ante sedecim circiter annos in quodam Medicinæ Doctore, cui, cum curatus omnino videretur à Febre tunc temporis in hac urbe Epidemica, ecce inopinatò mane evigilanti crus sinistrum jacebat planè immotum ac torpidum, doloribus tamen acutis & pungentibus per intervalla genu infra supraque affligentibus; id quod paucos dies planè corruptum & emortuum observavimus. Et quoniam indies deficiebat magis Natura, partiumque Corruptio & Mortificatio longius proserpebat, etsi variis in locis magnæ separatæ fuerint portiones, ivit unde redire negant quenquam.

Causa
Quinta.

XI. Porro ex Ictu aut Morfu Animalis Venenati fit aliquandò Gangræna, quatenus Acri-salinum valdè, ex Saliva istiusmodi animalis, Venenum læsæ vel per morsum contusæ parti communicatur, in qua humores & spiritus condensando ac corrumpendo, illorumque motum & radiationem inhibendo, innatum calidum extinguit. Idem præstant Medicamenta Septica, quæ carnem excedendi & corrumpendi vim habent, non satis prudenter adhibita, in locis præsertim calidis & humidis, uti in emunctoriis, pudentis, similibusve.

Sexta.

XII. Enormes Ustiones interdum excipit Gangræna, vel etiam Sphacelus; quoniam Ustione vasa corrugantur & confringuntur, sic ut tum sanguis affluens, tum spiritus influentes liberè permeare, ac per partem affectam radiare, eamque vivificare nequeant; hinc suffocato, extinctoque nativo calore pars emoritur, corrumpitur. Præterea tum Empyreuma, tum Cutis Corrugatio summum accendit dolorem, ac proinde humorum excitat fluxum, quibus in parte ægra incalescentibus, & Inflammationem concipientibus, extinguitur Spiritus Vitalis. Radia-

Radiatio, ipsumque adeo innatum partis calidum suffocatur.

XIII. Denique ex partis alicujus magna Contusione Septima. nonnunquam oritur Gangræna, quandoquidem læsis apertisque per Contusionem vasculis humores effluunt; qui extravalati, condensati, & in parte contusa aggesti porositates obstruunt, insensibilemque impediunt transpirationem, ac proinde incalescentes Inflammationemque concipientes, suffocant tandem, extinguntque vivificantium spirituum radiationem.

XIV. Scorbutus quoque non rarè Gangrænæ Causa Octava. est, & partes quasdam emori facit, crura præsertim, nec non gingivas, aliasve oris internas; ex eo scilicet, quod sanguis acri-salinis, lixivis, ac austeris particulis abundans rardius per vasa moveatur, atque alicubi aggestus & stagnans, nec non insensibilem transpirationem prohibens, exulcerationes primum excitet, ac dein vivificantium spirituum radiantem motum perimat, extinguat.

XV. Cognoscitur verò Gangræna ex eo, quod Pars Signa Diagnostica. Affecta livescere ac pallere, & color illius verè naturalis imminui incipiat, tanquam si proximum sui interitum perferenticeret: floridi namque coloris extinctio denotat, alteratum esse spirituum sanguinisque in partem affluxum, estque floridi coloris causa radians per partes sanguis. Dein Ægra Pars mollescit, flaccescit, marcescit, ac cuticula non rarè separatur. Tandem magis magisque sedatur dolor, pulsus cessat, febrisque accedit continua, maligna.

XVI. Variant tamen Gangrænæ Signa pro Causarum varietate. Quæ namque ingentes sequitur Inflammationes inde dignoscitur, quod color ille floridus, qui solet adesse Inflammationibus, in pallidum & lividum mutatur; dolor pulsans, qui prius infestabat, cessat; partis affectus sensus hebetatur; pustulæ oriuntur grandiores, ichore carniū loturæ simili plenæ.

Eadem hæc Signa plerumque apparent, ubi ab Enormi Combustione ortum habet Gangræna.

XVII. In Gangræna, quæ à Frigore Externo ortum ducit,

ducit, subitò acutus & pungens oritur dolor, rubor in parte affecta apparet, qui paulò post in lividum & nigrum mutatur colorem, calor partis extinguitur, ac frigus & stupor cum horrore percipitur.

XVIII. Sin Ictum aut Morsum Venenati Animalis excipiat Gangræna, dolores & febres continuè affligunt, syncopes adsunt frequentes, quandoquè deliria; pustula hîc oritur, sub qua nigra est macula, quæ dein per partem dispergitur. Talis namquè Gangræna in partibus sese manifestat extremis, ut manus pedilve digito, atque in totum brachium, totamve tibiam subitò sæpè derivatur.

XIX. Ob Defectum verò Alimenti si partem Gangræna corripiat, nullus adest dolor, nullus tumor, nulla inflammatio; sed macies potius, corpusque statim refrigeratur, & accidit plerumquè in extremitatibus, ubi pustulæ tandem oriuntur, ac naturalis color in lividum mutatur.

XX. Si autem ex Constrictione ac Ligatura eveniat Gangræna, pars ægra tumet & distenditur, exoriunturquè pustulæ majores, ichore carnis loturæ simili plenæ. Præterea pars ingravescit, fitquè immobilis, atquè impressi digiti vestigium in ipsa remanet, & cutis à partibus subjectis diduci videtur.

XXI. Ex Scorbuto si oriatur Gangræna ferè à pollice pedis initium sumit, maculisve ac lineis subnigris exterius sese manifestat, quæ in crustam siccam degenerant, quam sequitur partis affectæ stupor, & tandem ipsa mortificatio, sine ullo fœtore. Dolor quandoquè nullus adest, aliquando intensissimus. Causas equidem Evidentes ab Ægris facîle expiscari possumus, ex iisque intelligere, è quonam præcedente affectu eveniat Gangræna.

XXII. Ad Sphacelum verò quod attinet; Signa ejus intensiora sunt Signis Gangrænæ: cum enim uterquè Affectus sit Mortificatio, nequè differant nisi gradu, ideo utriusque Eadem sunt Causæ, & Eadem Signa. Partis Sideratæ color niger est, eaquè si pungatur aut secetur, non sentit. Membrum insuper cadaverosum spirat fœtorem, fitque molle & putridum, atque impressi digiti vestigium

stigma in eo remanet. Cutis si attollatur, faciliè à carne subiecta separatur, quia deest Spirituum per partem radiatio. Sed hoc potissimum Signo Affectus Hi distingui possunt : si Pars Ægra secetur, pungatur, vel aduratur, nihilquè prorsus sentiat, dicitur *Sphacelus*; quia Sphacelus seu Sideratio est omnimoda sanguinis circulantis, spirituumque radiantium extinctio, tum partis corruptio: Sin verò sensus aliquis adest, *Gangræna* nuncupatur.

XXIII. Probè cognitis Gangrænâ & Sphacelo, priusquam Curam suscipiat Cheirurgus, prospicere debet, quis morbi futurus sit eventus, utrumne sanabilis sit, nec ne? Gangrænâ namque periculosum esse affectum, cuius facile patet. Enimverò nisi citissimè adferatur auxilium, in Sphacelum brevi degenerat, Parsquè Affecta planè emoritur. Qua de causa nullus hic cunctationi locus, sed statim suppetiæ ferendæ; quod non ita difficulter fiet in Vegeto adhuc & juvenili Corpore, ubi Spiritus sunt robustiores, eorumquè radiatio nondum magnoperè læsa est.

Prognostica.

XXIV. Sed Gangræna quæ fit ex Humorum Affluxu, multò difficilior curatur, quam quæ fit sine eo. Difficulter quoquè hic Affectus curatur in Ore, Palato, Pudendis, aliisque partibus humidis; uti & in Hydropicis. Perniciosa quoquè est Gangræna partium nervosarum & tendinosarum.

Gangræna à pede aut tibia orta, indequè genu transcendens, in Sphacelum sæpius mutatur, & lethalis est.

Ex Defectu Nutrimenti quæ oritur Gangræna, ut plurimum lethalis.

Sed Gangræna ex prohibitis ac interceptis Spiritibus, ac potissimum quæ à Luxationibus malè restitutis provenit, ut & quæ a valis transversim dissectis proficiscitur, difficillimè sanatur; in Sphacelum verò degenerans lethalis.

Ex Scorbuto quæ est Gangræna ad multos menses protrahi potest, & rarò perfectè curatur.

At verò Sphacelus longè periculosius malum est. Nec enim

enim pars Sphacelo correpta restitui potest ; sed mox ea excindenda , & à viva separanda est.

Qua Me-
thodo
Gangræna
Curari de-
beat.

XXV. Atqui Gangræna ut Curetur , prudenter prognosticatione factâ , nec *Purgatio* , nec *Venesectio* locum habet. *Sudorifera* tamen & *Alexipharmaca* apprimè conducunt , ut æquabilis sanguinis motus , spirituumque per partes radiatio , quantum quidem possibile , servari possint. Itaque

℞. *Rad. Scorfonera* rec. ℥ij.

Contrajerua ℥ij.

Fol. Scordii Miß.

Rasura Cornu Cervini ℥ß.

Coq. S. A. in Aqua Puta ad ℥xxiv.

Ex hoc Decocto bibat Patiens ter quaterve de die haustum ; & interim quotidie bis sumat Pulverem ex ℥ß. *Oculorum Cancrorum*. Horum loco etiam cochleatim exhiberi potest Mixture ex.gr.

℞. *Aq. Carduibened.* ℥ij. *Melissa* ℥iß.

Theriacalis Simpl. ℥vj.

Consecl. Hyacinthor. ℥j.

Pulv. Oculor. Cancror. ðij.

Syr. Limonum ℥vj.

Misceantur.

Utile quoque est vespere sub horâ somni exhibere ℥j. *Theriacis* aut *Mûbridiis* , cum haustu *Vini*. Etenim Febris , si adsit , ut Maligna curari debet.

XXVI. Igitur Generalibus hisce non neglectis , ipsius Membri Affecti Cura aggredienda , quæ consistit in Spirituum , qui ei defunt , restauratione ; nec non stagnantis ac putrescentis in Parte Ægra humoris correctione , ejusdemque motus imminuti aut penè aboliti restitutione.

XXVII. Hæc Spirituum ad partem revocatio , atque stagnantis & putrescentis in ea humoris correctio , ejusque motus propemodum aboliti restitutio , absolvitur per Topica Medicamenta Calefacientia , Incitantia , Detergentia , & putredinem tollentia ; quæ tamen varianda sunt pro causarum , è quibus oritur Gangræna , diversitate.

XXVIII.

XXVIII. Et ad Specialem Gangrænæ Curationem ut accedamus, primò *qua ratione Gangræna, quæ magnas Inflammationes subsequitur, curari debeat* indagabimus. Quo in casu *Affecta Pars Scarificanda* multis incisuris, iisque satis profundis, ut stagnantes & in parte ægra corrupti humores evacuari queant, hinc & applicita medicamenta penitus penetrare. Sed in magnitudine & profunditate Scarificationum respiciendum ad ipsius affectus magnitudinem; viz. intusne Gangræna, & in membri fundo inceperit, an verò tantum foris sit, & in exteriori ejus parte. Enimvero partem externam si duntaxat comprehenderit, levibus ac superficialiis Scarificationibus cutis incidenda. Sin autem profundas atque internas membri partes occupet, indeque sensus aut amissus planè, aut multum saltem fuerit imminutus, pars profundioribus incisuris Scarificanda, usque dum sanguis effluat, & vitæ sensusque indicia sese prodant.

Gangrænæ,
quæ magnas Inflammationes sequitur, Curatione.

XXIX. Factâ Scarificatione Pars abluatur *Spiritu Vini in quo Theriaca dissoluta est, vel Aquâ contra Gangrænam cum Theriaca.*

Thomas Bartholinus in *Miscellaneis Curiosis Medico-physicis*, seu *Ephemerid. Germanor. Anni secundi observ. 2.* admodum extollit *Aquam Marinam, cui Abysynthum incoctum est.*

Alii Scarificatam Partem abluunt *Spiritu Vini in quo dissolutus Lapis Alchymia, vel Spiritu Vini cum Unguento Ægyptiaco*; eoque *Ægyptiacum* cum *Unguento Apostolorum & Basilicæ* postmodum imponunt. Cui tamen methòdo non subscribimus, quoniam Austera & vehementer Exsiccantia (qualia sunt *Lapis Alchymia & Unguentum Ægyptiacum*) poros nimium constringendo Suppurationem, hinc & Separationem prohibent.

XXX. Factâ Ablutione parti circumjiciatur *Fomentum Calefaciens & Aperiens, quod sæpius renovetur.*

R. Herb. Malva, Scordii, Abysynthii,

Ruta, Artemisia an. Mis.

Fol. DiLammi cretici,

Flor. Camomilla, Sambuci an. Mj.

Coq. inf. q. Cerruise tenuis ad lbij. Pro Fomento.

Vel

Vel

℞. *Herb. Scordii, Absynthii, Ruta, Artemisia,*
Fol. Distamni cretici an. Mj.
Vini Albi Gallici lbij.

Cog. S. A. in Diplomate, dein coletur, & Colatura addendo
Theriaces ℥ij.

Misceantur pro Fomento.

Jobus Meekcranus *Observ. Chirurg. Cap. 62.* Fomenti loco
 hoc imponit Cataplasma,

℞. *Mica Panis Albi Inveterati lbij.*
Fol. Scordii, Ruta an. ℥i℥.

Summ. Absynthii ℥j.

Fiat omnium pulvis, qui misceatur cum Vino Albo Gallico,
& post levem ebullitionem sit Cataplasma, quod calide appli-
cetur.

Barbette *Chirurgia part. 2. lib. 1. cap. 14.* id, quod sequitur,
 commendat,

℞. *Summ. Absynthii,*
Flor. Camomilla, Sambuci an. M℥.
Herb. Scordii M℥. Ruta M℥.
Mica Panis Similaginei ℥vij.
Fims Caballini ℥ij.

Cog. in Aqua Muriatica, & sub sinem addendo.

Atramenti ℥ij.
Spiritus Vini ℥ij.

F. S. A. Cataplasma.

Etiā laudibus suis meretur famosum illud,

℞. *Cicutaria Aquatica, hoc est, Phellandrii Mv.*
Absynthii, Scordii, Salvia an. Mj.
Mica Panis Albi. q. s.

Fiat omnium pulvis, qui cog. s. a. in f. q. Vini Albi, & addendo
Spiritus Vini quantum admisceri potest,

F. S. A. Cataplasma.

Alii Cataplasmatibus aut Fomenti loco applicant Flores *Cere-*
vise, Nostratibus Gist.

Haud inutile quoque erit medicamentis Gangrænæ ap-
 plicandis, sive Cataplasmatibus, sive Fomentis, admiscere
Tinctu-

Tincturam Castorei, aut *Aſæ Fœtida*, aut *Campbore*, aliave *Balaſamica*, & *Sale Volatili Oleoſo Abundantia*; quibus porofitates aperiantur, ſtagnantes putrefcentefque humores corrigantur, hinc & Spirituum per partem radiatio imminuta valdè, & propemodum abolita reſtituatur.

XXXI. Sed priuſquam circumjiciatur Fomentum, aut applicetur Cataplaſma, parti Scarificatæ cum petiis imponatur *Unguentum Baſilicon*, vel *Baſilicon cum Theriaca* & *Unguento Apoſtolorum*, vel *Digeſtiuum vulgare cum Baſilicone*, vel id quod ſequitur,

℞. *Mellis Comm.* ℥iiij.

Therebinthina Venet. ℥ij.

Farina Hordei 3x.

Pulv. Aloës, Myrrha an. ℥iiß.

Croci ʒj.

Vaſcellos duorum Ovorum,

Spiritus Vini ℥ij.

Mel & *Therebinthina* ſimul coquantur continuo agitando, addendoque in fine *Farinam Hordei*, & poſt levem ebullitionem remove ab igne, ac adde *Aloën* & *Myrrham*, cumquè aliquantulum reſruxerit *Ovorum Vaſcellos*, tandem *Crocum Spiritus Vini permixtum*, & *F. S. A. Digeſtiuum*.

Jobus Meckeranus in *Obſervationibus Chirurgicis*, loco citato, hoc commendat Separatorium,

℞. *Digeſtivi comm.* ℥iiij.

Unguenti Baſiliconis ℥iß.

Pulv. Myrrha ʒj.

Mercurii præcipitati ʒiß.

Spiritus Abſynthii quai. xxij.

M. S. A.

Chirurgus verò quoties ad Ægrum accedit, remediis hiſce factæ *Eſcaræ* ſummam partem tollere conetur, aut *Scalpelli acie* incidat ad partem uſque ſanam, ut impoſita penetrare queant medicamenta ad corrigendum quicquid corruptum eſt; nec aliâ procedat methodo, donec videat morbum ſuperatum.

XXXII. Inſuper ad ſerpentem *Gangrænâ* ſiſtendam

M

ſummo-

summoperè conducit *Butyrum Antimonii* in circumferentia circulo inter partem sanam & ægram illitum, ut de Carbunculo dictum fuit.

XXXIII. Factam esse Separationem partis ægræ à sana ex eo cognoscitur, quod latius Malum non serpat, atque appareat circulus exactè rubens, exquisitiquè sensus, in quo spissa & alba reperitur materia.

Inducta verò quovis modo Crusta tollatur iisdem medicamentis, quæ de Anthrace cum in finem proposuimus.

Cura Gangrænæ à nimio frigore externo.

XXXIV. Atqui à *Nimio Frigore Externo aut Congelatione* fiat *Gangrena*, accuratè perpendendum, incipiatne affectus, an jam aliquantisper adfuerit; id quod ab *Ægro*, & *Adstantibus*, nec non ex indiciis hisce promptum erit intelligere. Namquè Morbus duntaxat Incipiens est, si eximio rubore affecta pars scintillet, dolor sit vehementissimus, punctorius, exurens. Sin verò Inveteratus sit, pars livida erit, & frigida.

XXXV. Igitur si Incipiens sit Morbus, non statim Pars Affecta Igni admovenda, aut Calida quælibet Ei apponenda; quin potius *Aquâ Frigidissimâ* membrum irrigandum, aut *Nive* perfricandum, unde sensim incalescere, & pristinum calorem recuperare solet. Hoc ipsùm quilibet facilè hyeme experitur, si manus frigore propemodum congelatas fricat *Nive* aut *Aquâ Gelidâ*: sic enim subito incallescunt; at Igni admotæ magnum sentiunt dolorem, eumquè pungitivum. Enimverò cum præ nimio frigore tardius in extremis corporis partibus sanguis circuletur, & fermè subsistat, si Patiens propius igni admoveatur, particulae igneæ poros vehementer intrantes rapidissimo suo motu stagnantes, condensatosquè humores dissolvere ulterius, hinc & corrumpere, partiumque interitum & mortificationem causare facilè possunt. Sed *Nive* si Membra ex nimio frigore Congelata fricentur, aut *Frigidissimâ Aquâ* irrigentur, subtilis materia leniter ac placidè admodum per poros intrans congelatos humores, nec non suffocatos ferè vitales spiritus excitat blandè, eorundemque radiationem, adeoque & nativum calorem plerumquè restituit. Et hæc ratio

ratio est, quod Regionum Septentrionalium Incolæ homines valdè refrigeratos, rigidos, & penè emortuos Aquæ Frigidæ primò soleant immergere, & manus, pedes, narium, aliaque refrigerata membra, priusquam hospitium ingrediantur, Nivefricare, & Gelidâ Aquâ ablueri. Cujus rei memorabile exemplum refert Fabritius Hildanus, *libr. de Gangrena & Sphacelo cap. 13.* quod ita habet:

„ Vir Generosus & Pius narravit, se, cum Regionem Observatio
singularis.
„ Septentrionales peragraret, incidisse in Viatorem frigore
„ rigidum, ac penè emortuum: quem plauastro suo im-
„ positum, cum deduxisset in diversorium, Hospes illicò de-
„ merisit in Frigidam: quo factò undiquaque erupit gelu,
„ ut ipsius corpus glacie contactum conspiceretur. Tum
„ quoque propinatum illi, ajebat, cyathum ampliorem
„ hydromelitis, addito pulvere cinamomi, caryophyllo-
„ rum, & macis, unde sudor in lecto provocatus est; at-
„ què ita Ægrum ad se rediisse, & convaluisse, amissis
„ duntaxat manuum, pedumquè extremis articulis.

XXXVI. Conjiciens autem Chirurgus ex sedato pun-
gente dolore, ipsam quoquè Congelationem magna ex
parte mitigatam & correctam, missam faciat Aquam Frigi-
dam, aut Nivem; at lenes adhibeat *Frictiones*: dein Fortus
ex *Lacte Dulci*, cui *Bacca Lauri*, *Folia Rosmarini*, *Salvia*,
Flores Lavendula, & similia Calida incocta fuerint, appli-
cetur. *Raparum decollitio*, aut *Rapa colla*, & cum recenti *Buty-
ro*, *Oleo Rosaceo*, & *Ovi Vitello in mortario contusa*, plurimum
juvant, teste Johanne de Vigo (*Chirurg. libr. 4. Cap. 3.*)

Vel pars affecta (non neglectâ interim, si necesse sit,
Scarificatione) fricetur hoc vel simili,

℞. *Spiritus Juniperini* ℥j.

Tinctura Castorei ℥ss.

Olei Therebinthina ℥ij.

Camphora ℥ij.

Misceantur S. A.

Dein calidè applicetur Fomentum, quod identidem re-
novetur,

M 2

℞. *Herb.*

℞. *Herb. Ruta, Salvia, Rosmarini, Absynthii an. Mj.*

Fol. Nicotiana ℥i℥.

Sem. Sinapi, Cumini,

Rad. Bryonia an. ℥j.

Coq. in Vini Gallici, & Urina hominis adulti an. p. eq. ad ℥xxx. pro Fomento; cui & Spiritus Vini addis potest.

Barbette in Curatione Gangrænæ ex nimio frigore, sequens præscribit,

℞. *Herbar. Scordii Mif.*

Vincetoxici Mj. Ruta M℞.

Sem. Nasturtii, Urtica Rom. an. ℥iij.

Coq. in f. q. Vini Gallici ad ℔iij. colat. addendo,

Spir. Vini ℥ij. M. pro Fotu.

Insuper conducunt, tum Fomenta, tum Cataplasmata, tum alia medicamenta superius præscripta.

XXXVII. Hisce peractis componatur Ager in lecto, probeque tegatur, eique exhibeatur cum Vino calido Theriaca, Mûtridatum, vel simile Sudoriferum & Alexipharmacum; quo Diaphoresis promoveatur, atque adeo æqualis humorum motus, ac spirituum corpus vivificantium ordinata radiatio servetur.

Gangræna
si fiat ab
humore
Serofo ni-
mum in
partibus
collecto,
quid agen-
dum.

XXXVIII. Sin ex Humore Serofo in partibus extremis, cruribus puta & scroto, collecto eveniat Gangræna, Universalibus haud neglectis, pars affecta scarificanda, sive altius, sive superficialiter, prout Malum magis minusve altas radices egerit: dein sequenti Fotu ablucenda & fovenda,

℞. *Rad. Bryonia siccæ. ℥ij.*

Herb. Scordii, Ruta, Absynthii an. Mj.

Pulpa Colocynthis,

Salis Tartari an. ℥ij.

Muria Limonum ℥xv. Aquæ Puræ ℥xxvj.

Coquantur S. A. & Colatura addendo

Spiritus Vini, in quo ℥i℥. Camphoræ sit soluta, ℥iij.

Pulv. Aloës, Myrrha an. ℥ij.

Misceantur pro Lavamento & Fomento, quod fervide parti applicetur.

Potest

Potest quoque parti affectæ imponi Cataplasma. v. gr.

℞. Rad. Vincetoxici, Angelica an. ʒiʒ.

Herb. Phellandrii Mij.

Abſynthii, Ruta, Scordii an. Mj.

Baccar. Juniperi ʒij.

Sem. Sinapi ʒj.

Coq. in Vino albo & Urina hominis adulti ad molliem, dein in mortario contund: & addendo

Farina Fabarum ʒij.

Salis Armoniaci ʒij.

M. F. S. A. Cataplasma.

Pars sic curata in lecto est continenda, nec non arena probe calefacta sacculisque inclusa ei circumponenda, ut in perpetuo calore membrum servetur.

XXXIX. Cheirurgus interim dum removet Fomentum vel Cataplasma, conetur acie scalpelli Escaram separare; dein abluit denuò partem affectam præscripto Fotu, admoveatque idem vel Fomentum, vel Cataplasma: nec aliter se gerat, donec sisti Malum animadvertat. Tandem separare nitatur Escaram Pharmacis ante commemoratis: imponendumque interea vel Fomentum, vel Cataplasma, quod putrefactioni resistit.

XL. In Gangræna, qua ex Alimentis Defectu, & Atrophia evenire solet, atque ut plurimum in partibus excitari extremis, quavis ratione corpus humectandum & reficiendum, tum commodo victu, tum quibusvis, quæ pro Præsenti Causa convenire videntur, ritè usurpatis.

Gangræna
ex Alimen-
ti defectu
quomodo
tractanda.

XLI. Quoad Partem Affectam; indagandum prius, num Atrophia velut Causa Futuræ Gangrænæ solummodò adsit; an verò Gangræna ipsa jam invaserit? Si nihil præter metum Gangrænæ ex Atrophia adsit, quavis ratione humectanda ac reficienda pars affecta, pori aperiendi, sanguinis spirituumque in ea motus restituendus, hinc & alimentum alliciendum. Quem in finem pars fovenda jure rapido Inestmorum, Capitis, & Pedum Vervecis; cui nonnunquam Lumbrici Terreſtres incoqui solent. Postquam verò aliquamdiu fota fuit Ægra Pars,

Ventosa applicentur *Cucurbitulae*, usque dum rubescere incipiat; tunc autem demendæ, & sequenti Linimento pars unguenda, diuque fricanda,

℞. *Olei Laurini* ℥ij.

Gnaji ℥ij.

Aluminis Plumosi ℥j.

Misceantur exacte pro Lin.

Alii laudant Partem Affectam inungere *Succo Lumbricorum Terrestrium*, qui potenter calefacit, humectat, nec non pororum ac vasculorum obstructions aperit, ut spiritus, alique humores liberius permeare queant; atque ex præscripto Johannis Wieri, in tractatu de *Scorbuto*, ita præparatur.

„Sumit ille Lumbricos cœmeterii pinguißimos, quos
„Aqua primum, deinde Vino exacte lotos minutim incidit, & phialæ immittit pastâ obvolutæ: hanc furno inferit cum alio pane, hocque cocto phialam pastâ obvolutam quoque eximit, ac ubi refrixerit mergit in aqua,
„hinc, pastâ mollescente ac phialam deferente, Lumbrici
„in liquorem resoluti sese offerunt. Percolatus liquor
„servetur usui; sed alterno quoque die renovandus, cito
„namque corrumpitur, tempore præsertim æstivo.

XLII. At verò si jam invaserit *Gangræna*, *Scarificatio* hic non facienda, nisi urgente necessitate. Sed Pars Affecta foveatur tali Fotu,

℞. *Rad. Bryoniae Sicc.* ℥ij.

Herb. Phellandrii, Nasturtii Aquat. an. Mij.

Ruta, Scordii, Salvia an. Mj.

Baccar. Lauri ℥i℥.

Sem. Sinapi ℥j.

Stercoris Columbini ℥ij.

Coq. S. A. in Vino albo & Urina hominis adulti, ad ℔ij.
pro Fomento.

Postquam aliquamdiu pars ita fota est, ad luculentum ignem moderatè fricetur, & fricando inungatur sequens; quo porositates aperiantur, & sanguinis spirituumque radians motus restituatur,

℞. *Spi-*

℞. *Spiritus Cochlearia* ℥iβ.

Juniperini ℥j.

Tinct. Castorei ℥iij.

Camphor ℥ij.

Misceantur.

Post Frictionem & inunctionem imponendum denuò Fomentum, vel ejus loco Cataplasma pag. 93. præscriptum;
Vel

℞. *Herb. Salvia, Ruta, Sabina* an Miß.

Sem. Sinapi, Bacc. Lauri an ℥iβ.

Coq. S. A. in Vino Albo & Urina hominis adulti ad molliem, dein in mortario contendantur, & addendo

Stercoris bubuli rec. ℥iij.

Camphora in ℥iij. *Spiritus Vini soluta* ℥iβ.

F. S. A. Cataplasma.

Sedatâ Gangrænâ, mundificandum & incarnandum est ulcus, hinc cicatrice obducendum. Atqui ubi nulla spes apparet, membrum conservari posse, amputandum id est. Sed antequam hic amputetur pars emortua, necesse est, ut Cheirurgus ventura pericula prædicat, eaque palam commemoret apud Ægri Amicos & Adstantes. Nam etsi amputetur altius pars affecta, in ipsâ quoque carne viva, malum equidem ut plurimum truncum iterum invadit, atque occupat, estque omnis Gangræna ex Alimenti Deffectu plerumque lethalis.

XLIII. Ad hanc Gangrænæ speciem curandam proximè & illa accedit Gangræna, quæ ex Mala Febrium, præsertim Malignarum, Crisi ortum ducit. Et quoniam illa magnam cum Anthrace habet similitudinem, eodem ferè modo ac Carbunculus curari debet.

Gangræna
ex Mala
Febrium
Crisi.

XLIV. Cum verò Gangræna oriatur ex Ictu aut Morfu Animalis Venenali, periculum in mora est, atque ideo affecta pars Causterio Animali mox incutenda, & absumendum subito, quicquid ejus malignitatis particeps est. Aut ejus loco pars altè Scarificetur, & abluatur Spiritu Vini vel simplicis, vel Aromatico, vel Aqua contra Gangrænâ in qua dissoluta Camphora & Theriacâ. Dein hoc vel simile imponatur Cataplasma,

Cura Gangrænæ ex Ictu aut Morfu Animalis Venenali.

℞. *Herb.*

℞. *Herb. Ruta, Salvia, Rosmarini an. Mj.*

Sem. Cumini ℥j. Nucumeschata ℥iij.

Cog. in f. q. Vini Gallici ad mollietatem, dein in mortario minutim contund: & addendo

Farina Lupinorum ℥ij.

Theriaces ℥vj. pulv. Croci ℥ij.

Spir. Vini in quo ℥j. Caphura sit soluta ℥i℥.

F. S. A. Cataplasma, feruide imponendum.

Vigierius Chir. lib. i. cap. ii. hoc proponit Emplastrum ex Hildano,

℞. *Fermenti Acris, Farina Lupinorum*

Alliorum sub prunis coctior. an: ℥ij.

Fol. Ruta, Scordii, Diſſamni Cretici an. M℥.

Pulv. Rad. Angelica, Vincetoxici an. ℥℥.

Theriaces, Mithridati an. ℥j.

M. cum f. q. Decocti Scordii, & F. S. A. Emplastrum vel Cataplasma.

XLV. Interea exhibeatur Theriaca cum Vino calido, vel cochleatim utatur Patiens sequenti Mixtura Diaphoretica & Alexipharmaca,

℞. *Aq. Carduibened. Melissa an. ℥i℥.*

Theriaca. simpl. ℥vj.

Theriaces ℥j.

Salis Absynthii ℥ij.

Camphora gr. iv.

Syrupi Limonum ℥℥.

Misceantur.

Sedatâ Gangrænâ mundificetur, incarnetur, & cicatrifetur ulcus, ut in Carbunculo.

Gangræna, qua è Medicamento Septico corpori admoto evenit, eodem ferè modo curetur.

Quidagendum, si ex Scorbuto originem duxerit Gangræna.

XLVI. Non prætereunda hîc Gangræna, qua è Scorbuto originem ducit, & plerumque partes extremas, crura præsertim, afficit; nec non partes oris internas, gingivas puta, palatum, genas, linguam, aut fauces non raro occupat, imprimis in infantibus. In Istiusmodi Gangræna Curanda remedia interna omnia, quæ in Scorbuto Cu-

DE TUMORIBUS PRÆTER NATURAM. 97

Curatione conducunt, minimè sunt omittenda; quæ tamen non enumerabimus, quoniam alterius sunt loci.

Equidem Patiens continuò utatur tali Mixtura,

℞. *Aq. Melisse, Antiscorbutica an. ℥ij.*

Spir. Cochlearia per se destillat. ℥ij.

Salis Volatilis Cornu Cervi gr. xv.

Syrupi Limonum ℥vj.

Misceantur.

Interim Crus Affectum, præmissis Scarificatione & Ablutione cum Spiritu Vini, &c. foveatur hoc vel simili Fomento,

℞. *Rasura Ligni Guajaci, Sassafras an. ℥j.*

Rad. Angelica, Chelidonium maj. an. ℥vj.

Fol. Cochlearia, Nasturtii Aquas. an. Miß.

Seminis Fœniculi ℥vj.

Incisa & Contusa digerantur per noctem calidè in Vase Clauso in Spiritu Vini ℥xxviii. mane fiat colatura, qua sit pro Foin.

Vel loco Fomenti applicetur Cataplasma,

℞. *Herb. Phellandrii Mij.*

Ruta, Salvia, Absynthii an. Mj.

Baccar. Lauri, Juniperi an. ℥j.

Seminis Fœniculi ℥x.

Coq. in Vino Gallico ad mollitiem, dein minutim contund.

& add. Farina Fabarum ℥ij.

Pulv. Aloës, Myrrha an. ℥ij.

Spiritus Cochlearia cum Spir. Vini destill. ℥ij.

F. S. A. Cataplasma calidè applicandum, & identidem renovandum.

Cæterum ulterius procedendum, ut de Gangrænæ, quæ magnas sequitur Inflammationes, Curatione dictum fuit.

XLVII. Sed hujusmodi Gangræna si in partibus Oris internis, Gingivis viz. Palato, Genis, Lingua, Faucibus, fiat; atque affectæ partes corruptæ, nigricantes, ac omnino putridæ sint, pessimumque emittant fœtorem, Generalibus haud neglectis, conducit Mixtura, qua partes hæc Scorbucicæ infectæ, hinc & corruptæ, frequenter laventur & fricentur. y. gr.

N

℞. Mn.

℞. *Muria Limonum*,
Aqua Antiscorbutica an. ℥vj.
Spir. Vini ℥ib.
Theriaces ℥j. *Salis Absynthii* ℥ij.
Pulv. Myrrha ℥β. *Alummis crudi* ℥iv.
Mellis Rosacei ℥iβ.

Misceantur pro Oris Collutione.

Interim tamen si durities quædam in Gena appareat, foris applicetur Cataplasma ad tumorem emolliendum, & citiorem promovendam separationem.

℞. *Herb. Salvia* Miß.
Ruta, Absynthii an. Mß.

Nucismoschata ℥iij.
Aloës, Myrrha an. ℥ij.
Farina Fabarum tostæ. ℥ij.

Pulver. & cum s. q. Spiritus Vini leviter ebulliant in formam pulvis, eique addendo

Gum. Ammoniaci in Aceto soluti ℥β.

F. S. A. Cataplasma calidè applicandum, & sæpius permittendum.

Cum verò Curari incipiat Affectus, Oris Collutio mitigetur, donec perfecta sequatur sanatio. v. gr.

℞. *Aq. Antiscorbutica, Plantaginis,*
Salvia an. ℥iβ.
Vini Albi Galli ℥ij.
Elixir. Proprietatis sine acido ℥ij.
Salis Absynthii ℥j.
Aluminis Crudi ℥iv.
Mellis Rosacei ℥j.
Misceantur.

Cura Gangrænae, quæ Combustionem sequitur.

XLVIII. Succedit nunc quæ ex Combustione oritur Gangræna, ad cuius Curationem tradendam haud abs re foret, prolixam de Ambustione, & Ambustionis Cura materiam hic exponere; sed quoniam de ea libr. 3. fufius sumus dicturi, sufficiet hoc loco tantum monere, quod si magna Combustio Curam ritè non suscipiat, quin potius in Gangrænam vergere incipiat, conducere sequens Medi-

Medicamentum, quod Parti Affectæ, prius Scarificatæ, cum linteo carpto calidè applicetur, ac identidem renovetur,

℞. *Spir. Vini* ℥ij.
Tinct. Castorei ℥ij.
Camphora ℥ij.
M. S. A.

Dein superponatur Cataplasma,

℞. *Herb. Phellandrii* Mij.
Ruta, Scordii, Salvia an. Mj.
Coparum crudar. ℥ij.
Baccar. Juniperi ℥ij.

Cog. in Vino albo ad mollitiem, dein minutim contund. & addendo

Farina Fabarum ℥ij.
Pulv. Nucifmoschata ℥ij.
Aloës, Myrrha in Spiritu Vini solut. an. ℥ij.
Unguenti Basiliconis ℥ij.

P. S. A. Cataplasma, fervidè applicandum, & saepius renovandum.

Hinc ulterius procedendum pro re nata, ut superius exposuimus.

XLIX. *A Spirituum in Partem Interceptione si eveniat Gangrena*, pro morbi ratione & Ægrotantis viribus, diligenter indaganda causa, ob quam spiritus arcentur à parte affecta, eaquè si fieri possit statim tollenda. Hinc si arctior sit ligatura, laxanda est. Dein admovenda Pharmaca Calescientia, Aperientia, Resolventia.

Eum in finem Hildanus proponit hoc Cataplasma,

℞. *Farina Lupinorum, Fabarum, Lenium an.* ℥ij.
Pulv. Scordii, Absinthii, Florum Camomilla an. ℥ij.
Cum Oxymelute, aut Symplo de Acetosa,
P. S. A. Cataplasma.

Sin invalescat nihilominus Malum, *Locus Affectus Scarificandus*, & ablundus *Spiritu Vini vel simplici, vel cum Theriaca*, ac porro in Curatione procedendum, uti in Gangræna ex nimia Inflammatione.

Cura
Sphaceli.

L. Verumenimvero quum Gangræna, remediis nunc satis propofitis licet commodè adhibitis, ulterius proferpat, magisque ac magis invalefcatur, non amplius *Gangræna* eft, fed *Sideratio*, hoc eft, *Spiruum Radiancium Omnimoda Extinctio, Totaque Partis Corruptio & Mortificatio*, hinc & Curari non poteft, cum pars planè emortua ad vitam revocari nequeat. Sed unicum tunc, ut Patiens fervetur, reftat remedium; viz. *Membrum Corruptum refcindere & extirpare*, quo quamvis dubio, gravi, & violento utendum tamen, moxquè Sideratum Membrum Amputandum, ne pars fincera trahatur, Crudelem fi quidem Medicum neceffitas facit; nam crudele malum crudeli remedio expugnandum, atquè nihil intereft, an fatis tutum fit præfidium, quod eft unicum: fatius eft anceps auxilium experiri, quam nulum: melior eft dubia fpes, quam desperata falus: fatius eft motum alicujus partis perire, quam totum hominem. Nam, ut ait Hippocrates, extremis morbis extrema conducunt remedia: Item, quod non fanat medicamentum, fanat ignis; quod non fanat ignis, fanat ferrum; nec illa dura videtur curatio, cujus eft falutaris effectus.

LI. Cum igitur Sphacelus fit Perfecta Partis Mortificatio, ideo Cura Ejus non confiftit in Medicamentorum Facultatibus; fed in unico, eoquè ultimo & extremo remedio, quod eft Partis Sphacelo Affectæ, Infectæquè, & Corruptæ Extirpatio; nam quod à naturæ regimine non amplius pendet, excindendum & amputandum eft. Atquè ità omnibus diligenter confideratis, ubi Chæirurgo de Ægrotantis voluntate, deque ejus viribus planè conftiterit, tum ad munus fuum ritè præftandum fe accingat, omnibusque ante operationem, in operatione, & poft operationem neceffariis inftitutus Patientem in oppofito, commodoquè fitu collocet, extirpationemque aggrediat. Sed cum partis corruptæ extirpatio variis modis à variis Auctoribus tradi folet, haud gravabor quorundam de ea proferre fententias.

Modi qui-
dam extir-
pandi par-

LII. Nonnulli Scarificationi profundiori, inter partem fanam & mortuam, inſpergunt pulverem ex Arſenico;
vel

vel imponunt Unguentum Ægyptiacum, cui admixtum Arsenicum.

tem mortuam trahuntur.

Alter modus extirpandi quod corruptum est, fit Actuali Cauterio, dum uritur quicquid infectum & emortuum, ac removetur escara.

Tertius modus est, Novaculâ simul refecare quicquid corruptum & emortuum; dein Actuali Cauterio vulnus inurere, tum ut sanguinis fluxus sistatur, tum ut reliquæ corruptæ carnis porro absumentur. Sed operationes hæc quaquam exerceri possint, cum Sphacelus sit in corporis parte, quam non sit necesse aut possibile totam extirpare, clunibus puta, femore, simulibusve. Si tamen totum membrum sit corruptum, adeoque amputandum, nequæ Cauterio Actuali, nequæ Potentiali, nequæ Novaculâ id expediti potest, sed integri membri, manus sc. pedisve amputatione opus est. Verum qua ratione, & quo in loco Operatio hæc tutius & commodius institui possit, non una est Auctorum sententia.

liquæ refectantur.

LIII. Multi ex Recentioribus statuunt satis commodum locum esse in ipso Articulo, quamvis in praxi contrarium vulgò observetur, tum ob difficultatem, quæ in ipsa sectione occurrit, quod non tam promptè inveniri possit locus conjunctionis duorum ossium; tum quod cicatrix tardè admodum, & difficulter inducatur.

Quo in loco membrum emortuum sit extirpandum, disquiruntur.

LIV. Sed cum non semper Malum sit prope Articulum, at sæpè circa Medium aut Finem Membri, nunc porro quæritur, *sine facienda Membri Amputatio in parte emortua, an in parte sana?* Qui in parte corrupta atquæ emortua Sectionem instituendam autumant, his nituntur rationibus; tum quia sic minorem dolorem sentiet Patiens; tum quia in magnâ non incidet hæmorrhagiam, ob quam nonnunquam animi defectio oritur, & in ipsa operatione Ægri moriuntur. Atque hujus sententiæ videtur fuisse Galenus *libr. 2. de curandi ratione ad Glauconem cap. 9.* ubi sic scribit: „Membrum emortuum statim rescindere oportet, „quo sanam partem vicinam attingit. *Et paulo post:* Satius „est ob majorem securitatem, quando abscindis & circum-

„cidis id, quod jam putruit, eam, quæ velut radix est,
 „sanæ parti adjunctam adurere. Hanc quoquæ sententiam
 defendit Johannes de Vigo *lib. 4. Chir. cap. 7.* sic inquires :
 „Incidendum est membrum propè sanum, ita ut aliquid
 „remaneat corrupti. Et hoc de tribus causis. 1. ut incisio
 „sine dolore fiat. 2. Ut sanguinis fluxus evitetur. 3. Ut
 „post remotionem ossis fiat cauterisatio cum paucò dolore.
 Inter Recentiores idem sentit Fallopius *tract. de Tumor. pr. nat. cap. 26.* ubi docet, aliquid relinquendum esse potius de
 parte corrupta, quam ut sanam incidamus, ob easdem
 fermè, quas de Vigo habet, rationes. Hieron. Fabricius
 ab Aquapendente *Chir. lib. 1. cap. 19. & de Operat. Chirurg. titulo de Sphaceli Chirurgia*, tantam corruptæ carnis partem
 relinqui vult, quanta est crassities unius aut seque digiti:
 idquæ ideo, quod si in vivente parte instituat Sectio, duo
 inevitabilia sequantur symptomata; viz. sanguinis profu-
 sio ex præcisione magnorum vasorum; & dolor intolera-
 bilis, cui nonnunquam convulsio accedit. Quæ incom-
 moda evitari possè putat, in parte emortua si instituat
 sectio. Ne autem Sideratio ulterius extendatur, abscisso
 ossè, ferramentis candentibus relictam partem putridam
 undiquè inurit, donec vim ignis persentiat Ægrotans, &
 aliquem patiatur dolorem. Ita enim partem emortuam in
 crustam degenerare, quæ vasis est operculum, & partem
 vivam ità per unctionem corroborari testatur, ut spatio tri-
 dui aut quadridui appareat separatio mortui à vivo, & ità
 sistatur mortificatio sine dolore, & sine sanguinis profu-
 sione. Sed consilium hoc periculosæ plenum alexæ nobis
 videtur, quia certi non sumus, Malum illud, quod relin-
 quitur, non sese multiplicaturum, & quis fidem nobis fa-
 ciet, os ipsum, quod carni subest, non esse altiori in loco
 corruptum.

LV. Contrarium igitur meritò sentiunt Alii, quos inter
 est C. Celsus, qui *libr. 7. cap. 33.* inter sanam vitiatamquæ
 partem carnem Scalpello incidere usquæ ad os jubet, sic
 ut potius ex parte sana aliquid excidatur, quam ex ægra
 relinquantur. Haud secus Guido de Cauliaco jubet mem-
 brum

brum incidere supra corruptum aliquantulum in loco, in quo cum stilo immisso invenitur dolor & firmitudo. Hos Alii sequuntur, inter quos Ambrosius Paræus *Chir. lib. 11. cap. 18.* qui Celsi consilio minimum ejus, quod sanum est, amputare jubet; sic tamen ut ex parte sana potius aliquid excidatur, quam ex ægra relinquatur. Hujus quoque opinionis est Fabritius Hildanus *lib. de Gangrana & Sphacelo cap. 17.* ubi plures adducit Cheirurgos, planè idem sentientes. Quapropter concludimus tandem, in parte sana faciendam esse sectionem, proximè tamen ad ægram, spatium unius circiter digiti transversum. Equidem hæc regula exceptionem patitur in Tibia; in qua si Sphacelus sit supra malleolos, prope genu extirpatio est facienda: quod enim relinquitur, nullum præstat usum, imo magnum incommodum. Ægro adfert, cum ligneo crure ipsi utendum sit, parsquæ otiosa in posteriora vergat: adde quod in tendinosa musculorum, & excarni tibiæ parte instituta sectio consolidationem faciat longè difficilem. In Brachio verò tantum conservetur, quantum commodè alligandæ & aptandæ manui ferreæ sufficiat.

LVI. Cæterum amputationis locum in manuum pedumvè digitis quod spectat; rectissimè in ipso articulo fit sectio. Nam in digiti articulo minore cum periculo fit amputatio, ac minore cum dolore; nervi enim & tendines incisi sursum contrahuntur, carne conteguntur, & vix ullum accedit incommodum.

LVII. Explorato & designato amputationis loco, ad Membri Corrupti Extirpationem veniendum est. Sed ut Operatio hæc ritè instituatur, quæ ad eam necessaria sunt Instrumenta in promptu sint, eaque ita collocanda, & ordine disponenda, ut in operatione unum alteri minime sit impedimento, uti accidit Cheirurgo, cujus meminit Hildanus; qui cum crus emortuum abscinderet, & in medio esset operæ, serra fasciæ (qua cutem & carnem sursum reducerat) ita involuta fuit, ut ab opera aliquamdiu desistere cogeretur, dum ferram è fasciâ iterum extricaret.

Modus, quo membrum emortuum amputari debeat, exponitur.

LVIII. Sunt

LVIII. Sunt verò *Instrumenta* ad hanc Operationem necessaria, *Culter propemodum Falcatus*, *Serra*, interdum sed rarò *Scalper Excisorius* aut *Excisoria Forfex*, *Canteria Althalia*, *Puvis ad sistendum sanguinem*, *Tenacula ad liganda vasa*, *Defensiva*, *Fascia Oxycrato madefacta*, *Pulvilli*, *Stuppa Ovi Albumine intincta* & *Pulvere ad sanguinem sistendum adpersa*, *Vesica Bovina*, & si quæ alia.

LIX. Igitur corpore, omnibusquè necessariis ad Operationem præparatis, & ordine dispositis, id quod agendum inchoetur. Atque si *Tibia* v. gr. amputanda sit, implorato prius *Supremi Numinis* auxilio, oportet *Ægrotantem* haustum largiorem *Vini*, aut *Cardiacum* aliquod assumere, ne inter Operandum deficiat. Nonnulli *Opiatæ* alicujus *Confectionis*, vel *Laudani Opiati* aliquid exhibent ad sensum sopiendum. Quos tamen meritò reprehendit *Fallopious*, atquè *levia Soporifera* nihil prodesse existimat, valida autem periculosa, quoniam *spiritus* inde profligantur, hinc vires prosternuntur magis.

LX. *Patiens* verò pro natura, situ, & varietate partis affectæ convenienter & commodè collocetur, atquè ne pars in operatione vacillet, aut *Æger* eam movere possit, firmissimè vinculis & ministris comprehendatur, detineaturque. Deinde à viro robusto cutis & caro sana (quantum fieri potest) sursum attrahenda, ut eadem postmodum relaxata denudato ossi melius obduci queat. Tum supra sectionis locum valida fiat ligatura vinculo non ita lato, sed forti, idquè ut *Æger* minus dolorem percipiat; tum ut, ob vasorum constrictionem, sanguinis fluxus melius compesci possit. *Guido* vult, vinculum alterum adhiberi parti emortuæ, ut inter duo illa vincula fiat incisio: nec malè fortassis. Cum enim adstantes terreantur sanguinis eruptione, hujusmodi ligaturâ coercetur sanguis intra venas partis emortuæ, ne effundatur.

LXI. Hisce peractis, ubi locus conveniens fuerit electus, *Cheirurgus* *Culstro* propemodum *Falcato* totam circumquaque *Carnem Musculosam* quam potest festinanter resecet. Hinc *Serram Acutissimam* adhibeat prius

prius ad Fibulam, deinde ad Tibiam, sicque Os præcidat.

LXII. Si geminum sit os, ut in crure aut cubito, nonnulli cultellum ancipitem inter duo ossa à ministrante Cheirurgo inferi volunt, tum ut auferatur periostium, tum ut vasa majora ibidem delitescencia discendantur: sed perperam, quoniam in vivis hæc duo Focilia, tum in crure, tum in cubito, tam propè sibi conjuncta cernuntur, ut impossibile sit, vel minimum cultellum inter illa inserere. Insuper morâ istâ sanguis copiosè nimis profluere, unde & Ægrotanti faciliè animus deficeret.

LXIII. Factâ Amputatione, si magna & immodica sanguinis adfuerit profusio (nam ut mediocriter sanguis fluat finendum) sistenda est: rarò tamen id fit, modo fortis instituat ligatura; adeo ut nonnunquam ad aliquot cochlearia non profundatur cruor, aut ad tres quatuorvè uncias ad summum. Igitur ad sanguinis immoderatum profusivum sistendum, Aliqui Cauterio utuntur Actuali ad vasa inurenda & crustam carni inducendam: quod remediû genus à multis tutissimum judicatur, cum ignis non solum fluentem sanguinem sistat, at etiam reliquias putredinis, & Mali radicem, si quæ super sit, absumat; & quo citius ossis fragmenta excidant, etiam ipsum os inurendum præcipiunt. Sed metuendum est, inquit Cl. van Horne in *Microtechne*, ne eadem illâ, quæ ab inustione actualis cauterii inducitur, crustâ decedente novus fiat sanguinis fluxus, & antequam ad eum sistendum advocetur Cheirurgus, jam Æger ad plures abierit. Addit Paræus *Cheirurg. libr. 12. cap. 35.* crudele id esse, cum summum dolorem adferat, si in viva carne, uti debet, sectio facta fuerit; unde partibus nervosis prava sæpè superveniunt accidentia. Quapropter Idem *cap. 31. 32. 33.* suadet, ut tenaculâ vel volsellâ vasa apprehendantur, & acu transfigantur, atque adducto filo delignantur.

Constrictis autem vasis, seu ligaturâ, seu actuali cauterio, vincula solvenda, & membro stuppæ Albumini ovi imbutæ, & pulvere sanguinem sistente conspersæ, imponendæ.

O

Pulvis

Factâ
membri
emortui
amputa-
tione,
quid porro
agendum.

Pulvis sanguinem sistens, qui valdè laudatur ab Hildano
libr. de Gangrana & Sphacelo cap. 17.

R. Farina Volatilis ℥vj.

Thuris, Sanguinis Draconis an. ℥j.

Boli Armeni, Terra Sigillata an. ℥ss.

Gypsi ℥ib. Musci Crani Humani ℥j.

Ranarum Aquatil. prepar. ℥ij.

Pilorum Leporis minutissime incisior. ℥ij.

Pulv. Album. Ovorum Sole exsiccat.

Spuma Maris, Spongia Torrefacta an. ℥j.

M. F. Pulvis subtilissimus.

Plerumquè etiam sine Cauterio Actuali & Ligatura sanguinis profusio cohiberi potest, si *Fungum*, quem *Crepium Lupi*, vulgò *Wobpft* appellant, in usum ducamus; viz. ut in spatio inter duo ossa medio, portiunculas ejusdem, pulvere sanguinem sistente plenas, & ovorum albumine madefactas, applicemus: aut si ex eodem Fungo excavato veluti Scutellam conficiamus, pulvere Stegnotico repletam, cui tunc membri extremitas imittatur.

Alii Liquorem Stipticum ex Calchanto & similibus præparatum cum linteo discerpto, aut stuppa cannabina imponunt, sicquè sanguinis fluxum protinus supprimunt, ex. gr.

R. Vatrioli Ungarici,

Aluminis Crudi an. ℥vj.

Phlegmatis Vatrioli lbij.

Coq. tamdiu donec omnia fuerint dissoluta: liquorem refrigeratum fibra, & à crystallis subinde concretis separa, ac addendo singulis libris,

Olei Vatrioli ℥j.

M. & servetur usus.

Hoc liquore lintea quintuplicia humectata vulneri, vel orificio arteriæ, vel trunco membri extirpati superimponantur, adhibitâ conveniente ligaturâ, & observatur sanguinem protinus esse coagulatum. Plura de stiptico hoc liquore addit Joh. Corn. Weber, in *Anchora Sanciatorum. pag. 124 125.* Aliam porrò methodum, qua Hæmorrhagia post ampu-

amputatas manus subito fuerit sedata, proponit Felix Platerus *Libr. 3. observ. pag. mihi 772.*

LXIV. Coërcito autem nimio sanguinis fluxu, & cæteris ita constitutis, membri extremitas, ejusque apparatus ita in situ detineatur beneficio Emplastri Defensivi & Glutinantis, quibus omnibus vesica bubula superinducatur, donec hæmorrhagiæ metus transiverit; tandem cruciata fasciatio instituat.

LXV. Atquæ hic primus apparatus est, seu prima deligatio, quæ ante secundum aut tertium diem æstate, hyeme ante quartum non est solvenda, nisi quid valdè urgeat; interim membrum figurâ mediâ collocandum in pulvinari. Solutâ verò ligaturâ, & ablato primo apparatu, aliquot pulvillos ex stupis aut gossypio paratos, nec non Albumine Ovi madefactos, & pulvere Stegnotico adspersos, in promptu habeat Cheirurgus; qui omnia prudenter admoveat: pulvilli tamen, qui in primo apparatu vasis impositi fuere, si aliquo modo, quantumvis levissimè adhæserint, propter Hæmorrhagiæ metum, in proximam usque deligationem relinquendi sunt. Sin vero facilè, & velut per se deciderint, recentes vasis imponere convenit; at reliquo vulnere applicetur *Digestivum Commune*, vel *Mundificativum de Apio*, Vel

R. *Therebinthina Veneta Vino lota* ℥iij.

Mellis Rosacei ℥i℥.

Pulv. Rad. Aristol. Rot.

Iridis Florent.

Farina Hordei an. ℥i℥.

Theriaces ℥j. *Spiritus Vini* ℥℥.

M. F. S. A. Mundificativum.

LXVI. Interea tamen postquam ligatura soluta, detractaque fuerit, cutis jam leviter reducenda est ad Vulnus tegendum, quo tempore fieri id poterit: quem in finem Paræus & Alii cutis extremitates quatuor in locis acu & filo traducto ad se invicem adducunt, & nudatum os obtegere satagunt, ne ab aëre lædatur. Sed quorsum opus est Ægrum non profuturis carnificinis excruciare? cum

enim truncus post operationem intumescat, futura hæc mirum in modum dolores auget; filum quoque, intumesciente carne, cutem abruptit, unde futura relaxatur, & planè inutilis evadit. Hinc commodior videtur ea, quam siccam vocant, quæquæ per Emplastra Conglutinantia satis aptè peragitur.

LXVII. Tandem dum curatur hoc modo Vulnus, procurandus est casus extremorum ossium, quæ aëris & serræ contactu alterata fuere. Eum in finem Cheirurgi Pulveres Catagmaticos inspergere perperam solent; quoniam iis os conservatur, hinc nec squammæ separatio promovetur: sed Pinguis potius, & Oleaginosa ossium extremis imponantur; quæ ossa corrumpere, adeoque illorum separationem festinare solent. Accelerat quoque casum ossis, si peractâ amputatione Cauterium Actuale leniter leviterquæ ossi applicatum fuerit.

LXVIII. Sed ipso in trunco luxurians spongiosaquæ caro sæpius excrescit, quæ coërcenda est inspergo pulvere *Radici Iridis Florentina*, aut *Aluminis Usti*, aut sequente, quem Hildanus proponit,

℞. *Aluminis Usti* ℥ij.
Virioli Calcinati ℥ss.
Cerussa, *Lapidis Calaminaris*,
Plumbi Usti an. ℥j.
M. F. Pulvis.

hinc inducenda Cicatrix *Emplastro Diapalmâ*, de *Cerussa*, *Unguento Desiccativo Rubro*, *Diapompholigos*, similibusve.


Post Curationem verò quomodo Tibia Ligneâ, aut Integrum ex Ligno Factum Crus sit adaptandum, exponit Ambrosius Paræus *Cheirurg. libr. 23.*

CAPUT XVIII.

DE AFFECTIBUS CUTANEIS.

ET PRIMUM,

*De Maculis quibusdam levioris momenti, quæ
Ephelides, Lentigines, & Hepaticæ
vulgò nuncupantur.*

I.  Nter Affectus merè, aut saltem maxima ex parte Cutaneos primò occurrunt maculæ, *Ephelides* vulgò, Nostratibus *Sporotelen* nuncupatæ, quæ Verè & Æstate, quoniam ab In solatione potissimum excitari solent, plurimum increbescunt, atqui circa Hyemen rursus evanescent.

II. Sed cum in Formosioribus, ac eutem rarissimam habentibus maximè contingant, in iis præcipuè locis, ubi cuticula, soli & aëri exposita, densissima est, sc. in facie ac manibus maximè erumpunt. Porro coloris subflavi aut fusci, ad magnitudinem morsus pulicaris, inæquales tamen, & quoad figuram irregulares existunt. Atque hæ Maculæ parum aut nihil differunt à Puncturis illis subfuscis, aut flavis, quas nonnulli *Lentigines* vocant, quæ lentis magnitudine faciei partes crebris quasi guttis insigniunt.

III. Harum Macularum Materies seu Continens Causa videtur esse, *Biliosi Humoris tenuior portio, vi Solis illam attenuantis, & poros cutis aperientis, exterius prolesita*; quæ evaporare incipiens, in cute exteriori, aut cuticulæ, quam pertransire nequit, concavo defigitur. Et certè maculas hæcæ à Bile, similibusve Flavis Sanguinis Recrementis procedere indicio est, quod maximè familiares sint iis, quorum pili flavescunt.

Maculae
Hepaticæ.

IV. Equidem præter exiguas hæc Maculas Lenticulares & Ephelides, aliæ insuper occurrunt multò ampliores, palmæ longitudinem ac latitudinem nonnunquam excedentes, quæ cutem variis in locis, præcipuè circa Pectus & Dorsum, lituris modo fuscis, modo luridis, aut subnigris conspurcant, ac *Hepatica Macula* nominari solent, iisque, plurimum insigniti, jecur minus sanum, aut saltem haud benè sanguificum habere creduntur: quod tamen sub hac ratione verum non est; at solummodò quatenus humores bilioli, cum non satis intra hepar à massa sanguinea feceruntur, ad cutem protrusi eam ità discolorant.

V. Lituræ istæ potissimum tempore æstivo apparent, & maximè supra pectus & dorsum, viz. quo tempore, & quibus in locis ad sudandum homines sunt plurimum apti: ipsum nimirum sanguinis serum, quod sæculentias istas è cruoris massa in cutis angustias provehit, eas penitus evaporare inidoneas, illic relinquit.

Macularum dictarum Prognosis.

VI. Affectus hi, quoad valetudinis statum, nihil mali indicant, aut ominantur; & quamvis Ephelides, Lentiginisque nonnihil turpitudinis referunt, id tamen compensatur, quatenus ità maculosi puriori constitutione præditi observantur.

Curandi Methodus.

VII. Ad Curationem verò horum Affectuum quod attinet; cum Maculæ hæc plerumquæ sint criticæ eruptiones, Pharmaca intus sumenda, quibus Illarum Materies, seu Continens Causa tolli possit, vix ulla occurrunt; nisi quod Sudorifera Blanda aliquandò Usurpata bilioli humoris recrementa, in cute, aut cuticulæ concavo defixa, magis evaporare faciant. Sed ad Ephelides, Lentigines, & Maculas Hepaticas tollendas, Ars Cosmetica propriè spectat: & propter hæc cutis deturpamina delenda, sine quavis medendi methodo, Medicamenta quibus cuticula decorari solet tantum præscribuntur; quorum apud Domicellas, Aliosque de cute curanda Sollicitos, ingens ubique & uberrima est seges. Ea tamen omnia, quatenus duas solum medendi intentiones respiciunt, ad bina hæc capita reduci possunt: illa nimirum aut cutis ac cuticulæ poros ape-

aperiendo, atque hanc interdum excoriando, humorem foras attrahendum & prorsus evaporandum moliantur: vel è contrariò, & sæpè non minore cum successu adhibentur illa, quæ materiam maculosam è cute reperiunt, ac intus adigunt.

VIII. Primò igitur ad cutem detergendam, & macularum materiem foras extrahendam, sequens conducit Linimentum,

℞. *Unguenti Rosacei* ℥ij.

Florum Scinci, hoc est, *Magisterii Marcassia* ℥ij.

Misceantur exactè pro Litu, quo vespèri Facies inungatur, hinc mane cum panno laneo mundo denudò detergeatur.

Etiam Facies subindè lavetur *Aquâ Florum Fabarum*, cui admixtus *Liquor Tartari*; siquè *Aquam* hanc efficacem magis desideremus, aliquot guttulæ addantur *Aqua Aluminosa seu Mercurialis*.

Cl: Willifus *Pharmaceut. Ration. part. 2. sect. 3. cap. 5.* illud præscribit,

℞. *Lixivis è Sale Tartari minus saturatis* ℥iiij.

Olei Amygdalarum Amararum q. s. idque in tali proportionè misceatur, ut totus liquor laetescat.

Cum hac mixtura Partes hujusmodi Maculis Affectæ mane & vespèri illinantur, ac blandè fricentur.

IX. Sed ad Maculas è cute discutiendas, earumque materiam repellendam intusque adigendam, *Lac Virginis* à pluribus commendatur, quod ad hunc modum sæpè conficitur; viz. *Solutio Lithargyri in Aceto Destillato facta, ab affuso oleo Tartari per deliquium parato, in liquorem lactis instar albicantem precipiatur; quo facies bis in die lavetur & blandè fricetur.* Vel

℞. *Camphora* ℥ij.

Teratur in mortario vitreo, sensim affundendo

Succum unius Limonis, dein adde Vini Albi ℥j.

M. exactè, & detur usui.

Vel

℞. *Benzoini optimi* ℥℥.

Spermatii Cati ℥j.

Spl.

Spiritus Vini summè rectificati ℥iij.

Stent in Digestione per aliquot dies, dein fiat per Chartam Emporeticam Colatura.

Hujus liquoris (rubicundi) tantillum misceatur cum Vino albo Gallico, (quod illico lactescit) quo facies lavetur, & blande fricetur.

Forestus libr. 31. obs. 1. pro Faciei Maculis hanc commendat Aquam,

℞. *Albumina ovorum ad duritiem costorum, eaque more Chymico destillato, & liquorem destillatum usui servato.*

Idem libr. 5. Observ. Chirurg. 4. ad delendas Lentiginis mirum in modum extollit *Aquam è Cochleis destillatam.*

Ad easdem maculas tollendas vult Sennertus prax. libr. 5. part. 3. Sect. 1. cap. 3. facies ut sæpius abluatur *Aquâ Florum, Sambuci & Fabarum*, cui aliquid *Camphora in Spiritu Vini Soluta* addatur.

Platerus prax. med. tom. 3. libr. 1. cap. 2. ad faciem deco-
randam proponit Aquam, qua Maria Medicea Regina Ma-
ter uti solebat,

℞. *Tres Capones albos statim post jugulationem, axungia detractâ; concisos,*

Caseos duos recentes ex lacte caprino confectos,

Pulpam sex Limonum corticibus detractis,

Albumina octo Ovorum

Boracis, Suphuris an. ℥℥. Camphora ℔j.

Aq. Florum Fabarum, Nymphaea an. ℔j.

*Collocentur in B. M. atque in alembici rostro aliquot gra-
na Moschi,*

*Destillantur S. A. & liquor extillans servetur usui, eaque
sub noctem facies lavetur.*

X. Attamen foeminae curiosiores vix ullis nunc remediis
cutaneis, nisi *Mercurialibus* contentæ sunt; quapropter se-
quens Aqua ad plerasque Faciei turpitudines summopere
commendatur,

℞. *Mercurii Sublimati ℥j.*

*Pulverisetur & ponatur in vase stanneo cum Aquæ Fontana
℔iij. stent per XXIV. horas, cum spatula ligneâ subinde agi-
tando,*


tando, donec totus liquor nigrescat, qui tamen per chartam emporeticam colatus limpidus evadit: cum petta aut pluma huic inmixta facies semel intra diem unum aut alterum blandè obducatur.

Hujusmodi medicamentum contra turpitudinem quamcunque cutaneam insigniter juvat; quatenus nempe humores intra poros, & foraminula ut ut minutissima impactos expedit, totamque ubi applicatur cutem, quoad meatus ejus malè conformatam, restituit. Sed quandoquidem hydrargyri particulæ, unâ cum salibus (à quibus in minutias dividuntur, acuunturque) faciei applicatæ, materiam descædatoriam intus repercussam insequuntur, sicquè sanguini & lymphæ se faciliè insinuant, hinc & gravia œconomix animali non rarò pariunt incommoda, Cosmética Mercurialia haud immeritò mihi admodum suspecta sunt.

XI. Porro accidit interdum, plerasque faciei partes, *Puncta Nigra præsertim verò nasum & frontem, Punctis Nigris* Nigricantibus, gricantia, quibus faciei partes sæpe defœdari solent. creberrimis, quasi à pulvere pyrio exploso inustis, insigniri; idque procedit, quod pori cutanei, seu vasculorum sudoriferorum oscula, humore atro crassiore, vermiculos nigra capita habentes referente, implentur; atque in tali cutis affectione lotiones, & litus nulli præter Mercuriales prodesse solent.

CAPUT XIX.

De Herpete.

1.  Ost Affectus Cutaneos simpliciore, qui nempe sine tumore aut exulceratione contingentes, Cutem solummodò Maculis defœdant, jam ordine agendum erit de Affectibus gravioribus, & continuitatem solventibus, atquè imprimis de Eo, qui ab Effectu & Symptomate Græcis *Herpes* dicitur; viz. à serpendo, quod nimirum proserpere videatur, quodquè una parte lanescen-

P

te,

Herpes
quid sit.

te, morbus in proximam serpat: Arabibus *Formica Corrosiva*, C. Celso *Ignis Sacer* nuncupatur. Est autem **HERPES Tumor**, sive *Pustulosa Inflammatio cum pruritu & rubedine, partem, in quam serpit, exulcerans*: vel dicatur, *Tumor Biliosus, qui cutem serpentibus minimis pustulis exasperat, rodignè.*

Herpetis
Species duæ
sunt.

II. At verò Herpetis Species duæ sunt. Prima namque *Simplex est Herpes*, qui intra cuticulam consistens minimis pustulis, milii semini similibus, cutis superficiem exasperat, unde *Herpes miliaris*, Belgis *Springend buer/ ofte booyt cruysspenden Hait-woym* nuncupatur. Vel est *Exedens*, Græcis *ἰσχύμων*, qui ipsam exulcerat cutem, latèquè in ambitum serpit, cujus medium citius sanatur, quam extrema, nostratibus *Quetenden Hait-woym*.

III. Veruntamen *Ignis Sacer* C. Celso dictus, fit maxime in pectore, præcordiis, aut lateribus: estquè hic affectus, cujus meminit Ampliiff: Tulpius *obseru: med. lib. 3. cap. 44* quiquè Plinio *Zoster*, Scribonio Largo *Zona*, Nostratibus *Ommeloop* sive *Ambitus* nuncupatur; quod in extimo Diaphragmatis ambitu variis circulis, diversimodè dispersis, hominem aliquatenus ambit.

Partes in
Herpete
Affectæ.

IV. Affecta igitur Herpetis Miliaris Pars est Cutis Superficies seu Cuticula. Herpetis verò Exedentis Tota Cutis, cum species hæc integram cutem ad subjectam usquè carnem soleat exulcerare.

Herpetis
Causa.

V. Efficiens autem, & Conjuncta Herpetis Causa est *Humor tenuis, biliosus, acrisalinus, simulquè glutinosus*, qui sanguini inexistens ab eodem secernitur, ac cum eo ad corporis superficiem per malam crisin propellitur: impeditur tamen in sui excretionem per poros cutaneos ob admixtum ipsi humorem glutinosum, nec non poros in cuticula quam in cute arctiores, hinc circa cutem sub forma pustularum hæret, unde vitiosa ibidem contingit effervescencia, & quidem calida, ob quam summus in parte affecta pruritus & ardor deprehenditur. Talis porro noxius humor in corporis superficiem expulsus, amplius ibidem vitatur, quin allabentis sanguinis partem simul corrumpit, & pruritum ac

DE TUMORIBUS, PRÆTER NATURAM. 115

ac dolorem in vicinis partibus excitat. Cumquæ humor hic cuti inherens sit tenuior & minus acris, *Herpes* oritur *Miliaris*; sin acrior magisque glutinosus, *Herpetem* producit *Ferum*, *Exedentem*, *isiojuuor*.

VI. Cæterum *Herpes* cum sensibus pateat, non ita diff. *Diagnosis*.
ficulter cognoscitur: est enim tumor latus, sine omni ferè altitudine, ut vix attollatur pars, potiusquæ exasperari quam intumescere videatur. Ad sunt præterea pustulæ exiguæ, milii semini similes, calor, pruritus; & quamvis pustularum quædam sanantur, aliæ tamen oriuntur, ut malum ad vicina proserpere videatur. Si pustulæ rumpantur ichorofus effluit humor; estquæ subrubicundus locus affectus. Ferus autem, seu *Exedens* dicitur *Herpes*, cum ulcuscula serpentina ac foraminula multa apparent, quæ tamen ultrà cutem non procedunt; seu, ut C. Celsus lib. 5. cap. 20. ait, est malum cum summa cutis exco-
riatione, & exulceratione sine altitudine, latum, sublividum; inæqualiter equidem, mediumque sanescit extremis procedentibus; atquæ non rarò id quod jam sanum videbatur, iterum exulceratur.

VII. *Herpes* porro periculosus affectus non est, nisi sit *Prognosis*.
valdè exulceratus: nihilominus tamen difficilè curatur, & non rarò diuturnus est morbus. Atqui prout humor ille, è quo oritur *herpes*, mitior vel acrior, magisque vel minus glutinosus, eo etiam magis vel minus periculosus est.

VIII. Equidem ut Affectus hicturò Curetur, ratio hæ. *Herpetis*
benda est & Causæ Antecedentis, & Continentis Partisq. *Curatio*.
Affectæ. Atquæ ad Causam Antecedentem quod attinet; quum ex humore tenui, bilioso, acri-salino, simulquæ glutinoso *Herpes* oriri soleat, hic imprimis per convenientem rerum nonnaturalium usum est corrigendus, deindequæ è corpore purgandus: nisi enim totum corpus exactè purgetur, nunquam *Patiens* perfectè sanatur; & quamvis uno in loco adhibitis Topicis Medicamentis pars sanescere videatur, in partibus tamen vicinis denuò malum sese prodit.

IX. *Dietam* itaquæ quod spectat; *Aër*, *Cibus* & *Potus* *Ad Antecedentem*
sint

Herpetis
Caulam
tollendam
quid obler-
vandum.

sint Refrigerantes: nocent omnis generis Acria, Calida, Sal-
sa, Fumo siccata, Pinguis, Dulcia, similiter & Motus Cor-
poris nimius, *Vigilia, Alvi Durities, Venus, Ira.*

Insuper summè utilis hic est *Purgatio*, qua biliosi, æcri-
falini, ac glutinosi humores, in partem affectam alioquin
ruentes atque morbum foventes, toto è corpore vacu-
entur.

Eum in finem præscribi possunt Pulveres, Vinum Me-
dicatum, Decoctum.

℞. *Cremoris Tartari* ℥iij.
Tartari Vitriolati gr. xxv.
Diagridii ℥ß.

*M. F. Pulvis, dividendus in doses No. vj. aquales, quarum
singulis vel alternis diebus mane Patiens unam sumat cum
junculo.*

℞. *Rad. Helenii, Polypodii Querc. an.* ℥ij.
Summ. Absynthii.
Fol. Eupatorii Cannab. an. ℥iß.
Cori. Med. Sambuci sicc.
Baccar. Juniperi an. ℥iij.
Fol. Senna Mund. ℥vj.
Aloës, sem. Carni an. ℥iß.

*Incisa & Contusa dentur in Sacculo, suspendendo in Vini
Albi ℔iij. de quo quotidie mane Ager bibat cyathum.*

℞. *Rasura Ligni Guajaci* ℥iv.
Sassaparillæ ℥vj.
Rad. Sassaparilla ℥iß.

*Macerentur per noctem calidè in Aqua Pura ℔v. dein S. A.
Coq. add. Rad. Lapathi Acuti rec.* ℥iij.

Herb. Fumaria Mj.
Chamæpitys Mj.

Pulpa Colocynthidis ℥j. *Liquiritia rasa* ℥vj.

*Fiat Colatura ℔iij. de qua semel vel bis quotidie Agra-
rians bibat.*

Venasectio hic non conducit, nisi in Plethoricis.

Thermarum ac Acidularum Usus sæpe singularis est: Ta-
les

les enim Aquæ debito tempore sumptæ tutò eum Affectum tollunt.

Decoctum Salsaparilla, China, &c. continuò usurpatum, plurimum etiam valet ad vitiosos istiusmodi humores corrigendos, atque, transpiratione auctâ insensibili, provocatîque liberius urinis, consumendos; hinc & *Sudorifera* quoque huic morbo curando multum conducunt.

X. Ubi jam Causæ Antecedenti satisfactum est, ad ipsam Continentem accedendum; cui tollendæ multum sæpè efficitur inunctâ *Salivâ hominis jejuni*, cujus ope acris, biliosus, glutinosusque humor cutis porositatibus inhærens attenuatur, resolvitur.

Continens
Herpetis
Causa quo-
modo cor-
rigenda.

Scribit Barbette, summo cum successu multoties adhibiturum se vidisse *Pulverem Lapidis Scissilis cum Aceto mixtum*.

Sunt qui *Sinapi* usurpant cum *Butyro liquefacto & assato*, quibus Alii *Pulveris Pyrii* aliquid addunt.

Ipsa *Urina* affectui huic sanando prodest aliquando.

Mulrum sæpè efficitur *Lavamenio ex Aqua Pura, cum Sale Communi, & Variolo Albo. ex. gr.*

*Rx. Aqua Pluvialis ℥ij. in ea dissolve
Salis Communis ℥ss. Varioli Albi ℥ij.
pro Lavamento.*

refert Aquapendens, aliquoties se feliciter usum fuisse *Aquis Thermarum*, quæ brevi tempore sanant Herpetem: atqui ubi desunt thermarum aquæ, sumit *Aquam Marinam*; aut *Aqua Salis admiscet Sulphur & Alumen*, atque in hac membrum affectum detinet.

Summoperè quoque morbo huic curando conducit inunctum *Unguentum Emulatum cum Mercurio*, quod pustulas tabefacit, exsiccat, ac viscidum glutinosumque humorem absorbit. Conducit & hoc,

*Rx. Unguenti Rosacei ℥ij.
Mercurii Precipitati Albi ℥ij.
Misceantur exactè pro Linc.*

Vel

*Rx. Butyri assati
Unguenti Nutriti, Populei an. ℥ss.*

Sulphuris Vivi pulver. ʒiʒ. Creta alba ʒʒ.

M. F. S. A. Linimentum.

Pulvis Creta cum Lactis Cremore mixtus, & illitus hunc affectum non raro sanat, præmissâ fomentatione calidâ cum Vapido Vino Gallico.

Joh. Heurnius pro Herpete commendat *Facem Vini* inter duo linteamina applicatam.

Hartmannus in *Praxi Chymiatrica* cum linteo discerpto applicat *Aquam Calcis Viræ*, cui aliquandò *Alumen Dulce*, aliquandò *Saccharum Saturni* addit.

Folia Tussilaginis viridia membro affecto imposita, identidemquè renovata, Herpetem nonnunquam sanant.

Equidem sequens *Lac Virgale* huic Malo Curando admodum conducit, si *Ægra Pars* eò frequenter lavetur & blandè fricetur,

℞. Rad. Hellebori Albi, Enula Campana, Iridis Florentina, Althea an. ʒʒ.

Pulpa Colocynthis ʒij.

Fol. Sabina, Nicotiana an. ʒiiij.

Aluminis Crudi ʒj.

Lithargyri ʒiiij.

Contund. & Coq. in f. q. Aqua Pluvialis ad ʒxviij. colat. add.

Aceti Vini ʒvj.

Misceantur Usui.

Vel ità conficiatur,

℞. Rad. Hellebori Albi ʒj.

Althea, Esula minoris,

Enula Campana, Iridis Florent. an. ʒvj.

Fol. Sabina Mj.

Pulpa Colocynthis ʒiij.

Aluminis Crudi ʒʒ.

Sem. Staphisagrie ʒvj. Lithargyri ʒvj.

Ciner. Ligni Quercini ʒviij.

Coq. in f. q. Aqua Pluvialis ad lbij. colat. add.

Aceti Vini ʒvj.

Misceantur.

In Herpete Pertinaci Barbette sequentia proponit,

℞. Un-

R. Unguenti Fusci Felicis Wurtzii ℥iij.

Albi Camphorati ℥ib.

Cerussa, Sulphuris, Myrrha, Lihargyri an. ℥ib.

Mercurii Dulcis, Eruginis an. ℥b.

Olei Rosacei q. s. M. F. S. A. Unguentum.

R. Lapidis Prunella ℥j. Floris Sulphuris ℥b.


Sacchari Saturni ℥ib. Olei Raparum veteris q. s.

M. S. A. pro Linimento.

Aliquando in Pertinaci Herpete prudenter applicetur *Aqua Aluminosa* seu *Mercurialis*, secundum Pharmacopœam *Ultrajectinam*, vel sola, vel potius additis *Vino* & *Aqua* Plantaginis magis temperata, cujus vires & facultates in hujusmodi affectu curando non semel observavimus. Sed notandum in iis, qui sunt calidioris temperaturæ, hanc Aquam minus convenire, & faciliè Inflammationem excitare.

CAPUT XX.

De Scabie, Ejusdemquè Speciebus.

I.  Orbus Herpeti admodum Affinis generali vocabulo *Scabies* dici consuevit, quæ in variis totius corporis locis, Cutem pustulis exiguis, modò siccis & sæpè squammosis, modo humidis ac ad ulcerationem dispositis, cum pruritu valdè molesto infestat; atque hujusmodi Affectio propriè istius partis morbus est, utpote quæ in ipsa Cute propter contagium externum sæpè incipit, & frequenter per media tantum cutanea curatur.

II. Dicitur autem *Scabies* seu *Scabrities*, quia cutem scabram & crustulis obductam diversis certivè in locis reddit. *Pso*ra verò, ἀπό τῆ ψω *furfurem mutatum excerno*, quia in cute non tantum est asperitas, sed & levis exulceratio, & excoariatio pustularum, à quibus furfuracea quædam decedunt, & nonnunquam sanies, quæ tunc *Scabies Humida* dicitur. Enimverò varix sunt Scabiei species, de quibus omnibus, aut saltem plerisquè agere constitui.

*Scabies seu Pso*ra quid sit.

III. SCA-

III. SCABIES igitur, seu PSORA definitur, quod sit ea in cute asperitas, quæ est cum pustulis humidis, & insigni pruritu. Vel describitur, pustularum in toto corpore sparsim eruptio, ab humore acro & salso, intra poros cutis aggesto procedens, hinc pruritus insignem, adeoque & scalpendi necessitatem inducens.

Continens
Scabiei
Causa.

IV. Continens hujus morbi Causa nec videtur esse Pituita, nec Bilis, nec Melancholia, nec etiam ipse Sanguis per se extravasari aptus; porro nec materia hic peccans è duobus vel pluribus horum simul mixtis constat: si namque ex hujusmodi humoribus hic morbus unquam oriretur, non ita facile per merum & leve contagium suscipi, aut solo litu curari possit. Quamobrem potius censemus, esse humorem lymphaticum in glandulis subcutaneis constanter residem, qui ab indole sua genuina desciscens, a salmo-volatili in acidum & acrisalinnum, nec non aliter vitiosum non raro degenerat. Enimverò cum humori huic lymphatico ita depravato, & perpetim evaporanti, supplementa continua è sanguine adveniant, humores isti, vetus & recens, non facile congruunt aut uniuntur, at salium dissimilium ritu mutuo effervescentes in materiam recrementitiam coagulantur, quæ poros cutaneos implens ac distendens ubique passim in tumores attollit; insuper sanguinem in transitu nonnihil impedit, & extravasari quasi cogit. Hinc pustulæ crebræ excitantur, & quatenus materia ista in ichorem faciscens, à sero & sanguine subsequenter usque prorsum & foras urgetur, in moleculas assurgunt: dein spiritus animales fibras nervæas, ut ichoris istius excretionem promoveant, inordinate subeuntes, molesti pruritus sensum efficiunt.

Causæ Pri-
mitivæ;

V. Insuper ad Scabiem & Eruptiones Pustulosas quod spectat; humor hic lymphaticus tribus potissimum de Causis depravari solet. 1. Ipse sanguis valde impurus, simulque dissolutus, corruptelas & recrementa sua ubertim in glandulis subcutaneis relinquit, quæ ibidem fermenti corrupti naturam induentia cum aliis succis adventitiis, aut pertranseuntibus effervescunt, & variè coagulantur, adeoque non solum *Affectus Scabiosos*, verum & *Lepra*s diversimodos pariunt. Hinc carnum & piscium salitorum, & sole

fole ac fumo siccatorum usurpatio crebra & assidua, aliaque incongrua comesta aut epota Eruptiones Cutaneas passim cient. 2. Humor glandulis subcutaneis aggestus interdum merâ stagnatione Scabiem producit; quare non tantum diu incarcerati, sed & qui vitam sedentariam agentes, squalori insuper, & poëdori assuefiunt, huic affectui obnoxii degunt. 3. Humor hic cutis glandulosus à miasmate virulento ab extra communicato, non raro vitatur; idque observatione vulgari liquidò constat, in quantum maximè sani, & optimâ constitutione præditi, vix unquam in eodem lecto ubi Scabiosus simul decumbit, aut nuper decubuit, impunè dormiunt: nec ità tantum, quin & Scabiosorum sudaria aliis in eodem lavacro lotis, ejusdem affectus sæpè contagium impertiunt.

VI. Itaque Scabies quoad originem suam, aut *per Contagium* accipitur, aut *propter Malam Viētus Rationem* incendiculum & fomes ejus à Chylo & Sanguine Vitiolis communicatur, vel *ob Pædorem & Transpirationis Defectum* in ipsa cute generatur; quibus addi potest, Infantes quandoquè hanc labem à Parentibus hæreditariò contractam nancisci.

VII. Cæterum Cutaneæ Eruptiones, quoad formam, *Diagnosis.* juxta affectorum constitutiones diversimodas variant. Nam in quibusdam siccioris temperaturæ, biliosæ viz. aut melancholicæ, Scabies tantum Sicca, & quatenus ob feri defectum minus evaporat, cum pruritu non adeo molesto excitatur: in aliis verò temperamento humidior, & sanguine impuriore præditis, Exanthemata plurima, Ichore plena, & summopere Prurientia ad scalpendum vehementer irritant, atquè, propter excitata inde ulcuscula, pruritus subinde in dolorem mutatur.

VIII. Scabies porrò, ob turpitudinem & deformitatem, *Prognosis.* molestus est affectus; non autem ita periculosus, & in ætate juvenili sæpè ab aliis morbis præservat, imo & alios morbos sanat. Equidem tuta semper Scabies non est, siquè diu continuata sit, in Leporam mutari potest. In senibus pertinax est, ac curatu difficilis.

Q

IX. Cir-

Medendi
Methodus.

IX. Circa Scabiei sive Psoræ Curationem duæ occurrunt primariæ indicationes, ac utraque duplex; viz. prima *Curatoria* hæc duo respicit, ut humorglandulis subcutaneis inhærens, atque vitiosus, ad debitam crasin reducatur: deinde, ut cutis pori & meatus, ichorosis concretionibus liberati, pristinam conformationem recuperent.

Indicatio secunda *Præservatoria* hæc duo præcavet. 1. Ne Scabiei impuritates & miasmata corruptiva è cute excussa, in sanguinem & lympham regurgitent, iisque non tantum dyscrasias, sed insuper Oeconomix Animalis noxam graviolem inferant. 2. Item navetur opera, ut humorum & partium nobilium labes, à materia scabiosa prius contractæ, dum cutis vitia emendantur, eradicari queant.

X. Omnes hæ Medendi Intentiones, per Remedia tum Interna, tum Externa simul usurpata, una complicari debent: nempe ut materies morbifica loculis suis excussa, in nullas uspiam latebras secedere, ac nullibi delitescere queat; quin omni ex parte per medicamenta convenientia in totum amoveatur. Itaque *Recta Vitiis Ratio* in primis observetur, vitando *Cibos Salitos & Piperatos*, necnon *Muriâ Conditos*; etiam à *Vino, Aquis Ardentibus, Cerevisia Fortiori, &* à liquoribus quibusque sanguinem incitare nimis ac fermentare aptis, temperetur. Insuper in scabie pertinaci & corpus cacochymicum occupante, expedit *Pharmaca exhibere Cathartica*, quibus acri-salini, glutinosique toto in corpore redundantes humores expurgentur. v. gr.

℞. *Cremoris Tartari* ℥j.

Cholagogi simplicis,

Mercurii Dulcis an. gr. viij.

M. F. Pulvis,

℞. *Extracti Catholici* ℥j.

Mercurii Dulcis gr. viij.

F. Pill. No. v.

℞. *Rad. Bardana, Lappathi Acutirec. an. ʒiʒ.*

Turbith Gummosi,

Santali Cærinii an. ʒʒ.

Herb. Fumaria, Agrimonia an. Miʒ.

Fol.

Fol. Senna mund. ʒij.

Glycyrrhysa rase ʒiij.

Coq. in f. g. Aqua Pura ad ʒxxx. Fiat Colatura, de qua semel vel bis quotidie Patiens haustum sumas.

R. Rad. Polypodii querc. ʒß.

Helenii ʒij.

Fol. Eupatorii cannab. ʒiij.

Turbith Gummos.

Baccar. Juniperi an. ʒß.

Aloës, Sem. Carni an. ʒv.

Incisa & Contusa dentur in Sacculo, suspendendo in Vini Albi Gallici ʒiij. de quo quotidie haustum bibas Egrotans.

Insuper *Venasectio*, nisi aliquid contraindicet, ab initio celebretur. Adhæc *Alterantia*, quæ sanguinem, cæterosquæ corporis humores secundarios purificant, vices suas habeant: quem in finem conducit *Serum Lactis Dulcis* frequenter potum, vel *Decoctum Salsaparilla*, *China*, *Santalæ Citrini*, *Rafura Cornu Cervini*, & *Liquiritia*. Etiam *Sudorifera* aliquando usurpata multum profunt.

XI. Interim commodus usus hic est *Balnearum*, tum dulcium, tum mineralium ac calidorum, inter quæ præcipue laudari solent *Sulphurea*. Sed cum Balnea ista Mineralia non ubique reperiantur, alia pro iis substituere licet, quæ facultatem digerendi, detergendi, & poros cutaneos extergendi, atque purgandi vim habent. Ea ex Sulphure & Vegetabilibus parari vulgò solent; atque non lavacri communis ritu, cutis tantum sordes eluendo, sed & incongruum ejus fermentum destruendo, morbum hunc sanant.

Quæ Topica in Scabiei Curatione sunt usurpanda.

R. Aluminis Crudi ʒiß. Sulphuris Vtri ʒij.

Salis Communis ʒiij. Natri ʒj.

Fiat omnium Pulvis, qui in Aqua Calentis labrum conficiatur.

Barbette sequens proponit,

R. Rad. Bryonia, Lapathi Acuti an. ʒvj.

Fol. Fumaria Mvj. Florum Camomilla Mij.

Furfurum Mj. Sulphuris Crudi ʒij. Natri ʒj.

Aluminis Crudi ʒiß. Salis Comm. ʒij.

Contusa Coquantur in Aqua Pura pro Balneo.

Equidem restat alius Pruritus sanandi facilius modus; nempe, ut camisia Aquæ Puræ cum Sulphure pulverisato incocta, & per solem vel ignem exsiccata, super nudum corpus per quatuor vel quinque dies gestetur: ita namquæ morbus hic sine Balneatione, aut Litus squalore, nonnunquam curari solet.

XII. Sed & Unguenta cuti illinenda pro Scabie curanda præscribi solent: atqui aliis plerisque tumoribus aut ulceribus quæ adhibentur, minimè hic juvant; verum *Sulphur* ejusque præparata in hoc morbo virtutem quandam specificam habere videntur, adeo ut linimenta ferè omnia contra Scabiem ea recipiant, & totius compositi basis haud immeritò habeantur. Exempli loco hæc sint:

℞. *Sulphuris Comm. pulver.* ℥ss.

Zinziberis pulver. ℥ss.

Butyri insulsi ℥iiij.

M. F. S. A. Linimentum.

℞. *Sinapi Confecti*, Nostratibus *mostaart* / ℥iiij.

Sulphuris Comm. pulver. ℥vj.

Olei Raparum Veteris. q. s. M. F. S. A. Lint.

℞. *Unguentis Rosacei* ℥iiij.

Sulphuris Comm. pulver. ℥ss.

Olei Tartari per deliquium parati. q. s. F. S. A. Lint.

℞. *Butyri insulsi assati* ℥iiij.

Pulv. Zinziberis, Sulphuris, Varioli Albi an. ℥j.

M. F. Linimentum.

℞. *Unguentis Rosacei* ℥ss.

Varioli Albi ℥ij.

Misceantur exacte.

℞. *Unguentis Ennulati sine Mercurio* ℥iiij.

Pulver. Sulphuris Comm. ℥ss.

Olei Tartari per deliquium parati. q. s.

F. S. A. Linimentum.

Sin verò talia Affectum non curent, aut grave vel inveteratum sit Malum, ad *Mercurialia* veniendum.

℞. *Argenti Vivi* ℥ss.

Aqua Fortis ℥j.

Solutio.

*Solvantur Mercurius in Aqua Forti, dein simul exactè
Misceantur cum Axungia Porcina ꝥviiij.*

*Et Fiat S. A. Unguentum; quo partes affectæ leviter illi-
nantur, Et blandè fricentur.*

R. Axungia Porcina ꝥiiij.

Olei Veteris, Therebinthina Commun. ꝥiiij.

Pulveris Cernisse ꝥviiij. Aluminis ꝥß.

Mercurii Sublimati ꝥij.

Misceantur exactè in mortario pro Litu.

maximoperè verò hîc conducit *Unguentum Enulatum cum
Mercurio.*

Sed de Linimentis Mercurialibus notandum, quod pue-
ris, aliisvè tenerioris constitutionis non facilè sint adhi-
benda; verum adultis tantum, iisque fortioribus, quia in
nonnullis Salivationem facilè movent, quæ in infantibus
facillimè, & non nisi summo cum periculo contingit.

Insuper Mercurialia Linimenta non semper omnibus
locis scabiosis sunt inungenda, præsertim Ea, quæ copio-
sum recipiunt Mercurium, quia facillimè tunc sequitur
Salivatio; sed tantum manuum carpis, ac artuum mayo-
rum juncturis. Quem in finem à multis laudatur hoc Un-
guentum,

R. Axungia Porci, Butyri insulsi an. ꝥij.

Succi Citri, Radicis Enula, Lapathi Acuti an. ꝥiij.

Salis Communis Calcinati, Sulphuris, Reagalæ,

Rad. Zinziberis, Hellebori Albi pulver. an. ꝥiiij.

Therebinthina, Mercurii Vrsi an. ꝥiiij.

Misceantur S. A. Et Fiat Unguentum.

XIII. Nec tantum sub formâ Linimenti, sed & pluri-
bus aliis modis prædicta medicamenta usurpari possunt.
Aqua Mercurialis seu Aluminosa, vel sola vel temperata ma-
gis, si cuti in locis maximè ulceratis cum linteo discerpro
applicetur, Scabiem non rarè tollit. Vel præparetur La-
vamentum,

R. Rad. Ari, Lapathi, Enula Campana an. ꝥj.

Hellebori Albi ꝥiiij.

Salis Gemmæ ꝥij.

Coq. in Aqua Puræ ad ℥xvj. colatura add.

Spiritus Salis Armoniaci gutt. xxvj.

Misceantur pro Lavamento.

Barbette laudat id, quod sequitur.

℞. Gypsi Usti ℥ij. Calciis Viva ℥ij.

Luhargyri ℥ß. Bols Armeni ℥j.

Fol. Nicotiana sicc. ℥iij.

Vini Albi Gallici ℔ij. Aquæ Puræ ℔ij.

Coq. simul S. A. & Colatura detur usus.

Alii volunt, ut circa nudum corpus gestetur *Cingulum*, cui *Mercurius Crudus insutus est*.

XIV. Si verò omnibus hisce remediis Scabies non cedit, sed inveterata & valdè pertinax sit, omni studio anitendum, ut per crebras Purgationes, Sudationes, & Venæsectiones sanguis hac labe impurus imminuatur, ac humor cutaneus variis modis corrigatur, hinc & Affectio hæc curetur. Scribit Riverius *Cent. 1. observ. 62.* quendam adolescentem cis paucos dies à Fœda Scabie fuisse liberatum exhibito pulvere ex *Mercurii Dulcis ℔j.* cum *Diagridii ℔ß.* refert Platerus *prax. tom. 2. cap. 17.* empiricum quendam Decocto *Sibii Calcinati cum Salsaparilla*, additis & aliis, perniciosas Scabies aliquoties sanasse. Tandem Bartholinus *Observ. Cent. 6. Histor. 73.* inquit: „Nihil vilius detritis calcis. Novi tamen Puerum Melitensem toto corpore fedis crustis obsitum, qui asperso cinere corii com- busti calceorum, cum oleo rosaceo, convaluit.

Tinea, &
Scabies
Fera.

XV. Inter Scabiei genera numerantur & *Tinea*, & *Scabies Fera*, Affectus nimirum infantibus in primis molesti. FERA hæc SCABIES omnes corporis partes occupare potest, quamvis frequentius Faciem & Pectus, quandoque & Brachia afficiat. TINEA verò Caput, præsertim secundum partem ipsius capillatam, vexare solet, unde vocatur *Hait-worm*, sicut prior Affectus *Dau-worm* dicitur; ac si à vermibus exiguis perforatæ forent cutis partes variæ, ex quibus humor tenax erumpit ac effunditur instar roris, crustas variis coloris producens, unde nomen accepit *Dau-worm*: sicut *Hait-worm*, quando in specie nocet

nocet capillis, adeo ut sæpius excident, & segnius, vel nunquam iterum excrescant, relictis plagis in capite undosis pilis carentibus.

XVI. Continens horum Affectuum Causa est humor tenuis, acri-salinus, & quid ni acidus quoque, qui glutinoso humori junctus, sicquæ sanguini inhærens ab eodem secernitur, ac cum eo ad corporis superficiem propellitur; ubi in glandulis subcutaneis existens, & ab indole sua genuina indies magis desciscens atquæ degenerans, nec non vitiosè ibidem effervescens, poros cutaneos implet ac distendit; hinc pustulas crebras summo cum pruritu & ardore præducit. Cæterum vitiosus hic humor in glandulis porisquæ cutaneis hærens amplius vitiat, quin sanguinis ac lymphæ allabentis partem simul corrumpit, & pruritus ac dolorem, nec non erosionem, exulcerationemque vicinis in partibus excitat.

Affectus
hi unde
oriuntur
disquiri-
tur.

XVII. In Scabie illa Fera erumpere solent primum parvæ pustulæ, hanc aut illam cutis partem obidentes, ac præsertim faciei, aurium, brachiorumve, quandoquæ totius penè corporis, summo cum pruritu; ob quem infantes, quoties possunt, unguibus partem affectam scalpunt & lacerant, & si scalpere nequeant, cuius rei occurrenti faciem affricant, nec desinunt, licet post frictionem succedente rubedine, mox & cutis externæ apertione, tum liquor acer mordaxquæ, tum sanguis effundatur: quibus omnibus non minuitur, sed augetur potius malum, latius nimirum serpendo, & novam molestiam itidem alibi producendo. Humor porrò fricatione illa promanans observatur varius, aliàs aqueus, aliàs flavescens, vel magis etiam obscurus. Equidem tenax plerumquæ est, ac glutinosus, partibus adhærens, tandemquæ iterum concreescens, atque Crustam excitans, quæ, nisi nuda sit pars, ut est facies, accrescit quoquæ indusiis aliisvè linteis aut vestimentis parti affectæ proximis; quocirca sine crustæ abruptione, ac plerumquæ sanguinis quoque, vitiosique humoris novæ eruptione nequeunt ab ipsis removeri.

XVIII. Tinea verò, seu Scabies Fera in infantibus ad
vale-

valetudinem facere haud absque ratione à plerisque creditur, cum vitiosi in toto redundantes humores robusto naturæ conatu in corporis superficiem expelluntur, unde & si spontè ac subitò affectio hæc evanescat, in Febres non tantum, sed & morbos alios longè graviore infantem non raro incidunt. Huc spectat, quod Hippocrates, *libr. de Morbo Sacro*, scriptum reliquit; viz. infantes, si ipsis ulcera in capite, vel circa aures, vel in facie, vel reliquo in corpore excitentur, liberari ab Epilepsia.

Indicatio-
nes Cura-
tivæ.

XIX. Quoniam igitur infantes vel Tineâ, vel Scabiæ Ferâ laborantes, à variis, iisque gravioribus morbis sæpius immunes sunt, atque hoc malo affecti hilares plerumque, & jucundi observantur, hinc Doctissimorum Medicorum auctoritate, nisi parentibus urgentibus, à Curatione multi abstinent. Quod si verò insistent parentes, medicamenta duntaxat levia adhibent, ac præcipuam curationem in nutricem rejiciunt, quam per intervalla blandè expurgant.

XX. Ipsa interim Affectuum horum Curatio solis externis medicamentis aliquando absolvitur. Sed quum observentur insuper alia in humoribus vitia, ob quæ internâ opus sit Medicinâ, eadem hic esto Indicatio, ac in Scabiæ. Equidem ipsa illa medicamenta assumpta Tineam aut Scabiem Feram non curant, nisi forsan producta sit à sudore quovis modò impedito: quo in casu utile erit, *Sudoriferis Blandis* sæpius usurpatis denuò viam parare humoribus in corporis superficie hærentibus, ibidemquè ita corruptis, ut Feram hanc Scabiem producant.

XXI. Atqui quum criseos modo ad cutem expulsus sit humor acer, qui ob admixtam glutinositatem ibidem hærens Tineam aut Scabiem Feram produxit, cæteris functionibus illæsis, solis Topicis hoc malum sæpius curatur; imo Pharmaca intus sumenda, quatenus corporis humores exagitant, tunc obesse aliquoties observavimus. Hoc igitur in casu varia à practicis laudantur, & præscribuntur remedia. Sedulò tamen cavendum, ne in horum Affectuum Curatione cutis poros occludant imposita medica-
menta,

menta, adeoque peccantem humorem ad interiora repellant, unde gravissima excitari solent symptomata: quapropter talia sunt usurpanda Topica, quæ cutis poros servant apertos, quin eisdem aperiant, quæque humorem acidum ac acri-salinum temperent, glutinosum incidant, abstergant, sicquæ Partem Ægram restituant, consolidationemque promoveant: quæ omnia præstant, absolvuntquæ *Salia Volatilia Blandiora*. Igitur Affectæ Partes identidem laventur *Vino Gallico*, quod ex vase per epistomium æneum guttatim stillavit, Nostratibus *Aech-wijn*. Vel præscribatur Lavamentum,

℞. *Aqua Plantaginis*, Solatri an. ʒiʒ.

Florum Sambuci ʒiij.

Camphora in ʒiʒ. *Spiritus Vini soluta* ʒj.

Spiritus Salis Armoniaci gutt. xxv.

Misceantur.

Forestus libr. 8. observ. 13. hanc præscribit Lotionem,

℞. *Malva*, *Beta*, *Lapathi Acuti* cum Radicibus,

Hadera Arborea, *Centaurei Min.* an. Mj.

Caulium Rubrorum Mʒ.

Colocynthis ʒiij. *Agarici* ʒj.

Hellebori Nigri ʒiʒ. *Fol. Senna Mund.* ʒʒ.

Cog. in f. q. *Aqua Pura* ad lbiiʒ. colatura add.

Salis comm. p. i. M. pro Lavacro.

Idem observ. 17. hoc laudat Unguentum,

℞. *Lithargyricum* Aceto acerrimo, & Oleo Rosaceo Nutrii ʒij.

Cerussa cum *Aqua Solatri* lota ʒj. *Aluminis Usti* ʒʒ.

Fuliginis Camini, Pulv. Rad. *Helenii*, vel *Charta Com-*
bust. an. ʒij.

Axungia Gallina, *Porcina*,

Olei Ovorum an. ʒʒ.

Rosarum, *Laurini*, &

Aceti an. q. s. M. S. A. pro Linimento.

Et observ. 20. pro Tinea Inveterata istud habet,

℞. *Butyri saluti*, *Axungia Porcina* an. ʒj.

Sulphuris pulv. ʒʒ. *Vitrioli crudi* ʒj.

Argenti Vsvi cum *Saliva* extincti ʒj.

R

Miscean-

Misceantur exactè in mortario pro Lin.

Alii laudant id, quod sequitur,

℞. *Emyri Majalis insulsi lbss.*

Pulv. Sulphuris, Olibani an. ʒss.

Sabina ʒj.

Mellis comm. ʒij.

M. F. S. A. Unguentum.

Laudatur quoque Linimentum Plumbi compositum, seu de Amiantho Boëtii de Boodt, quod describit Scroderus *Pharmac. Med.-Chym. lib. 2. cap. 87.*

℞. *Amianthi ʒss. Plumbi Usti ʒxij. Tutia prepar. ʒij.*

Calcinentur, dein pulverisata macerentur cum Aceto

Stillatitio, ac per mensem quotidie agitur materia: qua dein ebulliat per hora quadrantem, utrum quiescat, donec clarescat, tum,


℞. *Aceti hujus clari, Olei Rosacei an. p. aq.*

Misceantur exactè in formam Linimenti.

Interim dum hoc modo hi affectus curentur, danda opera, ne crustæ à partibus subjectis facilè separentur, cum sub ipsis felicius tota contingat cura.

CAPUT XXI.

De Impetigine seu Lepra Græcorum, &c.

I.  Ost Scabiem cum pruritu, similesque Affectus Cutaneos, agendum sequitur de Affectu alio, hisce ob pustularum eruptionem nonnihil Affini, qui communiter *Impetigo*, quibusdam *Eichen* & *Vuligo*, aliis *Lepra Græcorum* appellatur. Morbus hic uti diversa sortitur nomina, ita eadem ab Auctoribus variè applicantur, & ab his morbi speciem unam, & ab illis aliam designare perhibentur.

II. LEPROA igitur, ἀπὸ τῶν λεπιδῶν à squammis denominata, summus quidam *Pfora* seu *Scabies* gradus est. Hanc *Græcorum Leporam* Arabes dicunt *Albaram Nigram*; cujus species est *Albaras Alba*, quæ Græcis *Vuligo*, *Lence*, aut *Alphus* nuncu-

*Lepora
Græcorum
qualis sit
affectus.*

nuncupatur, uti colligere est ex Avicenna, qui *sept. quart. tr. 2. c. 9.* sic ait: „Albaras Nigra est illud, quod etiam Impetigo Excoriativa dicitur, estque Scabiositas accedens cuti, aspera, vehemens, & facit squammas, sicut squammas piscium, cum pruritu, atque est cum humore melancholico, & est de antecedentibus Lepram.

III. Lepra verò, seu potius IMPETIGO (quæ minor tantum Lepræ gradus, adeoque curatu facilius est) ad hunc modum oriri & afficere solet: viz. in primis Pustulæ Rubræ modo singulares, modo plures simul congestæ, in variis corporis partibus, præsertim verò in brachiis & cruribus excitantur; quibus singulis (morbo crescente) undique novæ adjunguntur, & brevi ejusmodi molecularum plures velut aggeries seu corymbi fiunt. Etenim Papillæ juxta unamquamque stirpem, primò indies erumpentes, & latius usque serpentes, sese in orbem diffundunt, adeoque Exanthematum aggeries quasi ampliari faciunt. Cujusque harum superficies aspera, & nonnihil albidâ, ac squammosa apparet, unde si scalpatur squammæ decidunt, & ichor sæpe tenuis exudat, qui tamen mox exsiccatus in squammam crustaceam rursus indurefcit.

Quomodo
oriri & af-
ficere so-
leat.

Hi Papillarum Corymbi primò exigui, & pauciores existunt; in brachio, aut crure, aliove membro singulari, tres forsan, aut quatuor ad magnitudinem denarii circiter apparent: postea verò, si morbus crescere sinatur, crebriores ubique erumpunt, quæ sensim augmentur. Porro in hoc statu non sistitur; sed Affectus, nisi per Medicinam cohibeatur, in pluribus usque locis ebulliens, & latius ubique serpens, tandem non solum integra membra, sed & totum corpus *Vuiligine Leprosâ* obducit: atque hanc Impetiginis speciem Arabes quidem *Lepram*, sed Græci ELEPHANTIASIN, Nostros *Lazarus* / *Melaatsheyd* / *Quaad-ferre* appellant; estque summus hic Impetiginis gradus ex sententia Veterum plerumque incurabilis.

Totam hujus mali idæam C. Celsus de *Re Medica lib. 3. cap. 25.* ita describit: „Totum corpus afficitur, ita ut

„ossa quoque vitari dicantur. Summa pars corporis cre-
 „bras maculas, crebrosque tumores habet. Rubor harum
 „paulatim in atrum colorem convertitur. Summa cutis
 „inæqualiter crassa, tenuis, dura, mollisque; quasi squam-
 „mis quibusdam exasperatur, corpus emarcescit, os, su-
 „ræ, pedes intumescunt. Ubi vetus morbus est, digiti
 „in manibus, pedibusque sub tumore conduntur, feбри-
 „cula oritur, quæ faciliè tot malis obrutum hominem con-
 „sumit.

Morbi hu-
 jus Diffe-
 rentiæ.

IV. Ex dictis itaque Impetiginis Differentiæ præcipuæ
 innotescent; ac in primis juxta morem ejus plus aut mi-
 nus malignum, distinguitur, juxta quod propius ad Lepre
 aut Scabiei naturam accedit, vel statu medio se habet. In-
 super notare est, Affectum hunc quandoque membra quæ-
 dam singularia, uti brachia forsan, aut crura, corporis
 reliqui partibus intactis, infestare; interdum verò in iis om-
 nibus simul incipere, & ubique sparsim papillas excitare.

Causæ.

V. Causa Impetiginis Materialis non est humor merè
 cutaneus, propter miasma ab extus susceptum, aut alias
 ob occasiones depravatus, & à naturali ejus constitutione
 degener factus; quia nimirum non tam faciliè, uti in Sca-
 bie, per contagium aliis communicatur, neque statim per
 totum corpus dispergitur. Sed pustulæ circa morbi initia
 primò erumpentes, inde procedere videntur, *quod in massa
 sanguinea concretiones quadam acido-salina contingant, quæ cum
 subigi, aut rursus dissolvi nequeant, in cutem pellantur.*

VI. Igitur Affectus Hujus Causa Continens seu Conjun-
 cta in eo consistit, quod in primis absque ullo cutis vitio,
 sanguis particulis salinis diversimodi status & indolis sature-
 tur; atqui salia ista, præsertim ubi fixa & acida præpol-
 lent, se mutuo præhendant, adeoque in coagula quasi tar-
 tarea concrecant; quæ portiones in sanguinem protrusæ,
 papillarum eruptiones, quasi totidem morbi hujus nidos
 inchoent; dein illæ sensim juxta materiæ supplementa tum
 numero, tum magnitudine indices auctæ, morbi hujus ini-
 tium, incrementum, & vigorem, qui Græcis *ὀϊσθησις*
 dicitur, producant.

VII. Sed multa occurrunt, quæ ad *humoris istius acidofalini* generationem faciunt. Enimverò nonnullis hic Affectus Hæreditarius est, ab impuro Parentum vel Avorum Semine communicatus; interdum Contagio contrahitur; quandoquæ etiam spontè, proprioque vitio producitur: atque huc etiam facit frequentior usus ciborum salitorum, acrium, & crassorum, simulque immoderatio vinorum acidorum potatio: insuper vulgaris observatio est, plures in hunc affectum à carnis porcinæ, & piscium in primis crustaceorum comestione nimis crebra, aut assidua disponi. Atque hujus rei instantia satis notabilis est, quod potissimum in morbi hujus Prophylaxin seu Præservationem, cibus iste sub lege Mosaica interdicebatur: & scribit Willisius *Pharmaceutices Rational. part. 2. sect. 3. Cap. 7.* olim in Anglia Cornubienses, oram ferè undiquè maritimam incolentes, quatenus ex iis pauperiores ferè tantum piscibus vescerentur, Affectibus Leprosi plurimum obnoxios evasisse; in tantum, ut propter horum sublevamen, multa in ea Regione nosocomia conderentur. Insuper ex esu carniū humanarum, præsertim leprosarum, hunc Affectum quandoque excitatum fuisse, refert Scultetus *post Armament. Chæirurg. Observ. 100.*

VIII. Hinc Affectus Leprosi, etsi mortem aut inimi- Prognosis.
nens periculum rarè minantur, postquam tamen altius radices egerunt, Curatio eorum perdifficilis aut nulla est. Incipiens Impetigo, atque pustulas earumque aggeries, in membro forsan uno aut altero pauciores excitans, Curationem quandoque admittit. Sin verò morbus eo processerit, ut papillarum corymbi crebri ac lati toto in corpore sparsum appareant, adeoque vera sit Græcorum *Lepros*, rarè admodum Curatur. Quod si morbus, invitis omnibus remediis, indies in pejus eversus, tandem in *Leprosam confirmatam & inveteratam*, quæ & *ιλεφαντιασις* dicitur, accrescat, Curationem plane respuit, & pronunciat C. Celsus, hanc curari non posse, ideoque ab ea abstinendum esse.

IX. Quoniam igitur Leprosam confirmatam aut inveteratam, hoc Scopi Cu-
est, Leprosam Arabum, seu Elephantiasin Græcorum, nunquam rati-
curationem

curatur, & Lepra Græcorum similiter vix ullam medelam admittit; quædam de levioris ejus speciei, *Impetiginis* viz. *Therapia* breviter adjungemus. Circa hanc duæ occurrunt primariæ indicationes, scilicet *Præservatoria*, quæ morbi causam, & *Curatoria*, quæ symptoma, puta Eruptionem Pustulosam respicit. Ab indicatione Præservatoria semper incipere debet Medendi Methodus, quæ morbi causas per remedia interna amovendas procurat, secus namquæ exteriora ferè nunquam (uti in Scabie) cum fructu adhibentur; sed præcissis intra sanguinem morbi radicibus, Efflorescentiæ Cutaneæ citò emarcescunt.

X. Quapropter cum Affectus hic recens fuerit, Causæ Evidentes & Externæ amoveantur; mala Victus Ratio, & Aëris insalubritas omni modo emendentur. Dein respectu Causæ Conjunctæ, duæ sunt præcipuæ Medendi Intentiones; nimirum ut viscerum & humorum impuritates citò expurgentur; item ut sanguinis dyscrasiæ acidofalinæ in melius reducantur: propter quos fines, tum *Cathartica* validiora, tum *Medicamenta Alterantia* (quæ in Herpetis, ac præsertim Scabiei Curatione præscripsimus) præscribenda; nec non *Phlebotomia* celebranda: & quoniam pertinacissimus sit hic Affectus apprimè convenit, usurpato validiore Decocto Sudorifero ex *Guajaco*, *Salsaparilla*, &c. in hypocausto quotidie *Sudores* movere; ut hoc modo, ceu in Luis Venereæ curatione fieri solet, mali fomes penitus eradicetur. Eandem ob causam, remediis aliis nihil juvantibus, multi *Salivationem*, quasi ultimum remedium, & tanto hosti unicè par, commendant.

XI. Interim ut sanguinis dyscrasiæ usque magis corrigantur, pro potu ordinario sequens aut simile decoctum bibat Patiens,

℞. *Rasa Ligni Guajaci* ℥iiij.

Rad. Salsaparilla ℥iſ. *China* ℥ij.

Contusis affunde Aqua Pura lbx. *stent in infusione calida, dein S. A. Coq. addendo in fine collationis,*

Liquiritia rasa ʒvj.

Fiat Colatura lbvj.

Similiter ad sanguinem alterandum præscribantur pulvres,
R. Salis Prunelle ʒvj.

Floris Salis Armoniaci ʒib.

Simul terantur in mortario, atque hujus pulveris circiter ʒb. detur bis, terve in die, cum jusculo, vel superscripto decocto.


vel quotidie bis exhibeatur pulvis ex gr. viij. aut circiter,
Salis Volatilis Cornu Cervini.
 valdè quoque hîc laudatur *Sal Viperarum* similiter usur-
 patum.

Scribit Solenander in *Consiliis Medicinalibus*, se in Le-
 „præ Curatione felici cum successu hoc usum esse: „Ac-
 „cipit duas aut tres *Viperas*, aut si haberi nequeant *Vipe-*
 „ræ, alios *Serpentes*, quos vivos dissecat, atque multò ad-
 „jectò *Hordeo* in Aqua coquit, donec hordeum crepiter.
 „Hordeo isto, & ipsa etiam carne *Serpentum* pullos alit
 „gallinaceos, ac aliud nullum iis alimentum præbet;
 „quò ubi aliquot dies nutriti fuerint, implumes evadunt,
 „tandemque plumis rursus vestiuntur. Hac postmodum
 „Carne, & Jusculo paulatim *Ægrum* alit. Et usitatum
 „fuit Antiquis remedium ex *Viperis*: viz. receperunt *Vi-*
 „peras, & cauda ac capite abscissis, cuteque abjecta,
 „coctas earum carnes *Ægris* comedendas dederunt.

XII. Quoad *Topica Remedia* cuti exteriori, ut *Squammo-*
sæ Eruptiones & *Pustularum Corymbi* tollantur, adhi-
 benda; eadem ferme hîc conducunt *Balnea Artificialia*, *Li-*
nimenta, & alia medicamenta, quæ in *Herpetis* ac *Scabiei*
 Curatione proposuimus: quæ tamen nisi *sanguinis diathesis*
acido-salina ac *sarthena* prius tollatur, rarò aut nunquam per
 se juvant.

CAPUT XXII.

De Strumis seu Scrofulis.

I.  Ost Cutaneos Affectus proximè de Strumis agere gestit animus. Eæ Græcis *χολπαις*, Latinis *Struma* seu *Scrofula* dicuntur, quia frequenter Scrofis, hoc est, Suibus in collo fiunt; vel à multiplici partu, quoniam sicut Sues multos edunt partus, sic in Scrofulis ex una postmodum plures fiunt.

Strumæ
seu Scro-
fulæ quid
sint.

II. Sunt autem STRUMÆ vel SCROFULÆ *Tumores in Glandulis*; & quidem nihil aliud sunt, quam *Glandula Indurata, seu Scyrrhosa*. Enimvero Strumarum Subiectum sunt Glandulæ, infarctæ crasso, lento, viscido, ac tenaci humore, qui nonnunquam ita obdurescit & exsiccatur, ut gypseus ac calculosus evadat.

Struma-
rum Diffe-
rentiæ.

III. Sed plerumquæ in cervice Strumæ consistunt; atquæ differunt, quod aliæ aliis sint majores, vel quod aliæ aliis sint benigniores, minusquæ malignæ. Non malignæ judicantur Strumæ, quæ sunt non admodum duræ, sine dolore & inflammatione, quæque circumscriptum habent tumorem rotundum, æqualem. Malignæ verò censentur, quæ ad Scyrrhi duritiem accedunt, inæquales sunt, ac inflammationem conjunctam habent cum dolore pulsante.

Unde &
quomodo
fiant Stru-
mæ.

IV. Ortum habent Strumæ ex humore viscido, crasso, tenaci, ac gypseo Glandulis inherente, easque opplente. Humor hic, ex sententia Veterum Medicorum, à sanguine pituitoso, crasso, viscido, & tenaci producit ac suppeditatur: quod tamen verisimile nobis non videtur, quoniam ex sanguine alterato hujusmodi tumores induratos produci posse non putamus; sed planè alterius naturæ.

V. Alii censent Strumarum Materiem esse *Succum Nervorum degenerem*, atque è nervis in membranarum interstitia deponi, ibidemque in tumorem glandulosum ac strumofum concrefcere. Sed in tanta copia, per tam exiles nervos

nervorum funiculos, visibilem liquorem deferri, nondum liquidò constat.

VI. Hinc potius statuimus, Continentem Strumarum Causam esse, *Humorem Lymphaticum in Glandulis hisce naturaliter segregari solitum, qui à particulis viscidioribus ibidem detentus, adeoque stagnans, ab experiente acrimonia acida in materiam Strumofam facile concrevit, glandulas infarcit, opplet.* Cæterum Lympha ab acrimonia acida, simul cum glutinositate, ità in colli glandulis concreta materiem constituit viscidam, tenacem, gypseam, & quandoquè calculosam, quæ à præterlabente sanguine ac lymphâ indies augetur, sicquè ingentis magnitudinis Strumas sæpè producit. Equidem si ab humore præterlabente acriores & subtiliores particulæ Strumarum materiæ admisceantur, quibus effervescentia, ac dein exulceratio inchoatur, Ulcus evadit Ferocius & Malignius, Carcinomatis conditionem retinens; tuncque *Struma Cancrodes* appellatur.

VII. Causæ verò Antecedentes seu Remotæ sunt, Vicius intemperantior, Cibi crudi & crassi, unde & ætati puerili malum hoc familiarius esse pronuntiavit modò Hippocrates. Accedit Potus Aquarum Crudarum & Nivalium: qua de causa, qui Carinthiam & Styriam, & alia ibidem loca Alpes versus incolunt, plerique Strumis in gutture laborant. Langius *libr. 1. Epist. Medic. 43. & libr. 3. Epistol. 4.* in Hydrargyrum, seu Aquas ex montibus metallorum feracibus scaturientes, & Mercurium in se continentes, causam hujus rei refert.

VIII. Signa Strumarum Diagnostica ex iis, quæ nunc diximus, satis manifesta sunt, modò consideremus, Eas esse Glandulas Induratas, vel Tumores in Glandulis, quæ asperæ arteriæ adjacent, Scyrrhosos, Duros, Inæquales, Indolentes. Porro non subito & confertim, sed paulatim generantur Strumæ: etenim primò corripitur Una Glandula, quæ Strumosa fit, hinc & Aliæ similiter afficiuntur, in quibus itidem mollis excitatur tumor, qui deinceps induratur, donec tandem multæ glandulæ racematim quasi ex loco affecto dependent.

Diagnosis.

S

IX. Quo-

Prognosis.

IX. Quoad Prognosin; Strumæ tardioris ac difficilioris sunt curationis, in primis si plures fuerint, aut fixæ. Periculum minantur simulac dolorificæ evadunt, adeoque cancrôsæ, aut si cum nervo, aut vena, vel arteria insigni conjunguntur. Insuper haud absque periculo Curantur Excisione, ob nervos recurrentes eò loci latentes, qui si læduntur vox perit, & animal protinus obmutescit, uti id aliquoties Medicinæ Studiofis in canibus demonstravimus.

Strumæ Curationis.

X. Sed verò Strumæ ut Curentur, observatâ rectâ ac legitimâ rerum nonnaturalium usurpatione, Medicamenta intus sumenda, quæ Antecedentem Causam consumere queant, ne omittantur. Profunt hic *Pharmaca Cathartica*, quæ viscidos, glutinosos, tenacesquæ humores incidere, attenuare, ac evacuare apta sunt. v. gr.

℞. *Gummi Galbani in Aceto soluti,*

Aloës Rosatæ an. ʒj.

Myrrha, Asæ Fœtida,

Vitrioli Martis calcinati an. ʒj.

Trochisc. Albandal. ʒss.

Olei Juniperi gutt. xv.

M. F. S. A. Massa, ex qua formentur Pilule N^o. XLII.

quarum bis in hebdomada duas capiat Egrotans sub cœna.

Decocta ex Ligno Guajaco, Sassafras, Radicibus Zalsparille, China, Liquiritiæ, &c. quæ blandè Sudores provocant, & Urinas ducunt, admodum prodesse solent.

Insuper Appropriata ab Auctoribus Medicis proponuntur Remedia, quæ à tota substantia Strumas tollere dicuntur, & sensim imminuere. Hercules Saxonia, & Joannes Prævotius, tanquam longè certissimum ad Scrofulas Curandas Remedium, pro secreto habuerunt hoc Eleætuarium,

℞. *Lacertas, sive communes, sive virides, N^o. 100.*

abscessus capitibus & caudis, exemptisque intraneis infundantur in Aceto Vini acerrimo per quatuor dies; dein exsiccantur, & maseantur in alio Aceto, siccanturquæ iterum in umbra aut sole, ac in pulverem redigantur.

quo facto,

℞. *Ha-*

℞. *Hujus pulveris* ℥i.

Mellis Despumatis ℥iiij.

M. F. Eleſtuarium, de quo per xxx aut xl dies pueris quotidie dentur ℥ij. adultis vero ℥iiij. vel ℥vj.

Plurimum quoque laudantur *Spongie recentes*, si vel decoquantur in Cerevisia, pro potu, bisterve quotidie sumendo: vel Eadem calcinentur & pulverisentur, hujusque pulveris ℥β. mane ac vesperi exhibeatur. Alii alia Specifica summopere extollunt, quæ passim apud Rei Medicæ Scriptores inveniuntur.

XI. Verumtamen ad Continentem Strumarum Materiem tollendam, conducunt Topica Mitiora, Emollientia, Incidentia, Attenuantia, Digerentia: vitentur Acrida & Erodentia; iis quippe Strumarum Materies excitatur, effervesceat, hinc in Cancrosum Ulcus facile Eâ degenerant. Quidam sequens pro secreto habent,

℞. *Folia Acetosa viridia*,

Involvuntur chartâ madidâ, & sub cineribus coquantur, eaque postmodum cum cineribus per cribrum trajiciantur, pro Cataplasmate.

Sculetus post Armament. Chirurg. Observ. 31. Oleum Logadorum, seu de Lacertis valde extollit ad Strumas abluendas; cujus hæc est descriptio,

℞. *Lacertas vivas virides* q. v.

Cog. in Oleo Communi, donec Lacerta comburantur, & Oleum nigrescat. Colatura indatur vitro, & reponatur ad solem, usque dum feces subsideant, Oleum clarescat, & fuscum colorem acquirit.

Barbette hoc laudat Emplastrum,

℞. *Gummi Galbani, Ammoniaci, Bdellii an.* ℥β.

Pulv. Pyrethri, Baccarum Lauri,

Sem. Cumini, Staphysagria an. ℥vj.

Stercoris Caprilli ℥iiij. *Columbini* ℥j.

Axungia Porci ℥iβ. *Olei Camomille* ℥j.

Cera & Picis q. s. M. F. S. A. Emplastrum.

Insuper Linimentum præscribit, quo Scrofulæ bis tervè quotidie inungantur, ac dein Emplastrum superponatur.

Que Topica in Scrofularum Curatione sint usurpanda, &c.

Rx. Olei Laurini, Myrtini an. ʒʒ.

Unguenti Martiati ʒj.

Argenti Vvri Floribus Sulphuris extincli ʒvj.

M. F. S. A. Linimentum.

Vel inungatur Scrofulis id, quod sequitur, & desuper ponatur Emplastrum de Ranis cum simplici, vel duplici Mercurio.

Rx. Unguenti Alibæ Compositi ʒj.

Olei Laurini ʒʒ. Philosophorum ʒij.

Juniperini ʒʒ.

Spir. Salis Armoniaci ʒj.

Misceantur exactè pro Litu.

Ex Stercore quoque Bubulo & Caprillo, additis Farinis Resolventibus, utiliter fit Cataplasma.

Quantam porro Scrofulis laborantibus opem ferat *Paronychia* folio rutaceo, ostendit Boyle tract. de utilitate Philosoph. Experim. part. 1. sect. 2. ubi refert, se vidisse juvenem, hoc morbo graviter afflictum, sine dolore, paucos intra dies vilissimæ hujus plantæ in Cerevisia infusæ beneficio quam optimè curatum: sine ulla evacuatione sensibili humorem peccantem consumit, dolores sedat, tumores discutit, & ulcera sanat; ita ut ad hunc affectum oppugnandum mirabiles prorsus possideat virtutes.

XII. Atqui Strumæ interdum non resolvuntur, verum suppurantur. Igitur id si contingat, ut Struma in pus fuerit cōversa, & aperta, applicandum hoc Unguentum, quod Aquapendens Oper. Chirurg. part. 2. lib. 1. cap. 29. & ex Eodem Scultetus Obser. 31. summopere commendant,

Rx. Olei Laurini,

Cernisse pulverisatæ, & cum Aquâ Vvâ levigatæ an. ʒj.

Aluminis Roche ʒʒ. Salis Comm. ʒij.

M. S. A.

XIII. Quod si nec hoc modo Strumæ Curatio sperare liceat, Eam per Sectionem extrahendam esse Multi volunt; sed quandoquidem nec suo caret periculo hæc Operatio, non temerè Eam instituendam censemus.

XIV. Alii Strumas tollere conantur per imposita *Cauteria* & Exedentia Medicamenta; sed illa quum suâ acrimoniâ


Diathe-

Diasthesin Cancrosam faciliè inducant, prudenter admodum iis utendum est, ne subitò ingravescat Malum, & in Ulcus Cancrosum transeat. Saltem istiusmodi Erodentia si forent applicanda, sedulò tamen cavendum ab *Arsenico*, id quod non solum Strumas, sed & partes vicinas erodit, corrumpit. Videatur Hildanus *Cent. 6. observ. 80.*

XV. Etiam fertur vulgo, Regibus Gallix *solo assatu* Sanandi Strumas potestatem à Summo Numine concessam esse; atque hinc passim è vicinis & peregrinis locis Strumis laborantes quotannis affluere solent, quibus manum Rex imponit, & hæc verba gallico sermone profert: **REX TE TANGIT, DEUS TE SANAT;** atque, apposito crucis signo, ab uno & triuno DEO vim eam derivari publicè proficitur. De qua mirabili Strumas sanandi vi, solis Gallix Regibus concessa, peculiarem scripsit librum Andræas Laurentius, qui videatur.

CAPUT XXIII.

De Cancro.

I.  *Ancer*, *Carcinoma* Græcis, Arabibus *Sartan*, Cancer seu Quibusdam *Cancrosum Tumor* appellatur, ut inquit Paulus Ægineta *libr. 4. cap. 26.* à similitudine, quam habet cum Cancro Fluviatili, quoniam circa Malum hoc venæ turgescunt, & insuper pedum Cancri Animalis intenduntur. Quidam verò hoc nomen desumptum asserunt, quod ab his, quas occupavit, partibus ægrè avellatur, veluti Cancr, aequi-cum animal; qui si quid pedunculis suis ceperit, id haud faciliè avellitur: insuper huiusmodi tumor Cancri Animalis colorem præ se fert, qui est lividus, atque cinereus. Igitur **CANCER** Tumor est rotundus, durus, inequalis, coloris lividi aut subnigri, magnas & eminentes circumquaque habens venas, dolore, caloreque gravis, aspectu teret & horribilis.

II. Species verò hujus Affectus duæ sunt: etenim Cancer est vel non Exulceratus, qui propriè *Carcinoma* audit;

Ejusdem
Species æ
Differen-
tiae, &c.

vel Exulceratus, isque *Phagadana* Græcis, Germanis *De Wolf* appellatur. Quæ autem à Cancro affici possunt, sunt omnes corporis partes, imprimis laxiores & fungosæ, quales sunt Mulierum Mammæ: unde Galenus *lib. 2. ad Glauconem cap. 10.* sic ait: „Cancrosi Tumores in omnibus consueverunt fieri corporis partibus, sed præcipuè „in mammillis mulierum, quæcunque sua naturali purgatione privantur. Et C. Celsus *libr. 5. cap. 28.* „Id vitium fit maximè in Superioribus Partibus, circa Faciem, „Nares, Aures, Labia, Mammæ Foeminarum, &c.

Cancri
Causæ.

III. Quoad Cancri seu Carcinomatis Causas; eas quique Auctores peculiare ac speciales huic Tumori explicando assignant. Galenus tanti Mali Causam putat *Naturalem Melancholiam*, quæ *Sanguinis Fex* ipsi dicitur *libr. de Tumor. pr. nat. cap. 7. & libr. 2. de Crisibus cap. 12.* vel *Bilem Atram redundantem*, quæ si in universo corpore existat superflua, *Elephantiasin*; uni autem parti inhærens, *Cancrum* excitari contendit. Galenq; sese opponit Sennertus *Prax. libr. 5. part. 1. cap. 20.* Cancri Causam dicens *Atram Bilem, in quam humor melancholicus naturalis, vel bilis flava degeneravit*; illam quippe adhuc naturalem, & nondum adustam, potius Scyrrhum, quam Cancrum producere affirmat: primam nihilominus occasionem Cancroso Tumori humorem melancholicum præbere posse non negat, atram interim & adustam accusans bilem in venis hærentem propter crassitiem suam, & per exiles meatus non penetrantem, quandoque mitiorem, minus calidam & acrem, quandoque calidiorem & acriorem, illam *Cancrum non Ulceratum*, hanc verò *Ulceratum* gignentem. Bilem Atram, quam defendit hujus Mali Causam, humorem dicit calidum & siccum, acrem, salsum, cuncta erodentem & corrumpentem; adeoque non frigidum & siccum, *hoc est*, humorem verè melancholicum. Avicenna *Melancholiam Adustram*; Oribasius *Bilem Feruescentem*; Tagaultius *Sanguinis Facem*; Aquapendens, Paræus, & plures Alii, *Bilem Atram*, imò omne id, quod sanguinem adustum ac melancholicum generare aptum est, accusant. Atque hæ præcipuæ sunt Antiquorum de Cancri Generatione Sen-

Sententiæ. Verisimilius equidem Nos putamus, *Proximam seu Continentem Cancri Causam esse Humorem Acido-salinum, & Austerum, intrâ partem aggestum*; & quo humor hic majorem vel minorem habet acrimoniam, hinc Cancrum produci vel Ulceratum, vel non Ulceratum.

IV. *Austerum*, hoc est, *Acidum Acre potentius ac valentius* accusamus, si ve relictum ex alio Tumore nimis tardè, negligenter, vel malè curato, quapropter facilè in *magis Austerum* definere potest, adeoque in Scyrrhum, hinc in Cancrum degenerare; qui tandem ob summam & pertinacem Austeritatem vim Corrosivam nactus exulceratur, & planè incurabilis evadit.

V. Atqui *Causæ Antecedentes seu Remotæ variæ esse possunt*; omnes nimirum, quæ hujusmodi acido-acrem & austerum humorem quovis modo generare, & in corpore augere possunt: tales sunt *Aër impensè calidus; viiiosi admodum, & crassi Cibi & Potus*, ut Allium, Cæpa, Legumina, Carnes salitæ & fumo siccata, Vina Acida; *Vigilia immodica; Animi Passiones vehementes*, præsertim *Ira*. Quibus accedunt *Viscerum quorundam Obstructio; Mensium, Hemorrhoidum, aliarumvè Consuetarum Evacuationum Suppressio*.

VI. Cancer porro in sua origine, cognitu quidem difficilis est, at curatu facilis: sed in progressu facilè cognoscitur, difficilè autem curatur. Itaque in principio vix, nisi à sagaci & erudito Medico vel Chirurgo dignoscitur: nam, ut inquit Galenus *Meth. Med. l. 14. c. 9.* quum primum oriatur, accidentia habet mitissima, & maximè confusa; tuncque parvus est, & dolens tumor, qui postmodum auctus majorem in molem accrescit, non decrescere interim dolore, insuper durus est, tactui renitens, lividus, plumbeus, inæqualis, venis circumcirca turgidis quasi inflammatus. Adhæc si talis Tumor sit in parte suspecta, in Mammis puta, Labiis, Naribus, Lingua, aut Pudendis, de Cancri præsentia vix amplius dubitatur. Dein à Scyrrho distinguitur imprimis *Dolore*: etenim verus Scyrrhus indolens est, Cancer autem continuè dolorem facit; atque tum Schyrrhum in Cancrum degenerare conjicimus, quum

Signa huius Affectus Diagnostica.

quum incipiat acriter dolere. Verum Cancer Exulceratus cognoscitur facile, ex Ulceris foeditate, labiis crassis, tumidis, inversis, lividis, inæqualibus, erosio, saniem seu potius ichorem foetidum & copiosum eructantibus, acriter dolentibus, atque sanguinem frequenter fundentibus.

Prognostica.

VII. Cæterum Cancer, sive sit non Ulceratus, sive sit Ulceratus, gravis est morbus, atque perniciosum malum, tum ratione symptomatum, tum causarum, difficiliorisque curationis; hic tamen illò longè gravior est affectus, quod confirmat Hippocrates *Sect. 6. Aphor. 38.* „Quibus Cancri „Occulti adsunt, non curare melius; curati enim citius in- „tereunt, non curati longiori tempore vivunt. Ratio est; quod Cancri non Exulcerati, impositis medicamentis facile exacerbari, hinc exulcerari queant.

Incipientem Cancrum se curasse affirmat Galenus *libr. 2. ad Glanconem*. Sed quum in molem creverit insignem, citrà Cheirurgiam non esse sanabilem; hujus quippe mali tanta ferocitas, tantaque sævitia, ut vehementissima quæque respuat medicamenta; quin illis irritetur potius, & exandescat, quam ulla ratione curetur: hinc detestabile nomen, *Noli me tangere*, sortitum est malum hoc, quod intantum relinquendum sit, & curà tantum palliativâ curandum.

Medendi Methodus.

VIII. Ad *Curationem* itaque hujus *Affectus* quod attinet; abstineat in primis Ægrotans ab iis omnibus, quæ humorem acido-acrem, & austerum generare, atque in corpore augere possunt. Dein istiusmodi humor, Antecedens Cancri Causa, è corpore educatur *Purgantibus Medicamentis* per intervalla exhibitis. Interim *Phlebotomia*, si nihil contraindicet, quoque celebretur. Præterea in mulieribus Menstrua, si sint suppressa, provocanda. Hæmorrhoidum fluxus, quibus fuit familiaris, promovendus: nec non aliæ Evacuaciones Suppressæ excitandæ: viscerum obstructions referandæ, ut sic Acidi & Austri generationi, quantum quidem possibile, prohibeatur.

Cura Canc-
ri Chirur-

IX. At verò *Cura Cancri Cheirurgica* duplex est. Una Fucata, seu Palliativa. Altera Vera, seu Legitima. *Cura Pal-*

Palliatiua Topica tantum applicat Medicamenta ad inhibendum Mali impetum. Sed *Legitima* consistit in extrahendo, tollendoquè omni eo, quicquid est cancrosum in parte affecta. Atqui scitè hic animadvertit Hildanus *Cent. 6. Observ. 81.* nullum ferè affectum hodiè in Cheirurgia occurrere, in quo majores committuntur errores, quam in curando Cancro. Dum enim vident Tumorem durissimum, Curationem adhibere volunt Methodicam, ideoquè Medicamenta imponunt Calida, Humida, Emollientia; & quam periculosa Hæc sint in curando hoc morbo, quotidiana docet experientia, & exemplis confirmat Hildanus *Cent. 1. observ. 89.* Enimverò Pharmaca Emollientia atque Pus Moventia si imponantur, magis utiquè excitant, & acriorem reddunt humorem cancrosum, ut tandem omnia exulceret, erodatque. Et quoniam vicinæ partes ab Emollientibus admotis relaxantur simul, atque dilatantur, facile deinde dispergitur, vicinasquè partes invadit illa acrimonia; quæ est fermenti adinstar, quod sanguinem, lympham, aliosquè humores inficit, & sibi similes, *hoc est*, acres ac austeros reddit: quapropter Hippocrates meritò hocce suum decretum Posteris reliquit *Aphor. 38. Sect. 6. Quibus cancri occulti nascuntur, non curare præstat*: quod intelligendum de Curatione Methodica, quæ Contrariis perficitur; nequaquam de Sectione vel Ustione; quæ sola, ut Galenus testatur, sunt Cancri Remedia. *Curati enim subito intereunt*; scilicet per imposita Emollientia, quæ protinus exasperare solent Cancrosum Tumorem. *Non Curati verò diutius vivunt*; nimirum Curatione Methodicâ, per Topica Emollientia atque Pus Moventia; sed institutâ solummodo Palliatione.

X. Igitur Occulti Cancri, si penitus excindi nequeant, non Methodicâ, sed Palliativâ tantum Curâ sunt tractandi, ne exulcerentur. Cancer namquè Occultus latet sepe diu sine offensâ: sed irritatus exedit cutem; eâquè sive spontè, sive curantis imperitiâ, adaptatâ, coërcetur deinceps nullis repagulis; sed instar ferventis feræ, depascitur quicquid obvium. Et quo liberius exhalet vapor
T illi

gica qualis
esse debeat.

Cancri Cu-
ra Palliati-
va.

illi inclusus ; eo impensus quoque affluit humor , tumor adaugetur. Ad cuius intima siquidem penetret circumfluus ær , à tunicis antea exclusus , insequitur ilicò & major putredo , & uberior partis affectæ luxuries. Blanda quippe remedia ut nihil protunt , sic nocent summè acria : & quò plus puris , eò penitus descendit virus ; seca itaque maturè , vel blandire prudenter. Et si lubet , audi C. Celsum , qui *lib. 5. cap. 28.* hæc habet : „Pleri-
„què nullam vim adhibendo , qua tollere id malum ten-
„tent ; sed imponendo tantum lenia medicamenta , quæ
„quasi blandiuntur ; quo minus ad ultimam senectutem
„perveniant , non prohibentur. Ita scribit Hildanus *Cent. 3. observ. 86.* Matronam cancro occulto in dextra mamma per quadraginta annos laborasse , absque dolore , & ullo incommodo. Et refert Ampliss. *Tulpius Observ. Med. libr. 1. cap. 47.* quandam in sinistris temporibus quinquaginta amplius annos durum ac inæquale carcinoma , sine ullo ulcere , ullavè gravi noxa tulisse. Cui post tot annos exulceranti , cum levamine imponebatur hoc Ceratum ,

℞. *Olei Rosacei* ℥ij. *Cera Alba.* ℥vj.

Plumbiusti ac loti ℥℔.

Oleum cum Cera liquefiat , & addito Plumbo agitentur sex horas in mortario plumbeo , ut fiat Ceratum.

Ejus loco & hoc applicari potest ,

℞. *Olei Rosacei* ℥viii.

Teratur in mortario plumbeo , cum pistillo plumbeo , donec crassescat , & plumbi colorem acquirat ; tunc admisceantur exactè

Cernissa , Lithargyri an. ℥j. & detur usui.

Enimverò ulceratum cancrum , etſi non attingendum plurimi existimant , cum tamen inhumanum sit , Ægrum etiam tali morbo laborantem deferere , Palliativâ Curâ mitigare conemur : qua saltem detur opera , ne Phagadæna faciliè proserpat , dolorquè ut leniatur , atquè minore cum molestia vitam ducere possit Patiens. Hoc efficiunt Medicamenta , quæ imposita moderatè siccant , atque Acidum & Austerum imbibunt , edulcorant. Talia sunt , quæ

quæ nunc proposuimus. Et scribit insuper Ampliff. Tulpius, loco citato, se feliciter canceris ulceratis admoveri vidisse pulverem concinnatum ex Plumbo liquefacto, cum Mercurio Vivo; quod Medicamentum Amalgama Mercurii dici consuevit.

Aquapendens, Chalmetæus, & Alii pro Cancro sive non ulcerato, sive ulcerato, miris laudibus extollunt Unguentum de Ranis viridibus, cujus hæc est descriptio.

℞. Ranas Virides, in aquis puris degentes; eas conijcito in vas fistile vitreatum, multisquæ exiguis foraminibus in fundo perforatum, illarumque ora Butyro impleto; hinc vas, ne quid exhalet, luto diligenter oblitito, cui alterum effossa serrâ conclusum supponito, ignemque in ambitu accendito; dein Oleum, seu Lignorem stillantem colligito, atquæ cum Ranarum pulvere exactè misceto, pro Linimento.

Sunt, qui Aquam Cancrorum Fluvialium hæc commendant.

Alii Oleum à Cochleis destillatum laudant.

Nonnulli Aquam Ranarum miris modis prodesse scribunt, cujus descriptio apud Hildanum libr. de Gangrana & Sphacelo Cap. 19. ita habetur.

℞. Ranas Aquatiles, easquæ suspende in Cucurbita Vitrea, ita tamen, ne fundum attingant, neque comburantur, & Aqua extillans gravem odorem acquirat. Accenso igne Aquam in arena clementer extrahæ, ac ad usum reserva. Interim ne removeatur ignis, priusquam omnino exsiccata fuerint Rana, nec ulla amplius extillet Aqua.

Scultetus post Armament. Cheir. Observ. 56. ad Cancrum Oscultum, & Ulceratum laudat Ceratum Oxylæum, & Linimentum Simplex, in mortario plumbeo agitatum; quorum descriptiones tradit Observ. 52.

℞. Olei Communis Veteris ℥bj.

Aceti Vini

Lithargyri an. ℥ss.

Misceantur ad ignem lentum; donec Cerati acquirant consistentiam.

℞. Succo Solari,

Ceratum
Oxylæum.

Linimen-

Olei

tum Sim-
plex.

Olei Rosacei an. ʒxx.

Coq. s. a. ad consumptionem succi, tunc add.

Cerussa, Lithargyri an. lbj.

M. S. A. in formam Unguenti.

Ex his nunc sequens componit,

R. Cerati Oxylai, Linimenti Simplicis an. ʒj.

Olei Myrtini ʒij.

Misceantur diu in mortario plumbeo, pro Linimento.

Cancro Occulto imponi quoque potest hoc Emplastrum,

R. Emplastri Diapompholigos ʒj.

Plumbi Usti ʒib.

Argenti Vivi extincti ʒß.

Misceantur exactè, & fiat in corio Emplastrum.

Vult Paræus, ut Cancro non ulcerato imponatur *Lamina Plumbea*, *Argento Vivo* illita.

Refert Petrus de Marchettis *Observ. Chirurg.* 29. se cancrum nasi exulceratum curasse *Unguento Albo Camphorato*, in mortario plumbeo ducto, nullo alio adhibito remedio. Atque sic horum, similiumvè medicamentorum usu cancer non Ulceratus, atque Incipiens aliquandò curatur: Ulceratus verò ad multos annos eodem in statu servatur.

Cura Can-
cri Legiti-
ma.

XI. Equidem Cheirurgia omnibus palmam præripit ad eradicandum Malum Cancrosum; eaque hujusmodi tumorem, tum in principio, tum in augmento, excindere, ac sectione peritâ penitus auferre potis est. Hinc Avicenna Cancros minores radicitus excindit, crassiorumque sanguinem, factâ sectione, circumquaque exprimit, locum postea actuali cauterio inurens, ut mali cancrofi reliquæ porrò absumantur, membrum corroboretur, & hæmorrhagia sistatur.

Igitur detestabile hocce Malum si manum Cheirurgi efflagitet; ac subire potius vitæ periculum, quam miserè semper vexari, consultum ducat Ægrotans; Affectus erit considerandus, ejusdemque locus, num commodè Sectio institui possit. Tunc enim comprehendendus totus Tumor, qui latò & acutissimò cultrò, quam celerrimè & promptissimè fieri poterit, radicitus amputandus est. Non

autem

autem dissecta vasa sunt adurenda; sed imponenda potius Medicamenta Sanguinem Cohibentia.


Sed Cancrum Sectione etiam si benè Curatum, anno aut biennio post, in loco viciniore sæpius reverti, praxis docet quotidiana. Nihilominus tamen non semper contingit, ut idem Malum revertatur; atqui curatus aliquando manet hic morbus. Videantur C. Celsus *Libr. 5. Cap. 23.* & Hildanus *Cent. 3. Observ. 87.*

XII. Nonnulli Cancrum Extirpandum censent admodum Causticis: sed in re ejusmodi, quæ acria medicamenta repellit, iisque irritatur, ea curandi ratio dubia est, & periculosa, uti scitè ait Pigræus *Prax. Chæirurg. libr. 1. cap. 22.* Et Hildanus *Cent. Epistol. 40.* hac de re sic scribit: „Ex-
„tirpatio quæ fit Cauterio Actuali, vel Medicamentis
„Escharoticis, sive quovis simili Medicamento Erodente,
„mihi suspecta est, quia experientia docuit, canerosa
„ulcera hujusmodi remediis exacerbari, atque pejora
„fieri.

Sectionem verò, & manum Chæirurgi si renuant Ægri, vel non admittat Tumor ob profunditatem, vel exulcerationem; Cura tantum Palliativa ob vitam feliciorẽ, & ne malum, ulterius serpendo, partesquẽ erodendo, majorem inferat dolorem, instituatur; de qua abundè nunc dictum est.

CAPUT XXIV.

De Polypo.

- I.  Olypus est Excrescentia Narium Carnosa, Polypus ab Ossẽ Ethmoide ferè orta; viz. ex carne quid sit. illa laxa & fungosa, quæ nares intra latitat, & spongiosa narium ossa opplet. Dicitur autem Polypus, ut ait Galenus, à carne Polypi Marini, quam substantiæ suæ proprietate refert. Etenim mollis & lubrica hæc caro est, coloremque, ut piscis ille, alium atquẽ alium habet, pro natura humoris, è quo

gignitur. Et, quod Paulus Ægineta addit *libr. 6. cap. 25.* sicut Polypus venatorum manus pedibus suis præhendit; ità hæc excrescentia radice, tanquam pediculo uno, vel pluribus, sese ità naribus affigit, ut Ægro & respiratio- nis, & loquelæ expeditum usum adimat. C. Celsus *libr. 6. cap. 8.* Polypum eleganter ità describit: „Carun- „ cula est modo alba, modo subrubra, quæ narium ossi in- „ hæret, & modo ad labra pendens, narem implet, modo „ retrò per foramen id, quo spiritus à naribus ad fauces „ descendit, adeo increfcit, ut post uvam conspici possit, „ strangulatquè hominem, maximè Austro vel Euro flan- „ te; sæpequè mollis est, rarò dura: eaque magis spiri- „ tum impedit & nares dilatat, quæ ferè *καταρραϊνός* est; „ itaque attingi non debet.

Polypi De-
finitio, &
Modus
fiendi ex-
ponitur.

II. Igitur POLYPUS est *Caruncula mollis in naribus orta, ex radicibus plerumquè tenuibus pendens, & in latum sese pandens, & nunc è naribus propendens, vel eas certè implens, nunc etiam in palatum descendens.* Enimverò narium intra cavi- tatem Polypus, hoc est, Fungosa hæc Caro, è spongiosis narium tubulis enascitur, tum loquelæ, tum respiratio- nis difficultatem inducens; quotiescunquè è cerebro per ossa cribriformia in narium interiora transmittitur visci- dus, glutinosus, simulquè acris humor; qui fungosam hanc carnem implet, erodit, & ultrà excrescere facit. Insuper ex Ulceribus malè curatis; item ex Casu, simili- ve de causa, qua hæc narium caro conteritur, vel aliter læditur, Malum hoc frequenter oriri solet.

III. Sed duplex vulgò censetur Polypus. Vel enim tu- rundæ formam refert, & *Sarcoma* dici consuevit: vel ra- mulis variis ad oris interiora, aut nasi exteriora sese ex- tendit, atque *Polypus* propriè vocatur.

Prognosis.

IV. Cæterum Polypus, si mollis fuerit, & albicans, & doloris expers, facilius Curationem admittit: difficilior verò, si rubicundior: nunquam, si lividus, nigricans, aut foetidus; utpote Cancro cognatus. Quànto quoquè profundius hæret Polypus, tantò est periculosior.

Polypi
Cura.

V. Curandi autem Polypum Ratio satis difficilis est. Ejus

Ejus incremento per initia, quantum fieri potest, obfisti debet. Sed factus, confirmatusquæ Polypus (sive is exulceratus sit, sive non) auferri & extirpari oportet, si ipse radix seu pedunculus comprehendi instrumento conveniente queat.

VI. Igitur tentetur primum, possitne Incipiens Polypus per admota Medicamenta tolli. Quem in finem varia proponuntur: Mitiora viz. quæ partim adstringunt, partim exsiccant: vel Erodentia seu Escharotica. Inter hæc meritò laudatur *Pulvis Vitrioli Calcinati*, Chymici *Caput Mortuum* seu *Colcholar Vitrioli* vocant.

Scribit Pigræus *Prax. Chæirurg. libr. 5. de Ulceribus cap. 9.* præstantissimum ad tollendam carnis hujus superfluitatem remedium esse *Pulverem Sabine*: quod si tertia pars *Ocre* illi admisceatur, majoris efficacix fore putat. Quibus Remediis sanè corrugatur magis, quam aperitur Polypi tunica. Nec penetrat hic Pulvis per angustiam prope nasi finem, ab excrefcentia hac obturatam.

Barbette hosce proponit pulveres,

℞. *Cort. Granatorum, Flor. Balaustie an. ʒj.*

Cadmia Fossilis ʒij. Antimonii Crudi, Croci Martis an. ʒß.

Masticis, Myrrha, Lithargyri, Lapidis Magnetis an. ʒj.

M. F. Pulvis subtilis.

℞. *Aluminis Usti, Balaustie, Bolis Armeni an. ʒij.*

M. F. Pulvis subtilis.

℞. *Vitrioli ʒß. Gallarum, Aluminis, Cort. Granatorum an. ʒij.*

Myrrha Rubra, Aristolochia Usta an. ʒj.

M. F. Pulvis subtilis.

Idem testatur, se Polypos radicitus extirpatos vidisse *Aquâ*, cui incoctus *Mercurius Sublimatus*.

Haud secus Joannes de Vigo *Chæirurg. libr. 2. cap. 5.* laudat *linteum discerptum cum Mercurio Sublimato Aqua sequenti modo incoctum, ac iterum exsiccatum*; quod dein *Aqua Plantaginis* rursus madefactum Polypo admoveatur, & bis quotidie renovetur.

℞. *Filorum Discerptorum panni linei veteris ʒij.*

Medulla Panis Albi ʒiij. Mercurii Sublimati ʒß.

Aqua

Aqua Rosarum, Plantaginis an. ℥ij.

Cog. in Vase Stanneo ad consumptionem dimidii, dein fortiter lineum carpinum exprimatur, & in furno siccetur.

Platerus *Observ. Med. libr. 3.* acriora adhuc proponit remedia. Atque bis, terve de die cum penicillo Polypo admovet *Oleum Vtrioli*, vel hunc liquorem,

℞. *Olei Vtrioli ℥j. Aluminis Usti 3j.*

Aqua Plantaginis 3j. Misceantur.

Vel

℞. *Mercurii Sublimati 3j.*

Cog. in Aqua Fabrorum 3ij. ad consumptionem medietatis, add.

Olei Vtrioli 3℔. Aluminis Usti 3j.

Misceantur.

Dein Unguentum hoc cum petia naribus intrudit, & Polypo admovet,

℞. *Unguenti Aegyptiaci 3℔.*

Pulv. Gallarum, Cort. Granatorum an. 3℔.

Olei Vtrioli ℥j. Misceantur.

Sed rarum valdè est, Medicamentis Polypum tollere. Et verè docet Julius Cæsar Arantius *lib. de Tumor. pr. nat. cap. 21.* admota medicamenta pro Curando Polypo plus molestiæ, quam utilitatis adferre. Adhæc Caustica, & Escharotica, fungosam hanc carnem profundius erodendo, Diathesin Cancrosam faciliè accersunt. Idem esto iudicium de *Cancro Aëiali*: nihilominus tamen Obstructionem utriusque naris à Polypo Spurio, Ejus opè feliciter se sanasse, refert Petrus de Marchettis *Observ. Chirurg. 27.*

VII. Si ergò Mitiora Adstringentia, & Exsiccantia pro Polypo Curando nihil adferant emolumenti, ad Cheirurgiam seu Manualem Operationem deveniendum; quæ genuina & certissima est Polypum curandi ratio. Atquè in hac Polypi per Cheirurgiam Cura monet C. Celsus *libr. 7. cap. 10.* oportere sursum per nares immittere ferramentum acutum, in modum spathe factum, & ipsum Polypum ab osse liberare, adhibitâ diligentia, ne subiecta cartilago lædatur, quia difficilis succedit curatio. Ubi Polypus abscissus est, unco ferreo extrahendus; tum implicitum linamen-

namentum, ad suppressendum sanguinem, imponendum; hinc purgandum; & deniquè pinnâ impositâ medicamentò cicatricem inducente obductâ, sanandum.

Paulus Ægineta vult, ut, Ægro collocato in sedili adversus solis radios, Chirurgus sinistrâ manu narem aperiat, & dilatet; dextrâ verò spatulâ ad id factâ, in myrtacei folii modum acutâ, orbiculatim polypum præcidat; illic acie ferramenti impositâ, ubi naribus coaluit; postea instrumento in oppositum converso, ipsius manubriolo succisam carunculam foras eximat; idquè toties efficiat secando, & eximendo, quousque totus polypus fuerit exemptus. Judicat verò totum esse exemptum polypum, si respiratio per nares libera, & sine obstaculo recurrat, siquè vox seu loquela concinna sequatur.

Aquapendens novum proponit Instrumentum, quo utitur pro extrahendo Polypo; id quod apprehendit, simulquè præcidit, & foras trahit. Sed ineptum huic operationi censemus hoc instrumentum; quippe quod radicatus Polypum non evellit, sed radicem propè fungosam hanc carnem excindit; quæ idcirco velocius postmodum solet repullulare. Verum sumendum potius Ferramentum, vulgè *Rostrum Corvinum* dictum, nec quicquam secandum; sed ejus ope Polypus firmiter apprehendendus, atquè hinc inde vertendus, ut illius radix frangatur, & integra revelatur caro fungosa.

Quod si post Polypi extractionem, fluxio sanguinis supervenerit, illi medendum est, ut cæteris sanguinis ex naso fluxionibus; medicamentis viz. adstringentibus naribus impositis.

Exemplum Polypi admirandi, utramque narem cum spiritu difficili, & continuò suffocationis metu obturantis, atquè in faucibus deindè extracti, videri potest apud Amplissimum Tulpium *Observ. Medicar. libr. 1. cap. 26.* Insuper de Polypo, ejusdemque Curationis modo, consulatur Jobus Meckermanus *Observ. Chæirurg. cap. 10. 11. 13.*

CAPUT XXV.

De Epulide, & Parulide.

Epulis.

I.



Uemadmodum Laxa, Fungosaquè intra Nares excrescens Caro Polypus, ita *Hypersarcosis* seu *Carnæ Gingivarum circum Dentes Excrecentia* EPULIS dicitur. Hæc vehementer aliquandò increfcit, atquè augetur, ut aded & loquendi, & manducandi adimat facultatem: vifcidam, tenacem, ac foetidam effundit Salivam, & non raro in Cancrum quafi degenerat.

Unde oritur.

II. Solet verò Affectus hic ex *Scorbuto* femper oriri. Enimverò fanguis labe scorbuticâ infectus, recrementa fua acri-falina tum per arteriolas, tum per vafcula falivalia, in Gingivas quoquè deponit; quæ laxam, fungofamquè Illarum Carnem erodunt, hinc & corrumpunt fæpè, ut Dentes ftabilire nequeat; aliquandò verò Erofam Gingivarum Carnem ultrà excrefcere faciunt, adeoque *Epulidem* caufant: quæ idcirco in Norvegia, aliisquè Septentrionalibus Regionibus, ubi Scorbutus Endemius eft Morbus, admodum frequenter contingit.

Curandi Ratio.

III. Refert *Paræus Chirurg. libr. 7. cap. 4.* fæpius fe obfervaffe, carnofam hujusmodi excrefcentiam in cartilagineam, & offeam vetuftate induruiſſe: quapropter quam celerrimè fieri poterit, *Curationem Hujus* aggrediendam eſſe fuadet. Igitur exilis quum fit Epulis, tentanda Ejus per Medicamenta Curatio; atquè Univerfalibus, ut in Scorbuti Cura fieri folet, haud neglectis, Topica adhibenda ſunt Exſiccantia & Adſtringentia; viz. *Aluminoſa*, aliaquè *Antiſcorbutica*. v. gr.

R. *Aq. Plantaginis, Salvia, Antiſcorbutica,*

Vini Albi Gallici an. ℥iſſ.

Aluminis Crudi pulver. ℥ij.

Aqua Cinamomi ℥iij.

Miſceantur pro Oris Colluſione.


Sed

Sed Medicamentis si tolli nequeat hic Gingivarum Tumor, quam citissimè Filò, vel Cultrò abscindatur, ne præter modum induretur, vel in Cancrum abeat. Ubi verò abscissa est Epulis, Ægrotans frequenter os colluat, atquè Gingivas fricet præscriptà nunc Oris Collutione, vel simili.

IV. Nascitur quoque in Palato Tumor ex viscosa & acri ^{Parulis.} materie, quæ Os inter & Membranam hærens, illud non rarò putrefacit, atquè corrumpit, hinc Ulcus grave excitat. Tumor hic PARULIS dici consuevit, atquè contingit ex *Saliva præter modum acris & salsa, simulquè glutinosa*; quæ per exiles Palati ductus prodiens, & ob suam ipsius visciditatem membranæ poros transcolari nequiens, adeoque inter Os & Membranam subsistens, Tumorem hunc producit. Qui ut *Curetur*, dissicili pinguis Carica apponatur; hinc quamprimum, non expectatà suppuratione, sectione latà & profunda, ad os Palati usquè, incidatur, & acris, viscidus, nec non subcruentus humor exactè exprimatur; secus enim subiectum os facillimè corrumpitur, oriturquè fistulosum, ægrequè sanabile ulcus. Facta verò sectione, evacuatoquè concluso humore, absquè medicamentorum ope, sola *Saliva* aperturam sanat.

CAPUT XXVI.

De Ranula.

- I.  Onnunquam sub Lingua, prope ejus Vinculum seu Ligamentum, Tumor oritur, ^{Ranula} quid sit. Græcis *ῥαγγα*, Latinis *Ranula* dictus, quod hoc Sublinguali Tumore correpti coaxando magis, quam loquendo mentis sensum enunciare videantur. Est autem RANULA Tumor mollis, laxis, muci plenus, sub Lingua prope ejus frenulum subsistens, atquè loquelæ libertatem adimens. Enimverò tumore hoc aperto mucus prodit, ovi albumini colore & consistentiâ non multum abîmilis. Et scribit Aquapendens, se ali-

quando hujusmodi tumorem vidisse adeò ingentem, ut omnes fermè oris partes labefactarit. Equidem errat Ille, quando Meliceridis speciem hunc Tumorem esse putat; quum non eadem in Hoc, atquè in Meliceride contineatur materies.

Unde oriatur.

II. Circa *Causam* verò hujus *Tumoris* Veteres omnes, cum Medici tum Cheirurgi, quibus latuit vera Organorum Salivalium structura, perperam ratiocinantur, sanguinem accusantes crassum & terrestrem; seu, ut loquuntur, humorem tartareum in venis sub lingua coacervatum; aut pituitam, lentumque humorem è cerebro eò stillantem, partibusquè hisce infixum. Sed, repertis ac palam ostensis Organis Salivæ Generationi & Excretioni dicatis, potius dicamus, *oriri Ranulam à Saliva nimis acri, simulquè viscidiorè*, quæ per inferiores ductus salivales erumpens, atquè ob suam ipsius visciditatem extrema ipsorum orificia liberè permeare nequiens, hinc sub lingua propè ejus ligamentum subsistens, hunc ibidem Tumorem, ingentem cum dolore, excitat.

Medendi Methodus.

III. Sed ut tollatur Sublingualis hic Tumor, Multilaudant Pulverem, quo identidem Ranula fricetur. ex.gr.

ꝛ. *Pyrethri, Zinziberis an. ʒj.*

Salis Communis, Gemmei an. ʒij.

Rad. Iridis, Hermodactylis an. ʒʒ.

Origani, Calamentha, Mastichis an. ʒj.

M. F. Pulvis.

Ex *uisdem in Aqua & Vino decoctis* Oris Collutio fieri potest.

Avicenna extollit *Organum, Cortices Granatorum, & Sal*, quibus mixtis & pulverisatis Ranula fricetur. Veruntamen hisce, aliisque Medicamentis, quæ passim apud auctores describuntur, rarè admodum Curatur Ranula, vixquè Ea Sanatur, nisi Cheirurgià.

Paræus *Cheirurg. libr. 7. cap. 5.* Vigierius *Cheirurg. libr. 1. cap. 36.* & Alii, Tumorem hunc Sublingualem aperiendum censent *Alnali Canterio*, hinc materiem intus contentam educendam, ne malum revertatur.


Alii

Alii *Acum* per tumorem transmittunt, atque vulnus deinceps cum Scalpello dilatant, ut conclusus humor effluat; quo effuso, cum Aqua Mulsa gargarisare jubent, quam & per siphunculum in apertum Tumorem immittunt, ac Ulcus tandem legitimè claudunt. Sed quoniam contentus in hoc Tumore humor nimis viscidus est, & tenax, quam ut per exiguum hanc aperturam possit evacuari; ideo cum Fernelio, multisque aliis, legitimam hujus Tumoris Curationem esse puto, ut *Ranula Scalpello utrinquè aperiatur*, & quidem sectione latâ & profundâ, quæ citrà periculum fieri potest: ubi verò humor effluerit, & ultra expressus sit, sæpius os colluatur *Hordei Decocto cum Melle Rosaceo, tantillo addito Salis Prunelle*, donec nihil amplius humoris in loco affecto reliquum sit.

Nigra autem, vel Fusca, & Dura Ranula, quæ Cancrofa est, attingi non debet.

CAPUT XXVII.

De Aneurismate.

- I.  NEURISMA (quod Barbaris depravatâ voce *Emborisma*, & *Mater Sanguinis* dicitur) est Arteria Dilatatio: seu potius, Tumor tactu mollis, pulsans, digitis cedens, ab Arteria tunica interioris quidem apertione, exterioris verò dilatatione ortum habens. Vel dicatur, Tumor præter naturam, pulsans, indolens, digitis facile cedens, at iterum illico sese extendens, ortus ab interna Arteria tunica dehiscence, cæteris dilatatis. Enimverò Arteriæ tubus quum quatuor distinctis confletur tunicis, uti nunc palam est; viz. intimâ nervæ, secundâ musculari, tertiâ glandulosâ, & extimâ vasculosâ, si contingat internam hanc tunicam nerveam rumpi, sanguis in tunicam muscularem, & ei proximas illabitur, quæ propter teneritudinem mox extenduntur, hinc fit Tumor ille Pulsans, qui *Aneurisma* vocatur.

Aneurisma quid sit, & quomodo fiat.

- II. Hæc verò interioris Arteriæ tunicæ apertio, & ex-

teriorum dilatatio, quæ *Proxima est Aneurismatis Causa*, originem suam debet sanguinis impetui vehementi; externæ etiam cuilibet vehementiæ arteriam nimium distendenti; nonnunquam & Cheirurgi imperitici, arteriam pro vena, vel simul cum vena secantis; nec non vulnere arteriæ quovis modo inflicto: tunc enim exterioribus tunicis, utpote mollibus, iterum coalescentibus, atqui internâ tunicâ du-riore propter pulsationem continuam manente apertâ, per aperturam sanguis erumpit, qui exteriores simul cum superstrata cute extendens, Pulsatilem hujusmodi Tumorem excitat.

Objectio.

III. Attamen contra hanc sententiam plures sese opponunt, contententes Aneurisma non fieri ex Arteriæ interna tunica dehiscente, & exterioribus dilatatis; sed ex integro Arteriæ canali disrupto, hinc cruore musculos inter, aliæve partes effuso, qui ex viscidioribus sui particulis sibi ipsi pelliculam generat, in qua continetur. Audi quæso Cl. van Horne, qui *Microtechnæ Sect. 2. Part. 1. §. 35.* hæc habet: „Nunquam sanè potui concipere, quomodo ruptâ internâ & crassâ arteriæ tunicâ, integrâ remanente externâ tenuissimâ & aranearum telis simili, Aneurisma possit generari, cum ejusmodi tunicarum distinctio omnino sit à rei veritate aliena. Sed duplicem agnosco generationis modum, unum à causa externa, alterum ab interna: externa est vulnus arteriæ ab imprudente Chirurgo factum; consolidatur enim superficie, tenuis arteria, sed non tam firmiter, quin sanguis impetuose irruens in imbecilem tunicæ partem, eam in tumorem non attollat: interna causa est apertura seu anastomosis arteriolæ, è qua sanguis egrediens in spatium seu interstitium musculorum, densatur in thrombum, qui sensim adauctus, magisque per moram excoctus, in carniformem massam transit musculis haud absimilem, quæ & reperitur concava, & in sui centro copiam nigri concretique sanguinis continet. Haud secus Platerus *prax. med. tom. 3. cap. 3.* & Dodonæus *rarar. observ. med. cap. 57.* mediæ cuidam insisterunt viæ, ut non semper ex sola

sola arteriæ dilatatione , sed frequentius à manifesta aliqua ejusdem apertione Aneurisma generari arbitrati sint. „Tunc enim , ait Platerus , sanguis tenuis & spirituosus „ex arteria crumpens , cutem in tumorem attollit , illic- „quæ sinum sibi format , in quem arteriæ eo ferè modo , „quo arteriæ in sinus crassæ membranæ cerebri naturali- „ter sese exonerare solent , præternaturaliter sanguinem „cum spiritu in diastole effundendo , & in systole in se „rursus rapiendo , pulsationem in Aneurismate efficit. Sed non considerant hi Viri , quod sanguis in Aneurismate contentus non corrumpatur , nec unquam Apostemata faci-
 Objectio-
 nis Solutio.

„ciat ; cum alioquin sanguis copiosus extra vasa in partes effusus semper corrumpatur , ac Inflammationem & Apostemata generet , secundum Hippocratem *Aphor. 26. sect. 6.* „Si in ventrem sanguis effusus fuerit præter naturam , necesse est suppurari. Præterea sanguis extravasatus sibi membranas investientes generare nequit , at quamprimum putrescit.

IV. Igitur censemus , Aneurisma non oriri ex arteria omnimodè disrupta , verum dilatata solummodò : dehiscente nimirum tunica vasis illius internâ , sanguis pulsione in tunicam muscularem , aliasquæ proximas impingens , eas magis magisque dilatat , in iisque quasi in sacco coarctatus tumorem producit , in quo manifesta , imo sæpè admodum molesta pulsatio , nec non systoles ac diastoles reciprocatio sentitur : qui tumor si disrumpatur , vel ab imprudente Chirurgo aperiatur , Ægrotans ob immensam hæmorrhagiam , quæ cohiberi nequit , citissimè perit. Plura videri possunt apud Sennertum *prax. lib. 5. part. 1. cap. 43.* & Fabricium Hildanum *Cent. 3. observ. 44.*

V. Cognoscitur verò , & ab aliis Tumorum generibus distinguitur Aneurisma , quod Tumor hic cuti sit concolor , sensim increscat , atquæ continuò pulset ; insuper molis est , & laxis , digitorumquæ pressioni plerumquæ cedit , sanguine in arteriam recurrente , unde mox rursus effluit. Notant tamen Paræus , Barbette , & Alii , in Aneurismate interdum , si magnum sit , nec pulsus percipi , nec san-

Diagnos.

sanguinem compressum ad interiora redire; atqui strepitum, quasi bullientis aquæ, hîc observari.

Prognosis. VI. Cæterum difficulter admodum Curatur Aneurisma. Equidem quod minus est, & recens, Curationem aliquando admittit. Antiquum verò, & majus vix unquam Curatur, nisi unâ cum membro, in quo occurrit, tollatur.

Aneurismatis Curatio.

VII. Quoad *Curandi Rationem*: In Principio dum Aneurisma excitari animadvertimus, (subitò namquæ non oritur, sed dehiscente internâ arteriæ tunicâ, sensim illa exteriorum tunicarum dilatatio fit) mox *Adstringentia* & *Repellentia* imponenda, ut impetus sanguinis compescatur, & arteriæ apertura constringatur. Eum in finem commodè imponatur *Emplastrum aliquod Adstringens*, ac dein firmiter superligetur *Lamina Plumbea*, si forsân rupta & dilatata arteria rursus coalescere & constringi possit.


VIII. Veruntamen hoc modo si non sanetur pulsatilis hic tumor, nequæ incrementum ejus prohiberi queat, quin è contrario increseat, à multis duplex Cheirurgia commendatur. Una fit duarum acuum operâ, quarum altera arteriam rectâ in longum pungit circa tumorem; altera verò obliquè in transversum eam secat, quas in crucis formam positas, & sibi propinquas filo circumdare oportet, futuræ umbilici adinstar, easquæ firmiter vincire, & tamdiu ibi detinere, donec arteria penitus coaluerit. Altera Operatio Cheirurgica fit, quum arteriam detegendo, tum supra tum infra tumorem, illam prudenter à vena & nervo separant; deinde filo subtus transmissò, eandem tum supra, tum infra ligant & secant, ut in Varice; denique vulnus, ut artis est, curant. Videatur Paulus *Ægineta libr. 6. cap. 37*. Sed quis non videt, hanc Aneurismatis, per Manualem Operationem, Curam non solum crudelem valdè, sed & esse non sine maximo periculo, neque *Ægrum* sanare. Et si namquæ ligetur arteria; postquam tamen fila solvuntur, metus est, ne vel immodica hæmorrhagia, vel novum Aneurisma fiat. Quapropter tutius est, Tumorem hunc Vinculis saltē, & Emplastro,

nec

nec non Laminâ Plumbeâ constringere & comprimere , ut amplius augeri nequeat. Atquè hoc modo Aneurisma non rarè sanatur, uti videre est apud Amplissimum Tulpium *Observ. Medic. libr. 4. cap. 16.* & Hildanum *Cent. 3. Observ. 44.* Equidem si indies ità augeatur hicce Tumor, ut rupturam minetur, adeoque Ægrotantis vita periclitetur, ultimum remedium foret, integrum membrum, cui inhaeret Aneurisma, tollere: ctenim partem aliquam perire præstat, quam totum hominem.

CAPUT XXVIII.

De Varicibus.

- I.  Uemadmodum *Aneurisma* Arteriæ, sic *VARIX* quidam *Vena præter naturam Dilatatio* est: in qua *Varix* quidam tamen non simpliciter dilatantur Venæ, sed & quodammodo intorquentur, subindequè ceu nodos quosdam contrahunt, & effor-

mant nigricantes.

II. Accidunt autem Varices in variis corporis partibus: frequentissimè in cruribus; aliquandò in temporibus; nonnunquam in ima abdominis parte sub umbilico; quandoquè in scroto supra testiculos, qui tumor in specie *κυσσικήλη* nominatur. Etiam in internis corporis partibus huiusmodi venarum tumores oriri possunt, atquè in pulmonis venis quondam Varices notavit Hippocrates. Nec mirum; venæ quippe ubiquè valvulis scatent, ad quas crassius & terrestri sanguis subsistens, ac continuè incrementum capiens, venarum tunicas (utpote teneriores) facilè distendere potest.

III. Equidem non semper Varices sunt, quod crassior sanguis circa valvulas stagnans, venas ità extumescere faciat. Sed & Varices nonnunquam oriuntur, haud secus ac Aneurismata, cum intima venarum tunica disrumpa sit, exterioris integris, at solummodò dilatatis: Venæ namquè æquè ac Arteriæ quatuor donantur tunicis, te-

Quomodo
contingant
Varices.

nuioribus licet, uti per *ihneim* anatomicam palam nunc ostensum est.

IV. Enimverò haud infrequenter contingit, ut crassius ac terrestres sanguis, qui præ crassitie venas commodè pertransire nequit, circa valvulas subsistens, intimam venarum tunicam ibidem dehiscere faciat, unde magnam in latitudinem reliquæ distenduntur: atquè hinc fit, quod malum hoc melancholicis & hypochondriacis familiare sit, præsertim in cruribus, ubi ingentes nonnunquam observantur Varices. Meminit Lowerus *trakt. de Corde cap. 2.* Varicis in crure, magni farciminis adinstar, circiter duas sanguinis libras continentis. Hildanus quoquè *Cent. 4. Obs. 85.* scribit de Varice Monstroso, longitudine spithamam, latitudine aut crassitie brachium æquante, ab ipso curato.

Diagnosis,
& Prognosis.

V. Porro facillè cognoscuntur Varices, cum in membrorum, præsertim crurum, superficie turgentes venæ conspiciantur, atquè pars affecta aut livida, aut nigra appareat, & pressus tumor retrocedat, sed mox iterum revertatur.

Solent quoquè Varices plus molestiæ adferre, quam periculi.

Varicum
Curatio.

VI. Equidem ut Curentur Varices, cautè hîc procedendum: sanguis mittendus, corpus aliquoties purgandum, ac talis porro instituatur Cura, qualis institui solet in Affectione Hypochondriaca. Deinde Adstringentibus, Exsiccantibus, & Digerentibus Topicis Medicamentis, Fasciisque & Ligaturis, quæ sanguinem superiora versus protrudunt, utendum. Atquè à Compressione, aliavè Externa Causâ intumescat Vena, Adstringens aliquod Emplastrum imponendum, & ad Partem Affectam firmiter ligandum, haud secus ac in Aneurismatis Cura fieri solet.

VII. C. Celsus *libr. 7. cap. 31.* duos proponit Curandi modos, quorum alter fiebat Ferramentis Candentibus, alter Excisione peragebatur. Sub Ferramento Candente adustus contabescit Varix ex Celso, & Ustio fit in Varice recto, aut simplici, transverso, & exiguo. Cutis superinducitur, tum patefacta Vena tenui & retuso Ferramento Can-


Candente modicè premitur, vitaturquè ne plagæ ipsius oræ adurantur, quas reducere hamulis facile est; id interpositis ferè quaternis digitis per totum Varicem fit, & tunc Medicamentum superimponitur, quo adusta sanantur. Altera Chirurgia, quæ Excisione Varices Curat, cutem supra Varicosam Venam incidit, dein hamulo oras cutis excipit, & Scalpello Venam undiquè separat, caverquè ne Scalpello Vena lædatur, quæ tum hamulo attollitur, & primum in uno, mox in altero extremo præciditur, evelitur, & foras trahitur. Similem ferè Varicum per Excisionem Curandi modum proponit Paulus *Ægineta lib. 6. cap. 28.* Sed hæ Antiquorum ad Varices Curandos Chirurgiæ adeò difficiles & crudeles sunt, ut unum tantum Cajum Marium, qui septies Romæ Consul fuit, stantem sibi extrahi passum fuisse Plinius auctor est.

VIII. Hinc Aquapendens in *Operat. Chirurg. de Varicum Chirurgia*, mitiorem proponit Manualem Operationem; viz. cutem Sectione latâ aperit, dein Varicosam Venam à circumjacentibus solvit partibus, ac supra & infra Filo duplicato Varicem firmissimè ligat, eundemquè aperit, & sanguinem effluere permittit. Sed de hac Aquapendentis Chirurgia scribit Scultetus in *Arment. Chirurg. Tab. 43.* se hunc operandi modum semel tentasse; sed errore Patientis, motu scilicet nimio (qui nullus esse debuisset) sequutam fuisse inflammationem, quæ *Ægrum* vehementer afflixit, & prohibuit, ut voto non potuerit respondere exitus. Atquè hoc famæ naufragium semel passus Scultetus, Varicibus in extremis Affectos, deinceps solis Topicis, Subtibalibus ex Pelle Canina confectis, tractavit.

IX. Atqui multi & variè complicati Varices si in cruribus existant, ac fasciis, ligaturis, similibusquè externis Curari nequeant, Scalpello sunt aperiendi; deinde compressione sursum deorsumquè factâ contentus sanguis exprimendus atquè vacuandus, hinc aliquot dierum imperatâ quiete, & convenientibus apposis medicamentis vulnuscula curentur.

CAPUT XXIX.

De Panaritio seu Paronychia.

I.  Nter Tumores haud immeritò à Cheirurgis refertur *Reduvia* seu *Paronychia*, quippe quæ in vicinia seu lateribus Unguium in Digitis generari consuevit: Latinis *Panarium* nuncupatur, Nostratibus *De Dijt* / Germanis *Der Wurm* oder das *Ungenade*. Vulgus enim in ea est sententia, Vermem in illo Tumore latere, qui rodendo tantos excitat dolores, cumquè nominatum exasperari, ideoquè nominandum non esse.

Panari-
tium qua-
lis sit Af-
fectus.

II. Est autem PANARITIMUM seu PARONYCHIA *Tumor in Digni extremo, admodum dolens, ex acidocris, atquè ferino humore, tendines, nervulos, periosteum, imò os ipsum rodente, oritur*. Estquè duplex hic Affectus: Alter enim ad Unguis radicem nascitur, ac plerumquè in superficie duntaxat, cum nonnullo dolore. Alter verò profundior est, ad ipsum usquè periosteum, cum acerbissimo & acutissimo doloris sensu; isquè symptomata gravissima, febrem puta, syncopen, convulsionem, ulcus malignum, cariem, interdum & totius partis corruptionem infert.

Unde oria-
tur.

III. Igitur ortum habet hic Tumor ab humore acidocris, & acri-salino, simulquè volatili, Aquæ Strygiæ haud absimili, præterquam quod hic multò volatiliior sit; qui cum sanguine per arteriolas ad Digni extremum, & quidem ipsum in periosteum delatus, immanem rofionem, hinc acerbissimum dolorem, simulquè ex continuo affluente sanguine Inflammationem excitat.

Diagnosis,
& Progno-
sis.

IV. Signa verò quibus dignoscitur hic Affectus, sunt Tumor, Rubor, Dolor circa Unguem intolerabilis, qui continuo Ægrum affligit, atquè non rarò ob consensum partium nervosarum per totum brachium extenditur, & comitem habet febrem continuam, ac lypothymiam, &c. Cæterum quo peccans humor magis vel minus acris, ità

itâ malum hoc mitius vel deterius est. Quandoquē os, digitus, tota manus corrumpitur, imò aliquando ex dolore mortuus fuit Ægrotans.

V. Sed quemadmodum de Causa hujus Affectus superstitiosas opiniones (viz. Vermem in hoc Tumore latere, qui rodendo tantos excitat dolores, &c.) Vulgus habet; ita & de Curatione: putat nimirum, si quis Tempore Verno Spermate Ranarum manus madefecerit, ac sponte siccati fuerit, & postmodum Digitum hac inflammatione laborantem comprehendat, inflammationem sedari. Alii Talpam vivam singulis annis manu comprehendunt, & pronunciatis conceptis quibusdam verbis Talpam comprimendo occidunt, atque hinc per totum annum Vermes istiusmodi se occidere posse jactitant. Verum ut nugæ hæc omittamus, genuinam Panaritii consideremus Curationem.

VI. In qua, Generalibus, Venæsectione scilicet, & Universali Purgatione haud neglectis, Affectus Digitus aliquamdiu foveri potest hoc vel simili Decocto,

℞. *Florum Camomilla, Meliloti, Sambuci an. Mj.*

Seminis Lini, Fœnigraci an. ʒʒ.

Coquantur S. A. in Lacte Vaccino.

Vel applicetur Cataplasma,

℞. *Fol. Hyosciami*

Flor. Anethi, Sambuci an. Mj.

Sem. Lini, Papaveris an. ʒiij.

Farina Althææ ʒiʒ.

Coq. in Lacte Vaccino, & fiat ex his S. A. Cataplasma.

℞. *Farina Hordei, Lini an. ʒvj.*

Butyri recentis, Mucilag. Sem. Psyllii an. ʒj.

Vitellum unius Ovi, Pulv. Croci ʒj.

Misceantur S. A.

Nonnulli laudant Ea, quæ sequuntur,

℞. *Farina Avenacea, vulgò Haber-gort /*

Coq. S. A. in Aceto Vini in formam Cataplasmatidis; quod eadē applicetur, & identidem renovetur.

℞. *Herb. Senecionis*, *Sedi Majoris an. part. aq.*

Ex his confusus fiat Cataplasma.

Scribit Aquapendens, quasdam mulieres hunc Affectum in initio (viz. cum Digitus incipit dolere, *hoc est*, in primo doloris impetu, neque adhuc in Digito ullus Tumor Ruborvè apparet) statim Curare, Digni extremum in Ebullientem Aquam aliquoties immittendo, ita tamen ut vix digitus aquam attingat: est enim remedium, quod materiam exiguam fluxam statim dissipando evacuat. Probat quoque hanc immisionem in Aquam Ferventem Severinus in *Pyrotechnia*.

Alii volunt, ut aliquamdiu in Ovo Putrido teneatur Digitus; idquè sæpius hunc Affectum Curasse affirmant.

Riverius peculiari Medio hunc Affectum Curat, de quo *Cent. 4. Observ. 63.* hæc habet: „Virgo quædam Paronychiam patiebatur in indice manus sinistræ, quæ ipsam „vehementer affixerat per quatuor dies; jussi ut Digi- „tum immitteret in Aurem Felis, & intra duas horas do- „loris expers fuit: sentiebat per intervalla attractionem „digiti in auris cavitatem, ac subindè dolor totum bra- „chium invadebat, usque ad humerum: eodeniquè tem- „pore Felis vociferabatur, ut credibile sit, cum dolore „affici à veneno attracto; tota manus intumuit, ac postea „detumuit, excepto digito, qui tumefactus remansit, sed „doloris expers: sublato dolore digitus extractus est, & „suppuratus apparuit, ac deinceps solo Emplastro Diapal- „mâ curatus.

VII. Saltem in Principio Curationis dolore lenientia, & acrimoniam humorum mitigantia, suppurationemquè adjuvantia Digito Affecto admoveantur. Itaque Ægro- tans aliquamdiu Digitum detineat in hujusmodi Spiritu servefacto,

℞. *Spiritus Vini* ℥iij.

Theriaces, Camphora an. 3j.

Opii ℥ß.

Misceantur

Deindè imponatur Cataplasma,

℞. *Herb.*

℞. *Herb. Ruta, Salvia an. Mß.*

Flor. Camomilla, Sambuci, Meliloti an. Mj.

Sem. Cumini ʒj.

Costis in Aqua & Vino ad mollitiem, & in mortario contritis adde

Farina Lini, Hordei an. ʒj.

Pulv. Sabina ʒiij. Croci ʒß.

Butyri recentis ʒiß.

& M. F. S. A. Cataplasma.

Sed quandoquidem hujusmodi Tumor valdè contumax & suppuratu difficilis est, & is maximè qui os attingit; si adhibitis remediis Suppuratio tardè promoveatur, ille profectò, etiam ante perfectam maturitatem aperiendus erit. Id quod tutum ac unicum remedium est, & ad sedandum dolorem, & ad supradicta symptomata impedienda commodissimum. At enim Tumor hic alia ratione Secandus est, quam cæteri abscessus, propterea quod non semper facilè est de loco, ubi pus resideat, judicare; quippe quod quantitate exiguum, profundum adeò, & ossi proximum. Igitur Sectio facienda est in medio Digiti in interiore parte, non longè à Digiti extremo, ad os usquè; deindè Ulcus curandum.

Quod si negligentia Ægrotantis aut Cheirurgi Sideratus Digitus fuerit, extirpetur, nisi totum negotium naturæ committere placeat, quæ sæpius officulum corruptum separat, ejicitquè.

Sin Caruncula luxurians, seu Carneæ Excrescentia in orificio excreverit, Ea vel Ferro, vel Medicamentis Exsiccantibus aut Exedentibus tollenda.

Quum verò tardius accersitus Cheirurgus magnam humorum collectionem reperiat, Dissipantia & Suppurantia applicentur. Hinc rupto vel aliter aperto Tumore, summa habeatur Cura, ne tendines corrumpantur; atqui corrupti qui sunt, separentur sive medicamentis, sive instrumento secante.


VIII. Fabritius Hildanus, uti refert *Cent. 1. Observ. 97.* Inflammationem aut notabilem Tumefactionem, & Suppuram-

purationem non expectat; sed in Muliere, quæ dolore acerbissimo in extremitate digiti, cum febre, lypothymia, nausea, aliisque symptomatibus laboravit, Curationem sic instituit. Primò Digitum *Lacte Vaccino*, cui *Flores Camomille*, *Meliloti*, *Semen Fænigraci* & *Cydoniorum incoxe- rat*, aliquamdiu fomentavit. Deinde cutis superficiem paulatim dissecuit. Cute abrasâ *Macula quadam rubicunda* apparuere; quibus acie cultelli incis, guttulam unam aut alteram *Aquæ Rosæ* sub cute invenit. Illâ evacuatâ linteum madefactum *Spiritu Vini*, in quo dissoluta *Theriaca*, applicuit: quibus mox sedatus est dolor; atquè unico hoc remedio sanatus fuit digitus altero die.

In alia quoquè Matrona, quæ per triduum ob vehementem ex Paronychia dolorem dormire nequivrat, abrasâ cute maculam in apice digiti sub cute invenit, in qua vix una guttula ichoris contenta fuit. Maculâ incisâ, applicatoquè Digito Gossypio *Spiritu Vini cum Theriaca* imbuto, Manui verò & Carpo *Linteo reduplicato ac Poscâ madefacto*, statim cessavit dolor; itâ ut postero die omninò sanatus fuerit digitus. Equidem addit Hildanus, statim ab initio incisionem hanc fieri debere, aliàs ex concursu humorum inflammationem & tumorem excitari, atquè subjectos tendines, imò etiam ossa erodi.

CAPUT XXX.

De Hernia in genere, atquè in specie de Intestinali, & Omentali.

- I.  Tumores haud ineptè referimus quoquè *Disjunctam Partium Mollium Contiguam*; Ea autem observatur in Hernia, Ani Procidencia, & Uteri Prolapsu. Dicitur HERNIA, RAMEX, RUPTURA, Græcis *κῆλη*. Notratisbus *ren Bzeuch of Schreusel*; quod nomen & Intestinalium, & Omenti Procidentiæ tribuitur.

II. Atqui variae sunt *Herniarum Differentiae*; quæ pendentes

Hernia
quid sit, &
quæ sint
Ejus Dissec-
rentiæ.

dent vel à loco in quo fit Tumor, vel à materia quæ Tumorem facit. *Ratione loci* triplex datur Hernia, viz. *ὀρχοκήλη Hernia Scroti*, *βυζωοκήλη Hernia Inguinis*, *ἰσχυροκήλη Hernia Umbilici*. *Ratione materiae quæ Tumorem facit* plures dantur Differentiæ; scilicet *ἐντεροκήλη*, quando Intestina prolabantur in Scrotum, Inguina, vel Umbilicum; *ἐπιπλοκήλη*, quando Omentum procidit in Inguina, Scrotum, vel Umbilicum; *ἐντερο-ἐπιπλοκήλη*, quando Omentum & Intestina simul prolabantur; *σαρκώλη*, quando Substantia quasi Carnosa Testibus, vicinisquæ membranis accrescit; *πνευμάτικήλη*, quando Flatus sese insinuant Scroto, Inguinibus, vel Umbilico; *ὕδροκήλη*, quando Aquosa Materies prolabitur frequentius in Scrotum, rarius in Umbilicum, vel Inguina; *κιστοκήλη Hernia Varicosa*, quando Venæ Spermaticæ intra Scrotum dilatantur in modum Varicum, ita ut interdum tertium mentiantur testiculum. Quin & compositæ species huc emergunt, ut præter *ἐντερο-ἐπιπλοκήλη* dantur & *ὕδρο-εντεροκήλη*, *ὕδρο-πνευμάτικήλη*, *ὕδρο-σαρκώλη*, &c.

III. Sed verò omnes hæc Herniarum Species veræ Herniæ non sunt: Veræ namquæ Herniæ tantum duæ occurrunt; viz. Intestinorum, vel Omenti extra abdomen Prolapsus, atquæ ex duabus hisce tertia sæpius oritur, nempe *ἐντερο-ἐπιπλοκήλη*; de quibus nunc sumus dicturi.

IV. Igitur *ἐπιπλοκήλη* Omenti extra abdominis cavitatem Procidencia est. Verum *εντεροκήλη* Intestinorum Prolapsus. Atqui Intestina & Omentum si simul excidant, *ἐντερο-ἐπιπλοκήλη* hæc Herniæ species nuncupatur. Prolabuntur autem Intestina, vel in Umbilicum, tuncquæ *ἰσχυροκήλη*, seu *Hernia Umbilici* aut *Umbilici Relaxatio* dicitur; vel in Scrotum, & *ὀρχοκήλη* seu *Hernia Scroti* appellatur; vel in Inguina, atquæ *βυζωοκήλη* seu *Hernia Inguinalis* nuncupatur.

Hernia Intestinalis, &c.

V. Quoad *Causam* seu *Rationem Formalem Herniarum*; vulgaris opinio est, fieri Prolapsum Omenti, & præsertim Intestinorum in Inguina, Scrotum, vel Umbilicum, Peritonæo vel rupto, vel relaxato. Sed illis, qui Perito-

Herniæ quomodo fiunt.

næum in Herniosis disruptum censent, subscribere non possumus. Etenim impossibile est, validam hanc membranam dilacerari aut disrumpi posse, nisi hoc fiat ex casu, similivè violenta Causa externa: quæ equidem eandem non disrumpit, dilaceratvè; atqui si vulnus peritonæo infligatur, quod cute consolidatâ apertum relinquitur, tunc ruptura ejus Herniæ Causa esse potest. Insuper in Herniosis post obitum nunquam Ruptura, verum Dilatatio Peritonæi semper observatur. Igitur Peritonæum in Herniis solummodò relaxari putamus; cumque laxetur vel in ejusdem processibus, aut alibi, tum Omentum, tum præcipuè Intestina in debilitatam hanc membranam impingere; hinc in locum patentem, Inguina puta, vel Scrotum, vel Umbilicum descendere. Videatur *Hildanus in Epistola ad Michaëlem Doringium de Hernia Uterina pag. mihi 899.*

VI. Causæ verò, quæ Peritonæum ultrà modum ità extendunt, relaxantquè, sunt motus violentus, casus, percussio, saltatio, equitatio, vomitus, tussis, oneris gravioris elevatio, alvus dura & quæ cum difficultate redditur, conatus in partu, flatus in intestinis, vocis intentio, spiritus retentio, & quodcunque spiritum concitare, atquè, diaphragmate & abdominis musculis tensis, impetum in inferiorem abdominis regionem inferre potest. Accedit Peritonæi ejusdemvè Processuum debilitas ac humiditas: facilius namquè partes debiles & humidæ laxantur, unde pueri frequentius in herniam incidunt.

Herniarum
Signa Dia-
gnostica.

VII. Sed Intestinalem Herniam adesse cognoscitur ex eo, quod Tumor modo accrescat, modo minuatur, interdum ferè totus evanescat; prout major vel minor Intestini portio descendit, vel Intestina magis minusvè replentur, vel etiam planè retrocedunt. Enimverò Tumore compresso, aut resupinato Ægro Intestina in abdominis cavitatem, & quidem cum murmure relabi solent. Præterea hic Tumor ferè absquè dolore est, nisi forsan feces delapsæ sint in Intestinum, vel flatus adsint; tunc enim dolorifica admodum Hernia. *Flatus* siquidem adue-

runt.

rint in Intestino, venter totus iis distentus est, murmura adsunt, statusquæ & per os & per alvum exitum fortuntur. *Excrementa* quod si in prolapsio Intestino indurata, alvus Ægro obstructa, tumorquæ magnitudine, gravitate, atque duritie augetur.

VIII. Verum in Hernia Omentali tumor mollis est, laxus, lubricus, & ferè semper idem, cum prolapsum Omentum non ita facilè reponatur, ut Intestinum; atqui scroto & peritonæi processibus tam firmiter non rarè accrescat, ut nunquam reponi queat, quemadmodum id aliquoties in dissectis cadaveribus visum fuit. Cæterum Omentalis Hernia minus dolet, quam Intestinalis; eaque in latere sinistro frequentius, quam in dextro fieri solet.

IX. Cæterum quævis Hernia non facile Curam suscipit: in infantibus tamen facilius curatur; in senibus difficulter, aut nunquam. Quod si Intestinum flatibus aut excrementis repletum sit, sequitur Dolor, atque hunc, si non illicò tollatur, Inflammatio, Gangræna; hinc Passio Iliaca, ac ipsa denique Mors succedit. Rarum est, quod refert Fabricius Hildanus *Cent. 1. Observ. 55.* fœminam septendecim annos Herniâ laborasse, & circa annum ætatis tertium & sexagesimum maximis vexatam fuisse torminibus, Intestinumquæ in Abdominis Rupturam impulsus ac inibi retentus dolores non leves, simul & inflammationem, aliaque graviora excitasse symptomata. Vocatus ad Curam Hildanus invenit dextrum inguen Gangrænâ affectum: Tumore itaque scarificato, & cæteris quæ ad gangrænæ curationem attinent adhibitis, caro putrida & callositas rupturæ exciderunt; unde Dolor, Inflammatio, Febris, Tormina, Lypothymia, Nausea, Vomitus, omnia denique symptomata sedata sunt: sed intestinorum materia, nondum penitus excrementitia, velut ilei & cæci, per Abdominis Rupturam excernebatur, circiter duos menses. Ægra tamen admirantibus omnibus curata, & à ruptura perfectè sanata fuit, nullâ relicta fistulâ.

Prognostica.

Intestinalis
& Omen-
talis Hernie
Curatio.

Prolapsum
Intestinum
quomodo
reponi de-
beat.

X. Atqui *Ratio Curandi Herniam*, in primis *Intestinalem*, in hisce tribus consistit: viz. in Intestini intra abdominis cavitatem Repositione; in Repositi Conservatione, ne rursus descendat; in Relaxati Peritonæi Constrictione.

XI. Verum ante Repositionem Chæirurgus diligenter consideret, an Hernia sit parva, vel magna? an recens, vel inflammatione correpta? an flaccidum adhuc, vel materia aliqua repletum sit Intestinum?

Si *Hernia parva sit & recens*, *Intestinumquæ vacuum*, facillimè reducetur si *Æger* supinus in lecto collocetur, capite declivi, pedibusquæ elevatis, quoniam hac ratione Intestina sursum ruentia secum trahunt id, quod prolapsum est.

Sin verò *magna sit & recens Hernia*, oportet Chæirurgum Intestinum nullâ materiâ distentum digitis tractare, idquæ, *Ægrotantis* capite declivius posito, sensim tamdiu molliter circummagere, donec paulatim abdominis cavitatem ingrediatur.

Atqui *Hernia quum associatur aut Inflammatio*, quam indicant dolor, calor, febris; aut *Flatus* adsunt, qui cognoscuntur ex eo, quod *Æger* percipiat totum abdomen à Flatibus distendi, si *Flatus* emittat, & rugitus in intestinis audiantur, dolorquæ extendens sit sine gravitate; aut *Fæces*, alyusquæ supprimitur, tumor sensim increfcit, & pondus majus, majorquæ durities percipitur: tunc à Reductione Intestini desistendum est, usquæ dum Inflammatio abierit, *Fæces* egressæ, & *Flatus* dissipati fuerint.

Igitur *Inflammatio cum adsit Hernia*, Scroto vel Inguini calidè imponatur Cataplasma emolliens, digerens, simulque roborans, ex *Farina Hordei*, *Furfuribus Tritici*, *Foliis Malva*, *Althææ*, *Floribus Sambuci*, *Rosarum*, *Vino Rubro*, &c. idquæ identidem renovetur. Etiam ex Fallopio, Pars Affecta foveri potest *Lixivio calido*, in quo *Cineres ex Ligno Fagino ebullierint*. Accipiantur itaquæ *due sili crudi massa*, indantur cacabo, & coquantur cum M^{ss}. *Seminis Cuminii in Lixivio acris*; deinde massarum una extrahatur, quæ inter duos discos exprimatur, atque expansa calidè, quantum

tum ferre potest Æger, apponatur; verum tepescens removeatur, & alia substituaturs, & eaque repetatur, donec omninò sublata sit Inflammatio.

Si cum Inflammatione concurrant Facies, quæ Repositionem Intestini impediant; casus quidem est maximè desperatus: nihilominus tamen Fæcum tentetur Eductio Clysteribus lenientibus, identidem injectis; nec non Fomentis, aut Cataplasmatibus distensionem relaxantibus. v. gr.

℞. Fol. Parietaria, Malva, Althæe an. Mß.

Flor. Camomilla, Meliloti, Sambuci,

Sum. Anethi an. Mj.

Sem. Cumini, Fœniculi an. ʒß.

Incisa & Contusa Coq. in s. q. Lactis Vaccini, pro Fotu.

℞. Rad. Liliorum Alborum rec. ʒij.

Fol. Malva, Violaria, Parietaria,

Flor. Camomilla, Meliloti an. Mj.

Furfurum Mß.

Coctis in Aqua PURA ad molliem, & in mortario minutim contusus add.

Farina Althæe, Hordei, Lini an. ʒij.

Olei Rosarum, Liliorum Alborum an. ʒiß.

M. F. Cataplasma.

Vel Tumor continuò foveatur mappis calefactis, Oleo Camomilla & Anethino imbutis, atque subinde renovatis.

Sed & Flatus non rarò absquè inflammatione Intestinum replent; quo in casu usurpanda sunt Fomenta ex emollientibus, calefacientibus & discutientibus composita; nec non Clyster calefaciens & carminativus injiciendus est, haud secus ac de Intestino Prolapso, & vel Inflammatione obsessò vel Fæcibus repleto, Reponendo nunc diximus.

Sublatà verò Inflammatione, excretis Fæcibus, Flatibusquè dissipatis, reponatur in propriam sedem Intestinum. Viz collocetur Ægrotus capite plurimum demissò, affectà autem parte elevatà, deinde manibus Tumor capiendus, tentandumquè ut materies paulatim eo, unde exiit regrediaturs; digitum nempe sub tumorem reponendo, repellens.

pellendoquē leniter in ventrem quod ex eo delapsum est, atquē diligenter cavendo, ne confusio livorvē intestino adferatur, quod ea pars Gangrēnæ obvia sit, & opportuna.

Atqui ē contrario cum, omnibus frustra tentatis remediis, intestinum prolapsū, & vel inflammatum, vel scæcibus flatibusvè repletum, reponi nequeat, adeoque præsens Ægroto imminet periculum, extrema quoquē tentanda sunt. Quo in casu Ambrosius Paræus *Chirurg. lib. 7. cap. 15.* ad Cheirurgiam accedere, & ductum illum, per quem intestina elapsa sunt, Sectione dilatare suadet, sic ut digito reponi queant. Sed ardua est Manualis hæc Operatio; quæ quomodo sit instituenda videre insuper est apud Pigræum *Prax. Chirurg. libr. 2. Cap. 41.* & præsertim apud Jobum Meekeranum *Observ. Chirurg. Cap. 45. 46.*

Intestinum
repositum
quomodo
conservan-
duin, ne
rursus pro-
cidat.

XII. Ubi jam intestina reposita fuerint, proximum est cavere, ne iterum excidant. Quem in finem maximi sunt momenti Fasciæ seu Subligacula, adeo ut in Herniis recentioribus tota ferè Curationis spes in iis sita sit. Parandi autem Fascias commodissima hæc videtur ratio. Fiat Cingulum seu Fascia ex corio, quæ lino molliori seu panno gossypino, atque etiam gossypio nonnihil suffulto inducatur, quæ ligulâ stringi possit. Atquē hæc Fascia ventri infra hypochondria supra coxendicem prope inguina applicetur; ita tamen, ne partes quæ sunt supra ilia & ossa lædat, & atterat. Huic autem Fasciæ seu Cingulo alia Fascia cum splenio seu pulvinari quodam ita adaptari debet, ut quantum opus est constringi possit, ipsumque pulvinar rectâ loco affecto, seu parti ubi intestina excidere solent, incumbat, suôque incubitu intestinorum prolapsū prohibeat. Quod ut rectius præstet, fasciæ, quæ ventrem ambit, nonnulli geminas habenas adaptant, quæ ad humeros ascendunt & collum ambiunt.

Fasciæ loco parari potest Cingulum Ferreum cum Scuto Ferreo, quod locum ubi Intestina procidunt arctè tangit, & Intestinorum Prolapsū prohibet. Rationem verò conficiendi omnia hæc instrumenta Praxis docet. Icones habentur apud Paræum *Chirurg. libr. 7. cap. 15.* Scultetum *Armament. Chirurg. Tab. 39.* aliolquē.

XIII.

XIII. Equidem intestinum postquam repositum est, priusquam adhibetur Bracherium, Adstringens aliquod relaxato peritonæo applicari potest Emplastrum, quale est *Oxyroceum*, seu *Emplastrum ad Rupturas* in corio extensum, vel simile; v. gr. illud Pigræi,

℞. *Gummi Elemni* ℥i. *Masticis* ʒij.

Olibani, *Sarcocolla an.* ʒj.

Emplastri contra Rupturam ʒi℥.

Pulv. Boli Armeni ʒi℥. *Olei Theriacinalis* q. s.

M. F. S. A. Emplastrum.

Emplastri loco nonnulli laudant Fortis Adstringentes, adeoque relaxatum peritonæum Roborantes, ex *Corticibus Granatorum*, *Balaustia*, *Sumach*, *Nucibus Cypressi*, *Floribus Camomille*, *Alumine*, *similibusve*, in *Aqua Fabrorum*, & *Vino Rubro Adstringente decoctis*. Alii inungunt *Oleum Ovarum*. Sed imprimis *Quies* hic imperanda est, qua solâ nonnunquam graves sanantur Herniæ; cujus rei memorabile adfert exemplum Hildanus (*Cent. 5. Observ. 54.*) cujusdam generosi Bernensis sexagenarii, qui viginti annos insigni Herniâ Intestinali laboraverat; cui curandæ tum Hildanum, tum alios in Gallia & alibi expertissimos frustra adhibuerat Medicos & Chæirurgos: tandem cum de recuperanda sanitate ne quidem cogitaret amplius, & subligaculis, ne malum ingravesceret, uteretur, in morbum incidit, quò ultrà sex menses lecto affixus fuit. Post morbum hunc ne minimum quidem Herniæ, qua tamdiu laboraverat, indicium persensit, nec amplius splenis aut subligaculis uti necesse habuit.

XIV. Igitur Fasciâ intestina, ne rursus prolabantur, contineri possunt: quod ubi factum danda opera, ut excrementa potius mollia sint, quam dura, alvusquæ ne supprimatur; atquæ in egerendis facibus observandum, ut manu inguina & scrotum probe contineantur, ne fæces emittendo intestina extrudantur. Deinceps abstinendum à cibis flatulentis, ne flatus intestina distendentes producantur. Insuper omnis vehemens motus, saltus, cursus, oneris gravioris gestatio, vociferatio, aliaquæ vehementiora.

ra.

Relaxatum
quoque
Peritonæ-
um roba-
randum, ac
constrin-
gendum.

Quæ porro
in Herniæ
Curatione
sint obser-
vanda.

ra vitentur exercitia. Deniquè in tussi & sternutatione idem observandum, quod modò in egerendis alvi fœcibus attendendum diximus.

XV. Hisce alii addunt ad accelerandam relaxati peritonæi confirmationem varia intus sumenda medicamenta, & inter illa huic affectui curando specifica, qualia dicuntur *Radix Consolida*, *Osmunda Regalis*, *Herniaria*, *Hypericum*, &c. quorum formulæ plures habentur apud auctores.

XVI. Veruntamen si integram sanitatem iis *Æger* consequi non possit, Bracherio contentus sit; quò solò si rectè contineantur intestina, omnibus vitæ actionibus sine magno impedimento vacare poterit. Atqui hisce qui contentus non est, semet ipsum Cheirurgiæ tradat, quæ per ablationem Didymi Herniam penitus curare potis est; de qua videantur *Pigræus Prax. Cheirurg. libr. 2. cap. 40.* *Sculdetus Armam. Chirurg. Tab. 40.* *Cl. van Horne in Microtechnæ Sess. 2. part. 1. §. 24.*

XVII. Quæ autem hæctenus de Cura Herniæ Intestinalis dicta sunt, quoquè applicari possunt Herniæ ex Omenti Prolapsu ortæ. Iidem enim in Ejus Curatione sunt scopi. Primò nimirum reducendum est Omentum manuum operâ; deinde prohibendus elapsus, quod itidem Bracherio fieri solet. Atqui si Omenti Prolapsus non exactè prohibeatur, adeò ut frequentius illud elabatur, facile peritonæi processui per fibras arctissimè accrescit, hinc reduci in abdominis cavitatem nunquam potest, manetquè immediabilis Epiplocele.

CAPUT XXXI.

De Tumoribus Scroti, Herniis improprie dictis; viz. Hydrocele, Pneumatocele, Sarcocoele, Circocele.

I **D**E *Hydrocele* seu *Herniâ Scroti Aquosâ* superius Cap. xiv. abundè egimus. Sed in Scroto quandoquè, viz. inter tunicam vaginalem & albugineam, haud secus ac Aqua in Hydrocele, *Flatus* continetur; qui ibidem congestus partes hasce membranosas, ipsumquè adeò scrotum sensim distendens Tumorem excitat, qui *Pneumatocele* seu *Flatulenta Hernia* dici consuevit. Distinguitur verò ab Hydrocele, quod Tumor hic rubicundior sit; præterea in Hernia Flatulenta non ità pellucidum apparet Scrotum, quam in Aquosa. Curatio quoquè eadem est, atquè per Topica Medicamenta Calida, Resolventia, & Digestientia absolvitur: verum Scroti Apertio hic locum non habet, uti in Hydrocele.

Pneumatocele.

II. Atqui carnosum quid non rarè nascitur in Scroto, Sarcocoele Testibusquè adnascitur, & istum Scroti Tumorem excitat, cui *Hernia Carnosa* nomen inditum est. Est autem SARCOCELE seu HERNIA CARNOSA Tumor præter naturam ex sanguine impuro copiosius in Testiculos adfluente, ibidemquè in substantiam heterogeneam, quasi carnosam degenerato, productus. Enimverò generatur Carnosa hæc Hernia è sanguine impuriore, simulquè acri, in scrotum, testiumquè involucria, nec non intimam eorundem substantiam copiosius affluente, atquè in substantiam heterogeneam, in multis fungosæ carni similem, ibidem mutato. Quæ aliquandò Scroti tunicis, nonnunquam illis Testiculorum adnata cernitur; quandoquè verò ipsis Testibus ita connata & innata reperitur, ut magnam in molem adaucti Testiculi eandem cum heterogenea illa carne videantur habere substantiam: quemadmodum hujusmodi

Quomodo fiat.

Historia.

ex Sarcocoele adauctum Didymum, 1684. Mense Augusto Arenaci, extirpari vidimus, uncias ultra viginti pendentem. Huic autem sanguinis affluxui occasionem præbent Hernia Intestinalis, Ictus Percussio, Lapfus, Sectio Herniæ non ritè instituta, &c.

III. Igitur veram censemus *Hernia Carnosa Causam*, tenuissimorum & plusquam capillarium vasculorum in scroto vel testiculis erosionem, rupturam, aut dilatationem; unde plus sanguinis in partem ruit, quam ad nutritionem requiritur: è quo tenuiores, acrioresquæ particulæ secedentes, porro erodunt, & novo affluente sanguine in huiusmodi heterogeneam, & quasi carnosam substantiam continuò excrescunt.

Diagnosis,
& Progno-
sis.

IV. Adeste verò Sarcocelen cognoscitur ex eo, quod Tumor in Scroto durus sit, sine inguinis tumore, sensimquæ adauctus; quo signo distinguitur ab Hernia Intestinali, quæ mollior est, & subito oritur: insuper major hic molestia est, quam dolor, nisi pravi humores confluant. Indagandum quoquæ diligenter, ne Hydrocele vel alius Testiculi Tumor pro Carnosa Hernia habeatur; quod interdum contingit, si aqua profundius lateat, & foris nulla sui signa exhibeat. Tale exemplum profert Forestus *libr. 27. observ. 25. in Scolio*, de quodam, qui testem unà cum scroto in modum scyrrhi, paulatim majorem in molem auctum, & durum per quinquennium habebat, ut omnes Sarcocelen putarent. Postea tamen cum emollientia & maturantia applicarentur, tumor mollis evasit, & facto abscessu magna aquæ copia, quæ intus latuerat, cum impetu erupit, unde scrotum & testiculus detumuit, Ægerquæ penitus curatus fuit.

Equidem medicamentorum ope vix unquam curatur Sarcocoele. Sed Chæirurgiæ operâ tolli solet, ut plurimum cum didymo, cui adhæret, vel inhæret heterogenea hæc substantia. Ad inguina ubi se extenderit, ferè incurabilis est.

Curandi
Methodus.

V. Quoad *Medendi Rationem*; ea duplex est, scilicet ut vel tumoris incrementum prohibeatur, & porro tumor abfu-

absumatur: vel substantia hæc carnosæ Cheirurgiâ tollatur. Primæ intentioni ut satisfiat, medicamenta interna ad tollendam Sarcocelen quoque commendantur. Et scribit Matthiolus in *Dioscoridem libr. 3. cap. 18.* se novisse quendam, qui *Ononidis Radicis pulvere* duntaxat plures menses sumpto, carnosum ramicem absumpsit, & sanatus est; licet à Medicis nullo alio remedio, quam solâ sectione, utioneque hunc curari posse esset statutum.

Inter Topica Medicamenta valdè hic commendat Rulandus *Cent. 9. Observ. 66.* suum *Oleum Sulphuris*, hoc est, *Balsamum Sulphuris* quotidie bis illitum. Alii imponere malunt hoc Emplastrum,

Rx. Gummi Ammoniaci in Aceto soluti ʒiʒ.

Bdellii similiter soluti,

Pulv. Seminis Sinapi, Urticae an. ʒj.

Aristolochie Rotunda ʒvj. Sulphuris ʒʒ.

Therebinthina, Lapidis Spongia an. ʒj.

Spiritus Vini ʒiʒ. Cera ʒvj. Olei Olivæ an. ʒiiij.

Ex hisce S. A. Fiat. Emplastrum.

Sculetus post *Armament. Chirurg. Observ. 74.* scribit, plures se curasse, exhibito quotidie *Pulvere Radicum Ononidis*, & imposito hoc Emplastro,

Rx. Gummi Ammoniaci, Galbani, Bdellii an. ʒʒ. dissolutis in Aceto adde

Adipis Anatis ʒiʒ. Cera Cuirina ʒij.

Medulla Crurum Bovis, Olei Liliorum Alborum an. ʒx.

Misceantur in formam Emplastri, quod linteo inductum Scroto applicetur, & quarto quoque die renovetur.

VI. Sin hoc modo Carnosæ Hernia non imminuat, sed è contrario augeatur, sequenti methodo tentari potest Curatio. Fiat foramen exiguum in Scroto parte superiore: per hoc petiæ ope medicamenta applicentur suppurantia, quo sic carnosæ hæc substantia tolli possit, quavis deligatione pus expurgando; verum non totum, ad meliorem reliquæ carnosæ substantiæ consumptionem.

Quod si nec hæc successerint, Testiculus extrahendus,

& sectione tantum carnosæ excrescentiæ tollendum, quantum sine læsione fieri potest; hinc restituendus iterum in suum locum Didymus, & quod reliquum est carnosæ substantiæ suppuratione auferendum.

Quum verò nulla spes sit, dictis modis Sarcocelen tollendi, Didymus, cum adnatâ ipsi carnosâ substantiâ, vel totâ suâ substantiâ tumefactus excindendus est.

Cirsocele
qualis sit
affectus,
&c.

VII. Præterea Venę Spermaticę in Scroto Varicum adinstar dilatantur nonnunquam, & Tumorem in Scroto efficiunt, qui CIRSOCELE seu VARICOSA HERNIA nuncupatur. Ea namquē nihil aliud est, quam circa Testiculos Spermatica Vena dilatata, & Varicum modò conglomerata, contortaque.

VIII. Hinc & eadem hujus Affectus Causa est, quæ Varicum; viz. sanguis crassus ac terrestris, circa valvulas venarum spermaticarum subsistens, atquē Varicosum hujusmodi Tumorem in Scroto excitans.

IX. Facile quoquē manifestum fit hoc malum, quod in Scroto supra Testiculum circa Peritonæi Processum venæ turgidæ, conglomeratæ, & capreolorum modò intortæ tangantur; quodquē deorsum magis descendat Testiculus.

Varicosæ
Herniæ
Curatio.

X. Cura equidem hujus Affectus facilis non est. Ea tamen ut absolvatur, commodo aliquo subligaculo, aut fasciâ convenienter appositâ Scrotum cum inclusis testibus sustentetur; hoc namquē tam certum est remedium, ut, teste Fallopio, quidam eò solò curatus fuerit, quod testes per duos menses fasciâ suspensos gestaverit, & quotidie Aquam à Nucibus Cypressi destillatam adhibuerit, cæquē Scrotum humectaverit, & per se exsiccari siverit.

XI. Alii emollientibus & discutientibus Curam moliuntur, ideoquē Balneum usurpant, seu Semicupium ex Radicibus Alihæ, semine Lini, similibusvè in Aqua decoctis; ac deinceps Oleo Amygdalarum, vel quovis alio locum inungunt. Alii id, quod sequitur, imponunt Emplastrum,

℞. Picis Navalis ℥vj. Colophonie ℥iij.

Guaiaci Ammoniaci, Bdellii, Opopanacis, Mastichis,
L.

Lithargyri, Therebinthina an. ʒj.

Boli Armeni, Thuris, Sanguinis Draconis, Sarcocolla,

Aloës, Centaurii, Symphiti, Gallarum, Malicorii,

Nucum Cypressi, Lumbricorum terrest. an. ʒij.


Glutinis pellis arietin. dissol. in Aqua Chalyb. & Aceto q.s.

M. F. S. A. Emplastrum.

Quod si nec istis remediis morbus hic curetur, ad Chelurgiam deveniendum; & vel, aperturâ in Scroto factâ, varicosæ testium venæ incidantur; vel simul cum didymo eadem excindantur.

C A P U T XXXII.

De Ani Procidencia.

I. rolabitur quoquè interdum Anus sive P^odex, ac recti intestini pars extrema ita, ut post consuetam illam, quæ in egerendis alvi fecibus accidere solet, eminentiam, rursus suum in locum, & intra corpus reduci nequeat, sed extrâ promineat, quod malum ANI PROCIDENTIA nuncupari solet.

Ani Proci-
dencia qua-
lis sit affe-
ctus,

II. Accidit autem Ani Procidencia, interdum ex nimio in excernendis alvinis excrementis conatu, quò anus adeò p^opellitur, ut partem recti intestini secum ducat; item in difficili ac laborioso partu. Fit quoquè nonnunquam ob magnam irritationem, unde in Dysenteria, Tenesmo, & Lithotomia sæpius contingit. Insuper ob musculorum, qui post alvi egestionem anum propulsus retrahere solent, imbecillitatem aut resolutionem quandoquè oritur hic affectus; & ex hac causa symptoma hoc interdum ita adaugetur, sevitquè, ut se vidisse scribat Aquapendens Ani Procidenciam tam longam, ut cubiti mensuram æquaret, ac ita crassam, ut ambos cubitos simul junctos metiretur. Atqui hæc musculorum Ani Levatorum imbecillitas accidit, vel quia frequens & diuturna fuit ani proci-

& quomo-
do fiat.

dentia, vel à sessione super lapide frigido, aut mora in aqua frigida, adeoque horum musculorum refrigeratione. Quibus nonnulli & mollitiem nimiam ac humectationem addunt, qua de causa infantibus hoc malum familiarius est.

Diagnosis
& Prognosis.

III. Malum hoc per se patet; & visui manifestum est. Difficilius verò curatur in senibus, quam in junioribus. Si ob solum conatum vehementem, nullà alià accedente causà, podex foras prolabatur, spontè interdum in locum suum redit, vel manus operà faciliè reducitur. Sin ex dysenteria aut tenesmo fit Ani Procidencia, vix curatur, nisi sublata causà. Quum autem ab imbecillitate aut resolutione musculorum anum retrahentium originem habeat, & quotiescunque alvus excernitur, procidat, vix aut saltem difficulter curam suscipit.

Affectus
hic quomodo
Curari debeat.

IV. Igitur Anus ubi prolapsus est, molliter manu Ægri vel Chæirurgi intra corpus reponendus: vel, ne faciliè deinceps prolabatur, inungatur prius Unguento *Adstringente Fernelii*, aut *Oleo Rosarum & Myrtillorum*, cui tantillum pulveris adstringentis adduim, hinc, digitorum aut lintei mollioris ope prolapsum intestinum restituitur.

Quod si intumuerit, atque hinc repositio impediatur, fovendus anus *Lacte Dulci tepido*, vel *Decocto Malvæ, Althææ, Florum Camomillæ, Seminum Lini, Fanigraci, & similibus*. Vel talis fiat Forus, præsertim Inflammatio si adsit,

℞. *Summ. Absinthii, Hyperici,*

Flor. Sambuci, Camomillæ, Meliloti an. Mss.

Rosarum Rubr. p. ij.

Coq. in Lacte Dulci, vel Vino Rubro adstringente.

Noxium hic valdè externum frigus, siquidem Gangræna subito accederet. Celerrimè adeoque Chæirurgus repositioni sese accingat, hinc conservationi vitalis caloris, usu Fomenti præscripti, calidorumque linteorum, operam omnem impendat.

V. Repositus Anus suo in loco ut retineatur, Adstringens aliquod Fomentum spongiæ ope aliquamdiu ei admoveatur. v. gr.

℞. Cort.

℞. *Cori. Granatorum* ℥iij.

Fol. Plantaginis, Quercus an. Mj.

Flor. Camomilla, Rosarum Rubr. an. p. ij.

Balaustie ℥ij.

Aluminis Crudi ℥iij.

Coq. in Aqua Ferrata, vel. Vino Rubro adstringente
ad ℥xx.

Interea danda opera, ut laxa servetur alvus, fecesque molliores & ad faciliè excernendum aptæ reddantur, ne tanto conatu in iis excernendis opus sit.

VI. Modum adhuc alium, (ridiculum sanè!) prolapsum hoc intestinum in suum locum reponendi describit Barbet-*te Cheirurg. part. 1. cap. 9.* viz. manu forti aliquoties nates ægri percutit, unde ani levatores musculi illicò rectum intestinum in suum locum retrahunt.

VII. Quod si nec hisce modis Anus suo loco restitui queat, jubet Hippocrates, ut ex pedibus pendens Æger concutiat; futurum enim, ut illa concussionemigret hocce Intestinum. Atquè in hunc serè modum refert Fa-*britius Hildanus Cent. 3. Observ. 76.* se virum quinquagenarium, cui, cum in via publica alvum exonerare vellet, anus prolapsus erat, & ex aère frigidiorè maximus in eo exortus dolor, nec non prolapsum intestinum ad magnitudinem ovi strutio-cameli tumefactum, curassè. Primo hoc applicuit Fomentum,

℞. *Fol. & Flor. Verbasci,*

Flor. Camomilla, Meliloti,

Rad. & Fol. Alibæ an. Mj.

Sem. Lini, Fœnigraci an. ℥j.

Anisi ℥j.

Coq. in Lacte Vaccino pro Fotu; cui lintamina duplicata im-
mixti, & per integram horam calidè applicuit.

Deinde toti intestino hunc insperisit Pulverem,

℞. *Flor. Rosarum Rubr. Cori. Granatorum,*

Nucum Cypressi, Mastichis, Tauris,

Croci Martis, Plumbi Usti an. ℥j.


F. ex his S. A. Pulvis.

Tan-

Tandem caput Ægri in terram inclinavit, pedes verò in altum à duobus fortissimis viris elevari curavit; mox indice manus dextræ molli linteo involuto, & præscripto decocto intincto, atquè in medium intestini prolapsi immisso, id suum in locum feliciter reduxit; & porro quæ necessaria erant peregit.

CAPUT XXXIII.

De Uteri Prolapsu.

I.  Uemadmodum Anus, ita & Uterus quandoquè prolabitur; viz. ubi Is deorsum tendit, atquè interdum extra vulvam propendit. Hic autem Uteri Prolapsus nunc major est, ità ut ad dimidium coxarum usquè descendat; nunc minor, ut vix extra pudendum promineat.

Uteri Prolapsus qualis sit affectus, & quomodo fiat.

II. Prolabitur autem UTERUS, cum ejus ligamenta, partesquè membranosæ, quibus naturaliter sua in sede detinetur, relaxantur; quod aliquandò contingit, ob magnos in dejectionibus difficilioribus conatus, vel propter vim partus, nimiam corporis humiditatem, &c; vel si saltu, aliavè corporis commotione validà ac sæpius iteratà Uterus in sinum impellatur. Atquè hic Uteri Prolapsus prout major vel minor est, sic interdum ad mediam prolabitur vaginam; aliquandò ad vulvæ usquè orificium, ut Uteri Osculum in sinum pudoris decidat, & vaginà inversà, extrà propendeat; nonnunquam deniquè totus extrà vulvam excidit, ac variis modis afficitur.

Verà Uteri Procidencia an detur?

Negatur.

III. Sed hanc Uteri Procidenciam multi negant, censentquè laxitatem quandam vaginæ, quæ extrà pudendum prominet, hæc ludibria facere. In primis Jobus Meekerranus *Observ. Chirurg. Cap. 51.* & Henricus à Roonthuyfen *Observ. par. 1. observ. 2.* pluribus tum rationibus, tum exemplis probare conantur, Uterum ipsum prolabi nunquam posse; sed relaxationem & procidenciam rugosæ vaginæ substantiæ pro utero prolapsi haberi, & curari. Hisce aditi-

adſtipulatur Kerckringius *Spicil. Anatom. Obſerv.* 20. & Cl. van Horne, qui *Microtechnie Selt.* 2. *Part.* 1. §. 28. ita ſcribit : „Circa Uteri Procidentiam hoc monendum habeo, „vix ac ne vix quidem, imò omninò non, contingere „poſſe, ut Uteri corpus propendeat extrà vulvam; at- „què proinde non adeò frequentem eſſe hunc affectum ac „vulgò creditur. Cæterum decipiuntur Obſterices, & „cum iis magna pars Medicorum, à vagina rugoſa uteri, „quæ poſt difficilem partum aut etiam ab imperita Ob- „ſterice, à ſubjectis partibus avulſa, accedente pituito- „ſorum humorum affluxu ità extenditur, atquè in tantum „ſæpè augetur hoc malum, ut extra vulvam pendula vagi- „na imitetur vasculum aliquod pyriforme, nam quo major „eſt prolapſus, eò radix ipſius anguſtior fit : ac proinde „cum ob Gangrænam abſcindere eam cogimur, parvo „admodum periculo idem fit.

IV. Verum fateamur licet, rugoſam uteri vaginam poſt difficilem partum, aut ab imperita obſterice, à partibus ſubjectis avulſam, accedente pituitoſorum humorum af- fluxu, nonnunquam ità extendi, ut extrà vulvam pen- deat; hoc tamen non probat, ipſum uterum quoquè pro- labi non poſſe. Sic legimus apud Carpum, in *Iſagoge Ana- tomica*, hiftoriam mulieris, cui Uterus non tantum foras prolapſus, verum etiam exſectus eſt. Habemus apud Pa- ræum *Chirurg. libr.* 23. *Cap.* 41. exemplum Uteri prolapſi, & à Paræo exciſſi, ac poſt mulieris mortem in abdomine non inventi. Similiter apud Hildanum *Cent.* 4. *Obſerv.* 60. 61. 62. tria huiusmodi Uteri prolapſus extant exempla. Et plura diſcribunt Felix Platerus *Obſerv. libr.* 3. Th. Bartho- linus *Cent.* 2. *Obſerv.* 91. *Cent.* 5. *Obſerv.* 9. Dom. de Mar- chettis, *Anat. cap.* 7. Cl. Diemerbroekius *Anat. libr.* 1. *cap.* 24. Stalpert vander Wiel *Obſerv. Anat. & Chirurg.* 69. aliquæ. Quandoquidem igitur ratio dictat, humores à toto corpore deſtuentes Uteri Ligamenta humectare, ac rela- xare in tantum poſſe, ut in vulvam iſcendant; & expe- rientia confirmat, in locis humidioribus hunc morbum ſa- tis familiarem eſſe, de vero Uteri prolapſu amplius dubi-

Aſſeritur.

Historia.

tare non licet. Imò verò ab eo conatu , quem in partu mulier adhibet , si præsertim ob difficultatem parienti magna vi peragatur , Uterus cum foetu in sinum vaginæ quandoquæ detruditur. Ità memini me ad mulierem difficulter parturientem vocatum 20. Januarii 1686. in qua cum Obstetrice & præsentibus mulieribus observavi Uterum cum incluso Foetu in vaginam ad vulvæ usquæ orificium prolapsum , prominente extra pudendum interno Uteri Osculo ad duorum digitorum latitudinem.

V. Haud ineptè igitur Cl. Blasius *Observ. Medic. Part. 3. Observ. 1. & 2.* Uteri Procidentiam distinguit in veram, & imperfectam. Vera Uteri Procidentia dicitur , quando ipse Uterus , membranosis ejus ligamentis laxatis , deorsum tendit , atquæ in , vel extrà vulvam propendet , foras prominente interno ejus osculo. Verum imperfecta procidentia nuncupatur , quoties relaxata , & extrà pudendum prominens vagina hæc ludibria facit.

Ipsè Uterus
an prolapsus
inver-
ti possit?

VI. Cæterum altera hic restat difficultas , scilicet *an ipse Uterus inverti possit?* huic quæstioni respondemus , in difficili partu , dum placenta firmius utero adheret & ab imperitis Obstetricibus nimium protrahitur , id quandoquæ contingere posse , qualia exempla occurrunt apud Petrum de Marchettis *Observ. Chirurg. 61.* Stalpert vander Wiel *Obs. Anat. & Chirurg. 67.* alioquæ. In virginibus verò hoc impossibile judicamus , propterea quod crassa & membranosa Colli Uteri substantia in illis exiguo tantum foramine pervia sit.

Diagnos.

VII. Uterus verò si prolapsus sit intrà vulvam , exiguus apparet tumor , quasi extensæ pellis , & pondus veluti ovi majoris circa pudenda percipitur. At quum omnino prolapsus , tumor adest ovi anserini adinstar , in cujus ima parte foramen conspicitur exiguum , quod est internum Uteri osculum. Sin autem rugosa vaginæ substantia , relaxata nimium , extrà pudendum promineat , id haud difficulter observatur.

Prognosis.

VIII. Equidem affectus hic dum recens est , & potius Uteri in vaginam descensus , quam ejusdem extra vulvam proci-

procidentia, facilius curatur. Atqui diutius si duraverit hoc malum, indiesquæ augeatur, difficulter, & non nisi longo tempore sanatur. Insuper facilius curam suscipit in junioribus, quam adultioribus; quibus Uterus, etsi reponatur, levi de causa iterum procidit. Imperfecta quoquæ Uteri procidentia curatu haud ita difficilis est.

IX. Igitur morbi hujus Curatio (sive Uteri Procidentia sit vera, *hoc est*, ipsius Uteri prolapsus; sive sit imperfecta, *id est*, rugosæ Vaginæ Uteri substantiæ relaxatio, & extrâ vulvam procidentia) repositionem ejus quod prolapsus est, repositi in suum locum conservationem, nec non laxatarum partium adstrictionem & confirmationem, requirit.

Curandi
Methodus.

X. Sed ante repositionem considerandum est, an Uteri aut Vaginæ relaxatæ procidentia sit simplex, an verò adjungatur ipsi inflammatio, aliufvè tumor. Hisce namquæ apparentibus, repositio ne tentetur, nisi evanuerint hæc symptomata. Quem in finem pars prolapsa foveatur *Decocto Florum Camomille, Meliloti, Herbarum Calamenthe, Pulegii, Rosmarini, Seminis Danci, Levistici, &c.* Hinc tumore imminuto, evacuatoquæ per Clysterem stercore, atquæ urinâ excretâ, (ut undiquæ à compressionem liber sit Uterus) Ægra in lecto supina collocetur, & coxis elevatis, poplitibusquæ reflexis, ac capite quantum fieri potest demissio, Ipsa basin tumoris manibus apprehendat, eumquæ introrsum adigat. Quod si ipsa perficere nequeat, Cheirurgus aut Obstetrix digitum in ejus orificium immittat, ac sensim Uterum attollat: vel accipiat candelam ceream, suâ crassitie vaginæ muliebri respondentem, & eâ citra violentiam omne id protrudat, quod procidit, donec tota moles suum in locum reducatur.

Scribit Rodericus à Castro *de morbis mulierum libr. 2. cap. 16.* utile esse, ut Medicus vel Cheirurgus ferrum ignitum manu ostendat, simulatquæ, quasi eò tangere vellet prolapsum Uterum: sic enim retrahi Uterum, uti & prolapsa Intestina. Atquæ refert Cheirurgum exercitatisimum ita curasse quendam, qui vulnus in ventre acce-

perat, per quod intestina egrediebantur; quæ cum nullo remedio reduci potuissent, nihil aliud profuisse, quam quod magnum ferramentum candens, coram patiente manu tenens, vulneri applicaturum finxit; cuius rei subito terrore Intestina è vestigio suum in locum reducta fuisset.

XI. Postquam autem Uterus fuit repositus in suum locum, ut ibidem contineatur, mulier in lecto reclinetur cruribus extensis, ita ut unum alteri incumbat, & isto in situ aliquot dies maneat. Interim adstringens & roborans Fetus Uteri regioni spongiæ ope continuo adhibeatur. v. gr.

℞. Rad. Consolida majoris, Rubia Tinctorum an. ʒiij.

Iridis Florentina ʒij.

Herb. Matricaria, Salvia, Pulegii,

Fol. Quercus, Flor. Rosar. rubr. an. Mj.

Balaustie, Glandium, Aluminis,

Sem. Cumini an. ʒij.

Coq. in f. q. Vini Rubri Adstringentis ad lbij. pro Foss.

Regioni Umbilicali nonnulli imponunt Emplastrum ad Rupinuram, vel Oxycrocentum, vel id quod sequitur,

℞. Opoponacis ʒij. Styracis liquida ʒß.

Thuris, Mastichis, Picis, Bols Armeni an. ʒij.

Cera q. s. F. S. A. Emplastrum.

Etiam valdè hic laudantur Suffitus ex cortice, vel Pulvere Ligni Quercini, dicto *Bun / of Saag-meel*. Alii volunt, ut suffumigetur pelle anguille sale condita.

XII. Interim cura habeatur, ne alvus pigrior sit, vel laxior. Si enim duræ sint fæces, Uterus in iis egerendis facillè præcipitatur. Lubrica verò alvus membranas Uterum alligantes plurimum laxat. Insuper & omnes causæ, quæ Prolapsum hujus partis excitare valent, tollendæ; atque corpori universo, tum Utero ipsi prospiciendum. Quem in finem multum conducunt Decocta ex Guajaco, Sassa-parilla, China, Sassafras, additis & iis, quæ Uterum roborare valent continuo usurpata.

XIII. Sin

XIII. Sin verò nulla perfectæ curationis spes sit; ut tamen à procidentia hac, quæ facilitè iterum accidit, secura sit fœmina, *Pessulos*, seu potius *Globulos Cereos* in Uterum intrudere, ibidemquè relinquere solent; de quibus videantur *Roussetus de Partu Casareo Sect. 6. Cap. 34.* *Paræus libr. 23. cap. 41.* *Hildanus Cent. 4. Observ. 61.* Loco *Pessiorum* in Uteri Procidentia quædam uti solent *Circulus ex Subere factus, & Cerâ obductis.* Vid. *Scultetus Armat. Cheir. Tab. 17.* Veruntamen *Subligaculum* seu *Zona* (quæ pro re nata diversimodè parari solet) hic potius adhibenda mihi videtur: hac enim munitæ mulieres sine periculo procidentia ambulare, & munera sua obire possunt.

XIV. Atqui prolapsus Uterus quum Gangrænâ corripitur, nec ea sisti possit, quin potius in Sphacelum abeat, cum abscindendum nonnulli suadent; sed cum periculosa admodum sit hæc Cheirurgia, eam non facilitè instituendam censeo. Si tamen relaxata nimium vagina extrâ vulvam procidat, atquè sideretur, ea, vel sectione, vel strictiore ligaturâ, sine periculo auferatur, ac porrò curetur.



PRAXEOS CHEIRURGICÆ

LIBER SECUNDUS.

D E

VULNERIBUS.

CAPUT I.

*Quid Vulnus, quæ sint illius Differentiæ,
Causæ, Diagnostica.*

Vulnus
quid sit.

I.



VULNUS ex communi omnium consensu nihil aliud est, quam *solutio continui* seu *continuitatis*. Sed ut melius innotescat natura Vulneris, videndum est, qualisnam sit hæc continui solutio, ad quam pro cognitione Vulneris nos transmittunt Veteres. Enimverò *solutio continui*, quæ quibusdam *soluta unitas* vel *unitatis divisio* dicitur, est *separatio ab invicem partium alicujus membri*; cui separationi contraria est unio, & continuitas. Sed cum contrariorum eadem sit ratio & disciplina, si viderimus, quid sit hæc partium unitas, ex hac quoque palam fiet, quid erit unitatis solutio. Unio autem, sive *Unitas partium* dicitur *constitutio secundum naturam*, atque *naturalis compaginatio* seu *conjunctio*. Quum ergò Unio sit constitutio naturalis, solutio hujus unitatis erit habitus præter naturam; unde sequitur, quod sit morbus. Equidem non omnis continui solutio Vulnus est: idem namque dici potest de Ulcere, atque Fractura.

II. Hinc alii strictius definiunt Vulnus, *Solutionem continui in carne casim factam*: quo dicto nec Contusio, nec Punctio, nec

nec Morfus alicujus Animalis inter Vulnera numerari potest, quibus tamen affectibus Vulnerum nomen jam dudum inditum fuit. Unde & nos per Vulnus intelligimus omnem continui solutionem, tam cæsim, quam punctim, sive per contusionem factam, non solum carnis, sed nervorum, venarum, arteriarum, aliarumquæ mollium partium. Idquæ definimus, quod sit *Solutio continui recens*, *Vulneris*
cruenta, in parte molli, extrinsecus incidens, sive ab externo Definitio,
quodam instrumento inflicta. Atquæ hæc Vulneris definitio sanè perfecta est; quippe quæ optimè ejus naturam explicat, nequæ magis, nequæ minus comprehendit; nec non ab Ulcere, & Fractura manifestè illud distinguit.

III. Sed quum Vulnus dicatur continui solutio in parte molli, tam cæsim, quam punctim, & contusim facta; modo dicendum, quid unaquæquæ harum continui solutionum species sit. *Vulnerum species ac Differentia,*

Inciso est plaga, sive Vulnus cæsim illatum instrumento longioris aciei, ut ense, cultro, similivè.

Punctio est partis alicujus mollioris perforatio à re acuta, ut sagitta, pugione, mucrone; aut ab alicujus animalis morfu, ictuvè facta.

Contusio est partis carnosæ solutio continui interna, integra manente cute, quæ fit ab instrumento gravi ac retuso; ut si quis membrum aliquod in lapidem impingat, aut ligno fortiter percutiat.

Differentiæ porrò Vulnerum permultæ sunt. Enimverò differunt quædam respectu partium vulneratarum, unde alia sunt in carne, alia in tendine, alia in nervo, alia in vena, alia in arteria, alia in capite, alia in collo, alia in thorace, &c.

Quædam differunt ratione Vulneris essentiæ, unde vulnèra alia simplicia sunt, alia composita. Simplicia dicuntur, quæ cutem duntaxat, carnisquæ portionem occupant, sine ulla partis deperditione. At composita sunt, quandò & cutem & carnem cum substantiæ amissione invadunt.

Alia differunt rationè periculi & securitatis, vel impedimenti

dimenti remansuri; & sic quædam lethalia, quædam non lethalia, quædam nullum adferunt post sanationem impedimentum, quædam membra post sanationem vel impedita, vel debilitata, vel deturpata relinquunt.

Alia differunt respectu instrumentorum vulnerantium; & hac ratione quædam cæsim inflicta sunt, quædam punctim, quædam cum instrumentis secantibus, quædam discerptentibus, quædam contudentibus, & sic porro.

Déniquè differunt Vulnera juxta quantitatem; quo pacto quædam magna sunt, quædam parva, quædam mediocria, quædam altè penetrantia & profunda, quædam lata & superficiaria, &c.

Generales
Vulnorum
Causæ.

IV. De *Causis Vulnorum* multa dicere opus non est. Eæ namquæ sunt omnia illa, quæ extrinsecus advenientia continuum solvere ac dividere possunt, incidendo, pungendo, rumpendo, contundendo, perforando. Sic vulneris cæsim facti causæ sunt omnia instrumenta, quæ incidendi vim habent, ut ensis, culter, vitrum, &c. Puncturæ causæ sunt quæcunque acuta, ut sagittæ, acus, dentes animalium. Rumpunt quæcunque partem mollem distendunt, & in partes contrarias divellunt, ut gravioris ponderis elevatio vel gestatio, casus, percussio, vociferatio. Contundunt gravia, dura, ac retusa, ut lapis, lignum, plumbum, &c. Perforant ferrum ignitum, globi plumbei è sclopetis emissi, &c.

Signa Vulnorum
Diagnosticæ.

V. Quoad *Diagnosin*: Vulnus ipsum per se sensibus manifestum est, nec Signis, quibus cognoscatur, opus habet. Verum etsi sensui patefeat, quis in cute locus sit vulneratus; si equidem vulnus ad interiora penetret, quæ intus partes vulneratæ sint, haud ità obvium est. Enimverò vulnera omnia quæ corpus nostrum lædunt, aut sunt externa & in partibus continentibus, aut interna ac penetrantia. Si externa sunt, judicium de iis visu & tactu fieri solet ac potest: sin verò interna & penetrantia; ea quidem sunt aut in capite, aut in thorace, aut in inferiore ventre, unà cum partium contentarum læsione, aut sine earum læsione. Si

Si Vulnus in cavitatem aliquam penetret , nec partes quæ ibi continentur offendat ; ea penetratio dignoscitur specillo ferreo , aut plumbeo , vel tenui cereâ candelâ : partes autem internæ nullo modo offensæ videntur , quum nullum grave symptoma sese prodât . At si penetrando præcipuam quandam partem contentam læserit vulnerans instrumentum , ejus læsionis signa breviter nunc exhibebimus.

Quod si Vulnus igitur in Caput penetraverit , atquæ Cranium fregerit , (id quod visu & tactu judicare debet Cheirurgus) vel Menynges læduntur , vel ipsum Cerebrum offenditur.

Membranarum Cerebri læsarum Signa sunt , maximi ac extremi dolores , qui repenti superveniunt , nausæ , vomitiones , nec non sanguinis per aures , oculos , naresquæ effluxus ; insuper mentis accedit alienatio , præcipuè si punctim vulnus insiictum fuerit . Interdum tamen læsum Pericranium eadem symptomata parit . Quod si Cerebrum in sua substantia læsum sit , omnia hæc accidentia augentur , magis intenditur febris , atquæ non raro mutus fit Patiens , omniquæ loquendi facultate prorsus destituitur.

Quum verò in Thoracem penetret Vulnus , plerumquæ offendit aut Pulmonem , aut Cor , aut Pericardium , aut Diaphragma , aut Vasa quæcunque . At Thoracem penetrare cognoscitur specillo , visu , tactu , quumquæ aër è vulnere exeat , aut quum Æger medicamentorum vulneri impositorum saporem ore percipiat .

Atqui Pulmonem læsum esse judicamus , quando tum è vulnere , tum ex ore egeritur tenuis , spumosusquæ cruor ; nec non sonora , premens , ac difficilis est respiratio.

Quum verò lædantur vel ipsum Cor , vel magna in thorace Vasa , immodicus fit sanguinis fluxus , qui totam mox implet capacitatem , extremitates refrigerantur , sudorquæ frigidus erumpit , certus mortis nuntius & index.

Quod si Diaphragma continui solutionem recipiat , mag-

na spirandi difficultas, acuta febris, aliaquè gravia accedere solent symptomata.


Quum autem in Ventrem Inferiorem Vulnus penetret, (id quod specillo, visu, tactu, & vaporibus exhalantibus judicamus) offendit aut Jecur, aut Lienem, aut Ventriculum, aut Intestina, aut Renes, aut Vasa majora, aut Vesicam Urinariam, aut Uterum, si patiens sit mulier.

Ventriculus si vulneratus sit, chylus per vulnus exit, hinc perpetuus vomitus consequitur, tandem singultus, animi deliquium, aliaquè plura superveniunt accidentia.

Intestina vulnerata esse cognoscimus, quum per ipsum vulnus quoquè exeant excrementa, vel magis minusvè crassa ac foetentia, prout aut crassum aut tenue læsum sit Intestinum. Cæterarum porro partium vulneratarum signa ex antedictis nunc abundè innotescunt, & suis locis tradentur.

C A P U T II.

De Vulnerum Prognosticis.

I  Ed priusquam Vulneris Curam aggrediatur Medicus, omninò de PROGNOSTICIS sollicitus esse debet. Viz. præcognoscendum, sitne sanabile vulnus, vel insanabile. Si sanabile, an curatu facile sit, an verò difficile, atquè integra & pristina sanitas an Ægrotanti restitui queat, vel an sanatus membri alicujus sit passurus actionem læsam. Atqui insanabile si sit vulnus, an lethale sit, & ad mortem vergat, an verò in ulcus curatu arduum sit degeneraturum.

II. Primò itaque diligenter expendendum, *qua Vulnèra sint lethalia, qua non.* Etenim quæstio hæc magni momenti est, atquè diligenter & accuratè Medico pensanda, ac cognoscenda. Namquè cum in judiciis & foro vita nonnullorum ob vulnèra aliis inflicta periclitetur, & à

Judi-

Judicibus Medicorum sententia hac de re requiratur, diligens danda opera, ut talem de Vulneris natura sententiam ferat Medicus, qua innocens non condemnetur, nec reus absolvatur.

III. Idcirco hinc notandum, non omne vulnus, quod mors sequitur, dicendum esse lethale; sed id solum, quod suapte naturâ mortem adfert. Atque hoc sensu Vulnerum quædam lethalia dicuntur, quædam indifferentia; quod aliquandò lethalia sint, aliquandò non, pro Medentis industria, Ægri natura, constitutione, ætate, robore, & obedientia, pro temporis ratione, regionum qualitate, &c. Lethalium igitur alia absolute, seu ex necessitate lethalia sunt, quod omnino semper Ægrum interimant; alia non necessario, sed ut plurimum occidunt.

Quæ Vulnera lethalia sint dicenda.

IV. *Vulnera ex necessitate lethalia* sunt ea, quæ omnem medelam effugientia brevi temporis spatio vitam adimunt, uti ex Jurisconsultis notat Farinac. *de homicid. quæst. 126. num. 5. Lethalia ut plurimum sunt, quorum curatio difficilis est, & sæpius malè succedit, non quod semper interficiant, adnotante ex ipsis Jurisconsultis Barbof. in Collect. Doct. tit. 12. cap. 18. num. 7. tom. 2.* Nam potest quidem vulnus esse secundum plurimum lethale ex sua natura, & tamen vulneratus ex vulnere convalescere; quemadmodum etiam aliqui morbi, tametsi lethales videantur suâ naturâ, nonnunquam curantur.

V. Sunt autem lethalia vulnera judicanda, primò & præcipuè *ex natura partis vulneratæ*, dehinc ex vulneris qualitate, ex ejusdem quantitate, ætate patientis, sexu, temporis constitutione, loci conditione, statu ipsius vulnerati, qualitate instrumentorum vulnerantium, accidentibus plerumquæ vulneribus supervenire consuetis, aliisque nonnullis conditionibus ab extra accedentibus. At, ceu dixi, *natura ipsius partis vulneratæ præcipua causa est periculæ & securitatis vulnerrum.* Cætera enim omnia per accedens ad id concurrunt, uti palam est; cum hæc, siquidem vulnera ex partis vulneratæ natura sint lethalia, faciant ad mortis accelerationem aut retardationem: aut si

lethalia non sint, possint ea reddere minoris vel majoris securitatis, facioris aut difficilioris curationis. ex. gr. vulnus simplex in parte carnosa omnem securitatem, quantum ex se est, solet promittere; quale esset vulnus in carnosa parte brachii. Quod si id ipsum vulnus magnum sit, si accedat aëris constitutio contagiosa, si æger sit debilis, senex, aut valetudinarius, si arma fuerint venenata; hoc ipsum vulnus, quod aliàs tutum erat, evadet dubium, & lethale.

VI. Hinc sapienter dictum est ab Hippocrate *libr. 2. prædict.* quod ex omnibus vulneribus contingit homines mori: quod idem monent Vallesius *comm. 5. Epid. text. 16.* Paræus *Chirurg. libr. 8. cap. 4.* aliique. Quia potest vulnus esse salutare, & tamen vulneratus vel ob morbosum corporis habitum, vel ob occultam quandam læsorum, circumstantiumque corporum cacoethiam decedere, vel aliis accidentariis ex causis. Unde etiam si, quoad magnitudinem, vulnusculum nullo modo consideretur, ita ut neque vulneris nomine dignetur; respectu tamen partis læsæ potest esse absolute lethale: ex. gr. si cor attigerit, aut si ad internas alias nobiliores partes penetraverit, aut si acus in nervosam particulam profundius adacta sit; quale exemplum habemus apud Hippocratem *libr. 5. Epidem. text. 44.* futoris solcarum veteramentariarum, qui acu sese pupugit juxta genu, & tertio à vulnere die mortuus est; sic etiam Aristo apud eundem Hipp. *libr. 7. Epidem. text. 97.* ex vulnere digiti pedis, succedente gangrænâ mortuus est, quod fortè nervosam partem læsisset. Conjung. Forestus *libr. 6. observ. 49. 50.* Hildanus *Cent. 1. observ. 21. Cent. 5. observ. 2. 85.* Quæ exempla satis declarant, vulnus aliquandò esse quidem respectu magnitudinis parvum, sed partis vulneratæ ratione maximum, quia mortem facillime accersit.

VII. Ergò partis natura præ cæteris omnibus vulnorum conditionibus venit consideranda, juxta quam lethalia vulnera Hippocrates septem pronunciat *Secl. 6. Aphor. 18.*
 „ Cui perfecta est vesica, aut cerebrum, aut cor, aut
 „ sep-

„ septum transversum , aut aliquod ex intestinis tenui-
 „ bus , aut ventriculus , aut hepar , lethale. Hunc ta-
 „ men Aphorismum tum limitat , tum ampliat in *Coacis*
Aphor. 509. in Cod. Fæssii, duminquit: „ Ex vulnere ferè
 „ mors contingit , si cui vulneratum fuerit cerebrum ,
 „ aut spinalis medulla , aut jecur , aut septum transver-
 „ sum , vel cor , aut vesica , aut quædam grandis vena.
 „ Mors quoquè subit , si in arteriam & pulmonem infi-
 „ gnes valdè plagæ inflicte fuerint , ità ut percussio pul-
 „ mone , minor sit , qui per os prodit spiritus , quam qui
 „ per vulnus excidit. Intereunt verò , quibus nervi in-
 „ teriores , sive tenuis aliquis , sive crassus , vulnus acce-
 „ perit , si plaga transversa fuerit , & magna : quod si
 „ parva & recta , nonnulli periculo eximuntur. Minimè
 „ autem ab his vulneribus mors impendet , quæ in corpo-
 „ ris partes , in quibus hæc non sunt , aut ab his quam lon-
 „ gissimè absunt , infliguntur. Etiam C. Celsus *lib. 5. cap. 26.*
 „ sententiam Hippocratis ad hunc modum expressit: „ Ser-
 „ vari non potest , cui basis cerebri , cui cor , cui stomachus ,
 „ cui jecinoris portæ , cui in spina medulla percussa est ,
 „ cuiquè aut pulmo medius , aut jejunum , aut tenuius in-
 „ testinum , aut ventriculus , aut renes vulnerati sunt , cui-
 „ vè circa fauces grandes venæ , vel arteriæ præcisæ sunt.
 „ Vix autem ad sanitatem perveniunt , quibus ulla parte
 „ pulmo , aut jecinoris crassum , aut membrana quæ con-
 „ tinet cerebrum , aut lien , aut vulva , aut vesica , aut
 „ ullum intestinum , aut septum transversum vulneratum
 „ est. Hi quoquè in præcipiti sunt , in quibus usquè ad
 „ grandes , intusquè conditas venas , in alis vel poplitibus
 „ mucro desedit. Periculosa etiam vulnera sunt , ubicun-
 „ què venæ majores sunt , quoniam exhaurire hominem
 „ profusione sanguinis possunt. Idquè evenit non in alis
 „ tantum , atquè poplitibus , sed etiam in his venis , quæ
 „ ad anum , testiculosquè perveniunt. Præter hæc malum
 „ vulnus est , quodcunque in alis , vel feminibus , vel
 „ inanibus locis , vel in articulis , vel inter digitos est.
 „ Item quodcunque musculum , aut neryum , aut arte-

riam, aut membranam, aut os, aut cartilaginem læsit. Sed partium harum vulnera ordine nunc consideremus, & quæ vel absolutè vel simpliciter lethalia sint, quæ non, videamus.

Qualia sint
Vulnera
Cerebri,

VIII. Igitur inter lethalia referri debent *Vulnera Cerebri*; at non omnia. Vidit namquæ ipse Galenus hujusmodi vulnera curata, uti refert *comm. in Hipp. Aphor. 18. sect. 6. & libr. 8. de usu part. cap. 10.* Exempla quoquæ habentur apud Valleriolam *libr. 4. obs. 10. libr. 5. obs. 9. libr. 6. observ. 4.* Hildanum *Cent. 4. Obs. 1. 2. 3.* Et longum catalogum illorum, qui vulnera cerebri sanata viderunt, recenset Joh. Andr. à Cruce, *de Vulner. lib. 1. tract. 2. cap. 14. de cerebro sanciato.* Imò observatum fuit, particulâ cerebri amissâ, Ægrum nihilominus convaluissè; cujus rei variæ historiæ notatæ sunt à Nicolao Massa, Carpo, Fallopio, Christ. à Vega, Francisco Aræo, Horatio Augenio, Petro de Marchettis, aliisque præstantissimis practiciis. Sunt quoquæ notatu dignæ historiæ de periculosissimis cerebri vulneribus, quæ extant apud Cabrolium *Obs. 16. 22. 34.* Henricum Petreum, Matthiam Glandorpium, Sennertum, Diemerbroeckium in *Anatome Corporis Humani.*

At non solum *Vulnera Cerebri* parvi facienda non sunt; sed nec levissima *Capitis Vulnera* unquam negligenda, uti cum Hippocrate monent Horatius Augenius *Lib. 9. Epist. 3.* Aquapendens *Oper. Cheirurg. libr. 2. cap. 15.* Et ex Jurisconsultis Farinaceus *quest. 126. 127.* Habent enim capitis vulnera quid peculiare, ac omninò diversum à ple-risque aliis vulneribus; quum partium aliarum vulnera, etiam si non contemnendæ sint magnitudinis, negligi tutius possint, quam levissima capitis.

Medullæ
Spinalis,

IX. Quoad *Spinalis Medulla Vulnera*; cum *Spinæ Medulla* in partibus sub cerebro sitis, cerebri vices gerat, & cum cerebro substantiam, membranasquæ communes habeat, haud secus ac cerebri vulnera, Ea *Spinalis Medullæ* lethalia meritò pronunciantur; in primis si superior ejus pars vulneretur: qua læsa, spirituum animalium in totum corpus influxus tollitur, hinc omnium capiti sub-
jecta-

jectarum partium sensus, motusque aboletur, adeoque & cæteræ omnes actiones silent, & brevi pallida mors sequitur.

X. *Cordis Vulnera* quoque inter lethalia, non sine ratione, recensentur ab Hippocrate: namque ea absolute vel ex necessitate semper Ægrum interimunt. Et licet nonnulli cum iis per exiguum tempus vixerint, nunquam tamen sanari potuerunt: imo plerique eo ipso ferè momento, quo vulnus in ventriculos penetrat, tanquam fulmine icti, concidunt, quod semel nobis videre contigit 4 Octobris 1680. Si tamen vulnus admodum exile in ventriculos penetret, tum interdum, etsi rarè, accidit, hominem tam subito non corruisse, sed paucas horas supervixisse. Ità vidit Paræus virum in corde vulneratum per ducentos passus cucurrisse. Meminit Scenkius *Observ. Medic. libr. 2.* studiosi, qui vulnus punctim per utrumque ventriculum recepit, & tamen plateæ longæ spatium cursu confecit, ac mente sanus ferè per horam vixit. Jonstonus, Henricus ab Heers, Tulpus, & plures alii, varia referunt exempla eorum, qui corde vulnerato aliquot horas, imò diem unum & alterum vixerunt. Hoc & nos observavimus in quodam Juris studioso; qui 1688. 9 Julii octavâ circiter vespertinâ ense vulneratus fuit in sinistro thoracis latere juxta papillam, penetrante vulnere inter quartam & quintam costam. Hoc postquam inflictum fuit, difficulter admodum spiravit, ac cruor immodicè profluxit, aded ut animo ferè deficeret, & Cheirurgus foramen protinus occludere cogeretur. Quo factò augebatur in horas summa spirandi difficultas, ut tandem 11. Julii, horâ ante meridiem undecimâ exspiraverit. Vocati à Nob. & Ampliss. Prætor ac Judicibus cadaver aperuimus, & vidimus sinistram thoracis partem sanguine ferè repletam, atque penetrasse gladium per pericardium in sinistrum cordis thalamum, qui prope mucronem penitus perforatus fuit. Quod verò inflicto hoc lethali vulnere, ultra trīginta octo horas supervixerit Patiens, factum fuit, quoniam singulis cordis constrictionibus, mucro-

Cordis,

Observatio
rara.

mucrone ad basin ascendente, ventriculi istius vulnera ita fuerunt occlusa, ut nil nisi perquam exigua cruoris portio emanaverit, unde nec Pateriens tam subito extingui necesse habuerit. Fernelius *Patholog. libr. 5. cap. 12.* dicit: „vulnera cordi inflata, quæ non altè in ventriculos penetrant, non protinus interimunt. In quodam, qui „sensim contabescens & liquecens, de medio tandem „sublatus est, tria ulcera in corde reperi non parum cava „& sordida, multo ante jam tempore contracta. Simile quid de cordis ulcere refert Petrus de Marchettis *Observ. Chirurg. 47.* de quodam, qui paulatim longo temporis tractu omnino emaciatus, tandem obiit; in cuius dissecto cadavere invenit magnum ulcus, quod non solum cordis capsulam, verum etiam substantiæ cordis magnam partem excederat, usque dum tandem penetrasset in sinistri ventriculi cavitatem, ægrumque sic occidisset. Sed oppido rarum est exemplum, quod habet Cl. Diemerbroeckius *Anat. libr. 2. cap. 6.* cuiusdam viri robusti in corde vulnerati, vulnere penetrante in superiorem partem dextri ventriculi, supra valvulas tricuspidales, prope ingressum venæ cavæ; qui tamen ultra novem dies supervixit. At quoniam angustum admodum erat vulnus, & supra valvulas inflatum, hinc factum fuit, quod in cordis constrictione totus, qui in dextrum ventriculum è cava profluxerat, sanguis, propter valvularum tricuspidum impedimenta, per vulnus expelli non potuerit, sed maxima ejus pars per arteriam pneumonicam, quæ vulnere multò latior erat, in pulmonem fuerit propulsa, atque inde porro ad sinistram ventriculum, & arteriam aortam, ita ut non nisi paucillum singulis pulsibus è vulnere in pericardium & thoracis cavitatem expelli potuerit, unde etiam vires tardius collapsæ sunt. Historia quoque perquam rara militis, qui in corde saucius vitam ultra quindecim dies sustentavit, habetur apud Sennerium *Prax. libr. 5. part. 4. cap. 3.*

Verum enim verò vulnera in cordis cavitatem penetrantia non solum absolute, & ex necessitate lethalia sunt; sed

fed & vulnera fi Cordis Subftantiam Mufculofam tantum attingant, omnem quoque medelam effugiunt, atque Patienti vitam adimunt; quia quamcunque Cordis partem quomodocunque attigerit vulnus, coalefcere, ob continuum ejus motum, non poteft; unde & inflammatio, aliaque gravia fymptomata fuperveniunt, quæ neceffariò hominem, fi non fubitò, faltem non multò poft interficiunt. Audite de Cordis Vulnufculis non penetrantibus, lethalibus equidem, hiftoriam, quam Paulus Zacchias *Quæft. Med-Legal. libr. 5. titul. 2. quæft. 2.* ità defcribit:

„Maniacus quidam Sacerdos cum furore ductus fe pri-
 „mum castrasset, imò univerfum penem cum fcroto
 „& testibus abscidisset, in eodem furore perfiftens, acu-
 „bus quibufdam fortibus pectus fub finiftra mammilla
 „fibi transfodit, tandemque poft nonnullos dies, quin-
 „que nimirum aut fex, ab hisce vulnufculis illatis vitam,
 „quam oderat, facile amisit. Aperto cadavere, acus
 „omnes ad Cordis Subftantiam penetrafte repertæ, cum
 „quibus tamen potuit per nonnullos dies fupervivere.
 „Igitur quomodocunque fit, quòd aut eadem horà, ac mo-
 „mento, vel fubfequenti die, vel etiam poft duos, tresve,
 „aut plures dies, qualescunque Cordis Vulnus interficiat;
 „ea conclusio rata ac firma maneat, quod *Cordis Vulnura,*
five in ventriculos ufquè penetrent, five non, neceffariò Aegrum in-
terimant.

XI. Non minori jure *Pulmonis Vulnura* inter lethalia re- Pulmonis,
 fert Hippocrates in *Coacis Pranotionibus*. At verò tam abso-
 lutè quæcunque Pulmonis Vulnura pronunciarì nequeunt
 lethalia, ac fi nullum huic visceri inflictum vulnus un-
 quam curetur: quapropter ipse Hipp. addit limitationem;
 fi viz. vulnus fit magnum, ut Pulmone fauciato minus spi-
 ritus per os prodeat, quam è vulnere excidat; atquè fi
 vel vas fanguineum magnum, vel asperæ arteriæ ramus
 lædatur. Enimverò omnia Pulmonis Vulnura lethalia sem-
 per non esse, docuit nonnunquam experientia, qua con-
 stat, nonnullos per totum thoracem & pulmonem fuisse
 perfoffos, & nihilominus convaluisse. Videantur Hil-

danus *Cent. 2. Obs. 32. Cent. 3. Obs. 26. Cent. 1. Epist. 52.* Sen-
nertus *prax. libr. 5. part. 4. cap. 3.* Valleriola *libr. 4. obs. 10.*
Nicolaus Massa, Franciscus Aræus, Fallopius, Fore-
stus, Tulpius, & alii.

Ea igitur Pulmonis Vulnere absolute lethalia non sunt,
in quibus saltem Pulmonis substantia, non verò magna
vasa læsa sunt; nequè illa, quæ non adeò magna sunt, ut
nec respirationem graviter lædant, nec alia quæcun-
què gravia accersant symptomata.

E contrario si magna sint Pulmonis Vulnere, & non so-
lum Pulmonis substantia, sed & magna in eo vasa vulne-
rentur, Ea pronunciare licet ex necessitate lethalia,
utpote in quibus sanguis, spiritusquè vitalis profunditur
& dissipatur; vel à copia cruoris extrà vasa effusi pulmo
ac cor opprimuntur, & homo suffocatur.

Insuper mortem plerumquè adferunt ea Pulmonis Vul-
nere, in quibus exulcerari incipit vesiculosa ejus sub-
stantia, atquè Phthisis excitatur: vel in quibus sanguis in
thoracis capacitatem effusus, ibi putrescere incipit, &
vel Febrem, vel Empyema excitat. Sed queritur hic,
*nonne tale Pulmonis Vulnus, cui Phthisis succedit, quæ postea mor-
tem Egro adfert, dicendum sit absolute, & ex necessitate lethale,
& an tali in casu Reus non teneatur de homicidio?* Quidam
ex Jurisconsultis censent, vulnus non esse dicendum ex
necessitate lethale, si accidentia remittant, si Vulneratus
melius habuerit, si post triduum è lecto surrexerit, & am-
bulaverit, licet deinde ex recidiva mortuus fuerit; adeo-
què Vulneratus jam ultrà non teneri de occiso, tanquam
si non præsumatur ex vulnere mortuus. Damhoud. in
Enchirid. rer. crimin. cap. 77. n. 10. Menoch. *de arbit. cas. 275.*
num. 9. Farinæus *de homicid. quest. 126. 127.* Sed nos quod
spectat, sententiam hanc omninò improbamus, eà ratio-
ne ducti, quod malignæ ægritudines, & ipsa quoquè
maligna & necantia vulnere aliquandò remittant; imò &
hoc habeant proprium, teste Galeno, quod remittere vi-
deantur, ac dehinc repentè recrudescant, hominemquè
è medio, quasi inopinatò, tollant. Difficultatem verò
auget

auget id, quod ipsimet Jurisconfulti ex recidiva conjecturam desumant, vulnus fuisse lethale, & Vulneratum ejus culpâ decessisse ob recidivam. *Farinac. loc. cit. quest. 127. num. 77.* quæ è directo contraria videntur iis, quæ circa hanc conjecturam ex ipsorum sententia superius allata sunt. Haud secus de Vulnere Pulmonis, cui Phthisis succedit judicandum puto: vizi absolute id esse lethale, & Vulnerantem teneri de homicidio, licet post longam hebdomadarum seriem demum Vulneratus moriatur. Phthisis quidem, non Vulnus, proxima mortis causa est; at Vulnus mortis causa remota. Et quod in sano corpore se habet, ut causa remota, est ipsa occasio mortis: dum namquæ constat, accidentia ex ipso vulnere originem habuisse, & semper usquæ ad mortem perseverasse, ex vulnere præsumi debet mortuus vulneratus.

XII. *Aspera Arteria Vulnera* non lethalia esse, verum sanari posse, docet Laryngotomia. Ea nimirum sanantur, quæ magna non sunt, & in quibus membranae saltem, quibus Trachææ cartilagine connectuntur, vulnerantur. *Scenkius Observ. Medic. libr. 2.* At annuli cartilaginei si vulnerentur, ob duritiem pars coalescere nequit. *Hippocr. libr. 6. Aphor. 19. libr. 7. Aphor. 28. Galenus 5. meth. med. cap. 7.* Hæc igitur vulnera haud ineptè lethalia censentur. Equidem non subitam, sed lentam mortem adferre solent; dum vel ab aëre per vulnus confertim ingrediente pulmones alterantur & debilitantur, vel callosa quædam substantia vulnere succrebit, quæ spiritum sensum interceptando tandem hominem jugulat: ita ad octodecim hebdomadas vulnere tali laborantem vidit Barbette, antequam moreretur.

XIII. *Diaphragmatis Vulnera* inter lethalia quoquæ recenset Hippocrates. Distinguit equidem Galenus *libr. 5. meth. med. cap. 9.* inter ea, quæ Diaphragmatis parti tendinosæ, & quæ carnosæ infliguntur; atquæ illa statuit esse lethalia, hæc sanabilia. Scribit porro *comm. in Hipp. Aphor. 18. sect. 6.* nervosæ Diaphragmatis partis vulnera non semper lethalia, sed magna solum: planè enim gra-

Diaphragmatis,

viatum superveniunt symptomata, delirium puta, difficilis respiratio, febris, convulsio, singultus, risus sardonius, ut ridendo Ægri moriantur.

Ventriculi,

XIV. Haud secus *Ventriculi Vulnera* inter lethalia numerantur; & meritò, quia in parte hac magis membranosa ægerrimè sanantur; ac si infligantur Superiori ejus Orificio, quod Stomachus nuncupatur, ob nervorum ei insertorum copiam, convulsionibus & singultibus continuis Ægrum occidunt: sin verò Ventriculi Fundo infligantur, ingesta alimenta mox effluunt in abdominis cavitatem, illic alia viscera brevi corruptura.

Verum etsi usus & ratio illud Hippocratis effatum confirmant, hanc tamen regulam interdum, quamvis rarò, exceptionem admisisse, & subinde Vulnus Ventriculi sanatum fuisse, observatum fuit; cujus curationis historias sibi visas describunt Fallopius *de cap. vuln. cap. 12.* Cornax in *Epistol. Respons. ad D. Ægidium Harriogh.* Julius Alexandrinus *annot. ad cap. 4. lib. 6. Therap. Galeni.* Diemerbroeckius *Anat. libr. 1. cap. 6.* & ex aliis collegit Scenkus *Obs. Med. libr. 3.* Sunt quoque admirandæ illæ historiæ, quæ de duobus Cultrivoris referuntur: quarum alteram describunt Bernhardus Suevus in *tract. de insp. vuln.* Crollius in *prefat. Basilica Chymica.* Sennertus *prax. lib. 1. part. 1. sect. 1. cap. 15. & lib. 5. part. 4. cap. 3.* de Rustico Bohemo, qui 1602. Pragæ cultrum novem pollicum longitudinis deglutiit; qui post septem hebdomadas è ventriculo excisus, & Æger sanitati restitutus fuit. Alteram sibi ipsis visam enarrant Georgius Lothus, & Rutgerus Hempsingh in *peculiari germanico tractatu.* de juvene duos & viginti annos nato, qui Regiomontii in Prussia 1635. cultrum longitudine duas transversas palmas excedentem, deorsum descendente manubrio, casu deglutiit; qui post sextam hebdomadam à Cheirurgo excisus, Ægerque intra mensem sanatus fuit. Culter hic postea à Daniele Beckero, Medico Dantiscano, D. Othoni Heurnio, quondam Lugduni in Batavis Medicinæ Professore, donatus, ibidem inter alia rara in Theatro Anatomico asservatur.

Ex

Ex allatis igitur historiis haud immeritò concludimus, Vulnere Ventriculi Fundo inflicta non absolute seu ex necessitate, verum simpliciter lethalia esse dicenda; sed quæ Superius ejus Orificium seu Stomachum penetrant, omnem medelam effugere, adeoque necessario & semper Ægrum interimere. Eo namque graviter afflicto, ob maximum cum cerebro & corde consensum, lethalia plerumque excitari solent symptomata.

XV. Ejusdem naturæ sunt *Intestinorum Vulnere*, quæ *Intestino-* ab Hippocrate inter lethalia quoque referuntur. Sunt tamen periculosiora Vulnere Tenuium, quam Crassiorum Intestinorum; ob substantiam illorum membranofam magis, minusque carnosam.

XVI. Succedunt *Hepatis Vulnere*, quæ inter lethalia *Hepatis*, etiam non sine ratione enumerat Hipp. *lib. 1. de morbis & lib. 6 aphor. 18.* propterea quod copiosa hæmorrhagia citius Ægrum occidat, quam sisti medicamentis possit; & si forte sistatur, tamen ulcus post vulnus relictum tam raro & difficilè sanetur, ut ex tribus millibus ea parte vulneratis vix unus aut alter evadat, & inter miracula fere habendi sint, qui servati ex iis fuerunt. Equidem tradit Paulus Ægineta *lib. 6. cap. 28.* vulnerato Hepate, abscessaque ejus parte, hominem servari posse. Et Hispanum Juvenem, cui magna Hepatis portio per ilci dextri vulnus crumpebat, sanatum fuisse refert Corn. Gemma *Cosmocris. lib. 1. cap. 6.* Et Nobilem post inflictum circa Hepatis regionem vulnus, ac particulam ex ejus substantia abscessam, extractamque, sanum evasisse, scribit Bertinus *Med. lib. 13. cap. 7.* Idem observarunt Hildanus *Cent. 2. Obs. 34.* Matthias Glandorpheus in *Spec. Chirurg. Obs. 34.* Sed hæc sunt naturæ miracula, qualia in curationibus aliquando contingere, olim Averroës tradidit.

XVII. *Lienis Vulnere* eodem ferè modo se habent, ut *Lienis*, Hepatis; atque lethalia semper observantur.

XVIII. De *Renum Vulneribus* quaeritur, sintne Ea lethalia? Resp. profunda Renum Vulnere absolute & ex necessitate esse lethalia, atque ex centum ita vulneratis vix

unum sanitatem recuperare. Quæ quidem lethalitas non procedit à Renum nobilitate aut præstantia; sed à symptomatum syndrome, uti à magna hæmorrhagia, vasorum dissectione, urinæ obstructione, ejusvè continuo effluxu, inflammatione, dolore, & quidem præcipuè ab abscessu, ac exulceratione ob acris feri transitum vix curabili, aliisque, quæ Ægrorum vires ad mortem usquè conterunt. Renes quippe licet non sint partes principes, sunt tamen tales, quarum usu carere non possumus; quo sublato, vel graviter saltem impedito, vita tollitur. Contigit quidem nonnullos Renibus vulneratos aliquamdiu supervixisse, & minus peritis sanatos visos fuisse, sed tandem tamen superstites abscessus Ægrosè medio sustulisse. Sic Fallopius, Corn. Gemma, Dodonæus, Forestus, Valleriola, aliiquè, varia referunt Renibus vulneratorum exempla, qui aliquot annos supervixerunt; tandem verò ex istis vulneribus mortui sunt. Quod autem alii citius, alii tardius fati cedant, fit prout illa vulnera magis minusvè profunda, & symptomata majora vel minora fuerint.

Vesicæ Uri-
nariæ,

XIX. Insuper in catalogo vulnerum lethalium apud Hippocratem reperiuntur *Vesicæ Urinaria Vulnera*. Distinctione tamen hic opus est. Nam quod Collo Vesicæ infligitur vulnus sanari posse, docet Lithomia. At Fundo ejus vulnerato, atquè penitus perfosso, ire solet Patiens, unde redire negant quenquam.

Venarum,
Arteriarumquè
majorum,
&c.

XX. Tandem occurrunt & *Venarum, Arteriarumquè Majorum Vulnera*, quæ sæpius sunt lethalia. Namquè cum ligaturâ constringi nequeant, cruore immodicè effuso, vires subito dejiciuntur, & Patiens plerumquè extinguitur. Equidem cum Chirurgus alius melius alio vulnus claudere possit, causa mortis in Vulnerantem non semper conjicienda.

Vulnera Nervorum Majorum ferè incurabilia sunt, quandoquè lethalia.

Vulnera Venenatis Instrumentis aut Animalibus inflicta ferè semper lethalia sunt.

XXI. At-

XXI. Atquæ hæc sunt vulnera, quæ Hippocrates lethalia esse rectè scribit. Quorum tamen, ceu dixi, quædam sunt absolutè vel omninò lethalia, quædam simpliciter lethalia. Absolutè vel ex necessitatè lethalia Farinaceus *sic. de homicid. quest. 125.* definit, quæ non requirunt curam & consilium Medicorum; sed sunt talia, è quibus Vulneratus statim moritur, *hoc est*, ob quæ, quamvis omni arte & industriâ curentur, Æger nihilominus moritur. Lethalia simpliciter, *id est*, non omninò mortalia, vel ad mortem certa, idem Farinaceus describit, ex quibus Vulneratus non statim moritur, & ex quibus quandoquæ etiam non moritur.

XXII. Quæ igitur vulnera simpliciter tantum lethalia sint, *hoc est*, è quibus etsi aliqui interdum convalescant, hic vel ille tamen ex iis revera mortuus dici possit, ex superioribus abundè patet. Hoc equidem addendum; *ex eventu maximè judicari, an vulnus actu lethale fuerit.* Nam etsi robustus aliquis, aut aliàs exactè sanus ex vulnere convalescit; tamen non necessarium est, ut ex simili vulnere senex, puer, vel debilis quispiam convalescat: sed licet ille à simili vulnere sanatus fuerit, hic ex eo necessariò mori potest. Enimverò ex præcedenti statu Vulnerati vulnus accipitur conjecturà majoris aut minoris periculi: vulnera namquæ quæ fiunt in corporibus morbosis, cacochymicis, convalescentibus, valetudinariis, magis absquæ dubio periculosa sunt; & ideirco non malè Jurisconsulti voluerunt, Vulnerantem infirmum, si ille decedat, teneri de homicidio, etiam vulnere non existente mortali. Nam quamvis vulnus per se non mortale possit fieri lethale ex corporis vulnerati impuritate, videtur tamen Vulnerans dedisse proximam causam mortis, ut in casu de quo Manardus *libr. 6. Epist. Medic. 1.* in quo cum supervenerit Vulnerato, duobus vulneribus lecto non quidem mortaliter, ut ipse probat, Erysipelas, ob corporis impuritatem mortuus est die quarto decimo; cumquæ unusquisque huic periculo subjci possit, non videtur

detur ullo modo Vulnerans excusandus, præsertim si deliberato animo occidendi vulnerasse constet, si lethalibus non existentibus vulneribus, Vulneratus ex corporis impuritate decedat, ex qua tamen absquæ inflictis vulneribus non decessisset: qui enim causam damni dat, damnum fecisse videtur; at Jurisconsultis hæc decidenda relinquimus.

XXIII. Insuper quæritur hîc, *an vulnus, quod ex sua natura nequaquam lethale sit, possit incuriâ Medentis, vel ipsiusmet Vulnerati, & per accidens, fieri lethale?* Res hæc videtur magni momenti, quia etiamsi quando vulnus est absolutè & ex sua natura lethale, non excusatur Vulnerans ex malo regimine, aut ex negligentia & imperitia Medicorum, sed omninò de homicidio tenetur; quòd dominetur præsumptio, Vulneratum ex vulnere decessisse. At verò si vulnus fuerit ambiguum tam ad sanitatem, quam ad mortem, & Vulneratus non adhibuerit Medicum; aut adhibuerit Imperitum; aut si suâ ipsius negligentia & inobedientia mortuus fuerit, tunc Vulnerans de homicidio non tenetur, cum suâ ipsius culpâ præsumatur mortuus. Semper enim præsumptio militat, quod vulnere non existente ex necessitate lethali, Vulneratus ex vulnere non decesserit; quoniam mortis præsumptio ex vulnere sumi debet non simpliciter ex vulnere, sed ex aliis quamplurimis, quæ vulnere conjungi consueverunt. Sunt autem hæc reducenda vel ad Medicum, vel ad Ægrotum, vel ad Externa.

XXIV. Quoad Medicum, vel Cheirurgum; vulnus non lethale aliquandò occidit, si ex ignorantia Ille non noverit vulneris qualitatem, ut in casu, de quo Langius; ubi Cheirurgus curaturus sauciatum in capite Equitem cum cranii fractura, vulneris exiguitati fîsus, cranii fracturæ nullo modo medicatus est, unde Vulneratus eum ob errorem è medio sublatu, aliàs forsân non periturus. Haud absimilem casum citat Forestus lib. 6. observ. 2. de vulnere non lethali, ex quo tamen Æger Medici culpâ interiit. Idem quoque

quæ antè biennium à nobis visum fuit in Rustico, qui vulneratus in sinistro thoracis latere, hinc difficulter spirans, à Medico ac Cheirurgo ut Pleuriticus curatus, vulnere ferè neglecto, obiit. Namquæ eadem ratione, si Medicus nesciat opportuna adhibere remedia, aut adhibeat contraria, Ægrum perimit. Observatio.

XXV. Quoad Ægrotum; manifestum est, ejus culpâ id ipsum succedere posse, ut si Medicum non adhibuerit, aut adhibuerit Imperitum; cum paria sint, Medicum non adhibere, aut adhibere Imperitum. Farinaceus de homicid. *quest. 120. sect. 4. num. 76.* Imò præstat Medicum non habere, quam Inexpertum habere. Roder. à Castro *Med. Polit. lib. 1. cap. 7.* Si item medicamenta opportuna sibi adhiberi non permiserit, aut quicquam moliri circa se renuerit, quod erat ad sanitatem necessarium: si contra Medicorum sententiam aëri sese exposuerit: aut si quomodocunque in usu sex rerum nonnaturalium insigniter peccaverit. Equidem non quilibet error Vulnerati hac in re culpari potest, sed debet esse notabilis. Farinac. *loc. cit. quest. 126. num. 25.* Et eo insignior, quo magis leve ac tutum vulnus à peritioribus judicatum fuerit: tunc enim oportet, ut talis sit negligentia, & tales sint errores in victu & medela, ut evidenter constet, ex eorum vitio Ægrum decessisse. At tunc quidem debent periti Medici de erratis hisce judicare, ac nominatim determinare, quod hic error cum hoc vulnere, tametsi non esset mortale, potuerit mortem accerfere.

Insuper ex mala corporis Vulnerati constitutione, vulnuscula aliquandò nullius momenti, & è quibus plurimi convalescunt, nonnullis possunt esse lethalia: sic de Philæ puero scribit Hipp. *libr. 7. Epidem.* quod ex sola ossis denudatione in fronte, uno die febre superveniente, & ossè livore contracto, mortuus fuerit. Idem refert Theodori cujusdam puerum ex ossis denudatione nullius penè momenti, die vigesimo tertio mortuum esse. Et magnæ navis Præfectum quendam, cum anchorâ manus dextræ indicem & os collisisset, inflammatione ac convulsione su-

D d

per-

perveniente, decimo tertio die vitam cum morte commutasse. Telephanem quoque ex Harpeli liberta filium, plagam in pedis pollice accepisse, ex eaque inflammationem, vehementemque dolorem consecutum fuisse, quo remittente, Ægrum in convulsionem incidisse, & tertio die mortem obiisse. Refert Forestus *lib. 6. Obs. Chirurg. 50.* Consulem quendam Almarinum, cum pedes more ipsi confucto lavaret, & callum sub pedis planta cultello abraderet & abscindere studeret, se vulnerasse, & statim subsequente spasmo extinctum fuisse. *Et Observ. 49.* quendam tibiam ad rem duram allisisse, ipsamque cum contusione & vulnere laxisse, quem deinde superveniens gangræna sustulit. Hildanus quoque *Cent. 5. Obs. 2.* duo recenset exempla, unum de Operario, qui spinâ pedem punxit; alterum de Fœmina, quæ spinâ apicem indicis dextri vulneravit, qui ambo superveniente gangrænâ mortui sunt. Joh. Matthæus *quest. 27.* scribit, quendam grassatorem in humero haud adeo profundè vulneratum, mortuum fuisse: alium quoque in Comitatu Oldenburgico, in media femoris regione cultello leviter vulneratum, confectim interiisse. Et Horatius Augenius *tom. 1. libr. 9. epist. 2.* plures eorum recenset historias, qui ex parvo & levi vulnere perierunt. Atque hujus rei exempla alibi etiam passim nota sunt, in primis apud Jobum Meckeranum in *Observationibus Chirurgicis.*

Tanti igitur faciendus morbosus corporis apparatus in vulneribus, ut non solum in mediocribus, sed & in minimis maxima ejus ratio sit habenda, cum facili ex ejus culpa possit minimum vulnus, & salutare alioquin, pravitate contrahere, ex qua deinceps Ægrum perire facillimum est.

XXVI. Quoad Externa; multa sunt, quæ mortem ex non lethali vulnere adferre possunt: viz. ipsa armorum qualitas, aer externus, regio, temporis constitutio, & alia, de quibus abundè nunc dictum fuit.


Enimverò si gladius, vel telum, aut quodcunque, quo vulnus inflictum est, instrumentum sit venenatum, leve etiam vulnusculum mortem adferre potest.

Dein,

Dein aëris constitutio, ac loci proprietas hic peculiarem vim habent. Sic capitis vulnera, quæ in multis locis lethalia non sunt, in aliis observantur lethalia. Scribit Vidus Vidius *libr. 6. de curat. morbor. cap. 90.* Florentiæ vulnera capitis plerisque esse lethalia, & causam refert in aërem frigidum tenuem; Pisis verò, & Lugduni paucos ex iis interire, cum cælum ibi sit crassius. Amatus Lusitanus *Cent. 5. Curat. 100.* inquit, Florentiæ & Bononiæ capitis vulnera esse periculosa, non ita Ragusæ. Et Ambrosius Paræus testatur, Lutetiæ quam Avenioni capitis vulnera esse difficiliora. Et sic de cæteris. Quæ utrum ejus momenti existimanda sint, ut reum ab homicidio excusare queant, non leviter dubitandum: illud certum est, non esse hæc talis ponderis, ut promiscuè in quocunque levissimo vulnere mortis causa esse possint: in mediocribus tamen vulneribus multum cooperari haud dubitandum, ex quibus Jurisconsulti cætera decidere possunt, quæ ad id negotium facere videntur.

CAPUT III.

De Vulnerum Curatione in genere.

I.  N quolibet morbo curando prima Indicatio ab ipsius Affectus essentia defumi solet, quæ præcipit & ostendit *Contrarium per se ipsum Contrarium esse tollendum.* Et hoc est, quod innuere videtur Galenus, quum *libr. de Artis Constitutione* sic inquit: „quare generalissimus curandorum morborum scopus erit, contraria contrariis re-„media esse, & particularibus particularia contraria.

II. Vulnus ergò, cum sit *Solutio Continui*, indicat *Unitatem*, sicut quælibet alia continui solutio. Etenim hæc soluta unitas partes, quæ sejunctæ sunt, uniendas esse præcipit, quatenus quidem Vulnus simplex est. Si verò alii affectus, seu morbi, seu causæ, seu symptomata vulneri conjungantur, tot dantur Indicationes, quot ea sunt, quæ ita affectum compositum constituunt.

Dd 2

III. Sin

III. Sin aliquid de substantia carnis amissum sit , duplex datur Indicatio ; scilicet id quod divisum est , uniendum ; quod deest , regenerandum. Si cutis & caro contusæ sint , quod contusum est in pus mutandum , ut abscedat. Et ita de reliquis affectibus , quæ vulnere conjunguntur , sese res habet.

IV. Hæc verò Unio , quæ est prima & generalis Vulnerum Curandorum Indicatio , solius naturæ opus est ; hujusquæ unius operâ partes vulneratæ , ut & fractæ , disjunctæ iterum coalescunt & conglutinantur. Cum autem ad id medium quoddam , & quasi gluten requiratur , utitur natura ipsa materiâ , quâ partes nutriuntur , sanguine scilicet , continuè in partem propulso ; qui in poris parietum & labiorum vulneris hærens , in substantiam parti vulneratæ similem mutatur : atquæ ita ejus , ceu naturalis cujusdam balsami , beneficio , quæ disjuncta erant coalescunt , & ex duobus unum fit , haud secus ac taleolæ arbori insertæ cum eadem arctissimè uniuntur. Atquæ hoc quidem opus etsi solius naturæ sit ; Medicus tamen hac in re naturæ minister est , ac nisi Medicus naturæ subsidio veniat , ipsa in multis sine suo frustratur , nec conglutinationem moliri potest.

V. Ea autem quæ Medico hac in re agenda sunt , ad quatuor capita reduxit Galenus *Art. Med. cap. 90.* ubi sic inquit : „ coalescere facit ea , quæ invicem distant , & prius „ stinam unitatem restituit ipsa Natura ; nostrum verò „ opus est , applicare extrema distantium partium , atquæ in unum coacta conservare , & tertio hoc cavere , „ nequid labiis vulneratis incidat , & quarto ipsam partis „ substantiam salubrem conservare.

VI. Atquæ ita in Vulnerum Curatione quatuor à Gale-
no recensentur Medici officia , idquæ haud immeritò :
namquæ ut Medicus suum finem ac intentionem , *hoc est* ,
solutæ unitatis unionem , consequatur , laborandum
1. Ut omnia symptomata vulnere supervenientia , quæ-
quæ unionem impedire possunt , tollantur. 2. Ne quid
extranei in vulnere & inter labia ejus hæreat , vel relin-
qua-

quatur. 3. Ut dehiscences vulnerum partes jungantur, conjunctæquæ ita servantur. 4. Ut partis vulneratæ temperies & robur conservetur.

CAPUT IV.

De Vulnerum Symptomatibus.

I Rimam itaque Indicationem in Vulneribus Curandis diximus, *Accidentium sive Symptomatum Correctionem*, quæ admodum necessaria est, cum nullo pacto vulnera perfectè curari ac sanari queant, nisi Symptomata, quæ ea consequuntur, abigantur & profligentur; suntquæ aliquandò tam magna, ut ad se totam trahant curationem: inter quæ primò numeratur *ingens Sanguinis Profusio*, quæ non solum vires dejicit, atquæ vitam interdum homini eripit, sed & curationem impedit. Quamdiu namquæ sanguinis fluxus continuatur, in curatione nihil proficitur. Accidit autem Hæmorrhagia vulneratis arteriis aut venis, vel majoribus, vel minoribus.

Hæmorrhagia in
Vulneribus
sistenda.

II. Igitur Vulnere inflicto, si modicè sanguis fluat, permittendum ut tantum effluat, quantum commodum videbitur. Quod si immodicè cruor profluat, ut vires dejiciat, quamprimum sistatur. Eum in finem omnia ea præstanda sunt, quæ motum ejus impedire ac inhibere possunt.

III. Impeditur sanguinis fluxus, si convenientibus remediis & deligatione orificium vulneris occludatur. Occluditur verò vulneris orificium, vel labiorum vulnerati vasis conjunctione, vel orificii obstructione. Conjunguntur vulneris labia, vel digitis orificium vulneris tamdiu comprimendo, quousquæ sanguis grumescat, ac ita ipse vasis orificium obstruat; vel fasciis vulneris orificia invicem adducendo. Sed tutissimum est, operam dare, ut orificium vasis sanguinem fundentis obstruatur *Linteo Capto*. Vel ejus loco vulnus impleatur *Fungo isto Orbiculari*, quem *Crepitum Lupi*, vulgò *Boijst* appellant.

D d 3

IV. Equi-

IV. Equidem si huic soli fidere non libeat, fiat Pulvis Adstringens, qui excipiatur Albumine Ovi, atque cum linteo carpto vel stupa cannabina vulnere imponatur. Galenus *libr. 5. meth. med. cap. 4.* hoc medicamentum ad sanguinem sistendum præ reliquis commendat, & omnium quæ noverit optimum esse scribit:

℞. *Thuris* ℥j. *Aloës* ℥i℥.

M. F. Pulvis, qui Misceatur cum Ovi Albumine, & pilis-leporinis, vel stupâ cannabina excipiatur, sicane vasi lesso, totique vulnere imponatur.

Possunt & alii Pulveres Adstringentes cum in finem præscribi. v. gr.

℞. *Boli Armeni* ℥ij. *Farina Volatilis* ℥℥.

Mastichis, Thuris, Cap. Mort. Vitrioli an. ℥j.

M. E. Pulvis, Albumine Ovi excipendus.

℞. *Gallarum* ℥ij. *Boli Armeni* ℥ij.

Terra Lemnia ℥iij. *Vitrioli Cyanei* ℥℥.

Aluminis Crudi ℥j. *M. F. Pulvis.*

Hildanus *libr. de Gangrana & Sphacelo cap. 19.* suum pulverem valdè extollit, cujus descriptionem dedimus *libr. 1. cap. 17. pag. 106.*

Hiscæ ità vulnere impositis conveniens superinjicienda ligatura. Nequè ab usu horum medicamentorum desistendum, donec caro quæ gignitur, circa vas ità sit producta, ut ejus orificium claudat. Hoc enim nisi fiat, semper metuenda est hæmorrhagia.

V. Quod si nec hisce sistatur sanguinis effluxus, *Cansticis* nonnulli utuntur, quæ crustam inducunt, cujus beneficio vasis orificium occludunt. Quo in casu quidam laudant *Liquorem Stypticum*, momentaneâ coagulatione miraculosè sanguinem sistentem, quem tradidimus quoquè *libr. 1. cap. 17. pag. 106.*

Si ne sic quidem sanguinis fluxus sisti possit, admoveatur *Cauterium Actuale*. Sed de hisce latior erit dicendi occasio, ubi de Vulneribus Arteriarum & Venarum sumus dicturi.

VI. Non rarò quoquè vulneribus supervenit *Inflammatio*,

Vulnere
superve-

matio, vel quum parum sanguinis profluxerit, quod scribit Hippocrates *lib. de Ulceribus*: „ Si statim pro valetudine „ sanguis plus minusvè à plaga fluxerit, & ipsum vulnus, „ & quæ juxta sunt, minus inflammatione premuntur; vel ratione partis læsæ, ut ait Celsus *lib. 5. cap. 26.* sic vulneribus partium nervosarum ut plurimum Inflammatio accedit, cum ob dolorem sanguinis ad partem affectam affluxus concitetur.

niens Inflammatio.

Si ergò sanguis non satis fluxerit, atquè Inflammatio metuatur, vel jam adsit, Vena Secanda, & pro viribus Ægrotantis sanguis evacuandus: quamprimum namquè ei occurrendum, cum vulnus sanari nequeat, nisi Inflammatio tollatur.

VII. Sæpissimè etiam Dolor vehemens vulneribus accidit. Et si enim nullum fere vulnus sit sine dolore; equidem non rarò ille tolerabilis est: interdum verò planè vehemens, id quod fit maximè cum nervi, partelquè nervosæ vulneratæ sint. Hic quamprimum sedari debet, cum excitet vigilias, vires dejiciat; nec non humorum in partem affectam affluxus, inflammationis, febris, gangrænæ, causa sit.

Dolor.

Sed quum non semper eandem ob causam Dolor accidat, si medicamenta acria nimis, & calida illum produxerint, mutantur illicò. Si externum aliquid vulneri inhæreat, aut turunda nimis longa vel crassâ sit, aut ossis fragmentum vicinas partes pungat, extrahatur. Si à puris retenti copia Dolor proveniat, liber exitus ipsi detur. Inflammatio si Doloris causa sit, Venâ Sectâ, imponatur hoc vel simile Cataplasma,

℞. *Herb. Malve, Altheæ, Violariæ,*

Flor. Sambuci, Camomilla an. Mj,

Coctis in Aqua Pura ad mollitiem, & contritis adde,

Farina Hordei ℥iſs.

Fabarum, Lini an. ℥j.

Pulv. Croci ℥ß.

M. F. Cataplasma.

VIII. Inter Symptomata quæ vulneribus accidere solent, Pruritus

lent,

lent, observatur & *Pruritus*, qui etsi leve videatur symptoma, tamen quia hoc etiam *Ægrotantem* torquet, & si partem scalpat, vel inter dormiendum fricet, periculum est, ne immodicè è vulnere profluat cruor, vel dolorosa accedat partis excoriatio, vel humorum ad partem affectam concitetur fluxus; ideo removendus, præsertim quum à saniei acrimonia ut plurimum procedat. Igitur pars affecta Aquâ tepidâ perfundatur ac abluatur; vel potius calidum applicetur Fomentum, identidem renovandum, ut apertis poris materia pruritus excitans discuti facilius, ac evacuari possit: vel illinatur *Unguentum Nutrium*, aut *Album Camphoratum*, aut simile.

Convulsio.

IX. Insigne etiam, & periculosum Symptoma sæpè vulneribus accidit, *Convulsio* seu *Motus Convulsivus*; qui hic fit vel à nervorum punctura, eorumquè ingenti dolore; vel ab acri humore aut vapore partem nervosam vellicante: ad quem expellendum insurgens natura, irregularem spirituum in nervos influxum, seu eorumdem explosionem excitat, hinc & partium contractionem spasmodicam ciet. Sunt autem satis periculosæ Convulsiones in Vulneribus. Hippocr. *Secl. 5. Aphor. 2. 3.* Qua ratione verò Spasmodicæ Affectiones sint Curandæ, non hujus loci est indagare. In Convulsione tamen Vulneri superveniente hoc Unguentum laudat Barbette,

R. Olei Limacum, Lumbricorum, Sesamini an. ʒij.

Ping. Vulpis, Arietis an. ʒʒ.

Butyri Insulsi ʒvj. Spir. Vini ʒiij.

Coq. ad Spiritus Vini consumptionem, add.

Olei Spica, Rosmarini, Succini an. ʒij.

Misceantur.

Adhæc Balsamus Sulphuris, Balsamus Peruvianus, Oleum Therebinthina, Oleum Petra, Oleum Philosophorum, & similia valdè commendantur.

Si ab ingenti Dolore accedat Convulsio, ejus causa tollenda. Verum à Nervi, Partisvè Nervosæ Punctura aut Morfu Convulsis quomodo sit succurrendum, in sequentibus, de nervis tendinibusquè punctim vel cæsim vulneratis, exponemus.

X. In-

X. Interdum & *Caro* in vulneribus luxuriat *Fungosa*, & Hyperfarcis.
ultrà modum excrescit; quæ efficit, ut cicatrix vel turpis fiat, vel nulla. Accidit autem hoc Medentis negligentia, qui minus quam par est, siccantia medicamenta adhibuit. Quod ergò superfluum est, tollendum, ut vulnus cicatrice claudi queat. Estquè hoc opus Medici, qui medicamentis fortiter siccantibus, detergentibus, ac si opus sit, etiam nonnihil erodentibus carnem superfluam absumit. Eum in finem inspergatur *Pulvis Rad. Iridis Florentina*, vel *Pulvis ex aq. part. Ochra & Sabina*, vel *Alumen Ustum*, vel *Mercurius Precipitatus Ruber*. Quidam sequentia commendant:

R. *Aluminis Crudi*, *Viridis Aeris an.* ʒij.

Coq. in *Vini* ʒxviij. ad quartam partis consumptionem, colat. add. *Camphora* ʒj.

Misceantur.

R. *Gallarum*, *Balaustia*, *Thuris*,

Myrrha, *Aluminis Usti an.* ʒj.


Cerussa, *Eruginis*, *Sanguinis Draconis an.* ʒß.

M. F. *Pulvis*.

XI. *Febris*, quæ frequenter admodum vulneribus accidit, plerumquè *Symptomatica* est, adeoque nec ita metuenda; quippe quæ raro peculiarem sui curationem requirit. Febris.

CAPUT V.

De Rebus Alienis è Vulnere eximendis.

I.  Einde ut *Vulnus* ritè Curetur, animadvertendum ne quid extraneum illud ingrediatur; atquè ideò quando *Pili* circa vulnus sunt, ii tondendi vel radendi, vulnere prius molli linteo vel filamentis repleto, quoniam intra id si incidunt, atquè non extrahantur, glutinationem impediunt. Nonnunquam etiam intrà vulnus reperiuntur sanguinis grumi, pili, ossis particula aspera & pungens, calx, arena; terra, vel telum aliquod, ut sagitta,

E c

vel

vel mucro , vel spina , vel arundo , vel globulus plumbeus , vel simile.

II. Ex hisce si quid intrà vulneris labia hæreat , ejus glutinationem impedit , adeoque id totum extrahendum. Quod ut fiat , vulnus , nisi satis hiet , dilatandum , quantum opus fuerit , modo ne magnæ arteriæ aut venæ , nervi , tendinesque secentur. Atque si adsit Sanguis in grumos concretus , is expressione , suctione , aliò modo auferri debet : ita enim & minus puris generabitur ; & symptomatum copia minor notabitur. At verò quamdiu hæmorrhagiæ metus est , cruor omnis ex vulnere eximi non debet.

III. Quum verò Pili , vel Calx , vel Arena , vel Terra , vel quid simile intrà vulnus reperiatur , Vino Calido id abluendum , & abstergendum.

Officula fracta mobilia si sint in vulnere , prima in deligatione eximantur , nisi hæmorrhagia inhibuerit ; si verò aliis ossibus adhuc adhæreant , naturæ conatus expectandus , & videndum an ea iterum cum reliquo osse unitura , an separatura sint.

IV. Sin Vitrum fractum , Spina , Festuca , Sagitta , Globus Plumbeus , vel aliud genus armorum , quo vulnus inflictum est , ei inhæreat , leniter ac jucundè vel digitis , vel volfellâ , vel forcipe , similivè instrumento , prout res postulare videtur , apprehendi & evelli debet. Sed priusquam extractionem hanc tentet Cheirurgus , videndum an Æger , extracto tali alieno corpore , vivere possit , ne Is mortem Patienti accersisse dicatur.

V. Modum verò Globulos Plumbeos extrahendi quod spectat ; primum pendere oportet , num globulus tam altè carni infederit , ut oppositæ parti magis sit vicinus , & per cutem , aut subjectam quoque carnem exterius tangatur : solet enim ad tactum apparere ex duritie & figura , tuncquè incidere partem oppositam oportet , & globulum ità recipere. Quod si tam altè non infederit , ità ut exitus ejus ex parte opposita commodè haberi nequeat , tunc specillo per vulneris foramen , & globuli ingressum tentetur , globuloquè reperto , utcunquè longum

gum sit spatium, tentanda ejus extractio forcipe, vel volsellâ, quæ serratâ extremitate eundem apprehendit, vel instrumento apud Hildanum *Cent. 1. Observ. 88.* depicto.

Quod si globulus specillo non observetur, uti non rarò evenit in vulnere profundissimo, membrum ità collocandum, ut suo pondere simul cum pure exireis possit. Hoc si non fiat, vulnus curetur, expectetquè Cheirurgus, donec circa cutem sese manifestet globulus, quod non rarò post longam annorum seriem demum fieri solet. Et scribit Scenckius *Observ. Medic. libr. 5.* Juvenem quendam æneo tormento ictum excepisse tribus sub ventriculo digitis, globulo in viscera adacto; eumquè paucos cis dies, emissio per anum globulo, nullâquè noxâ ullo in viscere relictâ, sanatum fuisse. Simile exemplum refert Paræus, de milite, qui nono post inflictum vulnus die glandem per anum excrevit, & planè intrâ tres dehinc hebdomadas convalluit. De globulo plumbeo menses sex, nullo superveniente symptomate, inter cranium & crassam menynghem detento, exemplum singulare habet Hildanus *Cent. 2. Observ. 2.* Idem *Cent. 3. Observ. 67.* scribit, globulum plumbeum, ictu sclopeti in vacuum vesicâ immisum, triginta post annos calculosâ materiâ, ovi molem adæquante, obductum inventum fuisse. Atqui audite Eundem, quum *Cent. 1. Observ. 88.* ità inquit: „ Non „ rarò globuli plumbei sclopeto projecti per multos an- „ nos in parte aliqua corporis sine dolore, aut alio aliquo „ incommodo delitescere possunt. Est tamen officium „ rationalis Chirurgi extrahere quicquid extraneum est „ in vulneribus, nec idcirco ullo modo in iis relinquen- „ dus est globulus: donec enim vel minima etiamnum „ festuca, aut ossis fracti squamma; vel simile quid ex- „ traneum parti inhaeserit, vulnus incurabile existit. „ Globulus verò, si nonnunquam ob peculiarem plumbi „ facultatem in corpore remaneat, longam & difficilem „ reddit curationem, propterea quod ægrè carne obduci „ possit globulus. Præterea si globulus in partem aliquam

„nervosam projectus fuerit, & nervum, vel tendinem,
 „vel membranam compresserit, maximos excitabit do-
 „lores; hinc varia & prava accidentia. Si circa ventris
 „alicujus regionem lateat globulus, metuendum, ne
 „temporis successu in ventrem ipsum penetret, & de
 „novo morbum excitet: mutat enim situm & locum
 „propter pondus. Si remanserit globulus subter vase
 „quodam, & callosâ substantiâ fuerit obductus, peri-
 „culum est ne comprimat adjacentia vasa, & membri
 „extenuationem ac interitum producat. Haftenus ille.

VI. Eodem ferè modo extrahuntur *Sagitta*. Et licet inter Christianos milites hodiè non usurpentur tela, Medici tamen, ac Cheirurgi interest scire, qua methodo in corpus immissa extrahi debeant: Hæc ritè extrahere satis difficilis est operatio, oriturquè illâ difficultas ex loco potissimum, in quem in corpus immissa penetraverunt. Modum equidem quæcunquè tela è corpore extrahendi accuratè tradit Celsus *lib. 7. cap. 5.* „Omne autem telum extrahitur, aut ab ea parte qua venit, aut „ab ea in quam tetendit. Illic viam qua redeat, ipsum „sibi fecit. Hic à scalpello accipit. Nam contrà mucronem caro inciditur. Sed si non altè telum insedit, & in „summa carne est, aut certè magnas venas & loca nervosa non transiit, nihil melius est, quam qua venit, „id evellere. Si verò plus est, per quod telo revertendum, quam quod perrumpendum est: jamquè venas „nervosquè id transiit, commodius est aperire quod superest, itaquè extrahere. Nam & propius petitur, & „tutius evellitur, & in majore membro si medium mucro transiit, facilius sanescit quod pervium est, quia „utrinquè medicamento fovetur. Sed si retrò telum recipiendum est, amplianda scalpello plaga est, quo facilius id sequatur, quoquè minor oriatur inflammatio: „quæ major fit, si ab illo ipso telo dum redit, corpus „laniatur. &c.

Hoc modo igitur extrahitur telum; vel manibus, si foras promineat, & in sola carne infixum sit; vel volsellâ,


sellâ, cum profundius inhæreat; vel aliis instrumentis, cujusmodi sunt forcipes longæ, denticulatæ, rectæ, incurvæ, extremâ parte latæ, rotundæ, quibus recentiores Chæirurgi varia nomina à figura indiderunt, & Rostrium Corvinum, Ciconæ, Anatis, Anseris appellantur, quorum icones habentur apud Joh. Andr. à Cruce, & Ambr. Paræum. Sed de telorum extractione plura videantur apud Celsum *loco citato*, & Paulum Æginetam *libr. 6. cap. 88.*

VII. Si vero Ossis frustulum, vel Spina, vel Festuca, vel quid simile carni inhæserit, quod nec manu, nec instrumentis extrahi possit; id medicamentis hac vi præditis extrahendum multi volunt, qualia dicuntur *Dillamnus, Gummi Galbanum, Sagapœnum, Pix, Axungia Leporis, Mus Vrus dissectus, Musca Vulgares, Stercus Anseris, Magnes, Fermentum Acre, Emplastrum Opodeltoch,* & plura alia; è quibus præparantur Emplastra, quæ videri possunt apud Fallopium, Peccettum, Sennertum, Barbette, aliosquæ. Sed talia, utpote parvi momenti, & forsan nullius utilitatis, lubenter negligimus.

VIII. Atqui cum nulla arte telum, vel quicquid armorum est, è vulnere extrahi possit, totum negotium naturæ committendum, quæ non rarò miracula hîc præstat, & præter naturam corpori immissa, per vias quasquæ potest, expellit. Cujus rei historiæ passim occurrunt. Sic Hippocrates *libr. 5. Epidem.* cuidam, qui juxta inguen sagittâ percussus fuerat, cuspidem post sex annos eduxit. Et Hildanus cuidam cultrum, qui spinæ dorsi infixus erat, post biennium extraxit, *Cent. 1. Observ. 62.* Simile quid se vidisse refert Sennertus *prax. libr. 5. part. 4. cap. 5.*

CAPUT VI.

*Modus exponitur, quo Vulneris Labia sint
conjungenda, conjunctaque servanda.*

I.  Ertium, quod in Vulnerum Curatione necessarium pronuntiavimus, est, *ut divisa ac disjuncta vulneris labia ad se invicem adducantur, adductaque conserventur*, quo possit natura, mediante naturali quodam balsamo, eadem arctissime unire, haud secus ac taleolas arbori infertas cum eadem coalescere videmus.

II. Fit autem *Adductio* hæc vel *Deligaturâ*, vel *Sutura*, vel *Glutine*, vel *Instrumento Comprimente*: his omnibus vel simul, vel separatim uti possumus. *Deligatura*, *Sutura*, & *Instrumentum Comprimens*, sunt materiæ antiquitus inventæ; *Glutinum* verò, seu *Gluten* est materia à posterioribus excogitata.

Deligatura.

III. *Deligaturam* seu *Fasciationem* quod spectat; ea nonnunquam sufficit in vulneribus artuum secundum longitudinem factis, & non admodum profundis; atque ubi speramus, solâ deligaturâ vel fasciatione vulneris labia conjungi posse, non temerè instituenda est futura. Sit autem fascia linea, nec dura nimis, nec mollis, cujus latitudo ea esse debet, ut semel injecta non vulnus tantum, sed & utrinquè aliquid adoras ejus comprehendat. At longius si fuerit vulnus, melius angustâ & strictâ fasciâ, *hoc est*, trium circiter digitorum, deligatio perficitur. At ligatura hæc nec nimis laxa sit, nec nimis arcta: si enim laxior sit, non continet adducta vulneris labia; si strictior, dolorem, humorum affluxum, atque inflammationem parit. Terminus ergò adstrictionis bona erit *Ægri tolerantia*. Sed ut facilius fiat labiorum in magnis vulneribus adductio, adhibeantur insuper *Splenia* utrinquè labia comprimentia.

IV. Alterum instrumentum quo vulneris labia adducuntur,

tur, adductaque conservantur, est *Sutura*; quæ per *Acum* Sutura. fieri solet. Optimum foret, Cheirurgum acu nunquam indigere: sic enim *Æger* à dolore, vulnus ab inflammatione, ipseque Cheirurgus à variis molestiis liberaretur. Equidem res nonnunquam exigit, potissimum in vulneribus transversim inflictis; aut cum fasciationem locus affectus non patitur; aut ubi particula nondum à suo continente separata est, sed per tenuem adhuc cutis portionem eidem adhæret.

V. Ad Suturam igitur ritè instituendam opus habemus *Acum Triangularem* cujus cuspis nonnihil incurva sit; *Filo cerra oblito*; & *Canali* extremâ parte *Fenestrato*, cui vulneris labium innitatur, ne in hanc aut illam partem, dum acus adigitur, commoveatur.

VI. Fit autem Sutura hoc modo: in medio vulneris acu duplex filum cereatum trahente, si vulnus sit magnum, vulneris labia transfiguntur, & facto nodo, filum paulò supra nodum refecatur. Hæc suturæ species usu venire potest in vulneribus superficialiis, quæ cutem non excedunt; eaque *interfissa* vocatur, quod post singulos punctus facto nodo filum abscinditur.

VII. Sed interdum Suturam instituimus, cum acum unam pluresvè in carne relinquimus, iisque filum circumglomeramus, haud secus ac mulieres acus in vestibis fixas asservare solent, & ita consuevit fieri in labiis leporinis, aut admodum profundis vulneribus.

VIII. Quandoque pellionum more, acum cum filo sæpius traducimus & circumvolvimus; qualis futura debetur vulneratis intestinis, abdomini, & partibus pendulis.

IX. Interim verò notandum, ne nimis rara, nec nimis crebra sit futura: etenim nimis rara non continet; nimis crebra dolores & inflammationes parit. Igitur tale intervallum inter unum & alterum punctum intercedat, ut cutis ducentem quasi subsequatur, & oræ ipsæ ex toto se contingant, exceptâ parte exigua, turundæ inserviente, ut puri superfluo exitus detur.

X. At-

Glutinum.

X. Atqui Fasciatio ubi non sufficit, & Sutura non necessaria est, conveniens valdè *Glutinum* seu *Emplastrum Glutinatorium*; idquè adhibetur in vulneribus faciei, ad evitandam deformitatem, quam alioquin puncturæ acus adferre solent. Insuper & Glutini usus est in transversis, & magnis, sive longis vulneribus.

XI. Quondam fiebant Emplastra Glutinatoria ex panis lineis triangularibus per habenas adductis: viz. lintea comparabantur valida, æqualia, mollia, quadrangularis, triangularis, vel alterius figuræ, prout vulneris situs, & membri, cui applicari debebant, natura requirebat, quæ in parte, qua vulnus respiciunt, complicabantur, aut suebantur subtiliter, & fila per latitudinem eorum aliquoties trajiciebantur. Istis linteis annectebantur ansulæ è filo duplicato vel multiplicato, & contorto, cerâ oblito, ea distantia, quam futuræ habere solent, aut etiam minore. Linteis istis inducebatur Glutinum è medicamentis adstringentibus & viscosis compositum: quæ hoc modo Glutine inducta, & ansulis suis instructa, duo utrinquè ad latera vulneris, pollicis distantia; ità apponebantur, ut ansulæ sibi rectè responderent, & tamdiu relinquebantur, donec glutine siccato lintea cuti firmiter adhærerent. Linteis cuti jam arctè adhærentibus ansulæ seu fila mutuo colligebantur, & constringebantur, ut vulneris labia ritè unirentur. Videantur Joh. Andr. à Cruce *lib. 2. tract. 2. Paræus libr. 10. cap. 26. Guillemæus Tab. 6.*

XII. Suturam verò per Glutinum applicandi modum peculiarem habet Cæsar Magatus; viz. Ceratum aliquod extendit super linteam, dein ex linteis hoc tot partes longitudine digitorum æquantibus, vel etiam longiores, latitudine autem ligulam adstrictoriam, in extremitatibus verò paulò latiores, quot puncturæ in vulnere requiri videntur, abscindit; primamquè in vulneris medio applicat, ità tamen, ut uni saltem lateri vulneris dimidia sui parte adhæreat, reliqua libera sit. Huic è latere opposito aliam applicat; atquè ità per vices procedit, unam
in

in dextra, alteram in sinistra parte applicando: postea partes quæ liberæ sunt, nec dum cuti adhærent, unam quidem dextrâ, alteram sinistrâ manu apprehendit, & utramquæ versus labium oppositum contrahit, donec labia ad mutuum contactum adducantur. Hinc utramquæ portionem, quam manu continet, labio opposito, cui non adhæret, applicat, utquæ rectè omni ex parte adhæreant, curiosè studet, sicquæ in reliquis procedit, ità ut inter unam & alteram tantum sit intervallum, quantum aliàs inter acus puncturas solet intercedere.

Et sanè sufficiunt nunc pro Glutine, Emplastra digiti minimi latitudine, cuti pertinaciter adhærentia; quæ adeò validè vulnere conglutinantur, ut nec sanies, nec sanguis, nec alia quævis humiditas Ea solvere queat. Quem in finem sæpè usurpatur *Emplastrum Stipticum Crollii*, vel aliud quoddam Glutinatorium, cujus formulæ variæ ex variis auctoribus peti possunt; hîc tamen merito excellit *Emplastrum Diapalma* ritè præparatum.

XIII. Hildanus *libr. de Gangrena & Sphacelo cap. 19.* Glutinum ad labia vulneris applicat, ità tamen ut labia minimè attingat, sed spatium minimi ferè digiti sit inter labia vulneris & emplastrum. Postero die emplastro siccatto, & tenaciter cuti adhærenti, acum filo trajectam inserit, sicquæ vulneris labia haud secus conjungit, ac si ipsam cutem & carnem perforasset. Glutini autem, quo utitur, descriptio hæc est:

℞. *Farina volatilis* ℥j.

. *Pulv. Rosar. Rubr. Mastichis, Thuris,*

Sang. Draconis, Gum. Tragacanth. an. ℥ij.

M. F. Pulvis subtilis, cui adde Albumen unius Ovi, Aqua Rosacea q. s. ut mellis spissitudinem acquirat; ità relinquatur per noctem, & si altero die nimis spissum sit Glutinum, iterum affunde Aquam Rosarum, aut Plantaginis, ac dein utere.

XIV. Insuper prætermittere hîc non debemus *Instru-* *Instrumen-*
menta, quæ comprimendo venæ arteriaquæ læsæ orificia, tum com-
ad earundem consolidationem non parum juvant; sive ea primena.

Ff

cx

ex ligno, five ex ferro, five ex ære, five ex alia quavis materia conficiantur, quorum icones apud Scultetum, aliosquæ passim licet videre.


XV. Deniquè circa vulnèrum deligationem indagandum, an vulnus simplex & unicum sit, an verò duplicatum. Accidit namquæ interdum, ut licet in cute unum sit vulnus, in musculis tamen sub cute duo sint, vel tria vulnera. Hoc enim si fiat, & Cheirurgus unum saltem vulnus curet, reliquum, quod latet, negligat, pus in altero colligitur, atquæ dolorem, inflammationem, febrem, aliaquæ gravia excitat symptomata; cujus rei historias notavit Hildanus *Cem. 4. Observ. 84. 85.* ubi etiam docet, qua ratione sinus ille latens possit aperiri, ac instrumenta ad eam rem idonea depicta exhibet.

C A P U T VII.

De Medicamentis adVulnera Curanda necessariis,

E T

*Partis Vulneratæ substantia salubri
conservanda.*

I.  Tquæ hæc Cheirurgi officia sunt, quæ circa Vulnèrum Curationem præstare debet: ipsa verò partium vulneratarum unio & coalitus opus Naturæ est; quæ non raro sine ulla medicamentorum ope (quod præcipuè in vulneribus internis accidit) ea, quæ disjuncta sunt, glutinat.

II. Fit autem Unio hæc & Coalitus alicujus Glutinis interventu, cujus Materia nulla alia esse potest, quam eadem, ex qua nutriuntur ipsæ partes; scilicet Sanguis sanus, qui ad partes nutritionis gratiâ delatus in parietibus vulneris, nec non porositatibus & tubulis carnum hinc inde

inde roris instar refudans à naturali partis calore elaboratur, & excoquitur, viscidiorquè redditur ac densatur, ut necessariò per eum coeant, quæ distabant partes.

III. Cum igitur Natura sit efficiens causa conglutinationis, Sanguis materia; duo hæc ut rectè se habeant necesse est. Et quoad prius; duo sunt in sanando vulnere Naturæ officia. Primum ut laudabile pus generet. Alterum ut ea, quæ disjuncta sunt, conglutinet. Namquè licet Galenus ejus rei expressam mentionem non faciat, cum de vulneribus curandis in genere agat; tamen Rhafes, Avicenna, & Celsus, pus ex vulnere jam ad sanitatem spectante fluere, primòquè pus movendum, hinc purgandum & implendum, tandemquè cicatrice vulnus claudendum, docent. Atquè felix experientia istam curandi rationem probavit; & medicamenta, quæ eò fine applicantur, *Digestiva* vulgò nuncupantur.

IV. Medicus enim hac in re Naturæ succurrere debet, Medicamenta admovendo *Digestiva*, postea *Sarcotica* seu *Glutinantia*. In praxi equidem hæc discrepare videntur auctores; dum alii, *Suppurantibus* seu *Digestivis* neglectis, mox *Siccantia* adhibent, *Balsama* scilicet vel *Naturalia*, vel *Artificialia*, quibus & vulnus illinunt, quæquè in profundum instillant, & per turundas imponunt; alii *Pus Moventia* seu *Digestiva* præmittunt. Et sanè *avro-lia* docuit, utramquè curandi rationem finem suum assequi. Non tamen sine discrimine utraqùè Medicamenta usurpanda videntur. *Digestiva* enim si incautè & nimis diu adhibeantur, in ulcus sordidum non rarò degenerat vulnus. Itaquè tutissimum puto, non semper unum medicamentum confidere, sed pro affectæ partis temperaturâ ea componere, & *Digestiva* *Sarcoticis* ac *Glutinantibus* miscere, cum experientia testetur, talia longè felicius, quam mera *Suppurantia* usurpari.

V. Parantur autem *Digestiva* seu *Pus Moventia* è *Vitæ Digestiva* *Ovorum*, *Melle Communi*, *Therebinthina*, *Gummi Elemi*, *Oleo Rosarum*, *Farina Tritici*, *Hordei*, &c. v. gr. *Pus Moventia*.

Ff 2

Rx. The-

- ℞. *Therebinthina*, *Mellis an.* ʒj.
Vitellum unius Ovi, *Farina Hordei q. f.*
M. F. Digestivum.
- ℞. *Olei Rosarum* ʒij. *Cera Citrina* ʒʒ.
Thuris, *Mastichis an.* ʒj.
Vitellum unius Ovi, *Butyri Insulsi q. f.*
Misceantur.

VI. Ubi deterfum est vulnus, & laudabile pus apparet, proximum est, ut quod vulneratum & disjunctum est, carne repleatur, ac conglutinetur. Atqui abundè deterfum & mundificatum vulnus esse constat, quod colore rubro appareant infectæ partes carnosæ, nervosæ verò albæ ac splendentes, ossa itidem candida vel subrubra. Tunc autem Sarcotica appellata Medicamenta imponantur. Ea tamen minus scitè ità dici manifestum est, cum re verà carnem non gignant, sed tantum impedimenta removeant; temperando viz. acrimoniam puris acidam, & absumendo omnem humiditatem, quæ inter agglutinanda ora possit esse impedimento, quo minus vulneris labia inter se uniri ac coalescere queant.

Sarcotica.

VII. Sunt verò Sarcotica dicta Medicamenta varia. v. gr. *Radix Aristolochia Rotunda*, *Consolida Majoris*; *Sanícula*, *Centaureum*, *Hypericum*, *Pimpinella*, *Plantago*; *Semen Fœnigraci*, *Lini*; *Thus*, *Aloës*, *Bolus*, *Colophonis*, *Resina Pini*, *Gummi Elemi*, *Mastix*, *Myrrha*, *Sarcocolla*, *Styrax*, *Therebinthina*, *Cera*, *Cerussa*, *Lapis Calaminaris*, *Lythargyrum*, *Plumbum Ustum*; *Oleum Hyperici*, *Laurinum*; *Unguentum Aureum*, *Basilicon*; *Balsamum Peruvianum*, *Sulphuris*; *Mel Rosarum*, & plura alia, è quibus composita varia pro re nata parari solent.

Insectio hæc carnis generationem egregiè promovet, & cava, sinuosaque vulnera replet;

- ℞. *Balsami Sulphuris Therebinthinati* ʒij.
Olei Hyperici, *Camomilla*,
Styracis Liquide an. ʒiʒ.
Mellis Rosacei ʒij.
Lactis Dulcis vel Vini Albi Gallici q. f.
Misceantur pro Iniectione.

Alii

Alii sequentia laudant,

℞. *Therebinthina*, *Gummi Elemi* an. ʒiʒ.

Ping. Castrati ʒij. *Porci antiq.* ʒj.

Liquefiant ad ignem, & *Misceantur*.

℞. *Resina*, *Cera*, *Therebinthina*,

Olei Rosarum an. ʒij.

Thuris, *Mastichis*, *Myrrha* an. ʒij.

M. F. S. A. Unguentum.

Aquapendens Operat Cheirurg. part. 2. libr. 2. cap. 7. tanquam medicamentum præstantissimum, in primis ad partium nervosarum vulnera, commendat id quod sequitur: additque, se ab Hispano quodam Sacerdote ejus descriptionem accepisse; qui retulit, in Hispania non licere hoc medicamentum componere, quod homines medicamenti viribus confisi, facile digladiantur, inque arenam descendant. Est autem hoc;

℞. *Olei Vetusissimi* ʒiv. *Therebinthina clara* ʒviiʒ.

Frumenti integri ʒiʒ. *Florum Hyperici* ʒij.

Rad. Valeriana, *Cardui bened.* an. ʒj.

Thuris pulverisati ʒij.

Radices & Herba crasso modo contundantur, in olla ponantur, & tantum *Vini Albi* superaffundatur, ut omnia in *Vino* submergantur, atque per biduum factâ infusione, *Oleum* & *Frumentum* adjiciantur, omniaque coquantur ad *Vini* consumptionem: mox factâ forti expressione addatur *Thuris* ac *Therebinthina*, & iterum parum sinantur bullire, atque in vase vitreo servantur.

Sanat vulnera, ut ajunt, spatio viginti quatuor horarum. Modus autem utendi hic est: „Vulnere prius Vini, no Albo frigido abluto, statim totum vulnus inungatur „Oleo hoc calente: quod si hoc commodè fieri nequeat, „per siphonem intrâ vulnus immitatur, & confestim „vulneris labia ad mutuum contractum adducantur deligaturâ, aut suturâ, aut glutine; deinde partes adjacentes eodem quoque inungantur Oleo; at suprâ vulneris labia jam reducta linteum imponatur hoc Oleo „madens, & supra hoc aliud vino nigro imbutum at-

Ff 3

„ que

„ què expreſſum ; mox alia lintea ſicca ; dein faſcia cir-
 „ cumligetur.

Et plura hujusmodi Olea , Unguenta , & Balfama
 Vulneraria ex Sennerto, Cæſare Magato , Peccetto ,
 aliisque auctoribus peti poſſunt ; inter quæ tamen haud
 inſimam laudem merentur *Unguentum Baſilicon*, *Baſamum*
Sulphuris Therebinthinatum vel *Succinatum* , nec non *Baſa-*
munum Peruvianum.

Infuper Emplaſtra Sarcotica dicta varia à Chirurgiæ
 ſcriptoribus proponuntur ; ſed quoniam Ea in curandis
 vulneribus operculi vicem tantum præbere poſſunt , hinc
 operæ prætium non exiſtimavi ullas eorum formulas hic
 exhibere.

VIII. Ubi vulnus carne repletum fuerit , cicatrice
 claudendum , cutis , ſeu ejus loco cicatrix , generanda ,
 ejusque beneficio ſoluta continuitas plane unienda. At-
 qui ut in gignenda carne Natura eſt opifex , materiam
 Sanguis ſuppeditat ; ità quoque in producenda cicatrice
 accidit. Medicus namque impedimenta tantum remover ,
 Medicamenta imponendo magis Siccantia , quæ idcirco
 Epulotica ſeu Cicatricem Inducentia dicuntur. Talia
 Epulotica. ſunt *Radix Conſolida* , *Myrrha* , *Mafſix* , *Sarcocolla* , *Lapis*
Calaminaris , *Lythargyrum* , *Minium* , *Plumbum Uſtum* , *Tu-*
tia ; *Unguentum de Tutia* , *Album Camphoratum* , *Diapompholi-*
gos , *Deſiccativum Rubrum* , &c. *Emplaſtrum Diapalma* , *Gry-*
ſeum , *Opodeltoch* , *de Minio* , &c. In quibus eligendis partis
 affectæ temperatura & ſtructura probe conſideranda eſt.
 Barbette hoc habet Emplaſtrum ,

℞. *Empl. Diapalmæ* , *Gryſei* , *Diapompholigos an.* ʒj.
Gummi Elemi ʒij. *Sacchari Saturni* ʒß.
Cera q. ſ. M. F. S. A. Emplaſtrum.

Sed inter Epulotica dicta medicamenta palmam facile
 præripit *Mercurii Amalgama* , quippe quod , juſto tempore
 uſurpatum , citius cicatricem inducit ; cujus hæc eſt de-
 ſcriptio :

℞. *Plumbi* ʒj. *liquefacto adde*
Argentii Vri ʒj.

Effun-

Effunde super chartam. Dein exsiccatum, pulverisatum, Emplastro Diapompholigos, vel simili misceatur, ad usum peritur.

IX. Externis hisce remediis Interna quædam, *Vulneraria* dicta, jungemus, quæ in vulnere curatione non parum prodesse observantur. Sunt autem ea leviter Adstringentia ac Detergentia, adeoque puris laudabilis generationem promoventia, hinc vulnus mundificantia & consolidantia: qualia dicuntur *Radix Consolida, Gentiana, Aristolochia, Zedoaria, Bistorta; Pyrola, Sanicula, Alchymilla, Bugula, Plantago, Millefolium, Artemisia, Agrimonia, Vinca per Vinca, Pilosella, Virga Aurea, Dictamnus, Centaurium Minus, Oculi Cancrorum, &c.* Ex quibus varia, pro partibus affectæ structuræ & temperaturæ, præparantur Compositiones, imprimis Potiones *Vulnerariæ*. Vulneraria
Interna.

X. Equidem de Potionibus *Vulnerariis* dissentiunt Practici. Nonnulli eas quidem admittunt in vulneratis iis partibus, ad quas ejusmodi potiones pertingunt, quales sunt Gula, Ventriculus, Intestina, Renes, Vesica Urinaria, tuncquæ sunt loco Topicorum Medicamentorum: in partibus verò vulneratis externis eas prorsus rejiciunt, utpote ad quas ob situs distantiam penetrare posse non credunt.

E contrario Joh. Manardus Potiones ejusmodi ad vulnera nova & antiqua utiles esse, sequè eas non semel expertum, atquæ curasse iis solis pessima & desperata ulcera, testatur. Eisdem usurparunt & alii, non solum Empirici, sed quoquæ doctissimi Medici ac Cheirurgi, ut Guido, Joh. de Vigo, Nicolaus Massa, Joh. Tagaultius, Joh. Andr. à Cruce, Fallopius, Matthiolus *comment. in Dioscor.* Ambr. Paræus, Aquapendens, Ludov. Septalius, & plures, quos experientia docuit, Potiones hæc ad vulnera curanda maximè utiles esse. Ideoque experientiæ refragari, & medicamenta longo usu probata rejicere, aut negligere, nefas sit. Etenim præstat ea, quæ sunt, quomodo fiant, querere; quam, quod sunt, negare. Galen. 5. de loc. aff. c. 3. Et sanè cum sanguine, seu vehiculo, articularum

riarum ductu particulas Vulnerariorum Medicamentorum ad quarumcunque partium vulnera pervenire posse, haud dubitandum; ubi, acrimoniam Puris acidam temperando, hinc & detergendo ac mundificando, eorum consolidationem non parum juvare queunt.

XI. Non tamen usurpandæ istiusmodi Potiones in principio, & ubi nihil periculi in vulnere est, atque ad integram sanationem sola Topica sufficiunt; sed tum in primis, quum, ob vitiosam partis constitutionem, curationem vulnera non facile suscipiunt; hinc non solum in vulneribus, sed & ulceribus ac fistulis feliciter usurpantur. Qua de re Ambr. Paræus sic scribit: „ natura „ tali potione adjuta planè mira fecisse, mihi non rarò „ visa est in cariosorum ossium correctione, & ulcerum „ consolidatione. Hæ namque potiones etsi humores no- „ xios per alvum non expurgent; valdè tamen efficaces „ sunt detergendis ulceribus, & ab omni excrementio- „ rum humorum colluvie vindicandis, sanguini defæ- „ cando, & ab ichoribus, omniquè impuritate repurgan- „ do, fractis ossibus agglutinandis, & nervis unioni re- „ stituendis. Hæc Medicamenta admirabili & propè di- „ vinà vi suà sic sanguinem expurgant; ut ex eo, tan- „ quam ex materia apta & laudabili, caro, & quævis „ alia substantia deperdita promptè restitui & reponi pos- „ sit, & pars pristinæ unioni reddi. Et Matthiolus *comment. in libr. 4. Dioscorid.* ait: „ ejusmodi potionibus vidi „ ego cum thoracis, tum intestinorum vulnera sanari, „ quæ lethalia, & nullo prorsus auxilio curari posse cen- „ sebantur. Plura de Decocto Vulnerario, dequè ejus usu ac abusu, videantur apud Hildanum in *Observatione singulari de Vulnere Sclopeti gravissimo, Operi suo post Tractatum de Ambustionibus inserta; pag. mihi 942. & libr. de Ichore & Melicaria Celsi cap. 7.*

XII. Hujusmodi verò Decocti Vulnerarii variæ occurrunt formulæ. v. gr.

Rx. Rad. Consolide Maj.

Aristolochia Round. an. ʒvj.

Herb.

Herb. Bugula rec. Mij.

Pyrola, Sanicula, Alchymilla an. Mj.

Coq. in Aqua Comm. part. ij. Vini Rubri part. j. ad ℥xxx.

Colatura detur usui.

℞. *Herb. Alchymilla, Sanicula, Artemisia,*
Consolid. Saracen. Hadera terrestr. an. Mj.

Vini Albi Gallici lbij.

Coq. in vase clauso, & colentur.

℞. *Rasura Ligni Guajaci ℥iv.*

Rad. Salsaparilla ℥ib.

Santal. Indici ℥j.

Contusa macerentur per noctem in Aqua Pure ℥lxx.
dein f. a. coq. add.

Herb. Pyrola, Sanicula, Fragaria,

Summ. Hyperici an. Mj.

F. S. A. Decoctio ℥xxxx.

Barbette sequens extollit;

℞. *Rad. Aristolochia Rot. ℥ib.*

Cyclaminis ℥j.

Herb. Prunella, Geranii Robbert. an. Mj.

Sabina ℥ij.

Mumia, Galanga an. ℥ij.

Oculor. Cancror. ℥j.

Contusa & Conscissa coq. in Vino Rubro ad lbij. cola-
tura add. Syrupi de Symphyto Fern. ℥iv.

Misceantur.

Alii laudant Decoctum D. Freydachii. viz.

℞. *Rad. Consolida Maj. ℥ij.*

Herb. Sanicula, Pyrola, Ambrosiana, Melisse,

Veronica, Artemisia, Hyperici, Cent. min. an. Mj.

Ocul. Cancror. pulv. ℥j.

Coq. in Cerevisia melioris nota lbvij. ad lbivj.

Colatura usurpetur.

Nonnulli extollunt sequentia;

℞. *Ocul. Cancror. crud. pulv. ℥j.*

Aceti Vini fortiss. ℥xiv.

Digerantur simul, atque bis ter vè quotidie Vulneratus sumas
circièr unum cochlear.

Gg

℞. Ocul.

R. Ocul. Cancror. crud. pulv.

Rad. Zedoaria an. ʒʒ.

Herb. Santicula virid. Mij.

Cog. in Vin. Rhenani lbij. Aqua Pura lbj. dein colentur.

Bibat Patiens mane & vesperi ʒv. aut circiter.

Vel quotidie exhibeatur Vulnerato pulvis ex Oculorum Cancrorum ʒʒ. vel ʒij.

Dizeta Vul-
nerato-
rum, &c.

XIII. Cæterum ut partis vulneratæ substantia salubris conservetur, rerum quoque nonnaturalium usus conveniens sit temperaturæ Vulnerati in genere, & in specie parti læsæ accommodatus. *Aër* nec frigidus sit, nec calidus valde; verum *temperatus* potius, scq̃ *sepidus*. *Cibus* & *Potus* tales sint, è quibus sanguis generetur laudabilis, quique pravis symptomatibus occasionem præbere nequeant. *Quies* Vulneratis convenit, in primis parti vulneratæ. *Recta* præterea instituatur *Somni* & *Vigiliarum* ratio. *Animi* quoque *Motus* nimii sunt vitandi, *Ira* præsertim, uti id exemplis confirmat *Hildanus Cent. 1. Observ. 17. 18.* Et *Fallop. tract. de Vuln. in genere cap. 16.* ait: „quandoque in vulneribus puerorum noxia quædam, esse concedenda, ne fiat fletus, qui maxime nocet pueris, vulnere, & ne alia pejora succedant incommoda. *Insper & Veneris usus* nocet Vulneratis: *Alvus* autem si non respondeat, aperta servetur Clystere potius, quam Medicamento exhibito Purgante.


Denique si sanguis in corpore Vulnerati abundet, ut metuatur ejus ad vulnus defluxus, hinc & varia metueda sint accidentia, *Venesectio* ut instituatur, nisi antea cruor multum fluxerit, summo opere necessarium erit.

CAPUT VIII.

De Particulari Vulnerum Curatione.

ET PRIMUM,

De Vulnere Carnis simplici, & profundo.

I.  Gitur in genere de Vulnerum Curatione, nec non de Methodo, qua eorum symptomata aut impediri aut moderari debeant, abundè dictum fuit: nunc gestit animus, quonam ordine ad specialem uniuscujusque vulneris curationem sit procedendum, exponere. At vulnera, quæ externas duntaxat corporis partes occupant, sunt aut in cute, aut carne, cum vel sine contusione, aut in carne cum continuitatis solutione in venis, arteriis, aut nervis, partibusvè nervosis: de hisce primum; deinde de partium compositarum (capitis puta, thoracis, abdominis, &c.) vulneribus agere constitui.

II. Communiter autem per *Carnem* intelligitur Cuticula, Cutis, Pinguedo, Panniculus Carnosus, ac subjecta Musculorum Caro. Estquè hujusmodi CARNIS VULNUS, quod incidendo contingit, aut simplex & sine substantiæ deperditione, aut cum deperditione vel amissione substantiæ. Atqui quod simplex est, & absquæ substantiæ amissione, aliud est in superficie, & in summo residens, aliud profundum, aliud magnum, aliud parvum, aliud mediocre. Quod verò est cum substantiæ deperditione, aliud est cum solius cutis, aliud cum subjectæ quòquæ carnis amissione.

III. Vulnus verò cuti duntaxat & carni inflictum, si Vulnus
leve sit & simplex, curari non rarò solet naturæ ipsius ^{Carnis}
beneficio, solâ adhibitâ ligaturâ, aut levi quopiam imposito ^{simplex.}
remedio. Enimverò cum in simplici vulnere superficialis tantum adsit divisio, hinc Medici intentio simplex & unica esse solet; viz. id quod divisum est, reuniri debet. Sed

priusquam hoc fiat, si quid extraneum inter vulneris labia hæreat, ut sanguinis grumi, pili, pulvis, vel quid simile, id inprimis removendum; nec non immodicus cruoris effluxus, si adsit, cohibendus. Quo suppresso, atque deterso, mundatoque vulnere, labia ad se invicem adducenda, simulque unienda, & unita servanda; nec non petiæ ex linteo discerpto, *Balsamo Peruviano*, aut *Italico*, similivè seu naturali seu artificiali, imbutæ imponendæ, ac superponendum *Emplastrum Diapalmaum*, vel *Defensivum*, vel *Opodeltich*, ut possit natura, mediante naturali partis læsæ nutrimento, disjuncta vulneris labia denuò reunire.

Vulnus
Carnis
profundum.

IV. Sed Vulnus Carnis quum profundum sit, citra substantiæ amissionem, tunc in primis animadvertendum, quo spectet vulneris orificium, ejusque fundum. Si deorsum spectet orificium, sic ut sanies liberè effluere possit, decenti ligaturâ, & futurâ quoque, si opus fuerit, admotis insuper sarcoticis ac glutinantibus, facillimè curam suscipit.

Sin verò sursum spectet vulneris orificium, deorsumque fundum, atque in cavitate ejus sanies detineatur, tum videndum, utrum partem vulneratam commodo situ ità collocare queamus, ut deorsum orificium, sursumque fundum spectet, adeoque liberè exeat purulenta materies: tunc enim expulsivâ ligaturâ, nec non convenientibus impositis medicamentis, citò curabitur, nec novâ opus erit sectione.

Atqui nisi deorsum spectet vulneris orificium, neque conveniente situ & figurâ pars vulnerata ità collocari possit, ut orificium vulneris deorsum, ejusdemque fundum sursum tendat, ac sanies in fundo contineatur, ibidem apertio facienda, ut Puri exitus detur: vel tota cavitas, *hoc est*, ab orificio ad fundum usque secanda. Factâ sectione pro primo apparatu petiæ ex linteo discerpto immittendæ, sanguinisque fluxus sistendus; dein conveniente Digestivo vulnus detergendum, hinc Medicamentis utendum Sarcoticis & vim conglutinandi habenti-

bentibus, tandemque Epuloticis seu cicatricem inducentibus.

V. Interim si vulnus profundum sit, & angustum, adeoque incisione dilatandum, cavendum ne nervi, aut venæ arteriæve majores lædantur: aliter petiis immixtis crassioribus curandum, ut vulneris orificium non consolidetur, nisi bene detersum, & carne impletum fuerit; quo facto paulatim est imminuenda, tandemque relinquenda petia, & vulnus imposito Emplastro ad cicatricem perducendum. Vel quum dilatare angustum vulnus incisione non audeat Cheirurgus ob vicina vasa majora, & ob subjectas nervosas tendinosasque partes, vulneri immittatur *Medulla Sambuci*, aut *Turunda ex Radice Gentiana*, vel *Spongia preparata*, qua intumescente & vulnus ex voto Medentis ampliatur.


Præparari autem Spongia ad vulnera dilatanda ita solet:

*Rx. Spongiam novam,
Cera flava q. s.*

Cera liquefacta immittatur Spongia, qua dein inter duo linteamina Oleo madefacta in torculari exprimatur, hinc excicceatur, & usui servetur.

CAPUT IX.

*De Vulnere Carnis Composito, seu Cavo,
& cum Substantiæ deperditione.*

I.  *Implici Carnis Vulneri CAVUM* succedit; viz. tum illud, in quo aliqua adest substantiæ deperditio, ut cutis, eiquè subjectæ carnis musculosæ; tum id, in quo etfi nulla adsit substantiæ deperditio, atque ex simplici incisione factum fuerit, equidem labia vulneris ob ejus magnitudinem, & nimiam inter se distantiam ad mutuuum contactum adduci in fundo nequeunt, atque ideo cavitās ibidem remanet: quæ ut impleatur, utque disjunctæ

Gg 3

partes

partes simul uniantur, nova carnis generatione opus est. Enimverò in huiusmodi vulnere cum duo succurrant, scilicet *Unitatis Divisio*, & *Cavitas*; ideo duplex ejus curationis scopuserit. Quodnamque divisum est, *Unionem*, & *cavitas Repletionem* desiderat. At quum partes à se invicem divisæ hîc uniri nequeant, nisi prius impleatur cavitas; ideo prima Indicatio Curativa erit, novam carnem generare, dehinc cavitatem replere.

II. Quia verò in tali vulnere materia quædam præter naturam semper continetur, quam pars læsa expellere nequit; idcirco hæc prius digerenda erit, & detergenda. Quem in finem Digestiva & Detergentia simul misceantur; ita tamen, ut Digestiva primum, deinde Detergentia prævaleant: utendum verò Digestivis, quousque bonum Pus appareat, hoc est, quod sit album, leve, æquale, & minimè foetidum: tunc enim si Digestivis porro uteremur, in sordidum Ulcus huiusmodi vulnus commutaretur.

III. Conveniens autem Digestivum seu Suppurationem movens Medicamentum paratur ex *Therebinthina*, *Melle*, & *Ovi Vuello*. At si Digestiva ac Detergentia miscere cupimus, hoc vel simile conficiatur:

℞. Mellis Comm. ℥i℥. Therebinthina ℥j.

Farina Hordei ℥vj.

Pulv. Aloës, Myrrhæ an. ℥ij.

Croci gr. xv.

Vuellos duorum Ovorum, Spir. Vini ℥℥.

Fiat ex his S. A. Digestivum.

Suis quoque laudibus hîc meretur *Mundificativum ex Apip*.

Verumenimverò angustum si sit vulnus, simulque profundum, *Injectio* conducit ex *Vino Gallico*, vel *Spiritu Vini*, cum Pulvere *Myrrhæ* & *Aloës*. Vel,

℞. Herb. Malva, Violaria, Artemisia,

Summ. Hyperici, Centaur. min.

Flor. Camomilla an. Mj.

Coq. in Aqua Pura ad ℥xvj. colat. add.

Mellis Rosacei ℥ij. Spir. Vini ℥iij.

Misceantur pro Iniectione.

IV. Post-

IV. Postquam vulnus abundè deterfum, & ritè mundatum est, imponenda sunt Sarcotica seu carnem gignentia: quæ quidem carnem non generant, sed carnis gignendæ impedimenta tollunt, ut dictum supra, *Cap. 7.* Talia sunt *Unguentum Basilicon*, *Unguentum Aureum*, *Balsamum Peruvianum*, *Balsamum Sulphuris*, &c. quæ vel sola, vel inter se & cum aliis mixta utiliter usurpari solent.


Impositis Sarcoticis superponendum *Emplastrum Diapalma*, vel simile, tum ad detinenda imposita medicamenta, tum ad vulnus ab aëre frigido defendendum. Alii Emplastri loco utuntur *linteis expressis in Vino Calido*, vel *Fomento conveniente*, ad partem vulneratam corroborandam.

V. Vulnere carne ferè repleto ab usu Sarcoticorum desistendum, & cicatrix inducenda impositis Epuloticis, hoc est, Medicamentis Exsiccantibus & leviter Adstringentibus: qualia sunt *Unguentum de Tutia*, de *Cernissa*, *Diapompholigos*, *Emplastrum Gryseum*, de *Minio*, & alia superius exposita.

VI. Cæterum etsi carnis generatio sit naturæ opus; tamen non rarè ex Medentis negligentia supercrefcens Caro in vulneribus enascitur: quando non, uti decet, Exsiccantia Medicamenta apposuit, & diu nimis Sarcoticis fuit usus. Quamobrem cum caro ad justam magnitudinem & altitudinem excreverit, imponenda *Carpia Sicca*. Sin nihilominus ultrò excrefcet, absumenda est eo modo, ut *Cap. 7.* exposuimus.

C A P U T X.

*De Vulneribus Vasorum, hoc est, Venarum
& Arteriarum.*

I.  ENARUM ET ARTERIARUM MAJORUM VULNERA totam ad se trahunt Curationem, idquè non vulneris ratione, quod facilè uniri potest; sed ob gravius symptoma, quod nunquam non istiusmodi vulneribus supervenit: viz.

viz. sanguinis profusionem, quæ animi deliquia, atque similia excitare solet accidentia. Sed cum sanguis fluat vel ex venis, vel ex arteriis, & quidem nunc majoribus, nunc minoribus; qui è venis profluit cruor, crassior est, nigrior, obscurior, atque sine pulsu æqualiter effluit; qui verò ex arteriis prodit, tenuior apparet, spumosior, & coccinei coloris, nec non cum pulsatione exilit. Si majus vas sit apertum, majore copiâ & impetu sanguis profunditur; minore autem, si minus vas sit vulneratum. Insuper ab Anatomes Perito è sede, locoque vulneris haud difficulter cognoscitur, num sit in parte, per quam venæ & arteriæ, vel majores, vel minores transcunt.

Hujusmodi Vascularum Vulnera quomodo sint Curanda.

II. Horum verò Vascularum Vulnerum Curatio dirigenda est, & ad immodicum cruoris effluxum cohibendum, & ad apertum vas occludendum. Atque hinc, etsi vulnus vasis nondum coaluerit, ut sanguinis fluxus prohibeatur, omnia ea sunt facienda, quæ ejus motum impedire ac inhibere possunt. Impeditur sanguinis fluxus, si convenientibus remediis, & deligatione orificium vulneris occludatur, ut *Cap. 4.* abundè docuimus.

III. Quoad aperti vasis occlusionem; ea fieri potest, vel labiorum simul adductione & conjunctione, vel orificii obstructione. Adducuntur labia nonnunquam suâ sponte, interdum Medici operâ. Spontaneo motu ad se invicem accedunt, quando ob nimiam sanguinis profusionem tunica vasa concidunt, sicque labium super labium cadit. Medicus verò id facit manuum operâ; viz. vel digitis vulneris labia & vasis orificium eoulsque comprimendo, ac detinendo, ut sanguis grumescat, atque vas vulneratum obstruat; vel fasciis liquore adstringente madefactis, & aliquoties supra vulnus revolutis, vulneris labia comprimendo; vel futurâ vulneris labia simul adducendo.

IV. At si non speramus hæmorrhagiam sedari posse, adducendo ad mutuuum contactum vulneris labia, vel digitis, vel deligaturâ, vel futurâ, *Vas Vulneratum filo vincitur.*

INT :

int: volsellâ seu alio quopiam adunco instrumento vas apprehendatur, paululum elevetur, dein filum undiquè obvolvatur, & stringatur. Quo factò Sarcoricum ac Sanguinem sistens Medicamentum imponendum, & vincula non removenda, donec ex se cadant, atquè apertum vas penitus occlusum sit. Sed hic sanguinem sistendi modus in primis locum habet in Arteriarum vulneribus.

Sin verò apertum vas vinculo ligari nequeat, ob Venæ Arteriæve profundiorē situm, tunc integrum vas obliquè præcidendum; ut hoc modo vasis dissecţi extremis retractis, & sub carne absconditis, hinc & oclusis, sanguis supprimatur.

V. Scultetus in *Armament. Chirurg. Tab. 18. Fig. 4.* describit atquè depingit Instrumentum ad Carpi Arteriam, consultò aut fortuito apertam, comprimendam; idquè in Arteriarum Carpi Vulneribus utilissimum esse, ait in *explicatione Tab. Ultim. pag. mihi 177.* ubi etiam refert Patavii suo tempore fuisse exercitatissimum Arteriotomum, qui ex consilio Medicorum Arteriam in Carpo nonnunquam incidēbat, factâquè sanguinis evacuatione hoc instrumento vulnus itâ comprimebat, ut ne gutta quidem sanguinis citrà Cheirurgi voluntatem profunderetur, nequè ullum ex compressione symptoma eveniret. At qua ratione hoc suo instrumento vulneratam in Carpo Arteriam compressit, sanguinemquè suppressit, videri potest *post Armament. Chir. Observ. 89.* Insuper & alia instrumenta nunc passim habentur, quæ vulneratam in Carpo Arteriam tuto comprimere, hinc & curare queunt.

VI. Atquè hi omnes sanguinem suppressendi modi præcipuè in vulneribus absquè substantiæ deperditione, & ab instrumento incidente factis conveniunt. Verum si portio quædam substantiæ ipsius vasis sit deperdita, tunc vulneris labia ad invicem ducenda non sunt; sed obstruendo vasis aperturam, sistenda sanguinis profusio. Hæc autem obstructio sæpè fit per sanguinem intus concretum: digitus enim fissuræ imponitur, ac tamdiu detinetur, donec circa digitum sanguis concreseat. Quo factò, prudenter

Hh

digi-

digitus auferendus, &, si opus videatur, alia medicamenta imponenda; sin minus, relinquendus est grumus, donec spontè decadat. Et hoc fuit consilium Leonardi Bottalli, uti refert Illustriſſis Satrapa Hooſſidius in *Hiſtoria Batava lib. 19.* vulneratam venam jugularem in collo Celiſſimi Principis Auriaci Gulielmi Primi, impoſito ſupra eam digito obturatam, atquè ſanguinis ex eadem fluxum inhibituſſe fuiſſe.


VII. Niſi hoc modo ſuccedat, extrinſecus vaſis oriſſicium obſtruendum; vel reducendo vulneris partes carnoſas; aut cutem ſuprà vulneris oſculam, quod cum fieri poſſit, optimum eſt, quoniam haud difficulter ea conglutinantur. At ſi vulneris figura hoc non patitur, ſiccò linteo diſcerpto vulnus implendum, aliſſvè conglutinantibus medicamentis utendum.

VIII. Sin verò nec his auxiliis ſanguis ſiſti poſſit, ut quando magna vaſis portio eſt ablata, ad Cruſtam vel Eſcharam Inducentia eſt deveniendum. Quæ tamen curatio admodum tuta non eſt: nam ſi forſan contingat, ut, priuſquam ſanguinis profuſio ſiſtatur, cruſta cadat, augetur utiquè hæmorrhagia; quod ex vaſis uſſione amplius factum ſit oriſſicium. Quapropter huiuſmodi remediis non utendum, niſi reliqua fruſtrâ fuerint experta. Efficunt verò cruſtam aut Ferramenta Candentia, aut Cauſtica Medicamenta, quibus, præter vim erodendi, facultas adſtringendi ſit conjuncta.

IX. Inductâ eſcarâ, quam citiſſimè carnis generationi danda opera, ut priuſquam cruſta cadat, vas carne occluſum ſit. Hinc eſcaræ caſus feſtinandus non eſt, quoniam majus fieret ſanguinis profluviuſſum; verum curandum potius, ut diutius adhæreat.

CAPUT XI.

De Vulneribus Nervorum, & Nervosarum Partium.

I.  ULNERIBUS NERVORUM etiam Nervorum
 EA quæ TENDINUM sunt compre- & Tendi-
 hendimus, eo quod in Curatione nullum num Vul-
 occurrat discrimen. Sunt verò *Nervorum* nera dupli-
 vel *Tendinum Vulnera duplicia*; viz. *Punctura* citer sunt
 aut *Inciso*, prout instrumentum vulnerans punctum, vel confide-
 cæsum vulnus infert. randa.

II. Cognoscitur autem Nervum vel Tendinem esse Quibus
 vulneratum, ex locivulnerati consideratione, & ex Ana- istiusmodi
 tome, quæ quibus membris Nervi, Tendinesvè inseran- Vulnera
 tur docet: dein ex dolore vehementi, qui statim post in- cognoscantur.
 flictum vulnus Ægrum infestat, quemquæ pulsatio, in-
 flammatio, convulsio, & similia plura sequuntur acciden-
 tia; nisi nervus transversum totus sit dissectus. Enimverò
 habent nervi sensum exquisitissimum, & propterea iis
 vulneratis statim in parte vulneratâ gravia hæc sympto-
 mata oriuntur; quod fibrillis quibusdam in nervo dis-
 sectis, reliquæ, integræ adhuc, tanto magis patiantur
 à tensione continua, per vehementiorem spirituum ani-
 malium influxum producta. Insuper Nervum vel Tendi-
 nem *Punctum* vulneratum esse, cognoscitur ex ipso Teli
 genere, & vulneris conditione; si nimirum id angustum
 sit, & nihilominus gravis mox subsequatur dolor, atque
 hinc pulsatio, inflammatio, febris, convulsio, &c.

Atqui si Nervus vel Tendo non punctum, sed *Cæsum* vul-
 neratus sit, indagandum, an secundum longitudinem, an
 verò per transversum, & quidem an Nervus vel totus
 dissectus, vel ex parte tantum vulneratus sit, & quantum
 cutis superjacentis sit divisum; cum hujusmodi horum
 vulnerum differentiarum non parum curationem varient. Si
 itaque Nervus sit cæsum vulneratus, verum non totus
 dissectus, symptomata haud ita gravia sunt, ac si punctum

vulneretur. Si secundum longitudinem Nervus vel Tendo sit vulneratus, convulsionis metus tantus non est, cum fibræ non ita afficiantur. Sin totus dissectus sit, equidem tantum periculum non adfert, nec ullus convulsionis metus est: aliud tamen incurabile malum subsequitur; partis scilicet, cui nervus vel tendo inseritur, debilitas in sensu & motu; cum spiritus animales eam in partem amplius deferri nequeant.

Horum
Vulnerum
Prognostica.

III. Cæterum omnia Nervorum vulnera quanquam sint periculosa, Punctura tamen periculosior est, quam Sectio. Tendinum vulnera minus periculosa sunt, quam Nervorum. Vulneri superveniens Convulsio, lethale, ait Hipp. *Aphor. 2. Sect. 5.* quod potissimum de Partium Nervosarum vulneribus intelligendum censemus.

Curatio.

IV. Quoad *Curandi Methodum*: in omni Nervorum atque Tendinum vulnere, cum dolor valdè affligat, & inflammatio imminet, danda opera, ut dolor leniatur, ac inflammatio prohibeatur, quem in finem *Venesectio* adcoè conducit, ut ab ea oporteat Medicum vulnorum horum curationem semper auspicari.

Specialis verò Curatio ab aliorum vulnorum curatione differt, propterea quod alia consolidari debeant, hæc verò dilatari; quorum essentia consideranda est, & species. Nam incisus omninò si Nervus fuerit, minora toti corpori infert symptomata, quam si aliqua tantum ex parte sectus sit; sed adfert impotentiam, membrum actione privans. Si inciso in longum fuerit, minus incommodi parit, quam quum in transversum. At punctio omnium deterrima est, ob extremum dolorem, nec non gravissima ac periculosissima accidentia, quibus promptè ac diligenter occurrendum est.

In Nervi,
Tendinisve
Punctura
quid agendum, &c.

V. Igitur Nervus vel Tendo si *punctim* vulneratus fuerit, considerandum num *Punctura* sit cæca, vel aperta. *Cæca* fieri solet ab acu, sagitta, pugione, aut simili instrumento: quo in casu cutis incidenda est, vulnusquè dilatandum ad subjectum usquè nervum vel tendinem, ut sanies exire, & medicamentorum particulæ ad puncturam penetrare queant.

At

At Punctura si Cæca non sit, verum *Aperta*; patens tale vulnus servandum, & si opus sit, latius quoque incidendum: hinc imponenda medicamenta siccantia, calida, tenuium partium, ut nervus punctus roboretur, dolor mitigetur; qualia sunt *Therebinthina*, *Cera*, *Gummi Elemi*, *Tecomahaca*, *Caranna*, *Opobalsamum*, *Balsamum Copaisæ*, *Balsamum Peruvianum*, *Balsamum Sulphuris*, *Spiritus Vini*, *Oleum Therebinthina*, *Oleum Cera*, *Oleum Succini*, & similia: etenim in partium nervosarum vulneribus, ubi nervus vel tendo est denudatus, nec Unguentum, nec Oleum pingue unquam admovendum; quippe quod vehementem mox excitare solet inflammationem.

Fallopium inter omnia medicamenta principem locum *Euphorbium* teneré ait, idque in Nervi Tendinifvè Punctura *Sacram Anchoram* appellat.

Galenus piscatoribus, qui continuè à spinis piscium pungebantur, singulare excogitavit remedium; viz. *Therebinthinam*, quam calidam in Puncturam instillabat. Et sanè præstantissimum ac præsentaneum remedium est *Oleum Therebinthina*; quod nervo aut tendini denudato actu calidum sit admovendum, ut ipsius particulæ in majori motu positæ facilius & altius penetrent: insuper imponenda petia hoc vel simili Digestivo illita,

℞. *Therebinthina* ℥i℥.

Mellis, *Unguenti Basiliconis*, *Olei Therebinthina* an. ℥iij.

Pulv. Myrrha ℥i℥. *Vitellum unius Ovi*,

M. F. S. A. Digestivum.

Sculetus post *Armam. Chir. Obs. 64.* in Nervi Punctura vehementer extollit id, quod sequitur;

℞. *Therebinthina* ℥℥. *Pulv. Euphorbiæ* ℥j.

Cera parum. M. F. Unguentum.

VI. Notandum ergò, nulla medicamenta nervo vel tendini vulnerato esse admovenda, nisi actu calida, imò & fervida nonnunquam. Et si in nervi, tendinifvè punctura, impositis dictis medicamentis, dolor non sedetur, quin exacerbetur potius, cum affectæ partis inflammatione, labiorum vulneris tumore, & serosæ, tenuis,

atque virulentæ saniei exudatione, *Spiritus Vini* vel *Oleum Therebinthina fervens* instillandum, coquè imbuto lineo spatulæ extremo alligato aliquoties contingenda non modo vulneris superficies, sed & ima ejus pars. Hoc enim, ceu Cauterio, inusto nervo vel tendine, sensus adimitur, proindequè dolor sedatur. Hac methodo Ambr. Paræus Carolum Nonum Galliarum Regem (cui loco venæ Nervus fuit punctus) curavit: *instillato scilicet in vulnus fervente Oleo Therebinthina cum Spiritu Vini, & applicito super totum brachium Emplastro Diapalmeo in Aceto & Oleo Rosaceo dissoluto, obvolvit in super fasciâ expulsiâ, quæ à carpo ducto initio, in summum humeri articulum desinebat.*

VII. Ad Dolorem sedandum, *Cataplasma ex Mica Panis, Lacte, & Croci tantillo*, parti affectæ utiliter applicetur. Vel,

Rx. Mica Panis Albi ℥ss. Farina Alibæ ʒiʒ.

Flor. Camomilla, Anethi an. Miʒ.

Coq. in Lacte Dulci ad mollitiem, & deus contund. pro Cataplasmate.

Quum autem Dolor non tantum, sed magna insuper adsit *Inflammatiō*, uti non rarò contingit, hoc vel simile applicetur:

Rx. Mica Panis Albi ℥j. Farina Hordei ʒij.

Fol. Scordii, Ruta,

Flor. Sambuci an. ʒj.

Summ. Absinthii ʒss.

Fiat Pulvis, ex coquè cum s. q. Vini Gallici vel Lactis Dulcis S. A. Cataplasma.

Dolor verò si vehemens sit, & Inflammatiō insignis, adeoque *Convulsio* imminere videatur, Nervus omninò sedandus est, quo Ea impediatur. Nec refert, si ex eo membrum futurum sit paralyticum: satius enim est, motum alicujus partis perire, quam totum hominem.

VIII. Deniquè in Nervi Tendinifvè Punctura quoque animadvertendum, ut vulnus non conglutinetur, priusquam optimè fuerit purgatum, quod ex doloris sedatione, aliorumquè symptomatum imminutione dignoscitur.


scitur. Interim tamen industrius sit Cheirurgus in ambiente frigido aëre arcendo, quandoquidem ille *acidum acre* in se continet, cujus ratione nervis sit inimicus. Hipp. *Aphor.* 18. *sect.* 5.

Notatu digna porro Nervi Puncturæ exempla videantur apud Jobum Meekeranum *Observ. Chæirurg. cap.* 62.

IX. Haud secus procedendum, si Nervus vel Tendo *Cæsim* vulneratus fuerit. At si totus sit incisus, suadet M. A. Severinus *Efficacia Chirurgia libr.* 2. *cap.* 123. ut Nervus, & præsertim Tendo discissus consuatur. Hoc tamen minimè admittendum, quoniam si suendo pungeretur, eadem symptomata acciderent, quæ alias in Nervorum Punctura oriri solent. Idem affirmat Petrus de Marchettis *Observ. Chæirurg.* 63. ubi addit, se observasse, incautè nervos, aut tendines à quibusdam Barbitonsoribus fuisse consutos, secutà convulsione, & morte Ægrotantium.

CAPUT XII.

De Vulnere cum Contusione.

I.  Eterum differunt vulnera non solum partium læsarum ratione; sed & instrumenti, quo vulnus infligitur, conditio vulneris aliquam adfert differentiam. Etenim vulnera alia instrumentis infliguntur acutis, alia obtusis; quod non parum curationem variat. Atque idè quum de vulneribus punctim aut cæsim inflictis hætenus dictum sit, nunc ut de iisdem obtusis instrumentis illatis agamus, ordo hujus Tractatus expostulare videtur.

II. Solutæ igitur Unitatis illa species, quam instrumenta obtusa in parte molli efficiunt, CONTUSIO appellatur. Fit autem *Contusio in Vulneribus*, quando telum aut instrumentum, quo vulnus infligitur, non solum incidendi & secandi, sed quoque contundendi vim habet:

Vulnus cum Contusione quale fit.

id

id quod fit, quum istiusmodi vulnerans instrumentum retusum sit; aut grave; quo modo & sine vulnere, & cum vulnere mollis pars contundi, & quasi comminui potest.

Quomodo
cognosca-
tur, &c.

III. Cognoscitur autem Vulnus cum Contusione ex instrumento, quo vulnus inflictum fuit; si scilicet obtusum, & grave id fuerit: dein ex dolore, & livido partis læsæ colore. Atque tale vulnus periculosius, & difficilius curatu est, quam quod est sine contusione: præsertim quod pars contusa, & sanguis ex dilaceratis vasis effusus si putrescere incipiat, Gangræna non raro oritur.

Curandi
Methodus.

IV. Atqui in vulneris hujus Curatione cum duo occurrant; Vulnus nimirum, & Contusio: hinc Intentiones Curativæ duæ sunt, quarum Altera ad Vulnus, Altera ad Contusionem spectat. Enimverò cum id quod contusum est, in integrum restitui nequeat, & sanguis è vasis effusus in parte contusa hæreat, adeoque facile corrumpatur; danda opera, ut utrumquæ vel discutiat, vel potius in Pus mutetur, docente id Hippocrate *Libr. de Ulceribus*: „Si quid carnis collisum, attritumquæ „à Telo fuerit, ita curandum est, ut quam celerrimè „suppuretur: nam & minus inflammatione præhenditur, „& necesse est, collisam detritamquæ à Telo carnem in „Pus conversam tabescere, deinde novam creari. Duæ igitur Indicationes in Contuso Vulnere Curando nobis ab Hippocrate proponuntur; suppuratio nimirum, & novæ carnis generatio. Quibus scopis ut simul satisfiat, vulneri cum petiis immittatur hoc, vel simile Digestivum;

℞. *Therebinthina* ʒiſs.

Mellis, Unguenti Basiliconis, Olei Rosacei an. ʒʒ.

Pulv. Croci ʒj. *Vitellum unius Ovi.*

M. F. S. A. Digestivum.

Partes verò Contusæ dolorem lenientibus, ac leviter resolventibus inungendæ. ʒ. gr.

℞. *Oli*

℞. Olei Rosarum, Camomilla, Trifolii Odorati an. ʒʒ.

Cera ʒj.

Misceantur pro Linu.

At magna si sit Contusio, insuper admoveatur Fomentum:

℞. Herb. Malva, Alibaa, Ruta, Artemisia,

Scordii, Absinthii,

Flor. Camomilla, Meliloti an. Mj.

Coq. in s. q. Cerevisia Tenuis ad ʒxxx.

Colatura sit pro Fotu.

Vel, quoniam quæ contusa sunt quam citissime suppurrari debent, ejus loco calidè imponatur, & identidem renovetur Cataplasma:

℞. Rad. Lilior. Albor. rec. ʒiij.

Fol. Malva, Alibaa,

Flor. Camomilla, Meliloti an. Mj.

Caricarum pinguium No. viij.

Coctus in Aqua Pura ad mollitiem, & minutim contusus, add.

Farina Hordei, Sem. Lini an. ʒiʒ.

Unguenti Basiliconis ʒij.

Pulv. Croci ʒʒ. Vitellos duorum Ovorum.

M. F. S. A. Cataplasma.

V. Vulnere abundè suppurato, ad Detergentia deveniendum: qualia sunt Unguentum Basilicon, Unguentum Aureum, Unguentum Apostolorum, Mel Rosaceum, & similia; quibus penicilli, sive turundæ ex filamentis factæ imbuendæ, & vulneri immittendæ, ac desuper sicca linamenta, vel aridæ stupæ imponendæ, & contentivâ fasciâ continendæ. Purgato verò, ac deterso vulnere, impositis Sarcoticis vulnus carne implendum; quod facilius consequemur, turundas indies imminuendo: hinc ad cicatricem perducendum.

VI. Equidem non semper Contusioni adest Vulnus; sed effunditur quandoquæ sanguis, integrâ manente cute, in spatia partium, unde oritur Affectus, qui *ἰκχὺμωσις* & *ἰκχὺμωσις* appellatur; Latini Effusionem, Suffusionem, Sanguillationem verterunt. Est autem ECCHYMOSIS nihil

Contusio
& Ecchymosis sine
Vulnere.

Ii aliud,

aliud, quam *Cruoris in vicina spatia, ob vasorum apertionem, Effusio*, si nimirum, cute illæsâ, vasa ob contusionem lacera sanguinem effundant. Et si verò sæpius pars in tumorem non attollitur, sed ita sanguis effusus in spatia partium sese insinuat, ut nullus tumor appareat; interdum tamen pars intumescit, si extravasati cruoris copia major sit: imo interdum tanta in copia sanguis effunditur, ut sub cute inter musculos collectus sinum efficiat, atque partem in tumorem attollat; hinc Inflammationis, & tandem Gangrænæ causa evadat. At quam periculosæ sint magnæ Contusiones, & quam faciliè in Gangrænam degenerent, exemplo docet *Hildanus Cent. 2. Observ. 83.*

Qua ratio-
ne Curari
debeat.

VII. Itaque factâ Contusione, sanguinis in locum affectum fluxus præcavendus, ne Inflammatio excitetur: id optimè fiet per *Venæsectionem*. Qua de causa Galenus jubet, ut in casu ab alto, & percussione, mox vena aperiatur. Deinde Parti Contusæ applicetur *Spiritus Vini*, vel *simplex*, vel *Camphoratus*, aut illinatur *Oleum Cera*; ac superponatur *Emplastrum de Cumino*, vel *Emplastrum de Spermate Cæti*, cujus hæc est descriptio:

℞. *Cera Alba* ℥iv.

Spermatis Cæti ℥ij.

Gummi Galbani in Aceto soluti ℥j.

Fiat ex his. S. A. Emplastrum.

At Contusio si magna sit, Emplastri loco, calidè applicetur Fomentum, identidemquè renovetur:

℞. *Fol. Malva, Althea, Ruta, Artemisia, Calamentha, Scordii, Dictamni,*

Flor. Rosar. Rubr. an. Mj.

Camomilla Mij.

Sem. Cumini ℥vj.


Incisa & contusa coq. in Cerevisia Tenui, vel Vmo Gallico ad lbijj. pro Fomento.

VIII. Hisce verò si nulla fiat Resolutio, sive Contusio non sit valdè magna, locus affectus incidendus, dein detergendus, tandemquè more aliorum abscessuum curandus. Cum autem Suppurationis notæ adint, utpote cum

cum locus affectus nonnihil intumescat, ad tactum mollis appareat, dolor quidam pulsatilis & rubedo circum apparere incipiat, promovenda est Suppuratio. Facta Suppuratione, Abcessus aperiendus, dein Ulcus purgandum, & detergendum, hinc carne implendum, tandemque cicatrice claudendum.

C A P U T X I I I

De Vulneribus Morsu Animalium illatis, aliisque Venenatis

I.  D Vulnera cum Contusione pertinent EA, Vulnera quæ ANIMALIUM MORSU inferun- Morsu tur. Sunt autem *Hæc* vel *Venenata*, vel *Veneri* Anima- *Expertia*. Enimverò accidit interdum, ut lium illa- ta, qualia homo à cane, simia, equo, asino, aliisvè sint.

animalibus non rabidis, vel etiam ab aliò homine mordeatur. Nihilominus tamen omnem feræ morsum quoddam virus habere, scribit C. Celsus *libr. 5. cap. 27.* Id quod de feris, iratis præsertim, facile negari non potest. Et quamvis nulla omninò virulentia sit in vulnere morsu animalis inflicto; contusio equidem, quæ omnia vulnera periculosiora & curatu difficiliora reddit, vulnera hæc graviora facit. Nam cum animalium dentes non ità acuti sint, ut gladius, vel culter, vel aliud armorum genus, dum vulnerant, simul contundunt.

II. Quam periculosa autem sint Vulnera etiam Hominis Morsu illata, docet Jobus Meckeranus *Obsev. Chirurg. cap. 64.* exemplo cujusdam furis, qui lictorem morsu in pollice dextræ manus ità excepit, ut in plures particulas os comminutum, & mors sequuta fuerit. Affirmat idem tribus exemplis Hildanus *Cent. 1. Obs. 84. 85.* Quorum primum est Mercatoris, inter pocula morsu alterius in apice dextri indicis vulnerati; cui ex morsu tota manus fuit inflammata, & gangræna sequuta, cum convulsionibus, febre ardente, syncope, & maxima inquietudi-

ne. Alterum est de Medico, à phrenetica, cum incautè, linguæ explorandæ gratiâ, digitum in os mulieris immitteret, demorfo; cui vehemens dolor non solum in digito, sed & toto in brachio statim exortus fuit. Tertium est viri, ab alio furioso ad primam pollicis articulationem graviter morfi; cui itidem dolor vehemens per totum brachium mox exortus est, febrisquæ sequuta, & syncope. Haud absimilem historiam recenset Matthias Glandorpheus in *Speculo Chæirurg. Obs. 49.* de viro, qui dentibus alterius irati in pollice circa primum articulum sauciatus fuit; unde dolor maximus, totius manus inflammatio, febris, corporis inquietudo, lypothymix frequentes, & intensus capitis dolor exortus est. Et sanè vulnera hæc periculosa sunt, tum ex se propter Contusionem, tum quod Saliva iratorum animalium Venenati aliquid conjunctum habeat; & eò magis periculosa sunt, si partes nervosæ mordeantur.

Quomodo
Curari
debeant.

III. Igitur cum in Vulnere Morfu Animalium illato adsit Contusio, nunc major, nunc minor, prout dentes animalis sunt magis minusve acuti, & ex contusione magnus inferatur dolor, præsertim quum virulentia quædam morfui adsit, ideo diversam Curationem hujusmodi vulnera ab aliis requirunt; atquæ tum Contusionis, tum Malignitatis, tum Doloris habenda est ratio. Quapropter sanguis primum diligenter è vulnere exprimendus, idquæ abluendum *A. eto acerrimo*, vel potius *Spiritu Vini*, aut *simplici*, aut *Camphorato*, seu *Spiritu Vini in quo dissoluta Theriaca*: hinc imponendum hoc vel simile Digestivum;

*R. Unguenti Basiliconis ℥i.
Mellis, Therebinthina an. ʒß.
Theriaces, Olei Scorpionum an. ʒvj.
Vuellum unius Ovi.*

Misceantur pro Digestivo.

Interim ad Malignitatis Virus per corporis habitum expellendum, & symptomata graviora præcavenda, Mixture continuò utatur Patiens Sudoriferâ & Alexipharmacâ,

macà, ex *Aqua Melissæ*, *Cardui benedicti*, *Confectione Hyacinthorum*, *Sale Absynthii*, *Oculis Cancrorum*; &c. At à Venæsectione, & Purgatione, quas multi hîc nimis temerè proponunt, omninò abstinendum.

Ad Inflammationis & Doloris sedationem admoveatur Cataplasma : v. gr.

℞. *Farina Avenacea*, vulgò *Haber-gort*, ℥xij.

Pulv. Fol. Ruta, Scordii,

Flor. Sambuci an. 3vj.

Coctis in Cerevisia Tenui ad pulvis consistentiam add.

Butyri rec. ℥ij. aut ℥iiij.

M. F. Cataplasma.

Dolore sedato, morsuquè probè digesto, vulnere imponatur Mundificativum. v. gr.

℞. *Mellis* ℥ij. *Theribinthina* ℥j.

Theriaceæ, Farina Hordei an. 3v.

Pulv. Aloës, Myrrha, Aristoloch. Rot. an. 3j.

Croci gr. xv.

Spir. Vini ℥j. *Vuellum unius Ovi.*

M. S. A. pro Mundificativo.

Deterfo tandem, & mundificato vulnere, carne id replendum, & cicatrice claudendum, ut aliàs fieri solet.

Sin Gangræna imminere videatur, pars affecta scarificanda, & porrò tractanda, ut *Lib. 1.* docuimus.

IV. Deniquè & peculiarem requirunt Curationem VULNERA VENENATA; sive Venenum globis, sagittis, telis, aut quocunquè armorum genere, sive animalum, ut canis vel lupi rabidi, vel alterius venenosi morfu, sive ictu scorpionis, aspidis, vel aliùs venenati insecti inferatur.

Vulnera
Venenata
quænam
sint.

V. Hujusmodi autem Venenata Vulnera ab aliis minus venenatis haud ità difficulter dignoscuntur. Si namquè ab Animalibus Venenosis inflicta sint, ex Ægri relatione innoscunt. Verum à globulo plumbeo, vel telo, vel alio armorum genere si vulneratus sit Patiens, cognoscitur id ex eo, quod in loco vulnerato sensus doloris & punctiōis major sit, partis vulneratæ color naturalis mu-

retur, & in lividum ac nigrum degeneret, moxquē symptomata præter rationem vulneris gravia sequantur; viz. toto in corpore nunc ardor, nunc obstupescencia, & præcordiorum angustia, interdum & tremor ac lypothymia percipiatur. Quamprimum enim Venenum per venas & nervos receptum est, sese in sanguinem & spiritus diffundit, quibus infestum admodum est; unde gravia hæc excitantur symptomata. Quæ quidem Generalia Venenati Vulneris Signa sunt; quibus tamen plurima alia pro Veneni cujusquē naturā accedunt Symptomata.

VI. Cæterum omne vulnus, quod venenato armorum genere, vel à venenoso animali inflatum est, longè gravius & periculosius est, quam quod veneno caret; adeo ut vulnus etiam exiguum venenatum mortem adferre possit, cum magna etiamnum vulnera aliàs sanari queant.

Qualis Curatio
ratio ipsis
competat.

VII. Quoad *Indicationes Curativas*: vulnus, quatenus vulnus, quomodo curandum sit, nunc abundè exposuimus. Sed si spectetur ut venenatum, danda opera, ne altius in sanguinem & spiritus penetret Venenum; dein ut ejus vis infringatur Alexipharmacis.

Primum ergo attendendum, an telum venenatum adhuc intrā vulnus hæreat: omnis siquidem frustra tentatur curatio, nisi id extrahatur; atquē ideo, ut manus operā quamprimum eximatur, laborandum.

Deinceps Venenum ipsum extrahendum, & ad exteriora evocandum. In quem finem Veteres adhibebant *Suctiones*, & qui id præstabant *Psylli* appellabantur, existimabantquē, eos proprietatem quandam habere Venenum Suctione extrahendi, eidemquē resistendi; cum tamen id saltem audaciā præstarent. De hisce Celsus *libr. 5. cap. 27.* ita scribit: „ Si ne id quidem est, homo adhibendus est, „ qui vulnus exugat. Nequē hercules scientiam præci- „ puam habent hi qui Psylli nominantur, sed audaciam „ usu ipso confirmatam. Nam venenum serpentis, ut „ quædam etiam venatoria venena, quibus Galli præci- „ puè utuntur, non gustu, sed in vulnere nocent. Et paulo post: „ Ergo quisquis exemplum Psylli secutus, id „ vul-

„vulnus exuxerit, & ipse tutus erit, & tutum hominem
 „præstabit. Illud, ne intereat, ante debet attende-
 „re, ne quod in gingivis, palatovè, aliavè parte oris
 „ulcus habeat. Hic modus, Venenum è vulneribus &
 ictibus venenatis educendi, in India Orientali nunc
 etiamnum familiaris est, ut sæpius mihi narravit Nob. ac
 Illustr. D. D. van Rheede tot Draakestein, oculatus tes-
 tis; ubi hoc curationis genere multi victum & amictum
 sibi quærent: viz. ex ictibus, moribusvè serpentum,
 aut aliorum venenosorum animalium venenum Suctione
 extrahendo; dum interim ore identidem colluto ac deter-
 so *Limonum Succo*, sese præmunire, ac tutos reddere no-
 runt ad acrimoniam & malignitatem exucti veneni.

VIII. Alii Venenum è vulneribus venenatis, præser-
 tim è moribus ictibusvè venenosorum animalium, ex-
 trahunt *Cucurbitulis*, quæ eo potentius operantur, si pro-
 fundiores adhibeantur Scarificationes. Amotis Cucurbitu-
 lis Gallinam vel Columbam vivam deplumato podice, vel
 per medium sectam, vulneri imponunt.

Alii, si locus affectus nervosus non sit, in venenatis
 vulneribus, carnem undiquè excindunt, vel partem læ-
 sam abscindunt. Et refert Galenus, vinitorem quendam,
 à Vipera morsum, confestim læsum digitum falce absci-
 disse, atquè ità omne periculum evitasse, ac evasisse.

IX. Abluere quoque vulnus utile erit *Aceto acerrimo*,
 aut *Spiritu Vini simplici*, vel *Camphorato*, aut *Aquâ contra Gan-
 granam*, aut *Spiritu Vini in quo Theriaca dissoluta*.

Nonnulli, si vulnus non sit in parte nervosa, ceu effi-
 cacissimum remedium, laudant *Æthnale Causticum*, quod
 vi ignis & Venenum absumere, & ne ad interiora pene-
 tret prohibere valet: atqui curandum, ut citò decidat
 crusta; quod nisi fiat, scalpello separanda, nec ulcus statim
 conglutinandum, at diu apertum servandum, tandem-
 que sensim curandum. Ipsi autem vulneri imponunt
Capam cum Sale, vel *Allium Sylvestre*, vel *Rutam cum The-
 riaca aut Stercore Columbino contusam*, vel tale Empla-
 strum;

R. Ca-

℞. *Caparum collarum* ℥iij. *Theriaces* ℥℥.
Stercoris Caprilli ℥j. *Pulv. Rad. Angelice* ℥i℥.
Olei Scorpionum ℥i℥. *Mellis & Cera* q. s.
M. F. S. A. Emplastrum aut Cataplasma.

Barbette ex Guidone proponit, & laudat hoc, quod sequitur:


℞. *Gummi Galbani, Sagapæni, Opoponacis, Myrrha,*
Aſa Fœtida, Piperis, Sulphuris an. 3vj.
Stercoris Columbini, Anatis an. ℥i.
Mumia ℥℥. *Pulv. Rad. Conſolid. maj.* ℥iij.
Olei Hypericonis. q. s. *M. F. S. A. Emplastrum.*

X. Interea dum hæc ſunt, & quidem ſtatim accepto vulnere, exhibenda ſunt Antidota, quæ Veneno reſiſtunt, idque per latum cutis ſpiraculum, excitato ſudore, expellunt; qualia ſunt *Theriaca, Muſtridatum, Diſcordium, Conſectio Hyacinthorum, Lapis Bezaar, Cornu Cervi, Antimonium Diaphoreticum, Bezoardicum Minerale, Unicornus, &c.* At Venæſectio, & Purgatio nocent ſummopere.

Atque hæc in genere ſufficiunt de Vulneribus Venenatis. In ſpecie de Morſu Canis Rabidi, & de variorum animalium venenoforum, Viperæ puta, Scorpionis, Aranei, Apis, Muſcæ, &c. Morſibus, Ictibusve agere, animus non eſt. De quibus videri poſſunt C. Celfus *libr. 5. cap. 27.* Sennertus *Prax. libr. 1. part. 2. cap. 16. & libr. 6. part. 8.* Hildanus *Cent. 2. Obſ. 98.* & plures alii.

CAPUT XIV.

De Vulneribus Sclopetorum.

I.  Nuſuper ad Contuſa Vulnera non ſineratione referuntur EA, quæ SCLOPETIS inſiguntur. Etenim Vulnus à Glande Sclopetorum factum non ſimplex eſt vulnus, ſive ſimplex continui ſolutio; ſed eſt vulnus cum contuſione, & laceratione plerumque muſculo- rum, vaſorum, partium nervoſarum, ac non rarò quo- què cum oſſium fractura conjunctum.

II. Igi-

II. Igitur Vulnra Sclopetorum Globis inflicta differunt à Vulneribus Acuto Telo illatis, partium, quas Globus pertransiit, contusione & dilaceratione. Equidem differunt huiusmodi vulnra inter se; quod alia magna sint, alia parva; alia profunda, alia minus profunda; interdum globus ex sclopeto emissus partem pertransierit, interdum in parte adhuc hæreat; interdum solus globus in corpus penetraverit: interdum armaturam, vel alias res, per quas transiit, secum in corpus rapuerit.

III. Signa, quibus hæc vulnra in genere cognoscuntur, tradere opus non est; cum sufficiat, cognitum habere, aliquem à globo è bombarda emissio vulneratum esse. Quæ autem partes vulneratæ sint, vel stilo immisso explorandum, vel è partium situ, per Anatomen noto, cognoscendum.

IV. At Sclopetorum Vulnra, quoniam insignem conjunctionem habent contusionem, sunt longè periculiosiora, quam ea, quæ Gladio aut Telo infliguntur. Atque ideo ex quibus vulneribus Gladio illatis multi sanantur, puta ventriculi, intestinorum, vesicæ, &c. ex iisdem Sclopetorum Glande factis rarò quis convalescit. Sed quanquam hæc vulnra sint periculiosiora vulneribus instrumento acuto inflictis; non tamen faciliè Æger deferendus, cum hic natura sæpè miracula faciat, & eos, qui sepulturæ tradendi videbantur, convaluisse observatum sit. Cujusmodi historiæ passim notæ sunt; ac singularem istiusmodi Observationem & Curationem operibus suis quoque subijcit Fabricius Hildanus *post Librum de Combustionibus pag. mibi 935 ad 949.* in qua multa lectu digna narrantur.

Cæterum quo plures partes & nobiliores sunt vulneratæ, contusæ, & dilaceratæ, ac in primis si ossa simul fracta & comminuta sint, eo vulnus est periculosius, & curatu difficilior.

V. Indicationes Curativas horum vulnerum quod spectat: tres sunt. Prima est, Globi, si adhuc parti vulneratæ inhæreat, Extractio. Secunda, contusæ carnis in Pus mutatio. Tertia, quæ reliquis vulneribus communis

munis est, ut vulnus carne impleatur, ac porro cicatrice claudatur.

VI. Primum ergò quæcunque extranea in vulnere fuerint, ut indumentorum frustula, globi, ossium fragmenta separata & pungentia, ac alia quæ conservari nequeunt, ut sanguis extravasatus, caro contusa ac lacera, pus, & similia, si absquæ maximo dolore fieri potest, extrahenda; & hoc faciendum vel digitis, vel volsellis, aut tenaculis, aut forcipibus denticulatis ac rostri instar aduncis, aliisvè similibus instrumentis, uti Cap. 5. latius exposuimus.

VII. Deinde curetur, ut id quod contusum est in Pus mutetur, & à carne sana, partibusquæ sanis separetur. Atqui cum contusæ partes facile putrescant, & hinc gangrænæ periculum immineat, vulgata illa in aliis vulneribus Digestiva & Suppurantia hîc simpliciter locum non habent; præsertim si partes nervosæ contusæ sint, quæ hujusmodi humida & pingua non tolerant, sed sicciora requirunt. Hinc in Sclopetorum Vulneribus à multis laudatur hoc *Oleum Castellorum*; cui mira vis est dolorem sedandi, & suppurandi, si calidum vulneri instilletur:

℞. *Olei Violarum* vel *Liliorum Alborum* ℥iij. in eo coquantur *Castelli* duo nuper nati, ad ossium dissolutionem, addendo interim,

Lumbricorum terrest. in Vino lotor. ℥j.

Coq. simul, & sine forti expressione colentur. In colatura liquefiant,

Therebinthina Venet. ℥iij. *Spiritus Vini* ℥j.

Misceantur.

Utilia sunt & hæc;

℞. *Olei Sem. Lini, Liliorum Alborum an.* ℥iij.

Unguenti Basiliconis ℥j.

Misceantur.

℞. *Therebinthina* ℥iij. *Thuris, Mastichis an.* ℥iij.

Myrrha ℥j. *Olei Hypericonis* ℥ij.

Vitellus duorum Ovorum, Pulv. Croci ℥j.

Misceantur. S. A.

Bar-

Barbette in Sclopetorum Vulneribus sequens extollit :

- ℞. *Therebinthina*, *Galbani*, *Picis Liquida* an. ℥ij.
Mastichis, *Thuris*, *Nutri*, *Salis Armoniaci* an. ℥j.
Aluminis ℥ss. *Viridis Aeris*, *Vitrioli Albi*, *Camphora*,
Pulv. Lumbricorum an. ℥j. *Olei Lini*, *Rosarum* an. ℥ij.
Olei Lumbricorum, *Therebinthina* an. ℥j.
M. F. S. A. Mundificans.

Interim hîc laudandum non videtur consilium Jouberti, Quercetani, aliorumquè, qui Sclopetorum Vulneribus per aliquot primos dies imponi volunt *Mercurium Præcipitatum Rubrum cum Axungia Porci*, aliavè *Pinguedine mixtum*. Mercurius namquè Præcipitatus, præterquam quod contusioni non profit, parti vulneratæ gangrænosam constitutionem addet. Hinc aliquod ex propositis Digestivis potius usurpetur; vel post tertiam, quartam, aut quintam deligationem, haud inutile erit hoc :

- ℞. *Therebinthina Venet.* ℥iiij.
Olei Rosarum ℥j. *Mellis Rosacei* ℥ij.
Pulv. Myrrhæ, *Aloës*, *Mastichis*, *Aristoloch. Rot.* an. ℥i ss.
Farina Hordei ℥ij. *Vuëlos duorum Ovorum*.

Fiat ex his S. A. Digestivum.

Insuper parti sanæ ad dolorem sedandum cogimur quandoquè imponere Anodynum Cataplasma. v. gr.

- ℞. *Herb. Malva*, *Alibææ*, *Hyperici*, *Absynthii*,
Flor. Camomilla, *Meliloti* an. Mss.
Coctis in Lacte Vaccino ad mollitiem, & minimè contritis, add.
Farina Alibææ, *Fabarum* an. ℥i ss.

M. F. Cataplasma.

Circa applicationem verò medicamentorum & hoc monendum, ne turundæ sint nimis crassæ, ut sanici exitum prohibeant, & sic inflammationem, aliaquè gravia inducant symptomata; vel ne nimis longæ sint, ut pungant; vel duræ nimis, ut lacerent. Adhæc si globus totum membrum penetraverit, ut vulnus utraquè parte pateat, utriquè foramini turunda immittatur. In principio etiam una deligatio quovis die sufficit: vulnera enim Sclopeto inflicta rarò ante diem tertium aut quartum pus exhibent:

deinceps puris copia aut acrimonia satis semel, an bis, tervè de die deligatio sit instituenda, determinabit.

VIII. Postquam abundè digestum est vulnus, atquè id quod contusum est, maxima ex parte, in pus mutatum, vulnus abstergendum, carne implendum, ac cicatrice claudendum. Et quidem ubi vulnus purum fuerit, necessaria omninò est carnis generatio; cum contusa caro in pus mutetur, & vulnus omninò cavum fiat.

Ad Abstergentia verò quod attinet, Ea mitiora vel fortiora esse debent, prout major vel minor Puris copia adest, & vulnus vel purius vel sordidius est: quem in finem conducunt *Unguentum Aureum*, *Apostolorum*, & alia in superioribus proposita. Quædam autem Vulnerum Sclopetorum Globis inflictorum exempla, lectu digna, videri possunt apud Scultetum *post Armamenti. Chirurg. Observ.* 27. 53. 58. 94.

IX. Sed in Sclopetorum Vulneribus non rarò contingit, ut *Facies Pulvere Pyrio comburatur, & nigris maculis imadusta, & ficiatur*. Et quidem, explosâ bombardâ, duobus modis per pulverem pyrium Facies læditur, atquè aduritur: nimirum, aut à pulveris flamma, si prope hominem accendatur, vultumque contingat; aut citrà flammam ab ipso pulvere, qui dum in Faciem è sclopeto prospergitur, cutem per vim trajicit, nigrasque maculas ac vibices producit, ut adedò foedum in modum Facies deformetur: si namque grana hujus pulveris integra profundè cuti inhæreant, & non eximantur, maculas istiusmodi pariunt nigricantes & lividas.

X. Quum igitur Facies à pulveris pyrii flamma aduratur, nihilque pulveris cutem trajecerit, omnes jam factæ vesiculæ forfice sunt incidendæ, ut acris humor effluat. Sed cum tali in casu Oculi plerumquè afficiantur, plurimumque interfit Oculorum, summa Visui conservando adhibenda est diligentia: quare sæpius *Lac Muliebre, vel Vaccinum recens ac tepidum* Oculis instilletur, eoque lintamina duplicata vel triplicata imbuantur, Oculisque imponantur.

Loco

Facies pul-
vere pyrio
adusta, &
maculata
quomodo
Curanda.

Loco lactis recentis ac tepidi, Oculis instillari & admo-
moveri potest *Aqua Rosacea*, in qua tantillum *Seminis Cydo-*
niorum & *Fanigraci* maceratum est. Dolor verò si admodum
vehemens sit, imponatur inter duo linteamina hoc, vel
simile Cataplasma:

℞. *Pulpa Pomorum Acidul. repurg. ℥iiij.*
Coq. in f. q. Aqua Rosarum & *Fœniculi*, dein conter. & add.
Mucilag. Sem. Fœnigraci ℥i℥.
Lapid. Hematitid. prep. ℥i℥.
Albumen unius Ovi.

Fiat ex his. S. A. Cataplasma.

Partibus verò Faciei ambustis admoveatur Unguentum
dolorem leniens, cutem combustione induratum emol-
liens, ac cicatrices impediens. Quem in finem Hildanus
in *Tract. de Sclopetaria Curatione cap. 3.* hoc commendat;

℞. *Gummi Elemi purissimi ℥j.*
Olei Ovorum, Amygdalar. Dulc.
Ping. Ursina, Humana an. ℥℥.
Mucilag. Sem. Cydonior. in Aq. Ros. extract. ℥ij.
M. S. A. pro Linimento, quo tota Facies illuminatur.

Scultetus post *Armamenti. Chirurg. Observ. 33.* sequens
valdè laudat:

℞. *Butyri rec. sapius liquefacti, & in Aq. Spertiola lori ℥iiij.*
Olei è Vuellis Ovorum ℥j.
Misceantur pro Linimento.

XI. Si verò pulvis sclopetarius cuti infixus fuerit, is
confestim acu, aliove acuminato instrumento, quantum
fieri poterit eximendus; quodquè hoc modo auferri ne-
queat, id spongiâ Aquâ calidâ imbutâ eluendum, nequè
desistendum, nisi omni omninò pulvere exterso; dein
Facies aliquo ex superscriptis Linimentis inungenda. At
vehemens si urgeat dolor, linteum *Aquâ Rosacea* & *Planta-*
ginis, in qua tantillum *Seminis Cydoniorum* & *Fœnigraci* sit mace-
ratum, imbutum calidè prius imponendum.

Nitratus item Pulvis Oculis inspersus diligenter quo-
que parvâ spongiâ Lacte calido madefactâ eluendus; dein
acquiescendum, omnique alio, vel aciculæ, vel cæto-

rorum instrumentorum usu, cui extra oculos locus est, supersedendum, ne Patiens de visus, vel Cheirurgus de existimationis discrimine laboret. Etenim pulvis hic si Pupillæ fuerit infixus, Vulneratus de visu ut plurimum periclitatur.

CAPUT XV.

D E

Partium Compositarum Vulneribus.

De Vulneribus Capitis.

Vulnerum
Capitis
Differen-
tiæ.



I. VULNERARI potest **CAPUT** pluribus modis: vel enim tantum Cutis afficitur; vel Cutis & Pericranium; vel cum his etiam Cranium, &c.

Vulnera quæ sunt in Cranio, vel totum Cranium penetrant, vel non: quæ penetrant, vel sunt cum Crassæ Menyngis læsione, vel sine ea: si læditur Crassa Menynx, Ea vel sola vulneratur, vel simul cum Tenui Menynge, nonnunquam & incluso quoque Cerebro.

II. Species verò Solutæ Unitatis, quæ in Cute & Pericranio fieri possunt, sunt *Incisio*, *Punctio*, *Contusio*. At in Cranio quinque recenseri solent; viz. *Fissura*, *Contusio*, *Depressio*, *Sedes Teli*, & *Contrafissura*.

III. FISSURA seu **RIMA** est *divisio quadam continui in Cranio tenuis & subtilis, quæ ut plurimum habet circumpositum os collisum & contusum*. Accidit autem Fissura, cum ab instrumento gravi ac contundente, ut lapide, ligno, casu ab alto, & in rem duram impulsu, Cranium ita læditur, ut vasis testacei in modum findatur, seu rimam contrahat. Et semper quidem à re gravi & contundente Rima provenit; nonnunquam tamen simul ab incidente & acuta, ut gladio acuto simul & gravi. Atqui ex Fissuris
aliæ

aliæ utramquæ cranii laminam non penetrant, aliæ totum cranium penetrant; ubi scilicet utraqûe lamina ad crassam usquæ menyngem finditur: cui Fissuræ interdum & hoc accidit, quod menynx ab interna calvaria separatur, unde vasa divulsa sanguinem effundunt, qui sub cranio collectus, nisi via ipsi ad exitum patefiat, Ægrotanti extremum diem adfert. Vel ubi utraqûe cranii lamina ad menyngem usquæ finditur, non rarò cranii frustula abscedunt, quæ menyngem comprimunt, pungunt, & variis modis afficiunt, unde gravia, imo lethalia succedunt accidentia. Equidem externa cranii tabula finditur quandoquæ, illasâ internâ. Vel interna Rimam seu Fissuram contrahit, tabulâ externâ manente integrâ, cujus rei exempla citant Fallopius in *libr. Hippocr. de Vulner. Capitis cap. 12.* Scultetus *post Armament. Chirurg. Obs. 14.* Tulpus *Obs. Med. libr. 1. cap. 2.* Atquæ in interna hac cranii lamina, externâ remanente integrâ, Fissura oriri potest, quando exterior lamina tantum contunditur in seipsam cedendo, inferior verò lamina cum durissima sit, cumquæ propter summam ejus durtiem in se cedere non possit, Rimam contrahit.

IV. Secunda solutæ unitatis in Cranio species est **CONTUSIO** seu **COLLISIO**, cum sine rima & fissura, ab irruente & illiso extrinsecus violenter, aut obstante aliquo duro & obtuso corpore, os ita contunditur, ut, etsi externa ejus facies ad sensum permaneat integra; in profundo tamen sit continui solutio, dum intus deprimitur, & in se cogitur Cranium; ut idem ferè ei contingat, quod carnibus, dum à re dura & gravi læduntur, accidere solet.

V. Tertia differentia est **DEPRESSIO** seu **INTROCESSIO**, cum finditur Cranium, sed non, ut in simplici fissura, in suo loco manet; verum intrò cedit: id quod fit ex validis obtusorum telorum, lapidum, fustium ictibus, vel capitis ex lapsu ad rem duram obtusam vehementiore allisione. Equidem deprimitur interdum Cranium sine rima & fissura, quod in puerorum capitibus, quorum ossa sunt molliora, ferè accidit. In adultis

ultis verò Rimam introcedendo plerumquè contrahit: quorum enim ossa sunt duriora, in iis vix deprimi potest Cranium, quin simul frangatur.

VI. Quarta est SEDES, SESSIO, VESTIGIUM, cum à Telo Acuto Cranium læditur, ita ut aciei Teli impressum vestigium, & sedes, qua parte Telum infedit, manifestè appareat.

VII. Quinta & Ultima solutæ unitatis in Cranio differentia vulgò censetur CONTRAFISSURA, qua findi Cranium dicitur in parte opposita illi, in qua ictus fit. Hanc Hippocrates videtur describere *libr. de Vulneribus Capitis*, cum sic ait: „os sub vulnere frangitur alia capitis parte, quam qua vulnus est, & os nudatum est. Atquè ex hoc Hippocratis loco plurimi de hac Fissuræ specie non dubitarunt; eamquè Nic. Fontanus *annot. in cap. 1. Epitom. Vesalii*, etiam confirmare nititur exemplo pueri, qui è muro quindecim pedes alto ceciderat, in quo Fractura cum multis Fissuris mox deprehensa fuit circa Musculum Temporalem; sed secto post mortem Cranio, adhuc duæ aliæ Contrafissuræ in latere opposito repertæ sunt. Equidem hæc Contrafissuras Fallopius *de Vulner. Caput. cap. 13.* Galenus, Paulus Ægineta, & plures alii strenuè negant: quibus & nos calculum nostrum addimus. Enimverò Fissura in Cranio contingens se non extendit ulterius, quam per unum os, & ad proximam futuram sistitur.

Quantum ad citata Hippocratis verba: ille non loquitur ibi de Contrafissura, sed docet, interdum pus sub cranio alia parte colligi, quam qua os fractum est: aut saltem non dicit in parte opposita semper Cranium frangi, sed alio loco, quam quo vulnus est, osquè nudatum fuit; & addit, non scire posse Medicum, ubinam malum hæreat, & quam parte vulneratus sit Æger: cum tamen facile id sciri posset, si in contraria parte semper læsio esset.

Signa
Vul-
nerum
Cap-
itis
Dia-
gnostica.

VIII. *Diagnostica Vulnerum Capitis Signa* quod spectat: Ea quæ partibus Cranio superpositis accidunt, & *Cutis, Carnisque Vulnera* dicuntur, vel ipsò intuitu, vel saltem specilli inda-

indagine patefiunt. At *PERICTANINUM* fi fimul vulneretur , graviora accedunt fymptomata , præfertim quum incauté à Barbitonfore pinguia admoveantur medicamenta ; quælia funt dolor vehemens , capitis totius inflammatio , febris continua , fopor , &c. Cæterarum verò partium læfiones non ità facilitè innotefcunt ; æquè petuntur primum ab effectis feu fymptomatibus , quæ plagæ fupervenire ftatim folent. Ipfa Calvaria cum offea planè fit , fenfusquè per fe expers , nequè dolorem , nequè aliud grave fymptoma excitare poteft ; fed tantum ex Menyngum & Cerebri compreffione , punctura , lancinatione , mala accidentia oboriri folent : de quibus C. Celfus *libr. 8. cap. 4.* „ pertusâ calvariâ , protinus requirendum eft , num bi- „ lem is homo vomuerit , num oculi ejus obcæcati fint , „ num obmutuerit , num per nares aurefve fanguis ei „ effluerit , num conciderit , num fine fenfu quali dor- „ miens jacuerit. Hæc enim non , nifi offe fracto , eveniunt. Quibus addi poteft oculorum rubedo , vertigo tenebrico- fa. Augetur fufpicio , fi *Æger* in percuffionis actu ftridorè quali fracti offis perceperit. De his etiam loquitur Hippocrates *Sect. 6. Aphor. 50. Sect. 7. Aphor. 14. 24. 58.*

Verum Signa hæc etfi propria , equidem infeparabilia femper non funt : atquè accidere poteft , ut fracto etiamnum Cranio nihil iftorum appareat ; fi fcilicet fractura fit parva , & caput robustum. Teftatur quoquè Paræus , ex enumeratorum fignorum abfentia non ufquè aded firmiter illæfam effe calvariam pronunciari poffe , dum multis Cranium fractum fuiſſe fatetur , quibus nihil tale ab ictu fupervenerit. Memorabile exemplum narratur ab Hildano *Cent. 5. Obſerv. 24.* de ruftico in capite vulnerato , cum fractura cranii , & læfione atquè effluxu cerebri fubftantiæ ; in quo viro nihil planè illorum fignorum , quæ auctores requirunt , apparuit toto morbi decurfu , præter fymptomaticam febriculam , quæ brevi ceſſavit.

Equidem horum fymptomatum quædam ut plurimum ftatim invadunt ; viz. fubitus in terram lapfus , vertigo ,

Ll

oculo-

oculorum caligo, vomitus biliosus, sanguinis è naribus, auribusvè, aut ore fluxus, aphonia; quædam postmodum superveniunt, ut convulsio, febris, delirium, sopor, paralyfis.

IX. Adhæc Signa quoquè desumenda sunt ab omnibus iis, quæ ad contusionem efficiendam concurrunt. Percutandum igitur, num facta sit percussio lapide, ligno, aut ferro, & num levi vel ponderoso, aspero vel leni, vehementer aut leviter, num Patiens sit juvenis vel senex, robustus vel debilis, num habuerit caput sanum, an malè dispositum, &c.

X. Veruntamen ipse Sensus, fidelissimus testis, Fracturas deregit, & hîc Hippocrates jubet, ut Medicus, priusquam aliquid tentetur, quo Ægrum & adstantes sibi confidentiores reddat, primò capillos consideret. Si enim hi Telo sunt disseci, & ipso in vulnere continentur, ossis denudati & læsi signum id esse docet. At certior explorandi modus est, qui fit per specillum.

C. Celsus specillo contentus non est, & licet nec minima Rima appareat; tamen si ex Teli vel Ictus conditione, & supervenientibus symptomatibus de Cranii Fractura suspicio sit, ossi atramentum scriptorium inducere jubet, & postea os radere. Quod enim fissum est, quia nigrum colorem in se recepit, nigrum manet, reliquum verò rasurâ album fit, & naturalem colorem acquirit. Atquè repertam hoc modo Fissuram porrò radere secundum profunditatem oportet: si enim ratiōne omnis nigredo eximatur, indicio est Fissuram minorem esse; sin deleri nequeat, profundius penetrat.

Quidam præter hæc signa, etiam his utuntur: sumunt *Thuris*, *Cera*, *Ladani an.* ʒij. *Therobinthina*, *Aœti*, *Farina Fabarum an.* ʒj. Hæc mixta imponunt capiti derafo, in loco contuso, & sequenti die auferunt: siquè medicamentum in una parte magis, quam in alia, siccatum appareat, ibi os fractum subesse dicunt.

Alii volunt, ut Patiens in una extremitate filum dentibus apprehendat, in altero extremo manu teneat, idquè dein

dein baculo vel digito percutiatur: hinc si *Æger* in aliqua capitis parte dolorem sentiat, ibi os fractum esse putant.

Nonnulli suadent, ut *Æger* dentibus amygdalum vel nucem frangat, & ubi dolor sentitur, ibi os fractum censent. Sed incerta esse ultima hæc signa, exemplo docet *Scultetus post Armament. Chir. Obs. 19.* Scribit quoque *Paræus*, etsi utrumque sæpius tentaverit, horum tamen signorum veritatem experientiâ non potuisse comprobare.

Insuper Calvaria interdum non frangitur in loco confuso, sed in parte vicina; & talis Fractura in principio cognosci non potest, verum in progressu ex accidentibus, ut sunt bilis vomitus, vertigo, obcæcatio, &c. demum constat. Hisce enim præsentibus, si in loco, ubi cutis discissa est, Fractura non appareat, alia in parte considerandum, num locus sit mollis, num tumeat, num doleat: hæc ubi apparuerint, cutis protinus incidenda, sub qua os fractum non rarò reperitur.

XI. Quoad *Prognosin*: quæ vulnera etsi per se periculosa non sint, præcipuè cuti & panniculo carnosio inflicta, nemoque ex iis, si rectè tractentur, moriatur; tamen nec illud male dicitur: *nullum Capitis Vultus contemnendum esse*, quod monuit *Hippocrates in proœmio libr. de Vulner. Capitis.* Atque idè in iis curandis, quam in aliarum partium cutaneis, & non profundis vulneribus, plus diligentiae adhibendum; cum, si quid negligatur, magnum sæpè accersatur periculum.

XII. Si Cranium quocunque modo læsum sit, periculo non vacat, nec vulnus contemni debet; etiam ubi omnia bene se habere videntur: scribitque *Paræus*, & à veteribus proditum, & experientiâ confirmatum esse, in Cranii Fractura neminem extrà periculum positum censerì debere, nisi post centesimum diem. Minus tamen periculi est, si externa saltem tabula læsa sit; & minus adhuc, si incisa solum: confusio verò majus conjunctum habet periculum.

Si verò utraqùè lamina divisa sit, totaqùè aperta calva-

ria, majus adest periculum : minus, si sit Sedes Teli, aut lata & ampla Fissura : majus, si Fissura sit angusta : adhuc majus, si sit Contusio & Rima simul ; ac imprimis si Rima illa sit angusta : maximum periculum est, si Rima sit in alia parte ab ea, quæ ictum exceperit.

Augetur periculum, si præter Cranium & Craffa Menynx ; ac præsertim si simul Tenuis Menynx, & ipsum Cerebrum læsa sunt : & quo vulnus profundius penetrat, eo periculosius est.

Insuper & hinc considerata sunt aëris ambientis, regionis, ipsius vulneris conditio, aliaque accidentia. Atque hinc æstate capitis vulnera sunt periculosiora, ob imminenti inflammationis metum : hyeme quidem etiam ob frigus ; quod tamen aëre igne temperato faciliè evitari potest. Etiam in humida regione capite vulnerari plus periclitantur, quam in sicca.

XIII. Cæterum in occultis Rimis & Contusionibus summe periculosum, si inter duas cranii tabulas diploë compressa sit, sanguinisquè aliquid effundat ; qui eo loci putrescens ossis corruptionem adfert, ut interdum non solum aliquot post acceptum ictum hebdomadibus, sed & mensibus, nihil mali suspicans Æger moriatur ; cujus rei notabile exemplum habet Petrus Pavius *in comment. ad Hipp. de Vulner. Caput.* de quodam, poculo stanneo in capite percusso, in quo nulla fissura deprehensa fuit ; & vulnere consolidato Æger benè se habere putans, post decimum mensem inter deambulandum vertigine correptus concidit, neque diu post obiit. Aperto Cranio deprehensum est, os in loco ictus planè corruptum fuisse, & Menyn-gem in consensum traxisse. Haud ab similem historiam refert Sculterus *post Armament. Chirurg. Obs. 7.* cujusdam rustici, qui ab aliis pugnis exceptus, validè in nudo capite percussus fuit, crebrosque ac vehementes ictus sustinuit ; quod tamen magni non æstimavit, & per aliquot dies consueta munia obiit, quamvis dolores non parvos ex percussione senserit. Quid sit ? ingravescentibus postmodum symptomatibus, rusticus hic centesimo demum die,

die, ob intermissum trepani usum, ivit unde redire negant quenquam.

XIV. Porro vulnera in media capitis parte periculosissima censentur; in occipitio contra sese res habet; in parte anteriore, *hoc est*, in fronte medio modo se habent. Item quæ ad Sutures fiunt plagæ, sunt periculosæ, cum propter Cranii eo loci imbecillitatem, tum propter Crassam Menyngem, quæ fibris ibi annectitur.

XV. Igitur Capitis Vulnerum Differentiis, Diagnosticis, & Prognosticis abundè expositis, ordo nos ducit adeorundem Curationem, tum generalem, tum specialem. Enimverò varia & diversimoda quum sint capitis vulnera, diversæ quoque erunt illorum Curationes; quas singulatim describere oportet, initium ducendo à *Simplex Capitis Contusio*. Est autem *Contusio* interna alicujus partis solutio continui, & collisio, cute plerumque manente integrâ, quæ fit à re gravi, dura, & obtusa, quam sequitur *ἰσχυρῶς & ἰσχυρῶς*, sanguinis scilicet subier cutem effusio. Hæc in Capite fit, cum vel fuste, vel aliâ re obtusâ id percutitur, vel ex casu rei duræ ac non acutæ alliditur, & cute plerumque integrâ, exigua subcutanea vascula aperiuntur, sanguisque ex iis effunditur; unde *Tumor mollis, lividus, absque magno dolore excitatur*. Qui si ritè tractetur, omni vacat periculo. At si vel *Pericranium*, vel *Cranium* afficiatur, vel si *Musculi Temporales* contundantur, non rarè gravia, imò & lethalia quandoque succedunt symptomata, puta delirium, paralytis, convulsio, &c. qualia exempla habet Glandorpius in *Spec. Chir. cap. 10. 11. 12.*

Simplex
Capitis
Contusio
quomodo
fiat, & qua
ratione
Curari
debeat.

XVI. Ut autem *Curetur Simplex Capitis Contusio*, humorum affluxus est prohibendus, dolor si adsit mitigandus, & sanguis sub cutem effusus evacuandus. Eum in finem nonnulli Repellentia & Adstringentia adhibere solent, locumque affectum *Oleo Rosaceo* inungunt; deinde *Ovi Albumen bene conquassatum, vel solum, vel Aquâ & Aceto Rosarum mixtum, & stupâ exceptum* imponunt, & istiusmodi plura applicant. Sed ut ut fatear, non video quo jure

taliam prodesse possunt; quandoquidem poros obstruendo, hinc exhalationem impediendo, humorem extravasatum in parte affecta detinent magis, quapropter Discutientia & Resolventia, simulque partem affectam Roborantia potius usurpentur. Et quidem, si Contusio magna sit, calidè admoveatur hoc, vel simile Fomentum, ac identidem renovetur:

R. *Fol. Betonica* Mij.

Rosmarini, *Majorana*, *Mentha*, *Ruta*,
Flor. Anethi, *Camomille* an. Mj.

Rosar. Rubr. Stachad. Arab. an. Mß.

Bacc. Lauri, *Juniperi* an. ʒß.

Sem. Cumini ʒiij. *Vini Gallici* ℥iiij.

Cog. S. A. in Diplomate, pro Fomento.

Forestus *Lib. 9. Observ. 32.* laudat Cataplasma Helidei, quod mirum in modum humiditatem in contusionibus discutere ait;

R. *Herb. Absynthii*, *Betonica*,

Flor. Camomille, *Rosar. Rubr.* an. Mj.

Costis ad mollitiem, & dein contusus, add.

Farina Fabarum ʒiij.

Olei Rosacei, *Vini Nigri stiptici* an. q. s.

M. F. S. A. Cataplasma.

Jacobus à Roonhuyfen ad omnes capitis contusiones hoc suum Emplastrum admodum extollit:

R. *Cera Flava*, *Emplastri Diachalcitæ* an. ℥ß.

Olei Myrtillorum, *Rosarum* an. ʒiij.

Laurini ʒij.

Pulv. Myrtillorum ʒij. *Sem. Cumini* ʒvj.

Fiat ex hisce Emplastrum.

Si Contusio nimis magna non sit, mox ab ictu locus affectus inungatur Oleo Cera, ac imponatur Emplastrum à Cumino, aut de Spermate Cati, vel, si affluxus humorum metuitur, Emplastrum Defensivum. Et sanè hoc modo Contusiones ingentes, quæ pueris ex casu contingunt, non rarè sanantur. Loco olei ceræ utitur nonnunquam Forestus Oleo Anisi.

XVII. Si

XVII. Si verò ob sanguinis extrà vascula effusi copiam, is totus discuti nequeat, & suppuratio impediri non possit, tumor statim incidendus, & contentus intus humor educendus, ne pericranium, eiquè subjectum cranium corrumpat; uti observavit Scultetus *post Anam. Chr. Obs.* 16. in puero, qui ex capitis contusione, tribus mensibus, instante novilunio, convulsionibus vexatus fuit: à quibus tamen, capitis sectione ad cranium usque factâ, & evacuatâ materiâ ibidem hærente, nec non cranio nigro ac aspero debite derafo, curatus fuit. Sed & magna Capitis Contusio in prima curatione non rarò aperiri debet, cum subjectum Cranium nonnunquam fractum sit, ejusquè fragmenta Crassam Menyngem vellicent, atquè ideo eximenda; cujus rei notatu dignum describit exemplum Jobus Meekeranus *Observ. Chirurg. cap. i.*

XVIII. At verò vulneratur quandoquè Caput simpliciter, hoc est, cranio manente integro: viz. ubi *solummodo cutis, panniculus carnosus, musculi, nonnunquam & pericranium leditur.* Quo in casu indagandum, quousque tale vulnus penetret. Si namque sola Cutis sit læsa, nulla alia Curandi ratio est, quam quæ cæteris cutaneis debetur vulneribus. Nimirum sanguis, si vehementer fluat, sistendus, capilli circa vulnus abradendi, & vulneris labia unienda, unitaque servanda aut suturâ, aut potius medicamento agglutinante. Reliqua autem capitis vulnera, quæ sunt cum Pericranii læsione, tutò non consueunt, nec agglutinantur; sed per carnis generationem curari debent.

XIX. Cum igitur primâ læsionis horâ ad Vulneratum, ex sola Pericranii incisione, vocatus fuerit Medicus, vulnus statim carpiâ ficcâ impleatur, quo sanguinis fluxus comprimatur, ac disjuncta teneantur vulneris labia; capiti verò mappis laneis imponatur Fomentum in Contusionis Curatione propositum; Vel,

R. *Herb. Beonica* Mij.

Rosmarini, Majorana, Membræ an. Mj.

Flor. Camomilla, Stachad. Arab. an. Mß.

Bacc. Juniperi ʒß. *Vini Albi* ℥iij.

Cog. S. A. in Diplomate, pro Fomento.

Curatio
vulneris
capitis
simplicis;
hoc est,
sine cranii,
menyn-
gum, &
cerebri
læsione.

Al-

Altero die, sanguine cohibito, capillisquē in ambitu derasis, vulneri imponantur petiæ Digestivo *ex Therebinthina, Ovi Vitello, ac Mellis Rosacei & Spiritus Vini tantillo*, illitæ, desuper applicandum *Emplastrum Diapalma*, vel simile, & superponendum Fomentum: atquē ita pergendum, donec Pus appareat bonum; quod est album, & non foetidum. Quo apparente, pro vulneris mundificatione Digestivo aliquod *Detergens* admisceatur, donec omninò deterfum ac mundatum fuerit; tuncquē carnis generationi studeat Cheirurgus, quapropter Unguentum *Basilicon*, Balsamum Peruvianum, similevè *Sarcoticum*, filamentis aridis inductum apponat, desuper *Emplastrum*, deinde Fomentum, convenientemquē fasciam. Atquē hisce utendum ad perfectam usque carnis generationem; hinc vulnus cicatrice obducendum.

Historia vulneris, in quo capitis cutis ad Pericranium usque divulsa erat, sic ut tota ab occipitis initio in frontem & faciem dependeret, curati, habetur apud Paræum *libr. 10. cap. 15*. Haud absimile exemplum citat Petrus de Marchettis *Obs. Chir. 16*. pueri septem annorum, cui capitis cutis urfi unguibus cum Pericranio, ad futuram usque lambdoidalem discerpta erat, succrescente in ejus locum alio tegmine, priori analogo, cum capillis.

XX. Quod si detectum sit Cranium, atquē ab aëre ambiente vel alteretur tantum, vel etiam nigrescat, undique tunc abradendum vel ad coloris mutationem, vel donec sanguis ex eo dimanet: ossi verò derafo *sicca carpia* imponenda; ac vulnus porrò, ut artis est, tractandum.

At Cutis & Pericranii vulnus si sit cum Contusione, & valdè angustum, incisione dilatandum est; sique post vulneris dilatationem Instrumenti Sedes in Cranio appareat, Scalpris abradatur.

XXI. Sed quum vulneratur Cranium ipsum; vel læditur ab instrumento incidente aut perforante, idque fieri non potest, nisi cum vulnere ipsius cutis; vel ab instrumento contundente, & hoc fieri solet aliquandò sine cutis vulnere, nonnunquam cum ejus apertione. Præterea

Curatio
solutæ uni-
tatis in cra-
nio, sine
menyn-
gum &
cerebri
laxione,

terea Fractura seu Rima vel totum apprehendit, fran-
gitquè Cranium, vel definit in aliqua Cranii parte.

XXII. Si igitur Medicus ad curandum vulnus capitis
cum denudatione Cranii fuerit vocatus, quamprimum
capillos abradat, & ossis statum vel stilo exploratorio, vel
oculis, vel utrisque simul quam diligentissimè perquirat;
siquè Fracturam vel Rimam invenerit, aut ex anteceden-
tibus & præsentibus symptomatibus fracturæ suspicionem
habuerit, aut saltem de fractura dubitaverit, vulnus sta-
tim in formam crucis aut trianguli dilatet, ut denudatum
Cranium necessarias manuum operationes per Scalpra aut
Terebram admittere possit.

XXIII. Vulnere satis dilatato, Cheirurgus quampri-
mum ejus labia & ipsum Pericranium, vel obtuso aliquo
instrumento, vel unguibus à Cranio separet, super os
filamenta arida ponat, ac reliquum vulnus carpiâ siccâ im-
pleat, non solum ut sanguinis fluxus sistatur; verum
etiam ne vulnus concidat, utquè in proximum diem ab-
undè pateat. Atqui Rima si tunc appareat, Scalpris Cra-
nium abradendum, donec Rima penitus deleta sit, osquè
sub ea album & sanum appareat; quod certissimum signum
est, Rimam non penetrasse.

Rima seu
Fissura non
penetrans
si sit in
Cranio,
quomodo
deleri de-
beat.

Ossi deraſo filamenta arida sunt imponenda, labiisquè
Digestivum, vel Sarcoticum aliquod Unguentum, desu-
per Fomentum, & conveniens Fascia.

XXIV. Quod si Medicus, dum sic Scalpris operatur, Fissura si
inveniat Rimam Cranii utramquè laminam penetrare, utramquè
eamquè gravia comitentur Symptomata, quæ collectam Cranii la-
minam Menyngem materiam arguunt, minam pe-
remotis scalpris, mox Trepano Cranium est perforan-
dum, juxta Hippocratem *text. 2. de Vulner. Caput.* „ post-
„ quam scalpro os deraſeris, si tibi exigere sectionem vi-
„ detur, secare debes, nequè pati, ut res tertium diem
„ excedat, priusquam feces, sed intrâ id spatium secabis.
Ab initio enim neglectâ perforatione, propter compres-
sionem, aut punctionem Menyngum ab ossiculis factam,
augetur dolor, & membranæ inflammatione corripun-

Fissura si
utramquè
Cranii la-
minam pe-
netret, quid
agendum.

Mm

tur:

tur: hinc febris, delirium, vomitus, spasmus, paraly-
sis, aliæque accidentia, imò & mors ipsa, celerrimè super-
venire consuevere. Hildanus *Cent. 4. Obs. 4.*

Nonnulla circa Capitis Vulnèra, cum Cranii Fractura,
observanda, magni momenti, & notatu dignissima, habet
Petrus de Marchettis *Obs. Chir. 15.* ubi inter cætera docet,
si Rima, vel Sedes Instrumenti descenderit ad Diploëan,
omniò deveniendum esse ad Terebrationem, nullo licet
alio præsentè symptomate. Quod idem affirmat Scultetus
Observ. 2.

Quæstio? XXV. Sin plaga in Sutura contigerit, quæritur, *an*
Cranium in ipsa Sutura liceat perforare? Hildanus negat, at-
què varias pro sua sententia adfert rationes *in Epistola à*
Joh. Fredr. Werdenburgio M. D. post Observ. 8. Cent. 2. inserta.

Joh. Babbista Cortesius *comm. in Hipp. de Vulner. Capit.*
inquit: „casu ità expostulante verendum non est, ad
„perforationem supra Suturam devenire: majus enim in-
„commodum accidit Vulneratis ex dilatatione atquè se-
„ctione cutis, & Pericranii à subiecto ossè separatione,
„quam ex operatione in suturarum regione. Huic adsti-
pulatur Jacobus Berengarius *de Cranii Fractura cap. 36.* ubi
testatur, se aliquoties operationem hanc fecisse, eiquè
ex voto semper successisse. „Nec est (porrò inquit) tam
„grande periculum in commissuris operari, sicut aliqui
„dicunt: videmus enim cauteria fieri in commissuris, &
tamen nullum sequitur nocumentum.

E contrario Cæsar Magatus *de rara Vulner. Medicat.*
Lib. 2. Cap. 33. ait: „si Rima ad Suturas facta fuerit, os
„perforare oportet utraqùè ex parte suturæ, in sutura
„verò fugienda est terebratio, sicut & abrasio. Fallopius
quoquè *in Hipp. de Vulner. Capit. cap. 19* vult, ut prope su-
turas Cranium trepano perforetur, non in suturis.

Petrus de Marchettis *Obs. Chir. 16.* non tantum vult ab
hac perforatione supra suturas cavendum esse, sed etiam
juxta ipsas, utpote perniciosâ. Quinimo si vulnus fuerit
inflictum supra suturas, cum levi earundem labe, lethale
plerumquè esse ait.

Joh.

Joh. de Vigo *Pract. part. 2. libr. 1.* inquit: „ si percussio „ supra commissuram evenire contigerit, dico utramquæ „ partem ossis esse perforandam; viz. in dextra & sinistra „ parte commissuræ, & hujusmodi instrumento semper „ commissuram intactam relinquendo. Et sanè si plaga ad Suturam contingat, sic ut Cranium ibidem deprimatur, & quandoquæ etiam findatur, adeoque & Trepano particula ossis excindenda sit; nunquam in futura, verum ab utraquæ parte juxta suturam Cranium erit perforandum, ne Crassa Menynx, quæ ipsis commissuris inhæret, la- ceretur.

XXVI. Quando igitur ictus ratione, ex instrumenti qualitate, & supervenientibus symptomatibus, certum est, Fissuram penetrare, tunc magnâ sanè diligentia explorandum, *an Rima sit satis lata pro evacuatione materia, quæ per ipsam ad Crassam Menynge[m] defluxit, nec ne?* non satis lata Cheirurgiam per *Trepanum* instituendam expetit, quo per factum in Cranio foramen exire possit & evacuari tum sanguis, tum sanies, quæ præter naturam sub eo continetur. Igitur, deasis capillis, cutis unâ cum Pericranio Novaculâ est incidenda (nisi à vulnere divisa fuerit) in formam crucis aut trianguli. Hoc facto, Pericranium à subjecto Cranio unguibus, aut *Separatorio* instrumento diducendum: ne verò vulneris labia iterum ad se invicem accedant, & nudatum os tegant, impositis plumaceolis diducta sunt servanda. Hinc altero die, situato ut decet *Ægro*, ministrorum unus caput teneat quam firmissimè, ne vacillet; tum Cranium aperiendum, & Trepano prope Rimam, in loco decliviore, pro faciliore exitu materiæ supra Crassam Menynge[m] collectæ, perforandum. Primò nimirum adhibendus *modiolus mas*, in cujus medio *clavus* est, & debitè circumvolvendus, donec tale Cranium imprefferit vestigium, ut ei modiolus firmè insistere possit. Dein remoto mare, Trepani veribulo *modiolus femina* dictus est adaptandus, qui fortiter & æqualiter quoquæ circumvolvendus, & per intervalla ab osse auferendus, tum ut scobs è crenis modioli auferri

Modus
Cranium
Trepano
perforandi
exponitur.

M m 2

possit;

possit; tum ut queamus examinare: quousque penetra-
verit instrumentum. Signum autem certissimum, ad Di-
ploën seu Meditullium nos pervenisse, sanguis præbet ex
ejus arteriolis læsis erumpens; unde jam valde prudenter,
& suspensâ manu perforatio est continuanda, ne crassa
menynx à demergente modiololo offendatur. Ubi vacillare
incipit officulum, non solum cautius & mitius terebra
comprimatur, verum etiam sæpius eximatur, ad con-
jectandum, quantum ossis perforandi adhuc superfit;
quum autem undique æqualiter modiololum penetrasse
specillo lato cognoverimus, tentandum est, an blanda vi
officulum *volvellâ* auferre possimus. Quo facto, foraminis
in ambitu asperitas læviganda *Lenticulari* instrumento.
Atqui, ut sanies exire commodè possit, *Decussorio* dicto
est deprimenda crassa menynx, *Æger*què interea clausis
ore & naribus spiritum contineat, sic ut materia inter
Cranium & Menynghem profundius contenta egredi
possit.

Hiscæ ità peractis, supra Crassam Menynghem per fora-
men dimittatur linteolum ex serico rubro, vel lineo albo,
instar orbis rotundum, filo alligatum, ut extrahi possit,
& *Melle Rosaceo*, additâ *tertiâ vel quartâ parte Spiritus Vini*,
immersum; ut membranam mundam servet, eamque ob
pulsationem ab allisione ossis defendat. Linteo immisso,
foramini globulus ex aridis filamentis inserendus, ne pus
in vulnere genitum ad Menynghem descendat: ossi denu-
dato linamenta arida, at labiis Digestivo quodam illita ad-
hibenda; tandem conveniens fascia superliganda.

Alii loco Mellis Rosacei cum Spiritu Vini crassæ me-
nyngi cum linteolo imponunt *Balsamum Pernuvianum*, quod
hoc in casu valdè laudant.

Fissura si
admodum
lata sit,
quomodo
tractanda.

XXVII. At Fissura si hiât ità, ut pus per eam liberè
possit expurgari, neque perforatione Cranii, neque dila-
tatione vulneris per scalpellum opus est: unde eos animad-
versione & reprehensione dignos meritò judicat Chalmè-
tæus, qui non tantum in parva Cranii Fissura, verum
etiam in maxima Rima satis audacter modiololum adhibent;
quo

quo errore curatio in longum tempus protrahitur, cum summo Ægrotantis damno, & Medici famæ detrimento.

XXVIII. Cum verò Cranium sub Musculo Temporalis Rimam contraxerit, haud secus procedendum, modo incisio in Musculo Temporalis fiat ad ductum fibrarum. Ita Petrus Pavius *comm. in Hipp. de Vuln. Capitis*, si necessitas exoptulet, etiam Tempora dividere, & Ægrum omni ope non destituere, jubet: refertquæ se vidisse alâ molæ puero ita contusum Tempus dextrum, ut aliquot pertuli ossis fragmenta per vulnus eximerentur; nihil tamen incommodi toto curationis tempore patiente puero: imo Tempora aperiri manu Chirurgi non semel vidisse absque ullo symptomate. Sed duo hic monet: primum, ut non nisi summa urgente necessitate Tempora dividantur: deinde, ut novacula semper secundum ductum fibrarum Musculi Temporalis ducatur.

Cranium
quum fissum sit sub
Musculo
Temporalis, quid faciendum.

Exemplum vulneris capitis in Musculo Temporalis cum Rima Cranii latissima, & Duræ Matris Inflammatione, curati, videre est apud Scultetum *post Armat. Chirur. Observ. 3.*

XXIX. Sin Punctura seu Sedes Instrumenti sit in Cranio, eaque non penetrans utramquæ laminam, Cranium abradendum, quousquæ Punctura penetret, uti in Cranii Fissura Capillari & non penetrante fieri solet: vel *Terebrâ Triformi* Punctura ampliatur, & deleatur ejus vestigium Calvariæ impressum. Quum verò utramque perforet laminam, Cranium aperiatur Modiolis, adhibendo ipsi puncto clavum modioli maris, donec vestigium aderit, cui modiolus foemina insistere possit.

Punctura
seu Sedes
Instrumenti
in Cranio
qua ratione
sit tollenda.

XXX. Interdum quoquæ accidit, ut Cranium, integrâ manente cute, patiatur Depressionem, nonnunquam simplicem & citrà Rimam, interdum cum Rima seu Fissura. Depressio citrà Fracturam in solis pueris contingit; at in adultis Introcessio vix unquam fit sine Fissura, propter summam Cranii duritiem.

Igitur Cranium in pueris sub illæsis integumentis si depressum sit, ita ut tangentibus vel intuentibus Fovea Cranii,

Depressio
Cranii.

sine Rima,
in pueris,
quomodo
Curanda
sit.

mediocris, quam nulla prava sequuntur symptomata, appareat, ab omni Cheirurgia abstinetur: at capilli circa depressionem tantum abradantur, & Fomentum aliquod Cephalicum calidè cum pannis lancis applicetur, identidemque renovetur, quò solò in pueris simplex Cranii Depressio, sine Rima, plerumquè curari solet. Hac de re Cæsar Magatus de *rara Vulnerum Medicatione libr. 2. cap. 19.* sic loquitur: „Compertum est etiam experientiâ, non „semper ad ossis introcessionem sequi prava symptomata. „Habui ego præ manibus puellam, annum circiter septimum agentem, cui ex casu in frontem os effatu digna „quantitate introcessit, & nullum omninò supervenit „symptoma. Habui etiam puerum, annum circiter decimum agentem, cui ex casu in synciput versus latera „os introcessit ad unguis minoris digiti quantitatem, & „nullum supervenit symptoma. Adultum etiam vidi ab „ossis introcessione in fronte convaluisse, licet minimè „elevatum fuerit os depressum, & fovea remanserit. „Quo fit, ut existimem non supervenire mala symptomata, nisi compressioni adjunctum sit aliquid, quod „membranam pungat, aut quando etiam sanguis supra „membranam effusus sit, aut compressio fuerit insignis, „itâ ut cerebrum comprimatur. Haud secus Petrus de Marchettis *Observ. Chir.* 8. refert, se puerum septem annorum curasse, cum insigni depressione in fronte, quam attollere non potuit; sed Rimam, quæ aderat, Scalpro Deraforio dilatavit, & cætera lege artis peregit. Et *Obs.* 9. scribit de quadam puella, quæ in postica capitis parte insignem ossis depressionem passâ est, & tamen sanata fuit, superstitè insigni foveâ, sine ullâ noxâ. Non proinde, ait, metuendum admodum pueris hoc modo contusis, ob mollitiem ipsius Cranii. At rarius est, quod habet Scultetus *post Armament. Chir. Obs.* 37. de introcessione Cranii minimè fissi in ancilla triginta annorum, ejusdemquè curatione, nullis supervenientibus symptomatibus.

Depressio
Cranii.

XXXI. Enimverò in adultioribus hujusmodi Depressiones sub integra cute rarissimè sine Fissura in Cranio repe-

reperiuntur. Atqui dissectâ cute, si Rima in exteriore Cranii lamina non appareat, timendum erit, ne interior tabula patiatur Fissuram, per quam materia ad Menyngem quidem descendere, sed iterum per eam evacuari minimè possit. Qualem Fracturam observavit Scultetus in milite, qui ob Depressionem Cranii secundo die mortuus est. Quoties igitur in adutorum capitibus talis apparet Fovea, statim cutis Scalpello in trianguli, vel crucis formam incidenda, Pericranium à cranio separandum, ac vulnus hians carpiâ siccâ servandum, non solum ut Medicus certior fiat, an fissum vel depressum sit Cranium, verum etiam ut, re exigente, Trepano commodè perforari id possit. Quod ut plurimum ad latus depressionis fieri solet. Nonnunquam duobus in locis Modiolis Cranium excidendum est, dein foraminum interstitium serulâ auferendum, ut ossicula, quæ interdum ab interna Cranii tabula separantur, & aculei instar Crassam Menyngem pungunt, volsellâ eximi queant. Testatur Marchette *Obs. 5.* quod viginti intra dies quatuor molitus sit perforationes, ob gravia permanentia symptomata, scilicet paralyfin linguæ & brachii sinistri; atquè in quarta perforatione impegit modiolò in ossis frustulum, membranas & cerebrum pungens: quo educto, non diu post motum linguæ & brachii Patiens receperit.

XXXII. Idem Marchette *Obs. 14.* quæstionem movet; An Dura scilicet, num Crassa Menynx liceat secare, quo exitus pateat mater pos-
purulenta materia, supra Piam Matrem & Cerebrum collecta: & sit aperiri?
 tandem concludit; quando certò constat, materiam inter Menynges esse collectam, tum tutò posse deveniri ad hanc operationem, utcunquè periculi non expertem, cum alioquin, nullo adhibito remedio, certa mors imminet, atquè ex Celsò præstet anceps experiri remedium, quam nullum, impiumquè sit relinquere Ægrum remediis destitutum.

Coiter in *Observ. Anatom. & Chir.* de hac quæstione sic scribit: „Nisi metuerem reprehensionem & calumnias, „in gravibus & periculosis capitis vulneribus, ubi vel contu-

cum Rima, in ad-
 ultioribus,
 quomodo
 tractanda.

„ contusionis cerebri , vel vasis perrupti sub membrana ,
 „ manifesta haberem signa , auderem duram cerebri mem-
 „ branam perfcindere : etenim ut in omnium , sic in ho-
 „ rum vulnerum curatione præcipuum est , perficere , ut
 „ vulnera optimè expurgentur ; nam omne quod tangi-
 „ tur à putrido , putrescit.

Fallopious in *libr. Hipp. de Vuln. Capit. cap. 43.* aperire Men-
 nyngem , & materiei exitum dare suadet , licet fateatur ,
 se nunquam fecisse.

Paræus quoquè vult , si conjectura sit puris conclusi ,
 scalpello esse aperiendam Crassam Menynx ; idquè in
 multis Ægris se fortunâ variâ fecisse inquit *libr. 10. cap. 21.*
 Hinc ut concludendum omninò videatur , Crassam Me-
 nyngem , si necessitas id postulet , potius aperiendam esse ,
 quam permittendum , ut Æger sine auxilio moriatur.
 Cujus rei historia habetur apud Glandorpium , in *Speculo*
Chirurgiæ Obs. 4. de quodam pugili , cui cum graviter in
 capite vulnerato tertio die gravia symptomata superveni-
 rent , ut suspicio esset , materiam sub Cranio collectam
 esse , Cranium apertum est ; verum nihil effluxit , sed
 Dura Mater in tumorem elata in conspectum venit ; quæ
 cum scalpello incurvato , ne ipsum Cerebrum læderetur ,
 aperiretur , maxima copia saniei effluxit , quæ non inter
 Cranium & Duram Matrem , sed inter Duram & Piam
 Matrem latuerat ; qua evacuata , & idoneis adhibitis medi-
 camentis , Æger sanitatem recuperavit.

Curatio
 Cranii Fra-
 cturæ , cum
 Menyn-
 gum &
 Cerebri
 læsione.

XXXIII. Veruntamen quum tam altè penetret capi-
 tis vulnus , ut & Crassa Menynx lædatur , adeoque san-
 guis copiosè profundatur , & dolor in parte hac membra-
 nosa valde urgeat ; os , nisi antea ex vulnere pateat , sta-
 tim aperiendum , fragmenta Cranii fracti , si adsint , exi-
 menda , hinc membrana detegenda , eiquè imponenda ad
 cohibendam cruoris profusionem *carpia sicca*. At in secun-
 da deligatione imponatur *Mel* vel *Syrupus Rosarum* , cui vel
tertia vel dimidia pars Spiritus Vini mixtus est : aut ejus loco
 applicetur *Balsamum Peruvianum*. Quorum medicamen-
 torum applicatione Dura Mater læsa uniri solet per carnis ,
 aut

aut substantiæ ei analogæ generationem. Hoc in casu Joh. Andr. à Cruce sequens laudat;

*Rx. Olei Therebinthina, Spiritus Vini,
Syrupi de Rosis Siccis an. ʒj.*

Misceantur.

XXXIV. Sed Tenuis Menynx seu Pia Mater, quoniam tenuis omninò est, & cerebro prorsus adhæret, vulnerari nequit sine Cerebri ipsius læsione. Atque hujusmodi capitis vulnera, in quibus non solum Cranium & Crassa Menynx, sed simul Tenuis Menynx & Cerebrum læsa observantur, valdè periculosa sunt; & quò profundius penetrant, eò periculosiora meritò haberi solent. Equidem in Cerebri substantia abscessum fieri posse, vel quemquam Cerebri portione abscissa posse convalescere, superius Cap. 2. abundè probavi; idquè Paræus *libr. 10. cap. 23.* auctoritate veterum, ac propriâ experientiâ quoquè affirmat. Videatur etiam Petrus de Marchettis *Obs. Chir.*

1. 2. 3. 4. 5.

Itaque in hujusmodi vulneribus curandis abstinendum omninò ab Oleosis & Pinguibus, ob quæ Crassa Menynx facilè inflammationem, & Cerebri Substantia putredinem concipere solet. Verum, ceu diximus, admoveatur *Mel* vel *Syrupus Rosarum*, cui tertia circiter pars *Spiritus Vini*, vel *Aque Theriacalis*, vel *Aque contra Gangranam* admisceatur. Etiam conducit *Balsamum Peruvianum*, si cum plumaceolis tepidè imponatur.

Interim dum vulnus solvitur, & medicamenta mutantur, multi sartagine ignitam suprà caput Patientis suspendunt, ad aëris frigus temperandum; verum id æstivo tempore minimè necessarium est: hybernâ tempestate cubiculi aër ab extructo foco calefactus sit, & subindè linteam calefacere, ac loco vulnerato imponere sufficiat.

XXXV. Porro ex vulneratis cerebri membranis interdum Caro quædam Mollis & Fungosa pullulat, quæ idcirco *Fungus Cerebri* appellatur. Ut enim per arborum cortices humor quidam vitiosus quandoquè extillat, qui in Fungum concrevit; ita si Cerebri Membranæ vulneren-

*Fungus
Cerebri
quid sit,
& quomodo
tolli
debeat.*

Nn

tur,

tur, humor exudans in mollem ac carnosam substantiam, quæ Fungi instar est, mutatur, ac brevi temporis spatio magnum sæpè incrementum sumit, ut suprà cranium & cutem nonnunquam emineat.

Sunt verò hi Cerebri Fungi periculosi, & non rarò lethales; cum ob vitiosi humoris ad cerebrum affluxum proveniant, tandemquè putrescentes gangrænam minentur. Atque hinc quamprimum tollendi, & absumendi Siccantibus Medicamentis. Acriora namquè hîc vitanda. Excisio autem quæ ferro fit, ut & ligaturâ ac filo serico, adedò tuta non est; cum gravia supervenire soleant symptomata. Si tamen nimium increseat Fungus, filo serico arctius ad radicem ligandus, ut decidat; reliquum medicamentis siccantibus absumendum. Quem in finem Petrus inaspergit hunc Pulverem:

R. Sabina ʒij. Ochra ʒj. M. F. Pulvis.

Sed hoc in casu utiliter aliquandò usurpatum vidimus *Pulverem ex Scænantho & Spica Nardi.* Quo remedio Petrus de Marchettis sæpius istiusmodi Fungos etiam sanavit, quodquè proindè tanquam Arcanum proponit *Obs. Chir. 6.*

C A P U T XVI.

De Vulneribus Faciei.

Faciei Vulnera quomodo Curanda.



I. FACIEI VULNERA nihil ab aliorum vulnerum curatione differunt, nisi quod Faciei forma & pulchritudo conservanda sit, dandaquè in primis opera, ne relinquatur cicatrix: id quod fiet, si vulneris labia aut futurâ, aut deligaturâ, aut glutinante medicamento ritè colligentur, ac inter se uniantur. Sutura verò in Faciei Vulneribus prudenter faciendâ est, nec magna carnis cutisque crassities capiendâ: illa namquè per se satis uniuntur, quod cutis carni sic adhærescat, ut alterum alteri facilè conglutinetur & coalescat. Quod si Emplastrum Glutinans per se satis fuerit efficax, eo utendum. Etenim Faciei

Faciei Vulnera per Suturam curari non debent; si aliter fieri potest, ne cicatrices eam deformem reddant: sin minus, communis usurpanda erit Sutura, & puncta punctis propius adjungenda.

Sed quum magnum sit, ac profundum vulnus, multumquæ à se distent ejus labia, nec Glutinis, nec vulgaris Suture vix ullus usus est. Quare acubus utendum triangularibus vel quadrangularibus, quò in carnem promptius & facilius subeant, filum cerà obductum ducentibus: hisquæ vulneris labra transmittere, &, quoad vulnus perfectè agglutinatum fuerit, acus in eo relinquere oportet, sæpius circa easdem filum glomerando; haud secus ac mulieres acus vestibus infixas asservare solent.

II. Cæterum ad Vulnera Faciei referri solent Vulnera Vulnus Frontis. Frontis, Superciliorum, Palpebrarum, Genarum, &c. Atque in FRONTE si Vulnus inflitum sit, idque *cum ossis læsione*, tum decori non est studendum, sed securitati, quia periculosum est vulnus, & curari debet sine futuris, vel aliis instrumentis, quæ possunt vulneris labia unire; quinimò vulnus apertum servare oportet, os deradere, & porro eam adhibere curationem, quæ fieri solet in Vulneribus Capitis cum Cranii Fractura vel Depressione. At quum Frontis Vulnus sit *sine ossis læsione*, quantum fieri potest, venustati est attendendum, idque curandum ut Vulnus Capitis Simplex, *hoc est*, sine Cranii, Menyngum, & Cerebri læsione.

III. Haud secus procedendum si Vulnus in SUPER- Vulnus Supercilii. CILIO contingat secundum *longitudinem*. Si verò *transversum* fiat; vulnus hoc, nisi diligenter curetur, sequitur Casus Supercilii, adeoque & Palpebræ super Oculum: unde, quantum possibile, exactè tale vulnus est glutinandum. In quo casu à Suturis, & quidem profundioribus abstinendum non est, ut labiorum superficies adamussim se mutuo contingant. Quod si vulnus hoc sit cum deperditione substantiæ, cautè admodum procedendum, ne relinquatur cicatrix ità dura, ut sursum retrahat Palpebram, & impediat, quo minus ea oculum tegat.

Vulnus
Palpebra-
rum.

IV. Verum PALPEBRA si vulnerata sit, absquē ulla Oculi offensione, non magnoperè quidem metuen- dum, cum non difficulter hujusmodi vulnus sanetur. Quum tamen vicinarum oculi partium vulnera, ob mate- tiæ affluxum, cæcitatē aliquandò induxisse observatum sit, Palpebrarum Vulnēra parvi facere non semper debe- mus. Refert Fabricius Hildanus *Cent. 5. Obs. 17.* Quen- dam vulnus exiguum acie pugionis ad radicem Frontis, & quidem in ipsam Palpebram Superiorem accepisse, idquē ab initio, ob sui exiguitatē, neglectum fuisse: at pau- lō post, exortus est dolor gravissimus totius capitis, cum tanta Oculi intumescētia, ut ad ovi circiter magnitudi- nem extrā orbitam suam promineret, cum corneæ tūni- cæ ruptura, & humorum oculi effluxu. Hildanus medi- camentis tum internis, tum externis Ægrum quidem re- stituit; visum tamen, ob membranarum rupturam & humorum deperditionem, nunquam recuperavit. Idem *Cent. 6. Obs. 6.* scribit, puero cuidam quatuor annorum, jactu bacilli ex una parte acuti, vulnus ad Palpebram Su- periorem sinistram inflictum fuisse. Cecidit mox in ter- ram puer, cibumquē indigestum evomuit, nec quicquam cibi & potus in tertium diem usquē retinere potuit. Ac- cedens Barbitonfor frustulum pinguedinis extrā vulnus propendens reperit, quod filo serico ligatum post dies ali- quot forfice abscidit, vulnusquē quindecim intrā dies, nullis immissis turundis, cicatrice obduxit. Mensibus ali- quot elapsis, puerum hunc cæcum esse altero oculo ob- servatum fuit; interim tamen extimæ omnes oculi par- tes illææ erant, imò ne motus quidem depravatus fuit: quibus Hildanus suspicatur, vulnus hoc inter cranium & oculum ad nervum opticum usquē penetrasse; unde ille vel læsus fuit, vel à materia aliqua cruda eò consuen- te compressus, aut obstructus.

V. Igitur Palpebræ Vulnus si sit simplici incisione fa- ctum, & quidem *transversum*, consui non potest, quoniam musculi orbicularis fibræ sunt incisæ, unde futuræ non tenent nisi subiecta membrana simul consuatur; quod fieri

fieri non debet, quoniam oculi bulbum filum attingeret, ipsumque offenderet, & inflammaret. Quapropter hoc in casu Sutura Sicca, *hoc est*, Emplastro Glutinatorio magis utendum est.

Quod si vulnus per *longitudinem* Palpebræ fiat, neque per subiectam membranam penetret, Sutura uti possumus, & sæpè debemus; quæ fiat acu, & filo tenuissimo, cerâ oblito. Sive aut Sutura fiat, sive imponatur Glutinatorium Emplastrum, & ita labia adducantur, adductaque servantur, medicamentum imponendum est, quod citissimè possit Palpebram glutinare; quale est *Balsamum Sulphuris*, aut *Peruvianum*, similcve.

VI. Palpebrarum Vulnera sequuntur proximè **VULNERA GENARUM**; de quibus Fabricius ab Aquapendente *Oper. Chir. part. 2. libr. 2. cap. 31.* ita scribit: „In „ Genarum Vulneribus illud peculiare observavi, talia „ vulnera esse obnoxia sanguinis profusioni, propter venas „ & arterias fursum per genas excurrentes; quæ sanguinis profusio vulneris glutinationem impedit, adeoque „ illi primum est occurrendum medicamentis, & modis, „ in vulneribus venarum propositis, postea labiis adducendis, & vulneri glutinando incumbendum est. In huiusmodi vulnere illud non est ignorandum, scilicet non „ oportere vulneratum masticare, neque loqui, neque „ buccas inflare, neque ridere, neque flere, neque inclinato corpore stare, neque spiritus cohibitione uti. „ Memini namque juvenem quendam in gena vulneratum, inflatâ buccâ, focum accendere voluisse, & statim tanta copia sanguinis profusa est, ut ferè perierit.

„ Hæc Genarum Vulnera aliquandò adeò profunda „ fiunt, propter musculos & multam pinguedinem, quæ „ ossi superstant, ut cum non possint labia in profundo „ exactè committi, necessarium sit sinum quendam intercedere; & sic vulnus simplex in compositum degenerat, „ ut carnis generatione indigeat. Quod ubi accidit, omnino venustati cicatricis est attendendum, quia gena est

„ pars spectatissima; unde in proposito casu, primò labiis
 „ glutinò adductis, opportunum fuerit foramen in parte
 „ inferna parare, quod immissà turundà apertum serve-
 „ tur, ut inde profunda pars vulneris expurgetur; quod
 „ est efficiendum, quandò vulnus genæ in barbam desi-
 „ nit, unde cicatrix ex adventu barbæ occultatur. At si
 „ vulnus totum extrà barbam sit, vel labia vulneris non
 „ sunt adamussim ansulis adstringenda, sed quadrantenus
 „ amplectenda, ut per ipsa sanies possit exire, potissimum
 „ id præstandum est circa partem infernam: Aut, quod
 „ melius est, oportet fasciis ita vulnus ligare & compri-
 „ mere, ut sinus vitetur, & ità generatio, collectioquè
 „ saniei.

Si autem tota Gena fuerit dissecta, uti nonnunquam contingit, quoniam ab interna parte tegumentum apponere haud possumus, & continuà humiditate os scaret; optimum est, medicamentum, quod palato arridet, vulneri quoquè per os admovere; quale est *Mel Rosarum*, vel *simplex*, vel *eni tantillum Spiritus Vini*, aut *Tinctura Saturni admixtum est*.

Exemplum vulneris Faciei propè nasum infligti, in quo vaginæ gladii vinculum relictum fuit, tandem post quatuor annos extractum, nec non ejusdem curatio, videri potest apud Hildanum *Cent. 3. Obs. 24*.

Ex aperto,
 in Vulnere
 Genarum,
 ductu sali-
 vali supe-
 riore orta
 Fistula,
 quomodo
 Curanda.


VII. Cæterum & hoc in Genarum Vulneribus observandum; quotiescunque vulnera prope Aures contingunt, viz. eo loci, ubi superior ductus salivialis excurrit, exiguum quoddam remanere foraminulum, per quod, potissimum ubi manducare solent Patientes, magna limpidæ aquæ seu humoris salivalis copia continuò extillat; qui fluxus non rarò per plures menses durat, ac magnas Medenti parit molestias. Solet verò Curari hujusmodi salivæ humoris per exiguum hoc, & merè fistulosum foraminulum, stillicidium per imposita Medicamenta valenter Exsiccantia & Constringentia; inter quæ laudem meretur *Puteis-Ossis Sepie*, qui foramini inspersus, & Digestivo mixtus, non rarò molestum hoc symptoma tollit.

Sed

Sed nonnunquam hoc lymphæ profluvium, ut cohibeatur, Acria & Exedentia requirit, quibus, ceu Potentiali Cauterio, fistulosum hoc foraminulum eroditur & ampliatur, hinc denuò consolidatur, occluditur, adeoque limpidi humoris continuum stillicidium coercetur. Quo in casu aliquandò usurpavimus *turundam exiguam, ex Mercurio Precipitato Rubro cum Spiritu Vitrioli subactam*, quæ aperturæ ductus salivæ immissa, tanquam Corrosivum, indurata ac callosa ejus latera erodendo undiquè abstulit, & paucos intrà dies molestam hanc fistulam penitus sanavit.

CAPUT XVII.

De Vulneribus Oculorum.

I.  CULORUM VULNERA ad sensum satis patent. Ea verò spernenda non sunt, siquidem propter partis læsæ nobilitatem & structuram, sensumque exquisitum, quæ in aliis partibus parva sunt, in Oculis magna meritò censentur. Enimverò faciliè concitantur defluxiones, hinc dolores acerbissimi, inflammationesque accedunt. Adhæc cæcitatis periculum ex quovis, tametsi exiguo, Oculi vulnere imminet, cum propter continuas defluxiones, tum propter aquei humoris effusionem.

Oculorum
Vulnera
quæ, &
qualia cen-
senda sint.

Alterum Oculis vulneratis imminet periculum ex collectione materiæ purulentæ, qua humores inficiuntur, tunicæque eroduntur. Quamobrem vulnera hæc ita tractanda sunt, ut omni studio occurratur fluxioni, & quamprimum agglutinentur citrà puris generationem.

II. Atque ideò simplex quum sit Oculi Vulnus, ut tantum Cornea vel Conjunctiva Tunica incidatur, vulnus tamen non penetret, & sine humoris effluxu, Curatur incisionem glutinando, dolorem leniendo, ac inflammationem cohibendo. Quapropter ablendus Oculus *Lacte recenti*

Qua ratio-
ne Curari
debeant.

recenti tepido, cui & *Aqua Rosacea* addi potest; dein admoveatur *Aqua Rosacea*, in qua maceratum est *Semen Cydoniorum* & *Fœnigraci*. Diligenter interim oportebit inspicere, an aliquid corporis ferientis relictum sit, nec ne, ut particula ferri, aut vitri, festuca, vel simile. Namquæ si particula quædam relictæ sit, auspicanda est cura ab extractione illius, modo appareat, quod præter naturam in hæret.

Scribit *Fabritius Hildanus Cent. 4. Obs. 6.* de fabro ferrario, cui frustulum scorix, cum impetu in oculum profiliens, ipsi profundius infixum fuit. Expertus hic *Cheirurgus* post aliquot dies vocatus, ex inferiore parte pupillæ, ubi iris apparet, scoriæ reperit: sed quamvis omnem diligentiam adhiberet, & extractionem tentaret, oleum tamen & operam perdidit; unde & totum negotium naturæ, impositisque medicamentis committere coactus fuit. Igitur corpore purgato, *Collyrium Anodynum* & nonnihil *Repellens* applicuit, Venam in brachio secavit, *Cucurbitulasque* scapulis imposuit; at frustraneo eventu: etenim dolor & infixæ scoria remanserunt. Tandem hoc sacculo applicato penitus convaleuit Æger:

℞. *Rgd. Althææ minutim incis. & contus. ʒj.*

Fol. Betonica, Euphrasia,

Flor. Camomilla, Meliloti an. Mʒ. Rosar. Rubr. Mj.

Seminis Fœnigraci ʒʒ.

Incisa & contusa dentur in sacculis ejus magnitudinis, ut totum oculum tegere possint; hosquæ sacculos in Lacte Dulci tepido maceratos identidem Oculo Affecto applicuit.

Idem refert *Cent. 4. Obs. 18.* puerum quendam liquefactum plumbum imprudenter & nimis velociter in aquam frigidam projecisse, idquæ eo impetu in altum resiliisse, ut non solum pileo, verum etiam oculo sinistro infingeretur. Parens accurrit, puerumquæ statim ad *Hildanum* deduxit; qui cum oculum inspexisset, granum unum plumbi ad lentis ferè magnitudinem palpebræ superiori, ubi crines erumpunt, alterum tunicæ adnatæ infixum reperit, adeo profundè, ut vossellis vix extrahi possit. Tandem extracto plum-

plumbo, oculo Collyrium Anodynum & Repellens instillavit atque applicuit, oculumque fasciâ clausit, sicque paucos intra dies Patiens convaluit. Et *Obs. 21.* narrat, rusticum quendam, cum chalybem emeret, & frustum ad frustum allideret, scintillam ipsi in illam corneæ tunicæ partem, ubi iris conspicitur, profiliisse, eique membranæ firmiter inhæsisse, maximo cum dolore. Quum verò adstantes per plures dies omnem adhibuissent diligentiam, dolores quinetiam, ac inflammationes vehementer auctæ fuissent, Fabricius corpore purgato, ac institutâ Phlebotomiâ, instrumentis scorium extrahere tentavit; sed adeo exigua fuit, ut extrahere iisdem non potuerit. Quapropter beneficio sacculi, cujus statim mentio facta est, extrahere illam constituit; sed frustra. Tandem aliud remedium excogitavit: interim enim dum Hildanus ambabus manibus palpebras aperit, alter Magnetem oculo, quam proximè Æger id ferre potuit, admovet. Id cum aliquoties fecissent, tandem scoria ex oculo in lapidem profiliit. Deinceps applicato Collyrio Anodyno brevi convaluit. Denique *Cent. 5. Obs. 15.* vulneris oculi sinistri gravissimi, cum corneæ tunicæ ruptura, & aquei humoris effluxu, historiam quoque describit.

Vulnus interno oculi cantho inflatum manubrio flabelli, cujus, suborto post tres menses tumore, ex palato fracta portio educta est, & tamen sanatum, videre est apud Petrum de Marchettis *Obs. Chir. 23.* Gravissimi quoque vulneris oculi, cum infixo fusi aculeo, curati, exemplum adfert Scultetus *post Armat. Chir. Obs. 20.*

III. Itaque eductis ex oculo vulnerato peregrinis corpusculis, curandum, ut quamprimum vulnus glutinetur. Sed quoniam pars est acutissimi sensus, tractanda erit medicamentis minimè acribus, ac iis, quæ specificè oculis conducunt, quæque vim habent dolorem leniendi, & inflammationem arcendi. Quem in finem oculo instilletur & admoveatur hoc, vel simile Collyrium;

℞. *Aq. Rosarum, Plantaginis, Chelidoni maj. an. ℥ij.*
Vini Rubri Adstringentis ℥℥.
Troch. Alb. Rhafis sub. pulv. ℥ij.
Tutia præp. ℥℥. Sacchar. Saturni gr. v.
Misceantur.

Foras verò applicetur Anodynum Cataplasma. v. gr.

℞. *Pulpa Pomorum repurg. ℥vj.*
Coq. in Aqua Rosarum & Fœniculi ad molliam, dein con-
ser. & add.

Mucilag. Sem. Fœnigræci ℥ij.
Pulv. Cort. Granatorum, Lapid. Hamati. præp. an. ℥ij.
Croci ℥j. Albumina duorum Ovorum.

Lactis Dulcis rec. q. s.

M. F. Cataplasma, inter duo lintamina Oculo calidè applicandum.

Ab Oleosis & Pinguis omnibus abstinendum in oculorum vulneribus; quippe quæ faciliè in partibus membranosis excitant inflammationem.

At Detergentibus & Sarcoticis quum opus sit, præscribatur hoc modo:

℞. *Aq. Rosarum ℥iij. Mellis Despumati ℥iij.*
Pulv. Aloës ℥℥. Misceantur pro Collyrio.

Interim maximâ diligentia servandi sunt Ægri, ne lumen videant, nequè maneant in loco valdè calidè, ob dolorem & inflammationem.

Observandum præterea, ut uno oculo vulnerato, ambos fasciâ obvelemus: nam si sanus oculus maneat apertus, Patiens eundem sæpè movet, eodemquè videt. Atqui motus ille externus oculi sani vix contingit, quin simul moveatur oculus vulneratus. Insuper quum sanus oculus occlusus non sit, visu multa objecta continuò attingit, id quod fieri nequit, quin simul motus de novo producat in fibrillis nervi optici; atquè ne minima quidem fibrilla nervi optici in oculo sano moveri potest, quin eodem tempore moveatur etiam fibrilla ejusdem ordinis in nervo optico oculi læsi; cum naturâ comparatum sit, non posse unum oculum vel extrinsecus vel intrinsecus moveri,

veri, quin alter similiter moveatur: quantum autem motus sanationi contrarietur, & quam faciliè dolorem ac inflammationem excitet, is haud difficulter conjiciet, qui aliquandò expertus est, quo cum dolore, ac quanto cum emolumento manus aut pes inflammatus, vel vulneratus de loco in locum moveatur.

IV. Quod si majus sit vulnus, & Corneam Tunicam penetret, hinc & effluat Aqueus Humor; globosa tunica cornea mox corrugatur, ac in se concidit, adeoque visus deperditio succedit, uti non semel in praxi observavimus.

Hoc in casu oculo vulnerato cum linteis imponatur Collyrium Adstringens & Emplasticum. v.gr.

℞. Albuminis Ovi ʒj. Aqua Rosarum ʒiʒ. simul agitentur & conquassentur, add.

Pulv. Bolæ Armeni ʒb.

Misceantur.

Dein cum nullus super sit inflammationis metus, imponatur hoc vel simile.

℞. Aq. Rosarum ʒij. Chelidonii maj. ʒj.

Pulv. Troch. Alb. Rhafis ʒj. Tutie prepar. ʒb.

Camphora, Sacchar. Saturni an. gr. iv.

Misceantur pro Collyrio; cui, re exigente, addi possunt

Myrrha, & Sarcocolla lacte nutrita.

Sin adhuc majus & profundius sit oculi vulnus, sic ut omnes Humores elabantur, ad inflammationem, & dolorem sedandum, si adsint, ea conducunt, quæ nunc proposuimus: reliqua intentio erit, vulnus carne implere, & quam citissimè cicatricem obducere, quia in hujusmodi vulnere semper deperdita est visio. Hinc decori incumbendum; quod fiet, si oculum amissum compensemus oculo vitreo picto: qui aliquandò ita similis apparet sano, ut etiam peritis videatur verus oculus. Tales arte factos vitreos oculos in musæo nostro servamus.

V. At si cum oculi globo etiam Palpebra vulnerata sit, cavendum, ne inter curandum Palpebra cum oculi globo conglutinetur, siquæ impediatur motus ipsius oculi.

oculi. Ad id evitandum, danda erit opera, ut Æger quodiè inter deligandum aperiat oculum, & in partem oppositam volvere tentet, & si possit, volvat.

CAPUT XVIII.

De Nasi Vulneribus.

Nasi Vulnera quæ, & qualia sint.

I.



ASUS ubi vulneratur, vel cutis tantum inciditur, vel unâ cum cute ossa & cartilagine læduntur, potissimum in parte inferiore; quo in loco quandoquæ tam vehementer vulneratur cartilago, ut Nasi Globus, & portio Pinnæ amputetur, ac decidat.

Quo modo
Ea sint Curanda.

II. Si Cutis tantum sauciatur, sive in superna, sive in inferna parte, vulneris labia ad se invicem adducenda non sunt per Suturam, verum per Glutinatoria Emplastrâ, ut cicatricis vestigia evitentur.

Quod si factum sit Nasi Vulnus in parte superiore, cum Ossis Fractura, prima intentio est, Fracturam conformare, dein Vulnus unire. Immissa igitur in nares spatulæ caudâ, vel idoneo intruso bacillo, stupis, bombace, vel linteo obvoluto, depressa ossa nativæ sedi & figuræ sunt restituenda; dein vulneris labia ad mutuum contactum Emplastris Glutinatoriis adducenda; nec non naribus immittendi tubuli, non quidem exactè rotundi, sed quodammodo lati & depressi, quorum beneficio ossa nasi suo in situ contineantur, & exitus saniei, ac inspirationi expirationique via pateat: tandem conveniens injicienda ligatura, quæ non nimium premat, ne simus redatur nasus.

Vulnus Nasi cum Ossis Fractura, idquæ à Sculteto curatum, videre est *post Armam. Chir. Obs. 22.* Refert quoque Petrus de Marchettis *Obs. Chir. 26.* historiam gravissimæ Nasi Contusionis, cum Ossis Fractura & Comminatione, feliciter sanatæ.


III. Quum verò particula Nasi abscissa sit, nunquam reuni-

reunitur, etiamſi vel recentiffimum ſit vulnus: eadem ſi adhuc illi cohæreat, acus ope eidem jungatur. Etenim ima Naſi pars, cum ſit cartilaginea, quaſſari quidem, deprimi, & contorqueri poteſt; at non frangi, ut ſuperior, quæ offea eſt.

Itaque Naſi portio ſi omninò abſciſſa fuerit, adeoque nullo pacto poſſit reſtaurari, deperdita illa particula fabricetur ex laminis argenteis, naturali naſi colore pictis. At ex brachii cute nares denuò efformandas eſſe, docuit Taliacotius, qui de huiusmodi curatione magnum volumen orbi erudito exhibuit.

CAPUT XIX.

De Vulneribus Labiorum, Aurium, & Linguae.

I.  ABIA quum fauciantur, ut plurimum Labiorum per longitudinem reſcinduntur. Et huiusmodi Labii Vulnus ſi ſit abſquè ulla ſubſtantiae deperditione, ejus labra diligenter ſunt conſuenda, decenterquè adaptanda, ut nulla adſit eminentia, omniſque deformitas vitetur; ac vulnus porrò per primam intentionem curandum, conglutinandum.

II. In inſtituenda verò hac Sutura, nonnulli Eà utuntur, quæ ſit acu per utramquè labii diviſi partem tranſmiſſa, factò deinde punctò; quale futuræ genus in aliis partibus vulneratis plerumquè inſtitui ſolet: ſed oportet acum à labii diviſione longius tranſmittere, quo valentius teneat ſilum, & non abrumpatur. Vel ob ſili facilem eroſionem, & deformem cicatricem, potius una, duæ, treſvè acus per utramquè labii diviſi partem ſunt tranſmittendæ, & in carne relinquendæ, ſilum ſæpius circa eaſdem glomerando, uti in curandis leporinis labiis fieri ſolet.

Factà diviſi labii adductione, & per Sutam ad mutuum contactum conjunctione, imponatur foras linteum

Ovi Albumine madefactum, similevè *Exsiccans Glutinatorium*; intus verò adhibeatur *Mel Rosarum*, vel *simplex*, vel cui *Spiritus Vini* aut *Tinctura Saturni tantillum admixtum sit*: etiam infixæ servantur acus, quousquè facta sit labiorum proba conglutinatio; quod circa finem secundæ hebdomadæ plerumquè contingit, quo tempore licet acus auferre.

Vincula in hisce partibus, ubi opus fuerit, tantum ad medicamenta continenda conveniunt. Etenim vulnera Labiorum, ut & Aurium Externarum, plus boni ab acu, quam à ligaturis expectant.

Cæterum in sutura adhibenda, & post ipsam adhibitam, omninè ab omni labii motu est abstinendum, qui vel mandendo, vel loquendo, vel ridendo fit; quod impossibile sit tunc vulneris labra conjungere, aut conjuncta servare.

De istiusmodi vulneribus Chalmæreus *Enchir. Chirurg. libr. 2. cap. 18.* sic loquitur: „Vulnera suturam, decentem requirunt, ac appositionem eorum, quæ glutinant, atque ob frequens spurum, quod humectat, diligentius est exsiccandum & adstringendum: Ligaturam hujusmodi vulnera non admittunt, nisi ad medicamenta, quæ apponuntur, retinenda.

Aurium
Vulnera.

III. Non rarò quoque vulneratur AURIS EXTERNA, sive omninè abscindatur, sive aliqua ejus portio saucietur.

Externa Auris si ità abscindatur, ut portio incisa conjuncta sit sanæ, hanc Sutura cum sana conjungere oportet; quæ sit filo continuato, & acu transmissa per utrumquè labium, dein supra vulnus revoluta, rursus ex eodem latere transmissa & revoluta, quousquè tota sutura facta sit: in qua facienda, subjectam cartilaginem evitare oportet, quia puncta inflammatur, aliterve malè afficitur.

Aliquandò tamen ubi Externæ Auris portio ità abscinditur, ut reliquæ sit conjuncta, à Sutura abstinere possumus, atque ità vitare doloris ac inflammationis occasionem;

nem; & ad vulneris labia ad mutuum contactum adducenda sæpè Emplastra sufficiunt Glutinatoria.

Quibus verò Auris tota penitus abscissa fit, iis nihil aliud restat, nisi ut infortunii sui deformitatem curâ palliativâ, quantum quidem possibile, suppleant, & aurem mutilatam ex papyro crassiore, vel corio picto refarciant.

IV. Porro LINGUA etsi intrâ os consistat, dentium ^{Vulnus} septo munita, atque ab injuriis omnibus tuta satis videatur, accidit tamen quandoque Eam vulnerari: quoniam ubi genæ & buccæ inciduntur & perforantur, solet quoque Lingua nonnunquam sauciari; imò dentibus sæpè propriis rescindi, uti in Epilepsia, aut Casu graviore non rarò contingit. Atque hæc vulnera fiunt vel cum abscissione Linguae ferè totius, vel alicujus ejusdem portionis.

Substantiæ jactura refarciri nequit, quia pars omnis à corpore vivente, à quo vitam ducebat, distracta & avulsa vivere definit. Paræus tamen mentionem facit cujusdam, cui insignis linguæ portio erat ablata; qui nihilo minus opè lignei instrumenti, quod ore detinebat, voces edebat articulas. Sic factitiis ligneis cruribus utimur ad incedendum, & ex ferro fit instrumentum brachio applicandum, quo in manus defectu, apprehensio quadante nus exerceri potest.

V. Quod si Linguae portio abscindatur, ita tamē ^{Curandi} men ut corpori linguæ adhuc cohæreat, vitanda est ^{Methodus.} omnimoda ejus abscissio. „ Quod præceptum, inquit „ Aquapendens *Oper. Chir. part. 2. libr. 2. cap. 34* perpetuum „ esse volo, non modo in lingua, sed in omnibus faciei partibus, naso, digitis, & hujusmodi, quoniam sæpè præter Medicorum spem partes agglutinantur, quæ mens „ non concipit glutinari posse.

Ubi igitur dissectio Linguae contigerit, vulneris labia ad se invicem sunt ducenda; atqui alia nulla datur via ea adducendi, adductaque servandi, quam per Suturam, idquæ propter situm partis vulneratæ, & continuò affluentem humiditatem. Sed quoniam Lingua propter salivalem humo-

humorem lubrica est, & ex manibus facillè elabitur, à solerti ministro arctè continenda; interim acu, ut decet, confuatur, ac injectis nodis filum juxta nodum secetur: nam si longius relinquatur, inter masticandum in dentium interstitiis implicatur, & lacerantur puncta.

Adductis labiis, quoniam situs linguæ, atque humiditas salivalis impedimento sunt, ne partem vulneratam, uti decet, tegere queamus, satis erit, si Patiens ore contineat Agglutinantia, quæ palato haud valde ingrata sunt.

Linguæ v. gr. adhibeatur *Syrupus de Rosæ Succis*, aut *Mel Rosarum*, vel *simplex*, vel cui admixta *Tinctura Saturni*; atque identidem os colluat. *Æger* hoc vel simili Gargarismate,

℞. *Aq. Plantaginis* ℥vj. *Mellis Rosacei* ℥iſs.

Tinct. Saturni ℥iſs. vel ℥ij.

Misceantur.

Vel,

℞. *Fol. Ligustri, Plantaginis, Quercus,*

Flor. Rosarum Rubr. an. Mj.

Balaustia,

Cort. Granatorum an. ℥ij.

Coq. in Aqua Pura ad ℥xxx. Colat. add.

Mellis Rosarum ℥iij.


Misceantur.

Si verò à re pungente faucia, aliterve transfossa fuerit Lingua, adeoque nec labia diffideant, nec portio quædam abscissa sit, satis erit parti læsæ admoveere *Mel Rosarum*, cui *Spiritus Vini* aut *Tinctura Saturni* tantillum additum sit; reliquum *Saliva* glutinare solet. Interea abstineat Patiens ab omni locutione, & masticatione forti, ut vulneratum hoc organum quiescat.

Linguæ Vulnus transversim factum, ejusdemque Curatio, habetur apud Hildanum *Cent. I. Obs. 28.* Raram quoque historiam linguæ, ex malè curato sclopeti vulneri, partibus subjectis arctè coalescentis, cum impedita locutione, periculosâ & peritâ sectione separata, ac restituta, habet Petrus de Marchettis *Obs. Chir. 32.*

CAPUT XX.

De Vulneribus Cervicis, Colli, Gutturis, Vasorum Jugularium, & Medullæ Spinalis.

I.  Aciei Vulneribus succedunt VULNERA COLLI & CERVICIS. Dicitur autem *Collum* ea pars, quæ capiti proximè subjacet, & faciem inter pectusquè collocatur: figurâ rotundum; itâ dictum, quod caput ceu columna sustentet. Hoc quum pluribus ex partibus componitur, plures in eo contingunt vulnerum species, pro ut hæ vel illæ in Collo existentes partes sauciantur; quales præter *Cutem*, eiquè subiectos *Musculos*, sunt *Arteria Aspera*, *Gula*, *Vena Jugulares*, *Spina Medulla*, &c.

Colli Vul-
nera quæ,
& qualia
sint, &c.

II. Hinc fit, ut ex Vulneribus hiscè alia sint insani-
bilia, aliadifficulter, & non nisi maximo cum vitæ peri-
culo sanentur; atquè ex iis quæ sanantur, alia fandi po-
tentiam demant, vel perpetuò lædant; alia partis vulne-
ratæ motum vitient, prout ex dictis partibus una vel
plures, & magis vel minus fuerint læsæ: attamen quæ
citrà læsionem sunt dictarum partium, atquè in cutè &
carne duntaxat, nullum adferunt periculum. Nam, ut
ait Aquapendens *Oper. Chir. part. 2. libr. 2. cap. 35.* „Gene-
raliter nullum colli vulnus periculosum est, etiam si
„totum collum pertranseat ab una ad alteram partem,
„nisi aliqua prædictarum partium vulneretur: in quo
„casu vel vulnus est mortale, vel periculosum.

III. Igitur simplex si sit Colli Vulnus, primum cruoris
profusio erit cohibenda, dein futura adhibenda, ac por-
rò per primam intentionem, ut simplex carnis vulnus,
id curandum.

Quod si Vulnera Colli punctim inflicta fuerint, nec sta-
tim mortem adferant, pro signo habendum esse vult Mar-
chette *Obs. 37.* Venas Jugulares & Arterias Carotides il-
læsas esse. Qui propterea istiusmodi vulnera hoc modo cu-
rare

rare solet : viz. turundam immittit brevissimam , & non crassam , integumenta haud excedentem , *Ovi Albumine* imbutam , superjecto linteolo duplicato per totum collum , quoque *Ovi Albumine cum Bolo Armeno & Sanguine Draconis* intincto : omni denique arte prohibere studet puris generationem , utpote quod venas & arterias corrodit , cum mortis praesenti periculo. Duobus tribusve elapsis diebus , turundam removet , applicatque linteolum *Cerato ex Cerasâ* inductum , sicque octo vel decem dierum spatio vulnera hæc sanare consuevit.

Quod si vulnus trajiciat totum Collum , utrinque imponit turundam brevissimam eodem modo. Observavit præterea , hæc vulnera specillo nunquam esse tentanda , ne lædantur venæ vel arteriæ , cum summo vitæ periculo.

Gulæ , &
Arteriæ
Asperæ
Vulnera.

IV. Sed & OESOPHAGUS & ARTERIA ASPERA in Collo nonnunquam vulnerantur. Et quidem *Oesophagus* si vulneretur , sanguis screando per os rejicitur , & cibus potusque per inflictum vulnus exit. Verum *Arteria Aspera Vulnera* innotescunt ex situ , & assidua cruoris per os cum tussi rejectione , voce vel abolitâ vel imminutâ , nec non aëris per vulnus exitu in expiratione , & ingressu in inspiratione , præsertim si ore naribusque occlusis Patiens respirare tentet.

V. Hujusmodi Asperæ Arteriæ Vulnus , quoniam exanguis Ea est , & in continuo ob respirationem , locutionem , & deglutationem existit motu , summè periculosum , & non raro lethale est. Exemplum tamen vulneris Asperæ Arteriæ sanati , lectu dignum , habet Tulpus *Obs. Medic. libr. 1. cap. 50.*

Idem pronunciare licet de Oesophagi Vulnere : præsertim quod hæ partes rarissimè sauciantur , nisi simul vulnerentur venæ jugulares , aut arteriæ carotides , aut nervi vel recurrentes vel paris vagi , unde ingens sanguinis mox accedit profusio , & gravissima alia superveniunt symptomata. Experimentiâ nihilominus compertum est , nonnullos ex Gulæ vulnere supervixisse : & citat Scenkius

Obs.

Obs. Medic. libr. 3. historiam vulneris in collo, per quod alimenta egrediebantur, sanati. Insuper Gulæ vulnera sanabilia quandoquæ esse, exemplo probat *Pigræus Prax. Obsir. lib. 4. cap. 12.* ubi etiam docet, futurâ validâ & tenaci istiusmodi vulneris labia esse adducenda; præcipitquæ ut resupino collo Patientes bibant, & liquidum alimentum sumant, sic ut præcaveatur, ne per vulnus cibus potusvè egrediatur.

VI. Igitur percissa penitus si sit Aspera Arteria, quamvis desperatus sit casus; quoniam tamen multum refert, num Ægrotans loqui possit, diligenter consuendum erit vulnus, ac deinceps tegumento idoneo tegendum, ut inspiratus aër per vulnus exire nequeat: quo factò, nisi magna cruoris profusio simul adfuerit, amissam loquendi potestatem Pateriens recuperabit, resquæ suas disponere poterit. At si penitus discissa non sit, aliqua conglutinationis spes est; atquæ idèò vulnus consuendum, ejusquæ labia ad mutuum contactum adducenda; hinc imponendum medicamentum, quod ita valet glutinare, ne sanguis & sanies in asperam arteriam cum periculo suffocationis illabantur. Eum in finem Aquapendens *Oper. Chir. part. 2. libr. 2. cap. 36.* hoc commendat Digestivum;

℞. *Theribinthina* lota ʒj. *Puku. Mastichis* ʒiʒ.

Olei Hyperici ʒiij. *Albumina cum Vitellis Ovorum* quot sufficiunt ad efficiendum Unguentum.

Ut verò facilior fiat consolidatio, in ore continenda erunt, quæ agglutinandi vim habent; cujusmodi sunt, quæ liquari possunt, quò paulatim liquefacta in asperam arteriam ferantur, ut *Saccharum Althææ*, vel *Tabella ex Specie Diatragacantha*, &c. vel *Linctus ex Melle Rosaceo*, *Syrupo Althææ*, de *Symphito*, cum *Specie Diatragacantha*, &c. vel *Gargarisma ex Radice Consolide*, *Tormentilla*, *Foliis Plantaginis*, *Quercus*, *Sanicula*, & similibus decoctis; addito colatura *Melle Rosaceo*, aut *Syrupo de Rosis Siccis*.

Si autem Vulnus cum deperditione substantiæ Asperæ Arteriæ contigerit, quoniam nullus potest esse sanationis locus, nisi Christiana pietas aliter suaderet, factò Prognos-

stico foret discedendum. Huic ergò vulneri latum lin-teum denso medicamento illitum applicandum est, ne tam linteum, quam medicamentum ad asperæ arteriæ cav-itatē, dum spiritum ducit Patiens, moveatur; atquē in ore contineat, quæ hujus partis vulneribus conducere nunc diximus.

VII. Pari ratione curandum erit Oesophagi Vulnus. Erunt quoque hīc paulatim deglutienda idonea medica-menta, quæ sensim, & tanquam aqua per parietem defluens, ad partem affectam perveniunt, quod faciliè supino situ as-sequimur; cujusmodi est Electuarium ex *Conserua Rosarum Rubrarum*, *Specie Diatragacantha*, *Bolo Armeno*, *Terra Sigil-lata*, *Syrupo de Symphyto*, &c. Huc insuper faciunt Linctus, Gargarisma, & cætera nunc laudata, quorum particulæ sensim descendentes perfundere, & tandem consolidare valent partem vulneratam. Utquē vulneris conglutinatio succedat eò facilius, Patiens nihil eorum, quæ deglutitu difficilia sunt, devoret; ac omni ratione vomitum præca-verestudeat, utpote quò violenter nimis agitur gula.

Vulnera
Vasorum
Jugula-
rium.

VIII. Cæterum Colli Vulnera si magis à lateribus fiant, quandoquidem ibi excurrunt *Vena Jugulares* & *Ar-teria Carotides*, idēd, læsis istis vasīs, lethalis non rarē sit sanguinis profusio. Exiguū verō colli vasīs inflictuū vulnus, si Cheirurgus tempestivē accedat, non rarē cu-ratur. Etenim INTERNÆ JUGULARES VENÆ vel ARTERIÆ CAROTIDES si fuerint vulneratæ, in maximo periculo versatur Patiens, ob nimiam sangui-nis profusionem, cui succurri non potest earum con-strictione, eo quod Jugulum constringi non patiatur ci-tra periculum strangulatus & suffocationis: quod si non constringatur, immedicabilis succedit hæmorrhagia.

IX. Quum igitur Vasa hæc Jugularia fuerint saucia, omni ratione occurrendum sanguinis profluvio. Sed cau-tē admodum hæc vulnera erunt tractanda, nec in deter-gendis grumis, aut vulnere mundificando, nimis dili-gentes esse oportebit. Et si medicamentis, in superioribus abundē propositis, Cheirurgus sanguinem sistere nequeat,
mox

mox hamulo vulneratum vas apprehendere debet, & attollere, deinde partes utrinquè filo ligare, totumquè vas transversim præscindere; si forsan cruoris profusio cohiberi, & ità Æger servari possit.

Nonnulli vulnerata Vasa Jugularia obstruere norunt, digito vas apertum aliquamdiu comprimendo, donec ibidem sanguis concresecat, atquè concretus vulneris orificium obstruat, adeoque amplius non permittat cruorem profluere. Et habet Chalmæteus *Enchr. Chir. libr. 2. cap. 19.* exemplum cujusdam, in Vena Jugulari Externa vulnerati, qui familiarium operà, vicissim vulneri digitum per tres dies admoventium, evasit. Atquè haud absimili modo vulneratam jugularem venam in collo Celsissimi Arausionum Principis Guljelmi Primi, obturatam, sanguinisquè ex eadem fluxum inhibutum fuisse, superius de Venarum & Arteriarum Vulneribus narravimus.

X. Atqui Collum si in parte postica, seu Cervice vulneretur, nonnunquam læditur SPINÆ MEDULLA; sive punctim aut cæsim Ea sauciatur, sive tota per transversum discinditur. Hoc si contingat oboritur convulsio vel paralytis in partibus plagæ subjectis, nec non urinæ & alvi fæcum citra voluntatem excretio, aut omnimoda suppressio. De hoc vulnere Hippocrates 2. *prædict.* ità inquit: „ si Spinalis Medulla aut ex casu, aut alia quapiam „ causa externa, aut sua sponte laborarit, & crurum im- „ potentiam facit, ut ne tactum quidem percipiat Æger, „ & ventris, & vesicæ, adeo ut primis quidem diebus „ stercus aut urina non nisi coactè reddatur. Quod si mor- „ bus invaluerit, & stercus & urina, Ægro infcio, pro- „ dit, tandemquè non longo post intervallo perit. Addit Celsus *lib. 5. cap. 26.* „ servari non potest, qui in Spinæ Medulla percussus est. Et refert Tulpus *Obs. Medic. libr. 3. cap. 27.* hujusmodi Spinalis Medullæ vulneris exemplum, quod tertio die mortem attulit.

Spinæ Me-
dullæ Vul-
nera.

XI. Quia verò succurrendum est miseris Ægrotantibus, eadem hic erunt imponenda, quæ in vulneribus nervorum nervosarumquè partium. Atquè hinc admo-

veatur *Oleum Therebinthina ælii calidum*, vel *Balsamum Peruvianum*, vel *Balsamum Sulphuris Therebinthinatum*, vel *Oleum Cera*, vel quod sequitur;

℞. *Spir. Vini* ℥ij. *Mellis Rosarum* ℥j.

Pulv. Aloës, Myrrha an. ℥j.

Misceantur.

Et superponatur *Digestivum*. v. gr.

℞. *Mellis, Therebinthina Venet. an.* ℥℔.

Theriaces ℥ij. *Vtellum unius Ovi.*

Pulv. Myrrha ℥℔. *M. F. Digestivum.*

Interim in hujusmodi vulneribus curandum, ut sanies effluxum habeat, ne retenta dolores, inflammationes, & graviora alia excitet symptomata. Atque ideò si satis patens non sit vulnus, crit dilatandum, ut ichor expurgari possit: si verò vicinæ partes non permittant, ut vulnus dilatetur, plerumquè desperatus est casus. De vulneribus hisce Joh. de Vigo sic inquit: „quæ vulnera ipsius „medullæ eodem modo tractanda sunt, sicuti vulnera „cerebri; quare semper Medicus debet eadem ratione „curare, & vulnera spinalis medullæ, & vulnera cerebri.

C A P U T XXI.

De Vulneribus Thoracis, & Partium intus Contentarum.

Vulnerum
Thoracis
Differentiæ.



I. THORACIS VULNERA alia sunt non *Penetrantia*, in quibus scilicet membrana pleura adhuc integra est; alia *Penetrantia*, in quibus non solum thoracis muscoli, sed & pleura perforatur, ità ut vulnus in ipsam penetret Thoracis cavitatem.

Penetrantia Vulnera rursum sunt, vel sine partium in Thorace contentarum, vel cum earundem læsione; puta pulmonis, pericardii, cordis, diaphragmatis, venæ cavæ, arteriæ aortæ, &c.

II. Sim-

II. Simplex si sit Thoracis Vulnus, nequè in cavitatem ejus penetret, & alius nullus conjungatur affectus, nihil peculiare ad sui curationem desiderat, præter reliqua vulnera. Simplex Thoracis Vulnus.

Si autem detecta sit Costa, ea abradenda est ad medullum usquè, dein vulnus ut simplex considerandum. Quum verò fracta sit, ea suum in locum restituenda, ac porrò curanda, ut inferius de Fracturis sumus dicturi.

III. At profundius cum sit vulnus, diligenter indagandum, an penetret usquè in thoracis cavitatem, an non. In thoracis cavitatem penetrassè instrumentum vulnerans, indicat aër per vulnus exiens; qui potissimum deprehenditur, si vulneris orificio tenuis admoveatur cerea candela, aut lana tenuiter carpta vel gossypium eidem imponatur: sæpius namquè candela extinguitur, vel saltem flamma ejus nutare videtur, & lana vel gossypium quasi vento agitari conspicitur. Verum hic aëris è vulnere thoracis egressus in primis observatur, quoties Ægri tussunt, vel ore naribusquè oclusis vehementer conantur exspirare. Cæterorum Thoracis Vulnerum Diagnostica.

Sed hæc per aërem egredientem exploratio fallere potest, si vulnus obliquum vel tortuosum sit; aut musculi thoracis situ Patientis ab eo, quem habebat dum vulnus accepit, varient, atque vulneris aperturam tegant; vel plagæ orificium, ob non immissam turundam, sit conglutinatum: tum enim aër egredi non potest, imò nec specillum vel stilus intromitti. Ideoque Ægrum, dum vulnus explorandum est, eo situ collocare oportet, in quo erat, cum inflictum fuit.

In penetrantibus quoquè & amplis thoracis vulneribus respiratio interdum læditur, & voce Æger privatur vulnere patente; eò tamen ocluso redit vox, & respiratio liberius peragitur. Insuper dum sanguis in pectore congeritur, & alia accedunt; viz. febris, tussis molesta, sputum cruentum, lateris dolor, pondus & gravitas circa costas nothas, &c. Et si contentæ intus materiæ, aut contentæ alicujus partis vulneratæ adsint indicia, certissimum

num erit vulnus penetrare, tametsi ipsum assequi specillo non liceat. Partium verò thoracis contentarum vulnera quibus ut plurimum innotescant Cap. 1. diximus.

Prognostica.

IV. Cæterum quæ in Thoracis anteriore parte, atque à lateribus contingunt vulnera, nequè ad interiora penetrant, ex se omni periculo vacant, etiamsi secundum propriam essentiam sint magna. At quæ in Thoracis parte postica fiunt, magis sunt periculosa, quia plures ibi, majoresque adsunt nervi & tendines: periculosiora redduntur, si dorfi medulla vulneretur, propter gravia, imò & lethalia accidentia.

Quæ verò intra Pectoris cavum penetrant, nullum licet ex contentis visceribus lædatur, longè periculosiora sunt: quod aër externus per vulnus non alteratus ingrediatur, internasque partes offendant; hinc dolor, tussis, inflammatio, febris, & cætera procedant symptomata.

Adhuc tamen periculosiora censenda sunt, si insuper sanguis in Thoracis cavitatem fuerit effusus, qui ibidem putrescere, & gravissima excitare accidentia potis est.

Sed periculosissima sunt, si quæ ex contentis partibus fuerint faucibus, quapropter haud abs re inquit Galenus 4. Meth. 6. „vulnus, quod intra thoracem vel peritonæum penetrat, non parvum periculum adfert, præcipuè si quid internorum unà sit vulneratum. Equidem „de vulnere contentarum in thorace partium Prognosticis in specie Cap. 2. abundè egi.

Vulnere Thoracis Curatio.

V. Quoad Curandi Methodum: hujusmodi vulnus non dissimilem quidem postulat curam à reliquis vulneribus in parte carnosa existentibus; si nempe in thoracis cavitatem haud penetret. At si penetret in pectoris cavum, fueritque citra contentarum partium læsionem, neque in thorace materia quæpiam contineatur, vulnus quamprimum est ocludendum, ut aëris externi ingressus prohibeatur; hinc protinus conglutinandum.

VI. Si

VI. Si verò contineri intus materiam suspicemur, per dies aliquot vulneris orificium patens est servandum, ut expurgari ea possit; & si ob plagæ aperturam minus patientem probè effluere nequeat, scalpello plaga est dilatanda: utquè facilius profluat, supra vulnus Vulneratus decumbat. Insuper, nisi vulnus per se satis patefcat, plagæ intra osculum immittatur tubulus argenteus vel plumbeus, per quem sanguis, aliavè contenta materies commodè expurgari queat. Deinceps vulnus liberè erit occludendum. At vulnerum in thoracis cavitatem penetrantium veram & succinctam curandi methodum tradit Petrus de Marchettis *Obs. Chir.* 41.

VII. Haud secus ratiocinatur Fabritius Hildanus *Cent.* 3. *Obs.* 37. „Vulnera pectoris, si sanum est corpus, vulnus-
„què recentè inflictum, neque sanguis aut pus ullum
„in pectore collectum, vulnus ut diu apertum maneat,
„minimè opus est. In cacochymicis verò corporibus alia
„ratio est; in iis enim vulnerum & ulcerum pectoris con-
„solidatio, donec natura se probè exoneraverit, minimè
„acceleranda est. Scultetus quoquè in *Armam. Chir. Tab.* 37. monet, ne vulnus thoracis penetrans unquam consuatur, aut per primam intentionem curetur, ne materiæ, quæ in thoracis cavitatem effusa est cum Ægrotantis periculo, præcludatur exitus: vult autem, ut primò immittatur turunda filo alligata, ad apertum vulnus servandum. Quod si materies intrà thoracem collecta fuerit crassa, atque ad exitum per plagam inepta, illa attenuetur injectis per aliquot dies *Lavacris ex Decoctione Hordei, Passularum, addito Melle Rosaceo*; ac vulneri immittatur cannula, ut pus, injectaque decoctio sensim denuò expurgetur. At plura huc spectantia idem habet *post Armam. Chir. Obs.* 42. 43. 59.

VIII. Attamen scribit Joh. de Vigo *libr.* 3. *tract.* 1. *cap.* 10. controversum inter Cheirurgos esse, de penetrantium thoracis vulnerum consolidatione. Quibusdam enim videri ejusmodi vulnera quamprimum claudenda, & cicatrice obducenda esse, ne aër frigidus in cor subeat, ac

spiritus vitales exiliant & dissipentur. Alii è contrario censent, talia vulnera diutius aperta esse servanda: imò si per se non satis pateant, Chirurgià amplificanda, quò sanguini in thoracis spatium effuso exitus pateat, alioquin cunctando putredinem contracturo, unde febris incrementum, sinus fistulosus, aliaque periculosa accidentia.

Priorem sententiam amplectitur Theodoricus *libr. 2. cap. 16.* ubi in quacunque parte thoracis fiat vulnus, in continenti labia conjungi vult.

Posteriori subscribunt Joh. de Vigo *loco citato*, Brunus *Chir. Magn. lib. 1. cap. 4.* Rolandus *lib. 3. cap. 19.* Lanfrancus *tract. 2. cap. 5.* Guljelmus de Saliceto *libr. 2. cap. 12.* Rogerius *cap. 23.* Chalmæteus in *Encheiridio Chirurgico*, Item Paræus de hac quæstione sic inquit: „Prior quidem „sententia ratione & veritate nititur, modo nihil aut parum sanguinis in thoracis capacitatem effusum: Posterior verò locum habet, cum magna vis sanguinis in „thoracis spatium se effudit. Atque historià utramquè sententiam comprobat, docetquè vulnus thoracis penetrans ad duos treseve dies apertum esse servandum: at cum animadvertimur Ægrum nullo, aut saltem exiguo dolore vexari, nullo pondere diaphragma premi, spirandi libertatem adesse, adeoque detrahi periculum, quam citissimè fieri poterit, ad cicatricem vulnus perducì vult. Eadem distinctione utitur Pigræus *Prax. Chirurg. libr. 4. cap. 14.* ubi inquit: „si parva sanguinis copia in thorace „fuerit contenta, eam dissipari & evacuari tussiendo & „screando.

Si ergò certa contentæ in thorace materiæ indicia sese offerant, materia illa ut educatur postulat. Educitur autem per tres vias: vel per vulneris orificium, vel per os tussiendo, vel nonnunquam per urinæ viam. Rarum est, pus ex thoracis vulnere, in cavitatem ejus effusum, per alvum expurgari, quod se observasse scribit Marchette *Obs. 43.* At rarius, costæ fractæ fragmentum per anum fuisse excretum, quod se vidisse nobis narravit Cl. Diemerbroekius in collegio suo Chirurgico, cum sub ejus aulpi-

auspiciis quondam Medicinæ studio operam darem, atque ipsum illud costæ fragmentum quoque exhibuit.

IX. Curandum igitur, ne præproperè, & priusquam materia fuerit expurgata, vulneris orificium occludatur: verum apertum id servandum beneficio turundarum, sic ut non facilè externus aër ingredi queat. At si copiosa materies intus contineatur, periculum est, ne suo contactu partibus contentis malè afficiat; in primis quum inter unam & alteram inspectionem nimis longum tempus intercedat. Quapropter utile est instrumentum, quod & apertum servat foramen, & materiæ exitum continud præbet; quale est cannula plumbea, vel argentea, aut linteam cerâ albâ oblitum & in cannulæ formam redactum.

X. Sed notandum in vulneribus thoracis tum turundæ, tum cannulæ filum semper alligandum esse satis longum; ne ea, ob perpetuum thoracis in respiratione motum, incidat in pectoris cavitatem, mortisque causa fiat. Tale exemplum refert Hildanus *Cent. 1. Obs. 46.* cujusdam, qui duas turundas in cavitatem thoracis delapsas post tres menses tussi rejecit. Et *Cent. 3. Obs. 36.* aliam narrat historiam de quodam in pectore vulnerato, qui duas turundas satis longas ultra biennium secum gestavit, à quibus tandem, ne gry quidem alteratis, casu potius, quam arte fuit liberatus, atque ita sanitati restitutus. Tulpius quoque *Obs. Med. libr. 2. cap. 15.* meminit cujusdam nobilis Dani, qui post mensem sextum turundam, in thoracis cavitatem per Cheirurgi imprudentiam delapsam, per os excreavit. Rarum etiam est, quod habet Pigræus *Præx. Chir. libr. 4. cap. 14.* de milite, qui sclopeto in thorace vulneratus, tribus quatuorvè à sanatione mensibus, per arteriam asperam satis crassum, tribusquè ad minimum digitis longum, costæ fragmentum excrevit, atque ab eo tempore nullum amplius incommodum per sensit.

XI. Insuper circa turundæ aut cannulæ usum in vulneribus thoracis notandum, eas oblinendas esse medica-

mento Digestivo. Etiam ne nimis longæ sint turundæ, ut pulmonem lædant.

Impositâ hoc modo cannulâ, fiat tegumentum, quod injurias aëris ambientis arceat. Et supra plagam Patiens plerumquæ decumbat, quod materies proprio pondere ad vulnus feratur. Per intervalla quoquæ ore naribusquæ oclusis spiritus comprimatur, quod pulmo intumescat, diaphragma contrahatur, sicquæ ad vulnus contenta materia exprimatur.

XII. Sed materies hæc ut facilius educatur, & partim etiam absumatur, nonnulli detergentes & exsiccantes liquores per vulnus in thoracis cavitatem quotidie immittere solent: quales sunt, *Hydromel & Aqua Hordei*, cum *Melle Rosaceo*; aut Decoctio leviter abstergens & attenuans, ex *Agrimonia*, *Veronica*, *Hyperico*, *Radice Aristolochia Rotunda*, &c. addito *Melle Rosaceo*, nonnunquam & *Spiritu Vini*. Quibus siphonis ope in thoracem injectis, obturatoquæ vulnere, jubent ut Patiens modo in hoc, modo in istud latus sese volvat, quod materia ab omnibus partibus eluatur, hinc per plagæ aperturam unâ cum injectione educatur: observandum interea, ne quid lotionis intra thoracem maneat, eò quod ipsa ob admixtam purulentam materiam corrumpatur, & prava invehat symptomata. Atque hoc modo procedunt, donec materia amplius per vulnus non exeat, & nulla appareant contentæ materiæ signa. Jubent præterea, ut Patiens tussiat, quod materies fortius expellatur ad vulnus, & per os quoquæ portio ejus educatur.

Monet etiam Scultetus in *Armam. Chir. Tab. 37.* in vulneribus thoracis cum parva pulmonis & diaphragmatis ad partem carnosam incisione, ut non solum promoveatur materiæ per vulnus ex se latum, aut scalpello dilatatum, aut per novum foramen, aut per urinarias vias exclusio; verum etiam, ut per siphonem in thoracem infundatur 1. Decoctum vasa sanguinem fundentia constringens, 2. materiam crassam attenuans, 3. internum vulnus detergens, 4. illud consolidans.

Si

Si verò ob plagæ angustiam contentæ materiæ non ità pateat exitus, congruâ sectione vulnus est dilatandum. At si vulnus sit in superiore pectoris parte, potius in imo thoracis loco, viz. inter septimam & octavam costam, apertio est facienda.

Purulentæ materiæ qualitas etiam exploranda immisso specillo; idque illicò extractum si nigrum sit vel fiat, Ægrotum vix evasurum indicat.

XIII. Atqui ubi recesserint symptomata, detrahendus tubulus, quumquæ materia minui incipiat, sensim turunda imminuenda, & carnis generationi incumbendum, ut foramen claudatur: si enim vulnus fiat inveteratum, evadit fistulosum, & non, aut saltem difficulter glutinari potest.

Foras verò applicetur medicamentum vulneri idoneum; viz. exsiccans, simulquæ carnem gignens, ac consolidans. v. gr.

℞. *Therebinthina Venet.* ℥j.

Mellis Rosacei, Olei Hypericonis an. ℥ss.

Misceantur.

Alii in hujusmodi vulneribus istud laudant;

℞. *Resina Pini clara & odora* ℥xij.

Therebinthina, Olei Laurini an. ℥ij.

Gummi Elemi ℥iij.

Resina & Gummi ad ignem liquecant, dein addantur Oleum & Therebinthina, parum bulliant, donec Unguenti crassitiem acquirant, tandemquæ colentur.

Interim à tussi, quantum fieri potest, Æger abstineat. Enimverò totus thorax quum exagitetur tussi, fieri nequit, quin vulneratæ partes denuò lacerentur, adeoque consolidatio impediatur. Si tamen tussis infestet, eo quod ad pulmonem pars contentæ materiæ transmittatur, in ore contineat quæ vim habent leniendi, attenuandi, expectorandi; cujusmodi sunt *Syrupi varii Pectorales*, aliaquæ pro Arterię Asperæ & Oesophagi vulneribus laudata. Hîc quoque conducit Decoctum Pectorale, quod simul Vulnerarium fieri potest. v. gr.

Qq 3

℞. *Rad.*

R. Rad. Consolida Maj.

Liquiritia rasa an. ʒj.

Aristolochia Rot. ʒv.

Herb. Tussilaginis, Capill. Ven.

Fragaria, Sanicula an. Mj.

Caricarium, Passular. Enucleatar. an. ʒij.

Coq. in Aqua Hordei ad ʒxxx.

Sumat Patiens ter quaterve ʒiij. vel ʒiiij. quotidie.

XIV. Sin interna aliqua pars fuerit saucia, quantum ad apparens vulnus attinet, eadem omninò curatio convenit; adeoque nec opus est, ut aliquod, præter hæc quæ proposuimus, medicamentum plagæ immittatur. Attamen in *Pulmonis Vulneribus* danda opera, ut primum sanguinis profusio, quæ ob insignia hujus visceris vasa accidere solet, sistatur, & inflammatio, cui pars hæc obnoxia est, prohibeatur, tandemque vulnus conglutinetur: sanguis verò, qui in thoracis cavitatem effusus est, evacuetur. Itaque ut inflammatio prohibeatur, nisi nimia cruoris profusione vires sint dejectæ, *Vena secetur*. Si vulnus sit angustum, hinc ut exitus extravasato sanguini non pateat, scalpello ampliandum. In operatione verò Æger vehementer exspiret, quo pulmo collabatur. Deinde medicamenta adhibenda adstringentia & emplastica; sive ea sint, quæ in cavitatem thoracis infunduntur; sive interna, quæ ore sumuntur. Talia sunt *Bolus Armenus, Terra Sigillata, Thus, Mastix, Balauſtia, Gummi Arabicum, Tragacantha, &c.* ex quibus injectiones, pulveres, & similia præparari possunt. Sed ut pulvis Pulmoni Vulnerato applicetur, jubendum ut Æger spiritum ducat, quo vesiculosum hoc viscus inflectur, aëremque eò usque contineat, ut vulnus pulvere sit conspersum. Interna autem, & quæ per os sunt exhibenda, alibi ac præsertim Cap. 7. exposuimus.


Quum verò quædam Pulmonis pars è vulnere emineat, & livescere ac nigrescere incipiat, atque ita corruptionis notas exhibeat, ea ferro est abscindenda, uti ex variis Chæirurgiæ scriptoribus in præcedentibus notavimus.

Diæ

Diaphragma quum in parte carnosâ sit vulneratum, eedem sunt indicationes curativæ. *At tendinosa pars si vulneretur*, vulnus lethale est.

CAPUT XXII.

De Vulneribus Abdominis, & Internarum Partium.

I.  **Vulneribus Thoracis succedunt ABDOMINIS VULNERA.** Per *Abdomen* autem intelligimus totum illud spatium, quod à costis spuriiis, lumbis, & ossibus innominatis comprehenditur: constans cuticulâ, cute, adipe, membranâ carnosâ, decem musculis; quibus partibus peritonæum subjacet, includens viscera in infimo ventre contenta.

Hinc varia existunt *Abdominis Vulnera*. Aut enim sunt *Abdominis non Penetrantia*, quum exteriores saucientur partes; cutis puta, pinguedo, membrana carnosâ, hisquæ subjecti musculi, intacto peritonæo: aut sunt *Penetrantia*, ubi peritonæum quoquæ vulneratur. Cæterum penetrantia Abdominis vulnera sunt, aut *cum*, aut *sine* partium internarum læsione. Vulnus penetrans cum læsione partium internarum, tot habet differentias, quot sunt partes in infimo ventre contentæ: unde alia vulnera sunt cum læsione jecoris, vel lienis, ventriculi, intestinorum, vesicæ, renum, &c. Rursus vulnera Abdominis penetrantia sunt quandoquæ cum omenti ac intestinorum exitu, nonnunquam citrà eum.

II. An autem vulnus penetret in Abdominis cavitatem, *Diagnosica.* an non penetret, indagandum. Penetrans vulnus à non penetrante dignoscitur immissione stili vel ceræ candelæ: si enim multa portio ingreditur, signum est plagam penetrare. Advertendum tamen, ne decipiamur: nam fieri potest, ut foramine existente obliquo, retorto, aut à superjacentibus partibus occluso, minima stili vel ceræ cap-

candelæ portio in ventrem ingrediatur, tametsi penetret vulnus: & è contrario, multa stili aut candelæ portio obliquè inter musculos progrediatur, etiamsi plaga non sit penetrans.

Addunt nonnulli: si vinum intrà orificium vulneris immittatur, in penetrante id ingredi in ventris cavitate, in non penetrante retrò egredi per plagam. Sed hunc explorandi modum haud immeritò rejicit Cæsar Magatus *libr. 2. cap. 69.*

Certius verò penetrantis vulneris indicium est, si intestinum aut omentum exeat. Quinimò si plagæ magnitudo conferatur cum vulnerante instrumento, non rarò conjecturâ assequi possumus, vulnus num penetret, nec ne.

III. At non satis est, dignoscere plagam penetrare, sed insuper nosse oportet, num aliqua contentarum partium sit faucia; id quod petendum ex Celso *libr. 5. cap. 26.*

Sic *Hepar Vulneratum* indicare ut plurimum solent, vulnus in dextrò hypochondrio ad costas nothas, copiosi sanguinis per vulnus exitus, vomitus biliosus, cruentæ dejectiones, acerbis dolores & punctiones in partibus vicinis & propinquis, febris. Quod si hujusmodi vulnus profundius sit, parit animi deliquium, sudorem frigidum, ac mortem brevi infert.

Lienem Vulneratum significant, vulnus in hypochondrio sinistro penetrans sub costis nothis, copiosi sanguinis nigricantis per plagam effluxus, sitis, febris: nonnunquam & respiratio lædi solet, affecto per consensum diaphragmate.

Ventriculum Vulneratum esse suspicamur, si abdomen sit faucium è regione ventriculi; si præsertim singultus accedat, & cibus potusquè assumptus vomitu rejiciatur. Et quandoquidem ità læsus ventriculus nec appetere cibum, nec continere, nec fermentare ritè potest: interdum crudus cibus & potus, interdum semidigestus chylus per vulnus exit. Insuper animi deliquium frequenter *Vulneratum* corripit, potissimum si superius ejus orificium seu stomachus faucietur, unde & frigidi erumpunt
susto-

fudores, aliaquè gravia, imò lethalia plerumquè accedunt symptomata.

Eadem ferè eveniunt, si *Vulneretur Tenne Intestinum*: exit namquè per vulnus nondum perfectus chylus, hypochondria tenduntur, ac vomitus non rarò accedit. Deniquè & maximi ventris cruciatus Vulneratum corripiunt, ut plurimum cum febre satis valida. At *Crassum Intestinum* si *Vulneretur*, egrediuntur per vulneris orificium fæces, vel saltem stercoris odor inter deligandum percipitur, cruentaquè per alvum dejiuntur.

Renes Vulneratos esse existimamus ex loco affecto, præsertim quum urina cruenta sit, & difficulter reddatur, dolorquè gravis partem affectam affligat, qui ad inguina testiculosquè sæpè extenditur; cumquè latum sit vulnus, aquosus cruor per id egrediatur.

Sin *Vesica Urinaria sit Vulnerata*, urina per plagam exit, eaquè reddi solet cruenta: pectus tenditur, doletquè, dolent & ilia, nec non febris ut plurimum accedit.

Venam Cavam aut *Aortam Arteriam* hic *Vulneratam* conjectamus ex insigni sanguinis profusione, quam statim mors sequitur,

Summatim quæ pars in infimo ventre sit saucia, conjicimus primum ex situ partis, deinde ex actione læsa, deniquè ab excreto.

IV. Cæterum vulnera Abdominis non penetrantia, si Prognostica. ritè curentur, absquè ullo sunt periculo, nisi sint valde magna. Periculosiora tamen meritò censentur, quæ in media abdominis parte, quam quæ in lateribus sunt, propter concurrentes ibidem loci abdominis musculorum tendines.

At penetrans Abdominis vulnus, licet non lædantur partes internæ, periculosius tamen est; præsertim magnum si sit, & profundum, eò quod intestina facilè excident, quæ difficulter postea suo loco restituuntur. Etiam angusta hujusmodi vulnera, si intestina excident, periculo non vacant. Nisi enim id quod excidit statim in suum locum reponatur, intumescit ac inflatur, ut postea

R r per

per angustum foramen restitui nequeat; hinc ab aëre externo alteratur, corrumpitur, & malum sæpius evadit lethale.

De vulneribus verò Abdominis penetrantibus, cum contentarum intus partium læsione, quid judicandum sit Cap. 2. abundè diximus.

Vulnenum
Infimi
Ventris
Curatio.

V. Vulnera porrò Abdominis non Penetrantia eandem requirunt Curandi methodum, quam reliquarum carnosarum partium vulnera.

Si verò Penetrent, citrà tamen egressum vel læsionem internarum partium, ac citrà substantiæ deperditionem, quamprimum sunt glutinanda: viz. disjuncta vulneris labia manuum operâ adducenda, adductaque servanda idoneâ futurâ. Glutine siquidem in talibus vulneribus uti non possumus, eò quod peritonæum, utpote exanguis membrana, mutuo agglutinari nequeat; quo dehiscente, in posterum intestina excidere solent. Id ergò ne contingat, ità vulnus erit consuendum, ut hinc inde musculus agglutinetur peritonæum. Ità quoquè Guido de Cauliaco, Fallopius tom. 2. tract. 7. cap. 17. & plerique alii docent: viz. vulnera in Abdominis cavitatem penetrantia, absquè læsione internarum partium, nullo modo aperta esse servanda, sed protinus consuenda & agglutinanda.

VI. At Intestinum si sit Vulneratum, tamdiu vulnus apertum servari volunt nonnulli, quousquè conglutinatum sit intestinum, tumquè vulnus consuere jubent. Lanfrancus Chir. Magn. tract. 2. cap. 7. Rolandus libr. 3. cap. 26. Guljelmus de Saliceto libr. 2. cap. 15. Rogerius libr. 3. cap. 29.

Chalmæteus Enchir. Chir. libr. 2. cap. 23. omnia Abdominis vulnera unienda & consuenda esse vult. Nequè ex sanguine in infimi ventris cavitatem effuso magnum damnum imminere inquit, si illic quoquè retineatur, cum natura ipsum in inguina transmittet, atquè tumorem excitabit, qui curabitur ut abscessus.

Atqui vulnus abdominis penetrans, citrà tamen læsionem vel egressum contentarum partium, si ob angustiam ejus

ejus futurâ non egeat , glutinatio medicamentis , in superioribus abundè propositis , quamprimum adjuvanda ; dein conveniente fasciaturâ vincendum , itâ tamen , ut dolorem non inferat.

VII. Sed in Curatione *Penetrantium Vulnerum* abquâ *internarum partium læsione* , verum cum exitu *Intestini aut Omenti* , non alium præceptorem imitari necessum est , quam Galenum , qui *libr. 6. Method. Med. cap. 4.* hujusmodi vulneris Curam itâ describit : „ Primum itaque id agendum est , „ ut intestina , quæ exciderunt , in suum recondantur „ locum. 2. Ut vulnus consueatur. 3. Ut medicamentum „ apponatur. 4. Ut prospiciamus , ne præstantior quæ- „ piam pars simul afficiatur.

VIII. Quoad primum : si mediocre fuerit vulnus , & recens exciderit *Intestinum* , manibus & digitis impellendo est recondendum : id quod difficulter non rarò peragitur , quoniam per exiguum vulnus paulatim , & multum exit , inflatur , intumescit , ventoquè repletur. Quo in casu prolapsum intestinum Foru calido , ex *Ablynthio* , *Scordio* , *Ruta* ; *Malva* , *Floribus Camomilla* , *Meliloti* , *Semine Cumini* , *similibusquè in Cerevisia aut Vino decoctis* , continuò foveatur , si forsân flatus itâ discuti possint.

Diffipatis flatibus tentanda erit *Intestini reductio* , quæ ut facilius succedat , oportebit Patientem itâ decumbere , ut plaga sursum spectet , & contenta intus intestina contrariam in partem ferantur.

Quod si nec hoc modo inflatio cesserit , adeoque reponi nequeat *Intestinum* , vulnus tantum ampliandum , quantum ad intestini repositionem opus est. Quod ut dextrè fiat , vulneri digitum imponat *Cheirurgus* , ne fortè intestinum ferro attingatur : vel utatur *scalpello incurvo* , alterâ tantum parte aciem habente , in cujus extremo adsit globulus , ne intestinum mucrone saucietur. Factâ idoneâ sectione introducatur intestinum , vulnus consueatur , ac conveniens medicamentum apponatur. At ne præstantior pars simul afficiatur , animadvertere oportet , priusquam fiat restitutio , num sanguine foedatum sit ,

R r 2

aut

aut aliâ re conspurcatum intestinum, vel ipsi adhæreat peregrinum aliquod corpusculum, tunc enim prius sedulo ab omni sorde, & peregrinis corpusculis est abluendum.

IX. Verum *Omentum* si extra labatur, nondum tamen fuerit refrigeratum, nequè colorem mutaverit, quamprimum intromittendum, cum citissimè ab aëre alteretur & corrumpatur. Sed si refrigeratum, hinc & alteratum fuerit, tunc, ex Hippocratis præcepto *Aphor. 58. Sect. 6.* ligabitur ea parte, quæ calidæ parti est proxima, portioquæ corrupta amputabitur. Ligari autem Omentum hæc debet, ne ipsius vasa aperta cruorem intrâ abdominis cavitatem effundant: qualem casum describit *Marchette Obs. 51.*

X. Alter scopus est *Vulnus Consuere*, ne Intestinum vel Omentum denuò prorumpat. Collocetur igitur, ac decumbat Patiens in partem plagæ oppositam, ut eò minus ad aperturam impetum faciant intestina. Interim minister manibus apprehendat vulneris labia, & Cheirurgo tantam porrigat vulneris partem, quanta ad consuendum est necessaria. Dein consuatur vulnus eò modò, ut quoniam peritonæum peritonæo non agglutinatur, tamen agglutinetur musculis; idquæ assequi poterimus, si inter consuendum hinc inde peritonæum musculis ipsis adducatur: scilicet acus, duplicatum filum ceratum ducens, primum ab externa vulneris parte ita trajiciatur, ut & cutis & musculi & peritonæum simul trajiciantur; ex opposito verò à parte interna vulneris, intacto peritonæo, musculi cum cute trajiciendi: ab eadem parte semidigiti interstitio extrinsecus postmodum infigatur acus sic, ut partes continentes omnes simul cum peritonæo trajiciantur; sed in opposita parte ab internis extrinsecus infigenda acus, ut, intacto peritonæo, cætera infimi ventris integumenta trajiciantur; & sic deinceps, donec tot injecta fuerint puncta, quot erunt necessaria. At quoniam puncta hæc non leve onus sustinent, ne ab ipsis scindatur caro, procul à vulneris ore ferè per digitum sunt injicienda.

Hunc

Hunc suendi modum comprobavit ac explicavit Galenus *Meth. Med. libr. 6. cap. 6.* Et sanè alium nullum licet reperire, quò agglutinari musculis queat peritonæum: si namquè communi uti velimus futurâ, itâ scilicet, ut vel utraqùe ex parte peritonæum trajiciamus, vel intactum omninò relinquamus, id non conglutinabitur; atquè sic post sanationem vulneris omentum aut intestina prorumperent, & inemendabilis herniæ causa essent.

Si verò hujusmodi vulnus fuerit cum deperditione substantiæ, uti contingit, si sclopeto infligatur, nequaquam ejus labia sunt adducenda; siquidem curari id oportet, sicut vulnus cavum, per carnis generationem.

XI. Si tamen *Intestina sint Vulnerata*, priusquam introducantur, idoneâ futurâ, ut ait Celsus *libr. 8.* sunt consuenda. Quod si fuerint faucia, verum extrâ vulnus non prociderint, ampliore reddito vulnere, eadem extrahere oportet, modo commodè fieri possit; atquè consuere eò prorsus modò, quo pelles consui solent.

De Vulneratorum Intestinorum Curatione diligenter quoquè agit Galenus *lib. 6. Meth. Med. cap. 4.* ubi docet vulneratum intestinum primò, si fieri queat, esse consuendum. 2. applicanda ei medicamenta. 3. si prolapsum quoquè sit, suum in locum reponendum. 4. curandum, ne fæces in transitu ipsi noceant: tandemque abdominis vulnus claudendum.

Primum ergò si vulnus amplum sit, & vulneratum intestinum prolapsum, mox id suendum, & pristinæ sedi restituendum. Nisi enim hoc statim fiat, ab aëre ambiente alteratur, ac lividum evadit, omnisquè curationis spes præciditur. Quod si prolapsum non sit, paulatim & placidè foras trahendum, deinde vulneris labia simul adducenda, & adducta consuenda acu subtili, brevi, ac rotundâ, & filo lineo, forti, æquali, cerâquè oblinito, eò fermè modò, quo pelliones pelles, & mulieres linteamina vulgò consuere solent. Factâ futurâ, vulneratum intestinum abluatur *Lacte recenti calido*, seu potius *Vino*, vel *simplici*, vel *in quo Rosa, Chamamelum, Absyn-*

rhinum, Scordium, & similia sunt decocta; eiquè illinatur Balsamum Sulphuris Therebinthinatum, vel Peruvianum, vel aliud quodvis Sarcoticum ac Glutinans Balsamum seu Oleum: nec non modicè inspergatur Consolidans Pulvis. v. gr.

*R. Aloës, Mastichis, Thuris,
Mumia, Sanguinis Draconis an. ʒj.*

M. F. Pulvis subtilis.

His factis, intestinum paulatim & leniter in naturalem locum est reducendum; dein abdominis vulnus consuevendum, ac porro ut artis est curandum. Sed peractâ vulnerati intestini futurâ; filum ne abscindatur; verum utraq; ejus extremitas extrâ plagam propendeat, ut suo tempore extrahi possit.

Interim ut facilius Intestinatorum Vulnus consolidetur, Medicamenta usurpanda Consolidantia. Et quidem si plaga in Tenue inciderit Intestinum, exhibendum quoquè *Decoctum ex Radicibus Consolida, Tormentilla, Herbis Pyrola, Sanicula, Plantagine, Hyperico, & similibus, in Aqua PURA vel Chalybeata decoctis: nec non Elethnarium ex Conserva Rosarum Rubrarum, Bolo Armeno, Terra Lemnia, Gummi Arabico, Tragacantha, Sympo de Symphito, &c.* Quum verò Crassum Intestinum sit faucium, ano per fistulam injiciatur *Vinum Rubrum Adstringens, vel laudatum nunc Decoctum Vulnerarium; vel Clyster fiat ex Lacte Dulci cum Therebinthina Veneta, Ovi Vitello dissoluta, addito Melle Rosaceo, &c.*

Atqui Intestinatorum Vulnus si fuerit cum substantia defectu, ut contingit, quando ictus sclopeto infligitur, aggredi curam non debemus nisi coacti, & cum prognostico: casus enim plerumquè est desperatus.

Cæterum non possum hic non meminisse admirandæ historiæ cujusdam adolescentis, ensè paulò supra umbilicum vulnerati, de quo refert Hildanus *Cent. 5. Obs. 74.* quod non tantum magnam concreti, nigricantisquè, & putrescentis sanguinis copiam per alvum excreverit; (non obscurum vulneratorum intestinatorum argumentum) verum etiam circa anni finem ab accepto vulne-

vulnere, alvum exoneraturus, inflicti enſis extremum apicem excluſerit.

XII. *Ventriculi Vulnera* probè ſunt conſideranda, an penetrent intrà cavitatem ejus, nec ne, & in qua ejus parte ſint, *hoc eſt*, an in orificio, vel in fundo. Quibus perſpectis, ſi *Ventriculi Vulnus penetrans non ſit*, conſuatur plaga Abdomini illata, & protinus curetur, atquè Ventriculi Vulnus naturæ beneficio relinquatur.

Si penetret, quamvis tunc ut plurimum lethale ſit, non tamen ſine medela Æger eſt relinquendus, cum præſtet anceps experiri remedium, quam nullum, & multa præter Medentis opinionem eveniant.

Quum igitur *Telo Scindente Vulnus inſiſctum ſit Ventriculi Fundo*, & totus promineat Ventriculus, vulnus conſuendum eſt eò prorſus modò, quò ſaucia Intestina conſui ſolent; hinc conſuatur Abdomen, ac eadem porrò inſtituatur curatio, ac in vulneratis intestinis. Si verò non promineat Ventriculus, vel parvum ſit vulnus, ac anguſto & perforante inſtrumento factum, adeoque conſui nec poſſit, nequè opus ſit; vulnus abdominis ità conſuendum, ut in vulneris inferiore parte relinquatur orificium, quò pus expurgari poſſit, atquè intra hoc orificium immittenda turunda, quæ intrà ventriculi vulnus nequaquam ingredi debet, ſed ut ſaltem ad id perveniat ſufficit; eaque inungatur *Baſſamo Sulphuris*, vel *Peruviano*, vel *Unguento Aurco*, vel *Baſilicone*, vel ſi digerendum plus ſit,

R. *Therebinthina Venet.* ʒʒ. *Olei Hypericonis* ʒj.

Vuellum unius Ovi. Miſceantur pro Diſſeſtro.

Alii hic laudant hoc Linimentum;

R. *Olei Maſſichini, Abietini an.* ʒj. *Thuris* ʒij.

Pulv. Rad. Tormentilla, Conſolida an. ʒj. *Crocij*.

Lumbricorum Terreſtr. N^o. v. Vini Albi ʒij.

Coq. ad Vini conſumptionem, dein colentur pro Linimento.

Sed plurimum ad hujusmodi vulnerum conſolidationem juvant aſſumpta, eò quod longam in ventriculo moram trahant; hinc & Decocta, & Electuaria in Vulneratis Intestinis laudatà apprimè hic conducunt. Enimvero in phar-

pharmacis ore fumendis, nec non in victu, præcipua curationis pars consistit: quapropter parcè admodum comedere debet Patiens, ne ex cibi copia distendatur ventriculus, verum corrugatus maneat, sicquè facilius vulnus uniatur ac conglutinetur.

Si autem hujusmodi Vulnus sit *cum substantia amissione*, desperatus plerumquè est casus. Uti & quum in orificio *Ventriculi superiore seu Stomacho* plaga contigerit. At vulnus thoracis penitrens per septum transversum in ventriculi fundum, ejusdemquè curatio, videri potest apud Scultetum post *Armat. Chir. Obs.* 47.

XIII. *Hepatis & Lienis Vulnera* licet ut plurimum sint lethalia, parva tamen & superficialia aliquandò sanari solent, atquè idèò Æger non est derelinquendus. Si ergò magnum sit Abdominis vulnus, & per id viscera hæc erumpant, quamprimum intromittenda, ne ab aëre alterentur, dein vulnus consuendum, & in inferiore ejus parte orificium relinquendum, in quod turunda, superscriptis medicamentis inuncta, immittenda, & glutinatio naturæ committenda. Interea decumbat Vulneratus, quò diutius citrà molestiam potest, suprà partem vulneratam, quò facilius ad plagam materia feratur.

Cæterum sollicitos nos esse oportet, ne inflammatio accedat, atquè idèò revulsioni potissimum studendum, tum per *Venesectionem* in brachio, tum per *Clysteres Lenientes & Abstergentes* subindè injectos.

Hic quoquè locum habent *Decocta Vulneraria & Conglutinantia*. Et si pus per urinæ viam Medicus observet, *Diuretica* istiusmodi Decoctis addantur.

XIV. Si *Renēs Vulnerentur*, attendendum, num effluat per plagam purum lotium, vel sanguis serosus: quoniam si non exeat talis materies, quin potius purus effundatur cruor, hujusmodi vulnus ad ipsam Renum cavitatem non penetrare; verum superficietenus, *hoc est*, in parenchymate tantum Organa hæc faucia esse indicio est. Quo in casu infundatur intrà vulnus consolidans aliquod medicamentum; puta *Oleum Therebinthina calidum*, vel *Balsamum*

Sanum Sulphuris Therebinthinatum, vel *Balsamum Peruvianum*, vel *Unguentum Sanctum*, ab insigni effectu ità appellatum, quod Joh. Andr. à Cruce in *sua Chirurgia* ità describit:

℞. *Resina Pini clara* ℥ odora ʒxij.
Therebinthina, Olei Lauri an. ʒij.
Gummi Elemi ʒix.

Fiat ex his. S. A. Unguentum.

Hòc factò, Abdominis plaga consuatur, ac porrò consolidetur, & *Vulnus Renis naturæ* relinquatur.

Atqui profundius quum sit *Renum Vulnus*, sic ut *urina pura* vel *sanguis serosus* egrediatur, tunc Abdominis plaga non consuatur, sed intrà eam per siphonem injiciatur *calidum Vinum Rubrum Adstringens*, vel *abstergens* & *consolidans Injectio*, ex *Radice Consolida*, *Tormentilla*, *Herbis Plantaginis*, *Alchymilla*, *Hyperico*, *Rosis Rubris*, *Balaustia*, in *Aqua Ferrata* vel *Vino Rubro Adstringente decoctis*; additis *Melle Rosaceo* & tantillo *Spiritus Vini*; ac dein vulnere imponatur aliquod *Consolidans Balsamum* vel *Unguentum*, idquè quotidie semel vel bis renovetur, usquè dum *vulnus sanatum* sit.

Patiens interim utatur *Decocto Vulnerario simul* & *Diuretico*, ex *Radicibus Consolida*, *Aristolochia Rotunda*, *Glycyrrhiza*, *Herbis Althea*, *Malva*, *Alchymilla*, *Sanicula*, *Hyperico*, *Fructibus Alkekengi*, & *similibus*, in *Aqua Pura* vel *Ferrata decoctis*, addito *Syrupo Papaveris Rheados* vel *Althea Fernelii*. Pro potu ordinario bibat *Pisnam*, vel *Emulsionem ex Hordeo Mundato*, *Semine Melonum*, *Cucumeris*, &c.

Quod si in hujusmodi vulneribus supprimatur *urina*, ob *sanguinem grumefactum* *urinæ viam obstruentem* ac *obturantem*, sumat *Patiens* mane & vespri decem aut duodecim harum *Pilularum*;


℞. *Therebinthina Venet. ad consist. pilular. coct.* ʒj.
Pulv. Troch. Alkekengi ʒij.
Oculorum Cancrorum Crud.
Creta Alba an. ʒj.

F. S. A. Pilula magnitudinis Cicerum.

XV. Quoad *Vesica Urinaria Vulnera*: Ea quæ Fundo ejus sunt inflata rarò sanantur, præsertim cum urina in abdominis cavitatem continuò effluat. Quæ verò in *Collo seu Cervice* sunt curari solent, haud secus ac vulnera pro extrahendis calculis à Lithotomis facta: & quidem pro eorum curatione eadem habendæ sunt indicationes, ac in vulneribus Renum.

CAPUT XXIII.

De Vulneribus Articulorum.

I.  Ed & in brachiis & cruribus, præter Ea quæ in parte carnosâ contingunt, occurrunt **ARTICULORUM VULNERA**; quæ peculiarem requirunt curandi methodum.

Articulorum Vulnera qualia sũt.

II. Est autem *Articulus*, ex Galeno lib. de ossibus in principio, ossium compositio ad voluntarium motum comparata. Quæ compositio fit ex duobus ossibus, nec non ex ligamentis, tum orbiculari, tum tereti, ossa hæc ità alligantibus, ut se mutuo contingant. Insuper profundiores obtinet partes hæc conjunctio: etenim sunt in Articulo tendines, ligamenta, venæ, arteriæ, nervi, &c. Hinc & hujusmodi vulnera non modo curatu difficilia, sed quòque periculosa, imò lethalia nonnunquam observantur. Adhuc tamen periculosiora sunt, si *Luxatio* adsit. Nequè enim sine vitæ periculo Articulus tum reponi potest, ob dolores hujusmodi vulnera perpetuò comitantes. Quapropter Prognostico se munire debet Medicus, ne apud vulgum malè audiat: aliàs enim si Articulum reponat, isquè repositus maneat, mortem adfert Ægrotanti, videturquè non rarò ad exiguum vulnus mors sequuta. Verum de hisce *Libr. 5.* latius sumus dicturi.

Horum Vulnerum Curatio.

III. Cæterum horum vulnerum alia ad Articuli cavitatem pertingunt, alia non. Quæ còusquè non perveniunt, dici possunt *Vulnera supra Articulos facta*, quoniam
ad

ad ipsam ossium conjunctionem non penetrant : in quibus tamen si Tendines aut Nervi vulnerentur , curari debent ut vulnera nervorum , nervosarumquè partium : sin Venæ aut Arteriæ sauciantur , oportet talia vulnera tractare ut *suo loco* dictum est.

IV. Sola autem Ea censenda sunt *Articulorum Vulnera*, quæ ad Articuli cavitatem descendunt , in quibus adeò conjunctionis ligamenta inciduntur. Hæc vulnera ut curentur , ab externi aëris injuriis probè sunt defendenda ; aëris quippe acrimonia acida vulneratis articulorum partibus nervosis summopere nocet. Labia quoquè vulneris ad se invicem adducenda quidem , non tamen penitus , si profundior plaga sit , ut sanici , quæ tenuis simul & acris hic colligitur , exitus continuò pateat : deinceps eadem imponenda , quæ in nervorum , partiumquè nervosarum vulneribus conducere *suo loco* docuimus ; insuper & superponatur , ac identidem renovetur Fomentatio calida , ex *Abſynthio* , *Ruta* , *Scordio* , *Artemisia* , *Floribus Sambuci* , *Camomilla* , *Rosis Rubris* , &c. in *Cerevisia* aut *Vino decoctis* ; vel ejus loco admoveatur Cataplasma. v.gr.

R. Pulv. Fol. *Ruta* , *Scordii* ,

Flor. Camomilla , *Sambuci* an. ʒj.

Coctis in *Cerevisia* ad pulvis consistentiam add.

Farina Sem. Lini , *Fenigraci* an. ʒiʒ.

Alibæ ʒj.

Pulv. *Croci* ʒʒ.

M. F. S. A. Cataplasma.

Multum quoquè refert , quod membrum ritè colloceatur , ut ejus actio conservetur , nec non dolor & humorum affluxus præcaveatur : propterea & Vena secanda , & totum corpus diligenter evacuandum , ut de nervorum , nervosarumquè partium vulneribus abundè dictum fuit.

V. Si ergò antica *Humeri* pars fuerit saucia , alæ complicatum aliquoties linteum subjiciatur , & aliquo involvatur , quod cubitum sustineat , & caput humeri altius impellat : proprio enim pondere deorsum tractum hu-

meri caput facit , ut vulnus tardius sanetur. At ima pars quum vulnerata sit , simulac coaluit plaga imperandum *Ægro*, ut brachium huc & illuc per intervalla moveat, ne, inducta cicatrice, læsio in motu contingat, quasi obligato per cicatricem articulo; vel ipso in articulo callus gignatur, liberum humeri motum in posterum impediturus. Historiam verò vulneris sclopeti in articulatione humeri cum scapula , sanati, decem annos incolumi *Ægro*; à quibus oborto in eadem parte tumore, totum acromium corruptum vossellâ eductum fuit , tradit Marchette *Obs.* 40.

VI. Sin Cubiti articulo inflitum sit vulnus, brachium nequè extensum servandum, nequè inflexum nimis; illa enim figura contractionem, sanato vulnere, solet impedire; hæc liberam extensionem; quocircà mediâ collocandum figurâ, quæ angulum obtusum refert.

VII. At in Manu vulneratis Carpo, Digitorumquè articulis, manus semiflexa est continenda, atquè digiti non extendendi, ne inductâ cicatrice, rigidum permaneat hoc organum. Historiam quoquè lectu dignam juvenis, cui morsu equi fuerit detruncatum tertium pollicis internodium, cum evulsione tendinis musculi id flexentis, hocquè ex voto sanatum, refert Marchette *Obs.* 62.

VIII. Sed Femoris articulus quum sit saucius, supinus *Æger* decumbat, & idoneis pulvillis ac deligationibus caput istius ossis suo in acetabulo contineatur; & dum cicatrix inducitur, *Ægro* imperandum, ut interdum huc atquè illuc femur moveat, ne, inductâ cicatrice, motus læsio accadat.

Genu vulneratum rectâ figurâ est extendendum, & itâ collocandum, ut claudicatio evitetur. Atquè sic de cæteris vulneratis articulis erit dicendum.

PRAXEOS CHEIRURGICÆ


LIBER TERTIUS.

D E

ULCERIBUS.

CAPUT I.

De Ulceribus in genere.

I.  T quandoquidem cum Vulnus tum Ulcus sint continui solutio in eodem subiecto, nimirum in parte corporis molli; & in utriusquæ curatione eundem quoquæ finem ac intentionem habere soleamus; viz. unire seu agglutinare; haud abs re erit, perspectis Vulneribus, de Ulceribus nunc verba facere.

Hippocrates tam latè Ulceris nomen extendit, ut *Ulcus* quid scriptum reliquerit, *omnem morbum esse ulcus*. Strictius sit. tamen Galenus 3. *Meth. cap. ult.* Ulcus accipit pro *quacunque partium carnosarum continui solutione, à quacunque causa facta*. Adhuc strictius Ulcus ipsi, *libr. de artis constitutione*, dicitur *continui solutio partium carnosarum ab erosione orta*.

II. Et sanè non malè Ulcus definitur *solutio continui in Ulceris parte carnosâ, cum sanie aut pure*. Vel potius dicatur *ULCUS solutio continui, cum imminuta magnitudine, in parte molli, à materia erodente ortum habens*. Quæ Ulceris definitio cæterarum omnium videtur perfectissima; quoniam hæc Vulnus & Ulcus exactè inter se distinguit. Enimverò in Vulnere tantum est soluta unitas, nihil verò ex necessitate de parte affecta amissum est: in Ulcere autem sem-

ss 3

per

per aliquid de parte imminutum & amissum observatur. Cum namquē Ulcus sit à causa erodente, fieri non potest, quin aliquid à parte affecta auferatur. Et sic Vulus Profundum & Cavum, præsertim si sit cum substantiæ deperditione, cujus curatio diu nimis protrahitur, in verum Ulcus non rarò commutatur.

Ulcera
Differentiæ.

III. *Differentia* porrò *Ulcera* sunt, vel *Essentiales*, vel *Accidentales*.

Essentiales Ulcera Differentia sunt, quæ ab ulceris ipsius forma, subjecto, & causa efficiente sumuntur. Ab *Ulcera* *Forma* quæ sumuntur, petuntur ab ejus figura, magnitudine, æqualitate, & inæqualitate; & sic ulcera alia sunt magna, parva, longa, brevia, lata, angusta; alia recta, obliqua, intorta, fistulosa, &c. *A Parte Affecta* ulcera sunt externa, interna, superficialia, profunda; & quidem in hac vel illa parte. *Ratione Cause Efficientis* differunt ulcera, quod alia ab interna, alia ab externa proveniant causa, uti ex iis quæ de *Ulcera* *Causis* sumus dicturi palam fiet.

Accidentales verò *Ulcera Differentia* desumuntur ab iis, quæ sunt extrâ ulceris naturam & constitutionem; quales sunt, quæ petuntur ab ulceris situ, tempore, nec non causis quibuscvis accidentalibus, & symptomatibus: hinc *ulcera* quædam recentia sunt, quædam antiqua, alia pura, fordida, depascentia, maligna, verminosa, &c.

Générales
Ulcera
Causæ.

IV. *Proxima Ulcera Causa* est quævis materies erodendi vim habens, quæ sub se non solum acres in corpore genitos humores, verum & causas externas erodendi vim habentes comprehendit. Enimverò acris hic, ac erodens humor in corpore genitus, ubi consistit in parte affecta, Continens evadit *Ulcera* *Causa*: ubi autem in toto redundat, *Causa Remota* tantum dici potest. Insuper ab igne, aqua, oleo, aliisque succis ferventibus, nec non à causticis admotis *Ulcera* quandoquæ excitari haud infrequenter observamus. Sed quæ *ulcera* in specie speciales sint causæ, suis locis exponemus.

Diagnos.

V. Cæterum *Ulcera* manifestis satis innotescunt *Signis*.
At

At licet externa ulcera sensibus exposita sint, nec Signis, quibus cognoscantur opus habeant: interna tamen, & latentia cognoscuntur specillo, si ad ea aditus pateat; item tactu, excrementis, dolore, denique & actione læsa. Enimverò partem affectam excrementa indicant: & si per quemcunque corporis meatum, sive anum, sive vesicam, sive nares, sive aures, pus aut sanies effluat; vel vomitu, aut tussu, & sputo ejiciatur, ulcus aliquod intus latere indicio est. Sed qua in parte lateat, doloris proprietas & situs, ac partis læsæ actio indicabunt.

An verò ulcus magnum vel parvum, rectum vel obliquum, vel alterius figuræ sit, uti & reliquæ differentiæ, cum specillo tum visu cognoscuntur in ulceribus externis: at in internis faciliè cognosci non possunt. An tamen ulcus magnum vel parvum sit, puris copia significabit. Quod sit cum humorum affluxu, signa cacoehymix in toto docebunt. Specialium verò ulcerum signa quoque suis locis trademus.

VI. Quoad *Prognosis*: periculosa fiunt ulcera ob loci affecti, *hoc est*, partis ulceratæ præstantiam; qua ratione ulcera externa, de quibus potissimum nos agimus, minus periculosa sunt. At quantò profundius est ulcus, & quò affecta pars cute nobilior est, eò difficilius curatur.

Dein magnum ulcus, cæteris paribus, longiore tempore pro sui curatione eget, quam parvum. Item angustum & oblongum ulcus facilius, rotundum difficilius curatur. Etiam si ulcus longo tempore non curetur, aut si cicatrice obductum recrudescat, in osse subjecto corrupto causa est.

Denique & periculosum redditur ulcus ob malignam qualitatem, hinc ut omnibus decenter factis, vix tamen, aut omninò non sanari possit; qualia sunt ulcus putridum, fordidum, fistulosum, &c. Quapropter Hippocrates *Aphor. 4. Sect. 6.* ostendendo ulcerum malignitatem, ait: *ulcera circumglabra maligna*. Ratio est, quod, ubi pili decidunt è parte ulcerata, vitiosi admodum, ac erodentes humores in affecta parte abundant.

Si

Si corpus purum sit, & viscera benè sint constituta, parsequè affecta rectè se habeat, de facili ulceris curatione spes est. E contrariò, si corpus sit cacoehymicum, viscera malè affecta, parsequè ulcerata debilis, diuturnum ulcus futurum meritò conjicitur. Dehinc quæ aliis morbis succedunt ulcera, difficulter curantur, cum natura vitiosos in toto redundantes humores eò transmittat.

Ulcera porrò diuturna & inveterata non sine periculo curantur, nisi diligenter corpus purgetur, & bona victus ratio observetur, cujus rei exemplum recenset Hildanus *Cent. 3. Obs. 39.* de viro, qui cum ipsi ulcus inveteratum in crure sinistro ab Empyrico *ἐμπίδοτος* curatum fuisset, post menses aliquot Pleuritide in sinistro latere correptus; atquè ex ea mortuus fuit; at morbo durante talia exspuit, qualia ante ex ulcere fluere solebant.

Ulcerum
Generalis
Curatio.

VII. Ad *Universalem* verò *Ulcerum Curationem* quod attinet: cum essentia ulceris in soluta unitate, & imminuta partis affectæ magnitudine consistat; soluta unitas conjunctionem; id quod amissum & imminutum est, sui instaurationem indicat. Ulcus nimirum, ut ulcus, replendum carne, & uniendum, deniquè & cicatrice claudendum.

VIII. Sed quibus mediis indicationes hæc exequi in simplicibus ulceribus oporteat, omnes concordēs ajunt, *Exsiccantium Medicamentorum ope Ulcera Curari ac Uniri.* Et profectò sanari nequit ulcus, nisi prius fuerit exsiccatum: nam quamdiu humidum manet, aut sordidum, non consolidatur. Propterea ulcera hydropicorum censentur insanabilia, quia exsiccari nequeunt. Hinc Hippocrates scribit, *in princip. Libr. de Ulceribus*, quod siccum est ad sanum, quod madet ad vitiatum propius accedit; atquè Siccantibus semper Ulcera Curari jubet.

IX. Præctici in Ulcerum Curatione quatuor observant scopos. 1. imponunt pus moventia seu digestiva. 2. detergentia seu mundificantia. 3. carnem gignentia. 4. cicatricem inducentia. Haud secus ac *Libr. 2. Cap. 3. & 7. de Generali Vulnerum Cura*, abundè dictum fuit.

Si

Si verò cum ulcere aliquis alius affectus fuerit complicatus, à quo ulcus fuerit genitum vel foveatur, vel magnum aliquod symptoma sit conjunctum, quod causæ rationem habeat, vel propria ulceris causa adhuc permaneat, sine quorum ablatione ulcus curari non possit, in primis hæc omnia auferenda. Quoad causam adhuc permanentem, sine cujus ablatione ulcus perfectè sanari nequit; si externa adhuc adsit, ne amplius ulcus foveat, amovenda: si interna, ut est fluxio acrium ac erodentium humorum, qui vel totius corporis vel præcipuè alicujus partis vitio, vel ex illegitimo rerum nonnaturalium usu gignuntur, plures intentiones habere debemus; quemadmodum in specialium ulcerum curatione suis locis sumus dicturi.

X. Et in specie si Ulcera considerare velimus, primo loco occurrunt **SIMPLICIA** dicta; quibus, præter unitatis solutionem ab erosionem factam, non copulatur morbus, causa, vel symptoma. Atquè hæc, si tantum amissa sit cutis cum inistrata sibi cuticula, dicuntur **PLANNA** & **ÆQUALIA**: si verò subjectæ carnis portio quoquè amittatur, appellantur **ULCERA CAVA**.

*Simplicia
Ulcerum
qualia
sint, &
quo modo
Curari de-
beant.*

XI. In hujusmodi Cavo Ulcere Curando, cum affectus sit complicatus ex soluta unitate & cavitare, indicatur unio, carnis generatio, & cicatricis inductio: quæ operationes quidem à Natura fiunt: Medici tamen auxilio Ea eget, non alia de causa, quam propter ulceris excrementa, quæ id reddunt *Mæqvaler*, cacochymum, dolorosum. Quare si ea sint bona, *id est*, si pus sit album, læve, paucum, crassum, non foetidum; significant ulcus posse carne impleri. E contrario, si mala, *hoc est*, si pus sit fusci coloris, inæquale, grumosum, foetidum; indicant non posse ulcus carne impleri, nisi materia hæc Suppurantibus corrigatur; dehinc expurgetur. Enimverò cum fieri vix queat, quin in partium porositatibus sanguinis è vasibus effusi aliquid hæreat, ut illud digeratur & in pus mutetur, Digestiva seu Suppurantia sunt usurpanda. Ut verò ulcus mundum reddatur, quando pus apparere incipit, Suppurantibus admiscenda Detergen-

Tt tia,

tia, ut ab omni eo, quod præter naturam ibidem continetur, ulcus expurgari possit. Istiusmodi medicamenta, pro diversa corporum temperatura, diversimodè parari possunt. v. gr.

R. *Therebinth. Venet.* ℥iij. *Olei Rosacei* ℥vj.

Vitellum unius Ovi. Misceantur.

R. *Mellis, Therebinthina an.* ℥v.

Vitellum unius Ovi. Misceantur.

Si majore abstersione opus sit ;

R. *Mellis Rosacei* ℥j. *Therebinth. Venet.* ℥℥.

Farina Hordei ℥i℥. *Vitellum unius Ovi.*

Pulv. Croci ℥j. *Spir. Vini* ℥iij.

Fiat ex his S. A. Digestivum.

Applicentur verò Suppurantia ac Detergentia, quousquè laudabile pus appareat ; nam si diutius, quam convenit, Suppurantia imponantur, sordidum evadit ulcus.

XII. Verum deterso ac purgato satis ulcere, usus obtinet, ut id carne impleatur per imposita Sarcotica. Sunt autem Sarcotica Medicamenta talia, quæ modicè abstergendo, nec non Puris acrimoniam acidam corrigendo, & exsiccando impedimenta carnis generationis remonent : qualia sunt *Unguentum Aureum, Basilicon, & cætera plura* ; inter quæ haud infimum locum meretur *Balsamum Sulphuris Therebinthinatum vel Succinatum* ; quod vel solum, vel Unguento Basiliconi permixtum si ulceri imponatur, ad ejus mundationem seu consolidationem admiranda non raro præstat.


XIII. At carne ubi repletum fuerit ulcus, cicatrice claudendum ; cutis scilicet, ejusvè loco cicatrix gignenda, cujus beneficio unitas soluta erit unienda. Efficiunt hoc Medicamenta plus, quam Sarcotica dicta, Exsiccantia ; qualia sunt *Tutia, Plumbum Ustum, Minium, Bolus Armenus, Terra Lemnia, Sanguis Draconis* ; *Unguentum de Minio, de Cernua, de Tutia, Diapompholigos, Desiccativum Rubrum, Fac Totum Magistri Christiani* ; *Emplastrum Diapalma, Gryseum, &c.* in quibus eligendis, ulceris constitutio probe est consideranda.

Tem-

Tempus autem Epulotica apponendi est, quandò ulcus carne non omninò erit repletum, sed parum deest; & hoc faciendum, ne cicatrix cute circumposità eminentior sit. Sed hæc omnia prolixius *Libr. 2. Cap. 7.* exposuimus.

CAPUT II.

De Ulcere cum vitiosi humoris affluxu, ac proinde difficulter cicatricem admittente.

I.  Lcera verò quibus conjungitur vel morbus, vel morbi causa; vel symptoma, non ità facilè Curam suscipiunt. Etenim cum in omni ulcere requiratur, ut natura carnem cutemquè gignat per crasin partis ulceratæ, è sanguine laudabili satis in copia affluente; proinde si partis affectæ crasis illæsa sit, siquè temperatus cruor in quantitate sufficiente accedat, haud difficulter ulcera sanantur: atqui partis ulceratæ dyscrasia si adsit, vel si saniguis qualitate peccet, non nisi cum difficultate caro generari, ac ulcera sanari queunt.

II. Occurrunt igitur hujusmodi ægrè curabilia ulcerum duæ potissimum species. Quando enim ulcus oritur ex humorum vitiosorum affluxu, atquè in parte ulcerata dyscrasia non adest, dicuntur *Ulcerata Dysepulota*. Sed quum vitium sit in parte affecta, (sive vitiosorum humorum affluxus adsit, sive non) *Ulcerata* nuncupantur *Maligna, Erodentia, Depascentia*.

Simili prorsus modo ulcera ægrè curabilia duplicia considerat Georgius Faber, qui in *Epistola ab Hildano Cent. 4. Obs. 79. recensita* sic scribit: „Quemadmodum ligna quædam propter nodorum abundantiam ex naturali defectu, & corruptela aded degenerant, ut findi nullo modo possint, ità etiam in quibusdam naturis (proprietatibus peculiaribus præditis, ad sanationem inidoneis) sæpius frustra instituitur sanatio, ubi præexistente insigni ca- cochymia, & pravorum humorum abundantia, Mu-

„ mia illa innata Medicina esse nequit. Quandoquē etiam
 „ intemperies alicujus particulæ in causa est, quo minus
 „ ulcera consolidationem recipiant.

Ulcus Dy-
 sepuloton
 quale sit, &
 quo modo
 cognosca-
 tur.

III. Ulcus igitur difficulter cicatricem admittens **DY-
 SEPULOTON** dicitur: alii tamen vocant **ULCUS
 FLUXIONE VEXATUM**; quod affluens vitiosus
 humor in causa sit, tale ulcus ægrè sanari.

Cognoscuntur autem Ulcera cum Humorum Affluxu
 1. ex tumore, qui non solum in labiis, sed & vicinis par-
 tibus apparet. 2. ex dolore, qui non rarè molestus est
 Ægro. 3. ex copia excrementorum, quæ major, quam
 pro magnitudine ulceris esse solet. Deniquē, licet omnia
 ad curationem necessaria adhibeantur, sanatu quoquē
 difficilia sunt; cum affluentes perpetuò humores sana-
 tionem impedian.

Qua me-
 thodo Cu-
 rari debeat.

IV. Atquē idē in hoc ulcere, cum sit duplex affectus,
 nimirum ulcus & fluxio, duplex quoquē oritur intentio
 curationis; viz. & sanandi ulceris, & removendæ fluxio-
 nis. Primum igitur, cum ulcus curari non possit, nisi
 fluxio tollatur; fluxio ipsa, ejusquē causa tollenda, ac
 proindē vitiosi humoris generatio prohibenda, humor-
 quē affluens ritē præparandus & evacuandus. Et quidem
 externæ causæ, si ulcus & fluxionem adhuc foveant,
 emendandæ *Rebus Nonnaturalibus ritē usurpatis*. Causa verò
 interna, quæ consistit in vitiosorum humorum redun-
 dantia, ut emendetur; eorum generatio prohibenda,
 affluentēquē humores præparandi & evacuandi, tum
Venesellione, tum *repetitâ corporis Expurgatione per Sudores*,
Urinas, ac *potissimum per Alvum*. Quem in finem hic meritò
 laudamus *Decocta ex Guajaco, Sassafras, Salsaparilla, China*,
&c. additis Liquiritiâ, Saniculâ, Pyrolâ, Veronicâ, Virga
Aurea, & similibus: quorum usu continuò acres vitiosi hu-
 mores temperantur, nec non insensibiliter absumuntur
 cum per transpirationem, tum per urinas, nonnunquam
 & per leviter excitatos sudores. Vel si crassiores & visci-
 diores per alvum quoquē educere velimus humores, in-
 coctis simul Catharticis, eadem Decocta id efficient. v. gr.

R. Ra-

R. *Rasura Ligni Guajaci* ℥iij. *Sassaparilla* ℥vj.

Rad. Salsaparilla ℥i℥. *China* ℥j.

Macerentur per noctem calidè in Aqua Pura ℔v. *dein S. A. in vase clauso coquantur, add.*

Rad. Polypodii querc. ℥i℥. *Turkish Gummosi* ℥v.

Herb. Sanicula, Pyrola, Veronica an. Mj.

Pulpa Colocynthis ℥j. *Liquiritia rasa* ℥vj.

Fiat Decoctio ad ℔iij. Bibat Patiens quotidie semel vel bis cyathum, prout magis vel minus operatur.

Insuper ad humores, ne in partem affectam fluere continuant, revellendos ac per alium locum evacuandos, in primis hic locum habent *Fenticuli*, in parte contraria excitati: qui in ulceribus diuturnis sæpe ita necessarii sunt, ut non raro absque iis curatio absolvi nequeat.

V. Ipsi verò Ulceri imponenda Medicamenta admodum Siccantia: nam & propter ichorosa in hujusmodi ulcere secreta excrementa, & propter affluentem continuò humorem, validius utique exsiccare hic oportet. Quem in finem conducunt *Plumbum Ustum & Lotum, Tutia Preparata, Bolus Armenus, Os Sepie, Ostreorum Testa Calcinata, Unguentum de Cernisa, de Tutia, Diapompholigos, &c.* Igitur Sarcotica hic esse debent validiora, quam in ulcere simplici & fluxione non tentato, ut humorem in partis ulceratæ poris hærentem exsiccent magis; citrà mordicationem tamen, ne dolor excitetur, fluxionesque prorentur.

VI. Enimverò tale ulcus in primis Detergentibus, quæ partem minimè mordicant, purum reddendum: dein propter influxos humores, hinc & excrementorum copiam, validius exsiccandum. Cui indicationi ut satisfiat, si præsertim profundum & sinuosum sit ulcus, conducit *Injectio, ex Absinthio, Artemisia, Ruta, Centaury, Hyperico, in Aqua Pura decoctis, additis colatura Melle Rosaceo & Spiritus Vini tantillo. Petiis vero imponatur Digestivum. v. gr.*

R. *Therebinthina* ℥j. *Mellis* ℥℥.

Pulv. Ossis Sepie, Tutia Preparata an. ℥ij.

Tt 3

Plumbi

Plumbi Usti & Loti ʒj. vel ʒiiij. Vitellum unius Ovi. Fiat ex his S. A. Digestivum. Cui aliquid *Thuris* nonnunquam utiliter addi potest.

De forma verò medicamentorum hîc observandum, ne sint consistentiâ nimis humida, nequè oleosa & pinguis; cum partem ulceratam laxent magis, & humectent, adeoque sordidum ulcus reddant.

Notandum quoquè, non semper hîc in eodem medicamentorum genere esse persistendum. Sæpius enim accidit, ut quod semel atquè iterum profuit, postea, humore quodammodo exsiccato, amplius utile non sit, sed mordicationem excitet; atquè idèd tum medicamentum mutandum, & mitius adhibendum.

VII. Ulcere carne repleto, cicatrix inducenda Epuloticis siccioribus, è quibus hoc vel simile confici potest;

*Rx. Plumbi Usti & Loti,
Pulv. Testarum Ostreorum Calcinat.
Rad. Iridis Florent. an. ʒj.*

*Unguenti Diapompholigos, de Tutia an. q. s.
Misceantur exactè pro Unguento, vel Emplastro.*

Guido hujusmodi ulceribus imponit tenuem *Plumbi laminam perforatam*. Censet namquè refrigerare *Plumbi laminam*, atque ulceribus hisce curandis utilem esse, si commoda accedat ligatura; qua humor è parte ulcerata exprimatur, ejusdemquè in eam defluxus prohibeatur.

Hyperfarcosus huic ulceri si accedat, quid agendum.

VIII. At verò in ulcerum horum curatione non rarò luxuriat Caro, eaque nimis quam par est excrescit, quod malum *ὑπερκαρκωσις* nominatur. Hoc si contingat, impedimento est, ne cicatrice ulcus occludi queat. Accidit autem id haud infrequenter ob imposita Sarcotica & Epulotica nimis debilia, & minus quam oportet exsiccantia; atquè hinc excrescens hæc caro non solida, verum laxa & spongiosa est. Ausferri autem solet medicamentis adhibitis exsiccantibus, ac erodentibus, uti *Libr. 2. Cap. 4.* dictum fuit.

Ulcus la-
bra dura


IX. Insuper contingit interdum, ut ulcus hujus curâ diu-

diutius protractâ , partis ulceratæ labia dura & callosa ^{ac callosa} evadant; tuncquè ulcus curari nequit, nec cicatrice oc- ^{quomodo}cludi, nisi callositas hæc tollatur, & pars affecta ad nat- ^{tollenda.}uralem statum reducat. Quapropter minor si sit duri-
ties, usurpanda Emollientia, ex *Mucilagine Seminis Lini*
& *Fenigraci*, *Oleo Amygdalarum*, *Lumbricorum*, *Pinguedine*
Gallinae, *Anatis*, &c. Quum verò major fuerit callositas,
hinc ut Emollientibus non cedat, tutissimum est *Labia*
præscindere, & *forfice Callositatem in totum auferre ad partem us-*
quæ sanam. Ità etiam Joh. de Vigo in *Chirurgia Parva* inquit:
„ulcera dura non sanantur, nisi prius eorum callositas,
„& labia dura auferantur. Atquè eadem est Hippocratis
sententia, quando ait: *morbos antiquos prius recentes facere*
oportet. Horum quoquè consiliis suffragatur Galenus 4-
Meth. cap. 2. ubi sic scribit: „Cum labra tantum ulceris
„decolorata duravè plusculum fuerint, excidenda ea
„sunt ad sanam usquè carnem. Cum verò amplius pro-
„gressus ejusmodi affectus est, deliberatio incidit, exci-
„dendum ne omne id sit, quod præter naturam visitur,
„an spacio potius curandum. Proculquè dubio est, *Ægri*
„animum hoc in casu consulendum esse. Alii enim lon-
„giori tempore curari citrà sectionem malunt: aliqui
„quidvis subire, dummodo citius sanentur, sunt parati.

X. Cæterum Ulcera hæc, quæ sunt cum Humorum ^{Ulcerata Sor-}
Affluxu, si inter curandum malè tractentur, SORDIDA ^{dida, &c.}
non rarò evadunt; cum nimirum illud crassum & muco-
sum excrementum, quod *Sordes* in specie appellatur, co-
piosè affluat: & PUTRIDA, si gravem ac cadavero-
sum odorem idem spiret; adeò ut *Sordida* & *Putrida Ul-*
cera gradu tantum videantur differre. Sed quandoquidem
hæc vix distinguuntur ab iis, de quibus nunc diximus,
& eandem cum iis curam habent, plura superaddere
operæpretium non duximus.

CAPUT III.

De Ulcere Maligno, Depascente, Phagadæna, Cacoëthe, &c.

I.  Nimverò Ulcera Dysepulota seu ægrè sanabilia in genere dicuntur omnia ea, quæ ægrè sanationem recipiunt, & difficulter cicatrice clauduntur. Quoniam tamen horum alia propter ulceratæ partis dyscrasiam, alia ob affluentem humorem talia fiunt: hinc Galenus inter ulcera *δυσεπούλωτα*, seu quæ vix ad cicatricem perducuntur, & *κακοῖθη* seu maligna, haud absquè ratione distinguit; atque *Dysepulota* ea nuncupat, quæ ex acrium humorum confluxu oriuntur & foveantur; quæ verò partis ulceratæ dyscrasiam tantum agnoscunt, dicit *Cacoëthe* seu *Maligna*.

Chironium Ulcus quale sit.

II. CHIRONTIA seu **TELEPHIA ULCERA** quod spectat: *χειρῶνιον ἔλκος* à Chirone Centauro nomen accepit; nominis tamen rationem alii aliam tradunt. Censent nonnulli, Chironem ictum ab Hercule plagam in pede accepisse inemendabilem, unde perierit, ut ita immedicabilia ulcera *Chirontia* dicantur. Alii ab Hercule vulneratum Chironem non putant, sed Chironi hospitio ab Hercule excepto fortè sagittam Herculis in pedem incidisse, ipsiquè vulnus periculosum & venenatum intulisse, & *Centaurea*, quæ inde à posteris Chironium dicta fuit, Chironem semet ipsum sanasse; atquè eum fuisse Cheirurgiæ inventorem. Ut adeò Chironium Ulcus dicatur *Ulcus contumax & malignum*, quod ob contumaciam Chirone aliquo in curando opus habeat, quodquè à Chirone primò curatum sit. Celsus libr. 6. cap. 28. definit *Chironium Ulcus*, „ quod „ magnum sit, habeatquè oras duras, callosas, tumen- „ tes. Exeat sanies non multa, sed tenuis. Odor malus „ nequè in ulcere, nequè in ejus tumore sit. Nulla in- „ flammatio, dolor modicus sit; nihil serpat, ideoquè „ nullum periculum adferat; sed non faciliè sanescat. Interdum

„terdum tenuis cicatrix inducatur, deinde iterum rum-
 „patur, ulcusquè renovetur. Fiat maximè in pedibus &
 „cruribus.

III. Sed præter Chironia hæc Ulcera insuper recen-
 sentur *Telephia*; vel potius eadem, & Chironia & Tele-
 phia, habentur Ulcera. Ità scribit Paulus Ægineta
lib. 4. cap. 46. „Inveterata & quæ vix cicatricem recipiunt
 „Ulcera, nonnulli Chironia nominarunt, tanquam Chi-
 „rone ipso ad sanitatem indigentia: alii Telephia, pro-
 „pterea quod Telephus in tali ulcere diutius perseverarit.
 Et sanè Telephia Ulcera eadem sunt cum Chironiis, ità
 dicta à Telepho, qui tali ulcere longo tempore afflic-
 tus fuit. In genere equidem **MALIGNA** vocamus **UL-**
CERA, quæ malitiâ suâ partem, quam jam occupa-
 verunt, erodendo, ac interdum escaram gignendo,
 majora atquè ampliora indies fiunt; hinc & **VIRU-**
LÉNTA & **CORROSIVA** nominari possunt.
 Quod si hujusmodi Ulcus adeò crescat, ut non modo ul-
 ceratas atquè corruptas carnes, sed quoquè sanas absumat
 & depascatur, **NOME** seu **ULCUS DEPASCENS**
 appellatur: cujus species censetur **PHAGADÆNA** seu
ULCUS AMBULATORIUM; quod huc atquè illuc
 serpendo, cutem eiquè subjectam carnem exedat, ero-
 dat, atquè in penitiora nonnunquam penetret.

Quænam
 Telephia
 Ulcera dici
 soleant.

Ulcerum Ma-
 ligna quæ
 sunt dicen-
 da.

IV. Cæterum oriuntur Maligna hæc Ulcera *ab humore*
acri-salino, nec non subacido, aliterve depravato, & quodammo-
do glutinoso; qui partis ulceratæ poris pertinaciter inhæ-
 rens, allabentem pro nutritione sanguinem omnem in
 humorem sui similem convertit; sicquè talem in parte
 affecta efficit dyscrasiam, ut non solum istiusmodi ulcus
 magis indies depascatur, erodatquè vicinas partes, sed &
 non nisi difficulter admodum sanari queat.

Ulcerum
 Maligno-
 rum Causa.

V. Ulcus verò Malignum esse suspicamur, quando la-
 bia ejus sunt malè colorata, nec non rubent ac pruriunt;
 & licet leviter saltem abstergetur, aliterve tractetur,
 dolet: tument quoquè vicinæ partes, ulcusquè indies
 dilatatur, atquè cutis non tantum, sed & subjecta ei caro

Diagnosis,
 & Progno-
 sis.

V v conti-

continuò exeditur magis , eroditurquè. Hinc & contumax est, & curatu difficillimum quodvis verè malignum ulcus.

Curandi
Methodus.

VI. Ulcerum horum Curatio vix differt à curatione ulceris dyspepiloti. Viz. ratio totius habeatur , si forsan dyscrasia partis ulceratæ quoquè à sanguine intemperato , visceribusquè malè constitutis foveatur. Ipsi autem Ulceri applicentur leviter abstergentia , exsiccantia , adstringentia , nec non acri-salinos , acidosquè humores temperantia ; qualia sunt *Plantago* , *Agrimonia* , *Scordium* , *Rosa Rubra* , *Balaustia* , *Thui* , *Mastix* , *Turcia* , *Cerussa* , *Lithargyrum* , *Minium* , *Plumbum Ustum* , *Mercurius* , *Unguentum Fuscum Felicia Wurtzii* , *Diapompholigos* , *Desiccativum Rubrum* , de *Minio* , *Album Camphuratum* , &c.

Primò igitur ulcus abluatur & foveatur hoc vel simili Decocto ;

Rx. *Herb. Plantaginis* , *Agrimonia* , *Scordii an.* Mj.

Flor. Rosarum Rubrarum , *Balaustia an.* Mss.

Coq. in f. q. Aqua Fabrorum ad 3xv. Dein colentur.


Utiliter quoquè hic usurpatur *Aqua Pura* , in qua *Sal Commune* & *Vuriolum Album* , modica in quantitate , sunt dissoluta. Qua frequenter , ad istiusmodi ulcera sananda , in *Xenodochio* nostro utuntur *Cheirurgi* , & *Aquam Nostram* dicunt. Cætera peragantur , ut superiore capite exposuimus.

VII. Testatur Galenus , *Plumbum* ulceribus malignis & inveteratis esse utile remedium. Quin & huiusmodi *Laminas Plumbeas* , *Hydrargyro oblitæ* , malignis ulceribus , quæ cæterorum remediorum vires eludunt , velut quoddam alexipharmacum esse , quo ipsorum malitia dometur & absumatur. Guido , lavato ulcere cum *Aqua Aluminosa* , laminam plumbi tenuem desuper apponit , & strictè ligat ; quæ in omni ulcere maligno & cancroso admiranda sæpè præstat. Insuper laudandum hic est *Mercurii Amalgama* , si aliis medicamentis prudenter admisceatur. Sed quoquè circa horum ulcerum curationem notandum , medicamenta externa singulo triduo aut quatrinduo mutari

tari quodammodo debere; natura enim etiam optima diutius iusto applicata respuit.

CAPUT IV.

De Ulcere Verminoso.

I.  Onnunquam etiam Ulceribus innascuntur **VERMES**, potissimum Cavis, Sinuosis, Sordidis, quæ ritè non mundantur, nequè à sanie & pure purgantur; in primis æstate, & aëre existente præcalido ac humido. Ulcerum Verminosa quæ, & qualia sūt.

Atquæ Ulcera hæc si patentia sint, Vermes haud difficulter conspiciuntur: & si ob sinus angustiam vel profunditatem videri nequeant, aliis ex signis non rarè dignoscuntur; viz. ex punctione, morfu, & motu undoso, qui in ulceribus ab Ægrotantibus perſentitur: sæpè insuper adest magnus fœtor, ob immunditiem atquæ putredinem insignem.

II. Curandi ratio in eo consistit, ut Vermes tollantur, atquæ Ulceris Putredo inhibeatur. Quapropter si in propatulo sint Vermes, specilli cuspide, vel exigua volsellâ, aliove idoneo instrumento sunt extrahendi. Sin lateant, aut pertinaciter parti ulceratæ adhæreant, necandi pharmacis, quæ simul loci affecti immunditiem ac putredinem tollere possunt: quod præstant medicamenta amara & abstergentia, qualia sunt *Abſynthium*, *Marrubium*, *Centaurium*, *Scordium*, *Distamnus*, *Gentiana*, *Helleborus Albus*, *Aloë*, *Myrrha*, &c. Hinc ulceri per siphonem injiciatur hujusmodi Decoctio, qua diligenter quoquæ ulcus abluitur; v. gr.

℞. *Herb. Abſynthii, Marrubii, Centaurii Min. an. Miß. Rad. Hellebori Albi ʒß.*

Coq. S. A. in Aqua Pura ad ʒxvj.

Deinceps imponantur ex linteo discripto penicilli imbuti *Spiritu Vini*, cui permixtus est *Pulvis Aloës & Myrrha*. Vel usurpetur *Digestivum*. v. gr.

V v 2

℞. *Aloës,*

R. Aloës, Farina Lupinorum an. ʒij.

Myrrha, Floris Aris an. ʒj.

Fellis Taurinis ʒb. Mellis. q. s.

Misceantur.

R. Myrrha, Aloës an. ʒj. Therebinthina ʒvj.

Unguenti Apostolorum ʒiij. Vuellum unius Ovi.

Misceantur.

Vermibus interfectis & ablatis, ulcus ritè detergendum,
ac porro curandum.

CAPUT V.

De Ulcere cum Ossis Corruptione.

I.



Ccidit quoquè interdum, ut Ulceri subje-
ctum sit Os corruptum seu Cariosum; quæ ossis
corruptio in causa est, ut ulcus sanari ne-
queat, quoniam ad cicatricem si nonnun-
quam perducatur, iterum post breve tem-

poris intervallum rumpitur, & ulcus denuò renovatur.
Idquè quod ab ossè corrupto purulenta materies conti-
nuò prorumpat, quæ obiter consolidatum ulcus denuò
exedat, erodat. Etenim OSSIS CARIES nil aliud est,
quam Ejus Corrosio seu Exulceratio: atquè idem quod in parte
molli seu carne dicitur Ulcus, in parte dura seu ossè Ca-
ries nuncupatur.

Ossis Ca-
ries quid
sit.

Unde fiat.

II. Corruptuntur autem Ossa, & Cariem contrahunt, in
primis ab affluentis humoris acrimonia acida, quæ fibrillas
periostei, ac ipsius quoquè ossis discindit, ejusquè salem
volatilem (qui magnâ copiâ ibidem reperitur) planè cor-
rumpit; hinc & reliquam ossis substantiam penitus ex-
dit, exulceratquè.

Corruptuntur quoquè Os, & Cariem contrahit, inquit
Hildanus Cent. 4. Obs. 95. si Oleosa, Putrefacientia, & Acris
Medicamenta fuerint applicita.

Adhæc ambiens Aër denutato ossi facilè Cariem adfert.
Sed Aër licet maximè inimicus sit denudatis ossibus; ta-
men

men ut ab ipso ossa alterentur & corrumpantur, non semper sequitur, præsertim si diligentem curam Cheirurgus circa vulnus vel ulcus adhibuerit, nec quicquam acre applicuerit, uti nos Praxis non semel docuit.

III. *Signa* verò *Ossis Corrupti* varia sunt. Enimverò ossis corruptio faciliè patet, si in propatulo id sit, quia, ut ait Celsus *libr. 8. cap. 2.* quod vitiatum est, ferè fit pingue, dein flavum, post nigrum & inæquale. Atqui si lateat os, cariem adesse judicant Cheirurgi, 1. si fistula præcesserit, aut diuturnum ulcus adfuerit. 2. quod ulcera talia ad cicatricem quidem perducantur, sed paulo post iterum renoventur, rupta cicatrice. Humor namquè & sanies, quæ ex osse corrupto promanat, cicatricem erodit, ulcusquè renovat. 3. si caro superstrata fiat flaccida, spongiosa, pallida, livida. 4. si ulceri specillum ad os usquè immittatur, idquè non glabrum, læve, & durum, sed inæquale, asperum, ac molle deprehendatur. 5. si pus effluat copiosum, tenue, ac foetidum. Addit Fallopius, *si linamentum siccum in vulnus insigatur, ut os contingat, & amotum altero die valdè fæteat, os corruptum arguere.*

Quibus
Signis Os
Cariosum
cognosci
possit.

IV. Igitur ossis caries curationem ulceris impedit, nullumquè ulcus perfectè sanari potest, cui os corruptum subest. Insuper ex osse ægrotante caro livida malum. Hipp. *Aphor. 2. Sect. 7.* Enimverò, ut Galenus addit *in comment.* non mediocrem ossium labefactionem, sed insignem corruptionem significat. Porro si prope partes nervosas & tendinosas, uti in manibus pedibusquè, vel in juncturis ac magnorum ossium capitibus, ossium caries sit, non faciliè curatur, & ferè tendines partesquè nervosæ simul corrumpuntur. Atquè similiter scèse res habet circa majores arterias, venasquè.

Affectus
hujus Pro-
gnosis.

V. Cæterum præter Indicationes Curativas quas Ulcus præbet, Ossis Caries monet, id, quod corruptum est, esse auferendum. Nequè enim quod in osse emortuum est, corrigi & emendari potest. Sed ut tolli possit os corruptum, primò detegendum & denudandum est, si carne operiatur, ulcere dilatato vel per sectionem,

Ulcus cum
Ossis Cor-
ruptione
qua ratione
Curari de-
beat.

vel immissâ turundâ ex *Radice Gentiana* aut *Spongia Preparata*.

VI. Os verò corruptum ubi detectum fuerit, auferendum vel Cheirurgiâ, vel Medicamentis. Cheirurgiâ utendum, quando ossis corruptio est profundior, aut quando celeriolem desideramus curationem. Idcirco si Caries ossis superficiem duntaxat occupaverit, cumquē os detectum fuerit & carne nudatum; tum satis erit id *abraderē ad partem usquē sanam*: quod cognoscitur, quando os album apparet, & aliquantulum cruentum. Quo factō *ossi imponatur Corpia Sicca*, donec caro viva & laudabilis renascatur.

Sed quoniam separatio ossis corrupti à sano solis medicamentis adhibitis non rarò succedit, hac ossis abrasione semper opus non est. Verum inspergatur Pulvis ex validè siccantibus, & rodentem acrimoniam acidam mitigantibus; quæ idcirco *superfluas in osse carioso rodentes humiditates absorbere*, hinc & os corruptum à sano separare, sanum verò à corruptione præservare valent. Talia sunt *Radix Aristolochia Rotunda*, *Iridis Florentina*, *Aloë*, *Myrrha*, *Sabina*, *Sarcocolla*, *Pumex Ustinus*, &c. Inter hæc equidem summopere laudandum censemus *Euphorbium*, quod multum salis volatilis, & quidem acerrimi, continet, cujus ratione citius os corruptum tollit, uti proluxius refert Hildanus *Cent. 2. Obs. 92. Cent. 4. Obs. 96. Cent. 5. Obs. 22. Cent. 6. Obs. 3.* item *libr. de Ichore & Meliceria Celsi cap. 29.* ubi inter alia hæc habet: „Nonnulli ossi carioso *Oleum Vurioli* vel *Aquam Fortem* applicant. Maximam enim exsiccandi vim habere „referunt; quod quidem verum. Cariem tamen ossis „non corrigere, sed partes adjacentes destruere observavi. Quapropter caveant sibi Chirurghi, ne hujusmodi medicamenta ossi applicent; sunt enim subtilissimarum partium, ita ut ad proximas partes longè late, „quē perfluant, & quæ sana sunt destruant. Requirit „quidem os cariosum medicamentum, quod insigniter „exsiccet, sed necesse est, ut simul sit crassarum partium, quale est *Euphorbium*, quod cariem ossis corri-

„git,

„git, carnem tamen non adurit, aut inflammationem
 „excitat; quapropter *Eò* etiam in pueris uti possumus.

Igitur ex simplicibus hiscè medicamentis composita
 fiant, quæ vel formâ pulveris, vel additò *Melle Rosaceo*
 unguenti specie applicentur. v. gr.

Rx. *Rad. Aristolochia Rotunda, Iridis Florentina an. ʒß.*

Euphorbi ʒij. vel ʒj. M. F. Pulvis subtilis. Ex quo,
 addito *Melle Rosaceo*, Linimentum confici potest,
 ope discerpti lintei offi corrupto applicandum.

Rx. *Rad. Aristolochia Rotunda ʒß.*

Sum. Absynthii, Centaurii Min. an. Mj..

Fol. Sabina Mß.

Cog. in Aqua Pura ad ʒx. Colatura add.

Spir. Vini ʒiiij.

Pulv. Aloës, Myrrha an. ʒiß. aut ʒij.

Misceantur pro Iniectione.

Atquè istiusmodi medicamentorum usui insistendum
 est, donec os cariosum à sano separatum sit.

VII. Docet tamen Marchette *Obs. 57.* quandoquè à
 medicamentis validè exsiccantibus & ossa adurentibus esse
 abstinendum, quia illorum usu nonnunquam prohibetur
 corrupti ossis abscessio. Nimiâ enim exsiccatione alimen-
 tum ossi nutriendo accedens ità absumi putat, ut carnem
 supra os sanum gignere nequeat, corruptum os extru-
 dentem. At eo in casu totum os corruptum scalpro po-
 tius abradi vult, donec ex ipso sanguis exsudet.

VIII. M. A. Severinus *Pyrotech. lib. 2. p. 1. c. 4.* de Carie
 Ossis Curanda sic scribit: „Procurabimus ossis abscessio-
 „nem per exsiccantia remedia valentiora, quæ testulas
 „ossis perinde, ut fermentando vehementi quadam fa-
 „cultate sublevent & elidant, quale est *Euphorbium* &
 „*ejus Oleum*. Quæ si nequè diu adhibita plurimum præ-
 „stiterint, nil melius, neque Medico generoso dignius,
 „quam vitiatum os *Ferro Candente* perurere. Et sanè si tan-
 ta sit ossis corruptio, ut tota medicamentis tolli nequeat,
Cheirurgia opus est; & vel *Abrasione*, si denudatum sit os,
 leviorquè corruptio; vel, si profundior ea fuerit, *Aëtnali*
Cauter.

Cauterisatione os corruptum tollatur. Enimverò Ignitum Ferrum si ossi carioso admoveatur, acri-acidos ibidem superfluos humores domat non tantum, sed & exsiccando ità absumit, ut separatio corrupti ossis à sano brevi succedat. Sed ne in ustione hac caro vicina simul aduratur, ignitum ferramentum per cannulam immittatur, qua circumsitæ partes optimè defendantur.


At circa Actualem Cauterisationem Joh. de Vigo in *Chirurgia Parva* hoc monet: „si contigerit corruptio in „osse spongioso, veluti est os calcanei, tunc remotio „ossis corrupti in illo loco non debet fieri cum igne, „quia in osse spongioso Cauterisatio ignis rarè facit sepa. „rare os corruptum ab incorrupto; quamvis in aliis cor- „poris partibus egregia sit medicina.

IX. Cæterum adusto per ferramentum ignitum ossi Cheirurgi vulgò inspergunt *Pulverem aliquem Exsiccantem*; sed malè: potius namquè imponantur *Pinguia quacunque*, ut corruptum os eò citius separetur & abscedat. Factà ossis cariosi à sano separatione, ulcus carne replendum, & tandem cicatrice claudendum.

Interim tamen post cauterisationem, ad inflammationem arcendam, & dolorem leniendum, partibus ustioni vicinis imponatur *Aqua Rosacea cum Ovi Albumine agitata*, vel *Oleum Rosaceum cum Ovi Vitello*, vel *Butyrum recens cum Melle Rosaceo*. Verum de Ossis Carie, & qua ratione sit Curanda, legi meretur Celsus *libr. 8. cap. 2.* ubi præclarè hac de re agit. At de ossium tibiæ & cubiti ad medullam usquè corruptione, inspiciatur Scultetus *Arma-ment. Chir. Tab. 27.* De scapula cariosa & curata, videatur Idem *Obs. 62.* Et *Obs. 81.* de tibia corrupta, ejusdemquè ferè usquè ad inferius caput ablatione, & curatione casum refert lectu dignum.

CAPUT VI.

De Ulcere Profundo, Sinuoso, seu Cavernoso.

I.  I verò pus aut sanies diu in apostemate aut abscessu contineatur, atque acris sit, vel ob moram talis evadat, cuniculos quasi agit, & sinum, Græcis κάλπον dictum, efficit: quale Ulcus Sinuosum, Cuniculosum, seu Cavernosum dicitur; & à quibusdam male Fistulosum nuncupatur, cum citrà callositatem ac duritiem sit: Ulcus namque Fistulosum semper est cum duritie ac callositate.

Sinuosum
seu Caver-
nosum Ul-
cus quale
sit.

Est igitur SINUOSUM seu CAVERNOSUM ULCUS, cuius orificium angustum, & profunditas magna simul & occulta, quodque multos anfractus seu cuniculos hinc inde extensos, citrà tamen duritiem ac callositatem, habet.

II. Sunt autem plures Sinuum seu Cuniculorum Species ac Differentiæ, quæ sumuntur in primis à cavernarum magnitudine, situ, numero, figurâ: sic alii sinus sunt breves, alii profundi & altè penetrantes: alii sursum, alii deorsum, vel ad latera tendentes; alii simplices, alii duplices, vel triplices; alii recti, alii flexuosi, &c.

Sinuum
Differenti-
æ.

III. At Sinuosum seu Cavernosum redditur Ulcus à sanie aut pure, quod acrem ac erodendi facultatem, ob longam in parte affecta moram, contraxit. Quoties enim in abscessibus pus diutius moratur, sive quod tardius aperti, sive quod negligentius expurgati fuerint, morâ longiore corrumpitur, vicinasque carnes exedit; hinc Ulcus fit Sinuosum, Cavernosum.

Hujusmo-
di Ulcus
quomodo
habetur.

IV. Cæterum sinuosum seu cavernosum ulcus esse dignoscitur, quod foris parvum appareat, & angustum &c. habeat orificium, atque major puris copia excernatur, quam pro ulceris magnitudine: insuper ex blanda plum-

Diagnosis,
&c.

X x

bei

bei specilli vel cereæ candelæ intromissione haud difficulter sinus percipiantur, eorundemquæ differentiarum apprehendi possint.

Curatio.


V. Curationis scopi sunt, ulcus replere, agglutinare, cicatrice obducere. Sed quoniam cavitas carne impleri nequit, nisi mundum prius & diligenter detersum sit ulcus; in primis id fiat detergentibus Injectionibus. Pus facile evacuatur sinu declivi, acclivi verò difficillimè. Tum, si fortè sinus non admodum magnus sit & profundus, forcipe aut cultello secundum ulceris longitudinem tota cutis incidatur, atquæ ita totum ulcus aperiatur. Sic enim fiet, ut liberè pus effluat, & facilè ulcerata pars repleatur. Quod si commodè fieri non possit ob vicina vasa, adjacentesquæ partes nervosas, aut sinus sit valdè profundus; aperiatur in fundo, ut sic saniosa materies per utrumquæ orificium liberè exire queat.

Quod si constitutio partis affectæ non permittat, novam incisionem fieri, exprimente ligaturâ puris excretio erit molienda: sinus propè fundum arctè ligandus & comprimendus; at orificium versus ligatura paululum relaxanda, ut hoc modo pus veluti elidatur.

Felicem sinuosi simul ac periculosi ulceris curationem licet videre apud Valleriolam *Obs. Med. libr. 5. obs. 1.* & aliam *obs. 7.* Sed plura quæ de Ulcere Sinuoso seu Cavernoso forent addenda, palam fient ex iis, quæ de Fistulis nunc sumus dicturi.

C A P U T VII.

De Fistulis.

- I.  Gitur ab Ulcere Sinuoso saltem differunt *Fistula*, quod præterea callosæ & duræ sint. Namquæ celeriter si non curetur sinus, Pus cuniculos porrò agit, pars ulcerata callum contrahit, duriorquæ efficitur, sic ut agglutinari nequeat; quod malum tunc *Fistula* nuncupa-

cupatur. Enimverò est *FISTULA Sinus Angustus & Ob-* Fistula longus, seu Ulcus Sinuosum, Angustum, simulque Callosum, ac quid sit. proinde Curam non facile suscipiens. Id quod fit, quoniam orificio existente angusto, fundo autem lato & calloso, copiosa simul & virulenta sanies ibidem colligitur, indeque continuò emanat.

II. Sunt autem plures *Fistularum Differentia*, quæ de- Fistularum Differentia. sumuntur à magnitudine, numero, figurâ, situ. Aliæ enim breves sunt, aliæ longæ & altius penetrantes. Aliæ unum duntaxat orificium, unamquæ tantum cavitatem; aliæ verò plures sinus, diversasquæ cavitates habent. Aliæ sub cute extensæ, aliæ altius penetrant, aliæ in carnem desinunt, aliæ ad ossa, vel ad nervos, vel ad venas aut arterias pertingunt.

III. *Causa Fistularum* haud immeritò censentur omnes Causæ. illæ, quæ Sinum efficere possunt. Quandoquidem enim *Fistula* à Sinu tantum differt callositate & duritie; facile datur intelligere, in fistulam sinum degenerare, quum malâ sinus curatione callus circa ipsum obducatur, ac tandem durus evadat.

IV. Cognoscuntur verò *Fistulæ*, in primis stylo in Diagnosis. sinum immisso; quò & quò tendat, & quam altè pertingat observamus. Quod si obliqua fuerit *Fistula*, ut stylus rectâ adigi nequeat, specillum plumbeum, aut potius cerea candela, quæ flecti potest, immittatur. Insuper caro, quæ fistulam circumdat, alba apparet, sicca, dura, sine aut cum parvo dolore, nisi sit juxta nervum, partemvè nervosam. Sed an unus, an plures sint sinus, specillo vel candelâ cereâ explorandum est; idquæ Pus etiam, quod effunditur, non rarò testatur. Enimverò si plus puris, quam probabile sit unico in sinu contineri & generari, effluat; aut si, ubi Æger situm mutaverit, pus, quod prius substiterat, denuò fluere incipiat, plures sinus adesse, altiusquæ fistulam penetrare indicio est. At plura si sint fistulæ orificia, per stylum non ità facile explorari potest; sed potius per syringam uni orificio liquor injiciatur, siquæ per omnia orificia is effluat, una

est fistula : sin per omnia non reddatur , plures fistulæ adsunt.

Prognosis. V. Cæterum omnes Fistulæ difficulter sanantur. Recentes tamen , simplices , quæquæ in partibus solum carnis sunt , non profundæ , in corpore juvenili & boni habitus , facilius curantur : difficilior verò , in quibus plures partes sunt erosæ , quæquæ antiquæ sunt , sensu non præditæ , profundæ , flexuosæ , & varios sinus habentes , membris nobilibus vicinæ , in corpore senili , emaciato , cacochymico. Imò quædam fistulæ ne quidem curari debent , quoniam antiquæ sunt , & à partibus nobilibus remotæ , per quas superflui ac vitiosi humores expurgari jam diu consueverunt.

Sicut & eæ difficulter curantur , ac ferè insanabiles sunt , quæ ad musculorum principia , venas , arterias , nervos , ossa , articulos , dorfi vertebrae pertingunt , quæ ad thoracis vel abdominis cavitatem , aut ad contenta intus viscera penetrant. Tales enim fistulæ vel medicamenta non ferunt , vel ad eas medicamenta pervenire non possunt. Hinc Celsus *libr. 5. cap. 28.* inquit : „ expe-
 „ dita curatio est in fistula simplici , recenti , intrâ carnem ;
 „ adjuvatquæ ipsum corpus , si juvenile , si firmum est.
 „ Inimica contraria his sunt. Itemquæ si fistula os , vel
 „ cartilaginem , vel nervum , vel musculos læsit , si ar-
 „ ticulum occupavit , si vel ad vesicam , vel ad pulmo-
 „ nem , vel ad vulvam , vel ad grandes venas , arterias-
 „ vè , vel ad inania , ut guttur , stomachum , thoracem
 „ penetravit. Ad intestina quoquæ eam tendere semper
 „ periculosum , sæpè pestiferum est. Quibus multum
 „ mali accedit , si corpus vel ægrum , vel senile , vel
 „ mali habitus est. Et Paulus Ægineta *libr. 4. cap. 49.* ait :
 „ si fistula ad os usquæ decumbat , curari hanc absquæ
 „ manus opera impossibile est , nisi temporis spatio sua
 „ sponte squamma , vel os abscedat.

Generalis
 Fistularum
 Curatio.

VI. Quoad *Curandi Methodum* : duplex occurrit fistu-
 larum Curatio ; una vera & perfectæ ; altera palliativa
 seu imperfectæ , qua nimirum fistula exsiccat intus , &
 foras

foras consolidatur, manente nihilominus sinu. Hanc Curam innuit Galenus *libr. de tumoribus prat. nat. cap. 4.* ubi hæc habet: „coërcetur tamen sinus siccatus à me-
„dicamentis, ut habere sanitatem irreprehensibilem pars
„videatur: siquidem perpetuò quis accurato victu utens,
„salubre ferè, & superfluitatibus vacans corpus habet,
„cohibitus manet sinus. Superfluitate verò aliqua colle-
„cta rursus repletur, iterumquè fit qui ab initio fuit
„abscessus: rursus verò, ut convenit, medicamentis
„evacuatur, siccaturquè & coërcetur, & semper longè
„faciliora ei hæc omnia fiunt, quam iis, quæ primò ab-
„scedunt. Nequè enim quæ divelluntur dolent partes:
„etenim jam distant, celerrimèquè replentur, facilè
„fluorem suscipiente sinu. Atquè istam Curationem non
omnino spernendam esse existimat Aquapendens, &
interdum benè sibi successisse scribit, etsi non semper.
Perficitur autem hæc Cura *legitimo Rerum Nonnaturalium*
usu, nec non *Purgato per intervalla Corpore*; dehinc *Fistula Sinui*
immissis validè Siccantibus. Hoc enim modo coalescit orifi-
cium, ut sana videatur fistula: quæ quidem interdum
planè coalescit; ut plurimum tamen tamdiu clausa so-
lummodò manet, quamdiu superflui in corpore non col-
liguntur humores. At postquam aliquid humoris denuò
in sinu colligitur, fistula quoquè iterum aperitur.

VII. Altera autem Fistularum Curatio Vera est, at-
què hoc modo perficitur. Primum, conveniente insti-
tutà Diætâ, vitiosi in corpore redundantes humores
emendandi ac expurgandi, usurpatis tum Vulnerariis
dictis, tum humoribus istis evacuandis aptis Decoctis,
praced. cap. 2. nec non libr. 2. cap. 7. abundè traditis.

Deinceps danda opera, ut callus removeatur. Sed cum
Medicamenta callum absumentia ritè applicari nequeant
propter fistulæ orificii angustiam, *istud dilatare necesse*
erit. Id verò fieri potest vel per *Sectionem*, vel commo-
dius & absquè dolore per *immissas turundas ex Radice Gen-*
tiana, aut *Spongiâ Preparatâ*. Hæ enim fistulæ sinui im-
missæ humiditates imbibunt, & crassiores redduntur,

atque ita pedetentim absque dolore orificium dilatant: quæ interdum quoque, cum callus dilatationem impedit, imbuuntur & illinuntur medicamentis, quæ callum auferre apta nata sunt.

VIII. Sed dilatato quantum satis est fistulæ orificio, callus removendus. Fit autem hoc vel medicamentis, vel ferro, vel igne. Medicamentis auferitur callus in iis præcipue, qui neque incisionem, neque ustionem ferre volunt, ubi recens est fistula, & callus non admodum durus: hujusmodi autem medicamenta acria & erodentia esse debent, & eò acriora vel minus acria, quò callus crassior vel tenuior fuerit.

Ad removendum fistulæ callum Scultetus post *Arma-ment. Chir. Obs. 75.* hoc laudat Unguentum:

℞. *Aluminis Usti, Mercurii Præcipitati,*
Viridis Aeris, Salis Natri an. p. æq.
Album. Ovorum q. s. F. S. A. Unguentum.

Barbette istud commendat:

℞. *Pulv. Rad. Bryonia, ʒj.*
Thuris, Myrrha an. ʒij.
Eruinis ʒß. Salis Armoniaci ʒj.
Olei Olivæ, Axungia Porci an. q. s.

Misceantur pro Unguento.

vel, quod magis efficax:

℞. *Vitrioli Albi ʒiiij. Aluminis, Eruinis an. ʒß.*
Aceti fortis ʒvj.

Calcinentur, & fiat exinde Pulvis, qui misceatur cum Unguento Egyptiaco pro Litu, eoque inungatur curanda fistula inferenda.

Eum in finem quoque conducit Unguentum *Fuscum Felicis Wurtzii.*

Vel fiat acris Injunctio, quæ fistulæ callum erodat.
 v. gr.

℞. *Aqua Aluminosa seu Mercurialis ʒib.*
Plantaginis ʒij. Rosarum ʒj.

Unguenti Egyptiaci ʒß. Misceantur pro Injunctione.
Fistula verò post Injunctiorem bombace, cerâ, vel emplastro
occlu-

occludatur, ut quod injectum sit intus maneat: atque talis Injectio quotidie semel fiat, aut bis pro re nata.


IX. Sed cum semper callositas fistulæ medicamentis non cedat, atque interdum hac in re plus auxilii & commodi adferat manuum opera, nonnunquam etiam ad Ferrum & Ignem accedendum. Aperiendus nimirum totus sinus est, dehinc Actuale Cauterium adhibendum.

X. Ablatâ tandem omni callositate, sinus detergendus est, ac purus reddendus, ut caro regenerari, hinc & sinus conglutinari possit. Hoc verò fiat adhibito Unguento Aureo, Busilicene, aut Digestivo cui Aloë, Myrrha, similia- vè Sarcotica sint addita. Vel huic intentioni ut satisfiat, usurpetur Injectio, ex Absynthio, Agrimonia, Centaureo, Radice Aristolochia Rotunda, in Aqua Purâ decoctis, addito Spiritu Vini cum Pulvere Myrrha & Aloë; qua & sinus apertus probè abluatur.

Fistulæ autem perfectè curatæ cognoscuntur: si humor emanans sit paucus, crassus, coctus; item si locus affectus sine tumore, dolore, & omninò siccus sit.

C A P U T VIII.

De Ambustione.

I.  D particularia verò priusquam descendamus ulcera, de Ambustione quoque dicendum videtur, quæ etiam ulcera excitat. Enim- verò non rarò contingit, ut casu fortuito vel aquâ, vel oleo fervente, vel liquefacto metallo membra perfundantur, vel in ignem, aquam ebullientem, aut oleum fervens aliquis incidat: quod si contigerit, dolor, vesiculæ, exulcerationes excitantur.

Sed Ambustio tametsi affectus sit omnibus notissimus, clarioris tamen doctrinæ gratiâ eum sic describemus: Ambustio- nis Defini- tio.
AMBUSTIO continui solutio est cuticulæ, & cutis ut plurimum, nonnunquam & carnis musculo- sæ, venarum, arteriarum, nervorum, cæterarum partium subjeclarum, vi ignis impressa.

Hanc

Ambustio
quomodo
fiat.

Hanc autem Ambustionem sequuntur mox dolor acerbissimus, inflammatio, pustulæ: & si combustio profundior, corpusquæ cacochymicum fuerit, in sordidum ac difficulter sanabile ulcus non raro degenerat. Etenim in leviori combustione, particulæ igneæ cuticulam absquæ continui solutione penetrantes, cutem ipsam, ubi venarum, arteriarum, nervorum, ac lymphæ-ductuum extremitates terminantur, subeunt; ibidemquæ has à positione sua alterantes, variè contorquent, & totius texturæ cutaneæ conformationem pervertunt: in tantum ut è valis omnibus summè irritatis, humor aqueus igneis particulis imbutus in magna copia exspuatur: Lympha istæc, quia cuticulam pertransire nequit, eam à cute separât, atquæ in pustulas vesiculares attollit; è quibus demum spontè, aut occasionaliter disruptis effluit. Sed gravior si sit combustio, particulæ igneæ altius penetrantes cutem non tantum, sed & ejusdem vasa, eiquæ subjectas partes corrugari ac constringi faciunt, atquæ escaram inducunt; sic ut sanguis, aliquæ continuò affluentes humores retineantur, & sub cute illa indurata quasi incarcerentur: hinc magis incallescant, effervescent, tandemque suâ acrimoniâ locum affectum erodant, & magnum ulcus efficiant.

II. Notandum autem, multiplices & diversas occurrere materias, quibus vim & qualitatem suam ignis imprimit; quæ ut substantiâ differunt, sic etiam una multò vehementius urit, quam altera. Sed quamvis combustio à diversis fiat materiis, nihil tamen, vel parum ad curationem id facit. Atquæ adeò nulla desumenda est indicatio curativa à materia ignita, sed potius ab effectu, quem communicavit. Ut verò Curatio ritè instituat, omnes Ambustiones, à quacunquæ fuerint factæ materia ignita, distribuemus in tres gradus seu species; viz. in levissimam, mediocrem, insignem.

Ambustio-
nis Gradus
Primus.

III. Enimverò materia quæ urit si non diu adhæserit corpori, & levis fuerit, ut stramen, linum, stupæ, aut leve aliquod lignum, vel aqua quæ citò defluit, solummodo

modo pustulæ seu parvæ vesiculæ elevantur: estquæ hic primus gradus seu species; cujus idcirco indicia sunt, cutis rubicunda, dolor pungitivus, & nisi statim remedia adhibeantur, cuticulæ à vera cute separatio, cum vesicularum eruptione, in quibus limpida aqua continetur.

IV. Secunda Ambustionis species censetur, si materia urens diutius corpori adhæserit, aut violentiore calore imbuta fuerit, quemadmodum ferrum ignitum, aut liquefactum aliquod metallum, lignum durissimum, pix, oleum, cera, vel simile: tunc enim non solum elevantur pustulæ, verum & cutis ipsa aduritur, exsiccat, contrahitur; nondum tamen facta est crusta vel escara.

V. Tertius gradus excitatur, si res ignita diutissime adhæserit, & violentissimum in se continuerit calorem: tunc enim non solum cutis, verum & caro, venæ, arteriæ, nervi, & cæteræ partes subjectæ comburuntur, contrahuntur, & in escaram siccantur. Hujus signum est, si subjecta cutis nigra, vel saltem livida conspiciatur, & quum scalpello pungatur obtusè sentiat; durâ nimirum, & exsiccata existente crustâ, quam demum deciduam ulcus excipit profundum, putridum.

VI. Cæterum levis Combustio, ubi solummodo cutis læsa est, quamvis dolorifica, faciliè tamen & brevi sanatur, vixquæ cicatrix apparebit, modo recta & methodica instituta fuerit curatio. E contrario insignis Ambustio difficulter sanatur, imprimis quæ, ob cutis contractionem & deperditionem, rugosam relinquit cicatricem.

Combustiones Capitis & Faciei, si magnæ & profundæ fuerint, glabras relinquunt cicatrices, quandoquidem adèd arefacta & contracta ab igne cutis est, poriquè ita sunt occlusi, ut dehinc pili erumpere nequeant.

Oculorum Combustio, in primis Ciliorum, ac Tunicarum Adnatæ & Cornæ, quantumvis levissima sit, periculosa tamen est, facillimèquæ visus depravatio, aut saltem imbecillitas sequitur, palpebræquæ invertuntur.

Combustionis Prognostica.

Periculosa item sunt Combustiones Inguinum atque Abdominis, & difficulter sanantur. Periculosa quoque est Ambustio à Fulmine, & plerumque lethalis.

Ad Vasa Majora quæ penetrat Ambustio periculosa est, profunda in primis si fuerit; atque Gangrænam non raro accersit.

Curandi
Methodus.

VII. Quoad *Curandi Methodum*: quamvis passim infusa ad Ambustiones in usu sunt remedia, omnia ad hunc finem tendentia, ut empyreuma sive particulas igneas in parte combusta relictas aut suffocent, aut resolvant, dissipentque: docet tamen Praxis, frigida ambustiones non curare; sed iisdem, igneis particulis intrò retrusis, dolorem summopere augeri, nec non inflammationem, gangrænam, imò & sphacelum quandoque excitari: calida verò, quæ empyreuma evocant, solummodò prodesse; unde & Plebeis æquè ac Practicis haud ignotum est, partes combustas non frigidæ immergendas, at potius igni admovendas esse.

In primo
Ambustio-
nis gradu
quid agen-
dum sit.

VIII. Ut igitur Methodica instituat Ambustionis Curatio, diligenter examinandi & inspiciendi sunt omnes ejus effectus & accidentia, ut remedia pro re nata applicentur, & mutantur. In primis autem, si nondum elevata fuerint pustulæ, evocetur empyreuma, *hoc est*, igneæ in parte affecta relictæ particulæ resolvantur, dissipentur, parte læsâ igni admotâ, vel calidæ aquæ immersâ: aut, si fieri id nequeat, intingatur spongia aut linteam reduplicatum aquæ calidæ, & loco ambusto applicetur; vel imponatur *Sapo Vulgaris*; seu *Flores Cerevisiæ* admoveantur; *Cepa* quoque in mortario cum Sale commissa, & loco combusto applicatæ, igneas particulas educunt, nec sinunt ut pustulæ eleventur. Enimverò si præcaveri possit, ne pustulæ oriantur, non est, quod Patientis deinceps ullam molestiam vereatur.

Eundem in finem Hildanus *libr. de Combust. cap. 6.* hoc laudat Unguentum:

*R. Ceparum ʒiʒ. Salis, Saponis Veneti an. ʒj.
Simul in mortario contendantur, & addito Oleo Rosaceo &
Amygdalarum Dulcium, fiat Unguentum.* Lau-

Laudibus suis quoque merentur sequentia:

℞. *Saponis Veneti* ℥iij. *Ceparum* ℥i℥. *Salis* ℥vj.
Olei Ovorum ℥℥. *Rosarum*, *Amygdal. Dulc. an.* ℥i℥.
Mucilaginis Seminis Cydoniorum ℥j.
M. F. Unguentum.

℞. *Cera Cūrina*, *Resina*,
Adipis Ovilli, *Olei Raparum an.* ℥j.
Misceantur S. A. pro Unguento.

Barbette ad omnis generis Ambustiones valdè extollit sequens Unguentum, si liquefactum parti combustæ sapius illinatur; dehinc recens *Folium Brassica*, *Beta*, aut *Plantaginis* superimponatur:

℞. *Fol. Salvia rec.* Mj. *Plantaginis* Mij.
Butyri recentis insulsi ℥vj.
Stercoris Gallinae rec. albiss. ℥iij.

Frixentur per hora quadrantem, & expressio servetur usui.
 Paræus in Xenodochio Parisiensi hoc feliciter usurpari scribit;

℞. *Lardi Concisi* ℔j.
Liquefiat in Aqua Rosacea, & coletur per linteam rarum;
hinc quater Aquâ Plantaginis lavetur, tandem add.
Vitellos trium Ovorum.

M. F. Linimentum.

Alii istud commendant:

℞. *Tinctura Saturni*, *Olei Rosarum an.* ℥i℥.
Agitentur probè pro Linimento.

De omnibus tamen Unguentis hoc notandum, ita comparata esse debere, ut tenaciter parti combustæ non adhæreant, sed faciliè abstergi & removeri possint. Nequè enim ulcera hæc ferunt, ut fortiter abstergantur; at ferè linteo subtilissimo parti admoto à pure mundari debent.

Notandum quoque, pleraquè hæc non convenire *Ambustioni Oculorum*, nequè iis esse adhibenda; quin potius imponendum Collyrium, ex *Aqua Rosarum & Plantaginis*, cum *Mucilagine Seminis Cydoniorum*, *Fœnigraci*, &c.

Vesiculæ aut Pustulæ si adfuerint, nec malum idcirco sit gravius, non statim aperiendæ. Si enim mox aperiuntur,

ob denudatam cutem excitatur dolor, & tardius curatio absolvitur. Verum tertio circiter die, ubi cuticula regenerari jam incipit, aperiendæ: quin & diutius apertio non protrahenda, ne contentus humor acrior fiat, cutemquæ porro erodat, exedat.

Cæterum ad primum hunc Ambustionis gradum pertinet ea, quæ à pulvere tormentario fit, de qua *libr. 2. cap. 14.* dictum fuit.

Secunda
Ambustio-
nis species
quomodo
Curanda.

IX. Atqui Ambustio si tam altè penetraverit, ut non solum pustulæ eleventur, verum & cutis combusta, siccata, & contracta fuerit; tunc nequæ *Cepa*, *Sapo*, *Sal*, & quæ sunt hujus generis medicamenta sunt applicanda: sed imponantur Ea, quæ combustam & corrugatam cutem emollire ac lubricam reddere queant, quæquæ humida & temperatè calida sint.

Igitur pustulæ omnes forficibus in primis incidantur; quò lympha particulis igneis imbuta effluere possit. Cuticula quoque, ubicunque separata est, à vera cute abstrahatur, ne saniosa materies sub ipsa colligatur. Dehinc parti combustæ imponatur nunc laudarum Unguentum, ex *Oleo Raparum*, *Resina*, *Cera Citrina*, & *Adipe Ovillo*. Vel,

℞. *Olei Rosacei, Liliorum Alborum an. ʒss.*
Unguenti Basiliconis ʒj. Vaellos duorum Ovarum.
M. F. Unguentum.

℞. *Butyri rec. insulsi, Pingued. Gallina rec. an. ʒj.*
Cera Citrina, Olei Liliorum Alborum. an. ʒss.
Simul liquefiant, & in mortario admiscantur
Croci pulv. ʒj. Mucilag. Sem. Cydoniorum ʒj.
pro Unguento.

Hildanus hoc laudat Unguentum emolliens, dolorem leniens, & paulatim cicatricem inducens:

℞. *Butyri rec. & loti Aquâ Rosacâ ʒiiij.*
Olei Violarum, Ovarum, Amygdal. Dulc. an. ʒss.
Farina Hordei ʒij. Pulveris Croci ʒj.
Mucilag. Sem. Cydoniorum ʒj. Cera q. s.
Misceantur S. A. in mortario pro Unguento.

Prode-

Proderit item, imposito uno ex præscriptis Unguentis, eum reduplicatis linteaminibus desuper applicare *Muriam*, in qua Mala Limonia conservantur, modicè calefactam, quæ mirum in modum empyreumati adversatur. In Facie tamen hujusmodi medicamenta, quæ *Acetum* aut *Sal* recipiunt, propter Oculos, non sunt applicanda.

Emollitâ & satis lubricâ factâ cute combustâ, dolore què mitigato, nonnulli Medicamentis Exsiccantibus, veluti *Unguento de Tusia*, *Diapompholige*, similibusvè, cicatricem inducendam esse volunt. Sed ut ut fatear, quoniam hujusmodi Exsiccantia cutem contrahunt, hinc & turpes non rarò efficiunt cicatrices, horum usus semper tutus non est. Præsertim quum supra scriptis Emollientibus, ad finem usquè curationis usurpatis, voti sui compos plerumquè fieri soleat Cheirurgus.

Interim quia Ambustiones, præsertim quæ in cutis sunt superficie, ut plurimum vehementer dolent, observent Cheirurgi, ut blandè ulcera hæc abstergant. Hildanus, ne abstergendo ulcera excitet dolores, telâ subtilissimâ, qualis est Cambriacensis, aut syndone coöperire solet totam partem ambustam, nec illam removel, donec ulcera sint sanata; testaturquè, per hanc telam pus facillimè effluere, & virtutem medicamentorum ad ulcera satis pervenire posse.

X. Sed periculosior est Tertius Ambustionis Gradus, propterea quod in Gangrænam & Sphacelum nonnunquam soleat degenerare. Enimverò graviore illâ combustione cutis vasa, partesquè ei subjectæ corrugantur, ac ità constringuntur, ut tum sanguis affluens, tum spiritus influentes liberè permeare, atquè per partem ambustam radiare, eamquè vivificare amplius nequeant: hinc suffocato extinctoque nativo calore, pars emoritur, corumpitur.

XI. In hac ambustionis specie pustulæ omnes vesiculares primum sunt incidendæ, ut acre, urensquè serum effluere possit. Deinceps escara leviter est separanda, aut saltem diversis in locis ad sanam usquè carnem incidenda,

quò acris sub crusta retenta lymphæ effluere, medicamentum penetrare, & quicquid à combustionē induratum est emolliri possit.

Hæc autem escaræ separatio primò aut secundò die fieri debet, priusquam affecta pars infletur; estquè hoc quoquè Unguentum statim ab initio adhibendum:

℞. Butyri rec. insulsi ℥iij. Unguenti Basiliconis ℥i℥.
Olei Liliorum Alborum, Amygdalar. Dulc. an. ℥℥.
Vitellum unius Ovi. M. F. Unguentum.

Dehinc linteam reduplicatum sequenti Emulsionē imbutum, tepidè ut applicetur suadet Hildanus:

℞. Sem. Cucurbitæ ℥ij. Cydoniorum ℥ij. Fœnigraci ℥j.
Contund. in mortario & emulg. cum Aqua Puræ ℔vj. in colatura solvatur Saponis Veneti ℥℥.

Sed in Facie si fuerit Ambustio, Sapo minimè est addendus, propter oculos; sed ejus loco admisceatur Aqua Rosarum & Plantaginis.

Vel loco Emulsionis ad mitigandum dolorem, cutem emolliendam, & digestionem promovendam imponatur Fomentum. v. gr.

℞. Rad. Althææ ℥i℥.
Sem. Cydoniorum, Fœnigraci an. ℥℥.
Fol. Malvæ, Althææ,
Flor. Camomillæ, Meliloti an. Mj.
Coquantur in Aqua Puræ, aut, si dolor vehemens fuerit, in Lacte Dulci; & Colatura sit pro Fotu.

Ubi escara, & quod combustum est separatim fuerit, Ulcus mundificandum, carne implendum, & cicatrice occludendum. Verum Cicatrisantia non nimis sicca sint, ne turpis & rugosa fiat cicatrix. Atquè ideo hic ab Hildano hoc laudatur Emplastrum:

℞. Emplastri Diapalmai ℥ij.
Ping. Gallinæ, Anseris an. ℥℥.
Liquefiant simul; hinc admisceantur
Aluminis Usti, Plumbei Calcinati,
Lythargiri, Lapidis Calaminaris an. ℥j.
Agitentur in mortario plumbeo, & addendo

Muci-

Mucilag. Sem. Cydoniorum & Fœnigraci q. ſ.

Fiat. S. A. Unguentum.

At ſi aded magna fuerit Combustio, ut in Gangrænâ & Sphacelum commutetur, curetur eo modo, ut *libr. 1. cap. 17.* docuimus.

XII. Si verò ad Supercilia, Labia, aut in Digitis facta fuerit Combustio, diligenter ea curetur, nequè partes hæ contrahantur, & ad invicem conglutinentur; quin potius linteamina, filamenta, aut laminæ plumbeæ tenuissimæ partibus, ubi conglutinationis periculum est, interponantur.

Superciliorum, Labiorum, ac Digitorum Ambustio.

XIII. Oculi sin Ambustione læsi sint, statim instilletur *Lac Muliebre vel Vaccinum recens ac tepidum*; idquè vel *solum*, vel *mixtum cum Aqua Rosacea*, in qua parum Croci integri *maceratum* fuerit. Linteum item reduplicatum, & hoc lacte imbutum Oculis tepidè imponatur, & quotiescunquè ficcum fuerit renovetur. Aut loco lactis usurpetur Collyrium: v. gr.

Oculi si comburantur, &c.

℞. Aqua Rosarum ℥iij. Plantaginis ℥j.

Sem. Cydoniorum, Fœnigraci an. ℥℥. Croci integri ℥j. Macerentur quatuor horas, & Colatura sit pro Collyrio; cui Lac Muliebre vel Vaccinum recens admisceri possit.

Dehinc inter duo tenuia linteamina calidè applicetur Cataplasma:

℞. Pulpa Pomorum repurg. ℥iv.

Cocta in Aqua Rosacea & Fœniculi ad mollitiem, & minutim contrita add.

Mucilag. Sem. Fœnigraci ℥i℥.

Pulv. Croci gr. xij. Albumen unius Ovi.

Lactis Dulcis rec. q. ſ. M. F. Cataplasma.

Atquè horum medicamentorum usui est insistendum, donec ab inflammatione & dolore immunis sit Oculus. Tunc enim applicetur Collyrium magis exsiccans, & visum roborans.

℞. Aqua Rosarum, Plantaginis, Fœniculi an. ℥i℥.

Troch. Albor. Rhasis sub. pulv. ℥j.

Tutia prepar. ℥ij. Sacchari Saturni gr. v.

Misceantur pro Collyrio.

Cu-

Curandum quoque diligenter, ne Palpebræ retrahantur: id enim maximam adfert deformitatem. Hoc tamen si contigerit, siquæ cutis prope oculos indurata fuerit, Emolliente aliquo Unguento affecta pars inungatur; vel illinatur identidem loco combusto *Pinguedo Anguilla assata*, ut indurata ac retracta cutis ita emolliatur, & lubrica reddatur.

Inguina si
comburantur,
quid
agendum.

XIV. Inguina si comburantur, quum sint loca humida, laxa, adeoque humorum affluxui obnoxia, remedia usurpentur magis siccantia, quam in partium aliarum ambustionibus. Atque ideo si pustulæ nullæ eruperint, medicamenta ex *Sapone*, *Cepis*, similibusque parata utilia sunt. Quod si elevatae sint pustulæ, statim aperiuntur, ut acris effluere possit humor. Dein applicetur Unguentum. v. gr.

℞. *Unguenti Rosacei* ℥j. *Basiliconis* ℥vj.

Olei Ovorum, *Amygdalarum Dulc.* an. ℥℥.

Liquefactis admisceantur,

Pulv. Aloës, *Myrrha* an. ℥j.

Pro Unguento, cum tenuibus filamentis applicando.

Insuper totam partem affectam Hildanus coöperit hoc Cataplasmate;

℞. *Farina Hordei*, *Fabrum* an. ℥iiij.

Pulv. Rosarum Rubrarum ℥℥.

Fiat ex his cum s. q. Oxymellis. S. A. Cataplasma, quod calidè applicetur.

Articuli
ambusti
quomodo
curandi.

XV. Sed verò Articuli seu Juncturæ si comburantur, cum partes sint excarnes, nervosæ, ac magno sensu præditæ, ne humorum affluxus fiat, hinc & gravius malum excitetur, medicamenta ex *Sapone*, *Cepis*, & hujusmodi acrioribus (nisi combustio levis fuerit) minimè sunt applicanda; sed emollientibus, lenientibus, & anodynis affecta pars est tractanda. Atqui diligenter præcavendum in magnis Juncturarum Ambustionibus, ne tendines, articulorumque ligamenta retrahantur, & juncturæ incurventur: quamobrem totum membrum sæpius inungendum *Oleo Lumbricorum*, *Anethino*, *Liliorum Alborum*, *Axungia Gallinatum*

narum, Caponum, Unguento Althæa, similibusquæ; ut quæcunquæ indurata sint lubrica reddantur, & ita servantur. Interim quoquæ *Ferulæ*, aliaquæ ex ligno vel papyro crassiore facta Instrumenta, circum juncturas sunt ponenda, ut tendinum retractio impediatur. Blandè tamen omnia agenda, ne dolor excitetur. Qui si supervenerit, protinus sedandus est, imposito Cataplasmate. v. gr.

R. Mica Panis Albi ℥ß.

Cocta in Lacte Vaccino ad formam pulvis, add.

Butyri Recentis, Olei Amygd. Dulc. an. ʒj. Ovorum ʒß.

Pulv. Croci ʒj. Vuellum unius Ovi.

M. F. Cataplasma, calidè applicandum, & identidem renovandum.

XVI. Verum in principio si satis diligens non fuerit Cheirurgus, nec ferulas, aliavè convenientia instrumenta adhibuerit, sic ut juncturarum combustarum tendines, partesquæ nervosæ retrahantur, hinc & articulationes incurventur; pars affecta foveatur Decocto Emolliente, ex *Radice Althæa, Bryonia, Liliorum Alborum, Folis Althæa, Malva, Chamæpitheos, Floribus Camomilla, Hyperici, Semine Fœnigræci, Lini, &c.* Atquæ deinceps inungatur *Unguento Althæa, Pinguedine Gallinæ, Anseris, &c.* Tandem applicetur *Emplastrum de Mucilaginis* in corio extensum. Tendinibus autem & ligamenti articuli sic satis emollitis, ad extensionem accedendum est: quæ sine dolore & periculo satis commodè fieri potest, instrumentis ad hoc negotium accommodatis.

XVII. Deniquæ post graves Ambustiones, ob nimiam cutis ab igne contractionem & indurationem, *turpes* non raro relinquuntur *Cicatrices*; præsertim si sicca nimis cicatrifiantia usurpata fuere. Hæ ut tollantur, in primis durities cicatricum est emollienda, & lubrica facienda. Litu, ex *Pinguedine assatæ Anguillæ, Caponum, Gallinarum, Oleo Liliorum Alborum, Ovorum, &c.*

Relictæ post Ambustionem Cicatrices quomodo sint tollendæ.

At in Facie si fuerit cicatrix, atquæ ita elevata, contracta, & indurata, ut maxima inde turpitudine & deformitas sit, ea tolli nequit nisi per excisionem. Hildanus

libr. de Combust. cap. 14.


Zz

CA-

CAPUT IX.

DE ULCERIBUS PARTICULARIBUS.

De Oculorum Ulceribus.

I.  Erpenfis Ulceribus in genere, haud abs re erit, in specie de partium præcipuarum ulceribus quædam superaddere. Inter has OCULI, partes sanè nostri corporis haud ignobiles, Ulceribus nonnunquam infestantur. Atqui quæ in *Adnata* vel *Cornea Tunica* excitantur *Ulcera*, auctore Celso *libr. 6. cap. 6.* ex pustulis interdum fiunt, aut ab ictu, percussione, medicamentis acribus, aut ab acri affluente lymphâ, quæ membranas seu tunicas, nec non tenerrima illarum vascula erodens, inflammationem prius excitat, quam & exulceratio non rarò sequitur.

Oculi
Tunicæ
Cornæ &
Adnatæ
Ulcera
quomodo
fiant.

Oculorum
Ulcera
quot no-
minibus
dici so-
leant.

II. Hæc verò Ulcera variis nominibus à Paulo Ægineta, & aliis appellari consueverunt. Quod enim cavum, angustum, durum est, *βοθρον* seu *Fossula* dicitur. Sed latius & minus profundum si extiterit, *κρίσμα* nuncupatur. Quod in Iridis circulo externo exortum ambientia quoque comprehendit, variique coloris est, & circa externam Iridis partem rubicundum apparet, circa internam candidum, quibusdam ab albedine *ζημὴν* dicitur, nonnullis *Ulcus Coronale* vocatur. Quod denique profundum, solidius, asperum, & quasi crustosum est, *πίσμα* & *ἰσκάμμα* vocant. Avicenna septem differentias enumerat: quatuor superficiarias, & tres profundas; quæ saltem ratione magnitudinis, & quod ulcus aliud latius, aliud angustius, aliud superficiarium, aliud profundum est, discernuntur.

Oculorum
Ulcus
Diagno-
stica.

III. Cæterum magnitudo & figura Ulceris in Oculo visui ferè patet. Atque in Tunica Cornea si ulcus consistat, pustula præcessit alba, & ulcusculum album apparet in nigro

nigro oculi. Si verò Adnata Tunica sit exulcerata, punctum subrubicundum in albo oculi conspicitur, ob sanguinem erosus hujus tunicæ vasculis extravasatum.

IV. Sunt porro omnia Oculorum Ulcera periculosa, & non raro cæcitatem inducunt; in primis quum cornea tunica ità erosa sit, ut aqueus humor, nonnunquam etiam crystallinus corruptus effluat. Insuper periculosus semper est ulcus corneæ tunicæ, quam adnatæ: præsertim si è regione pupillæ consistat; quod post sanatum hujusmodi ulcus opaca plerumquè relinquitur cicatrix, quæ visionem lædat.

V. Quoad *Indicationes Curativas*: ut aliarum partium ulcera, ità quoque Ulcus in Oculo indicat, solutam unitatem esse uniendam; si quid imminutum, id regenerandum, & locum cicatrice claudendum esse. Igitur universalibus (viz. *Venasectiōe*, *Purgatiōe*, *Cucurbitulis*, *Vesicatoriis*) haud neglectis, Topica Oculo sunt imponenda Detergentia & Exsiccantia. Verum Inflammatio si ulceri huic adsit, inter duo tenuia linteamina calidè imponatur hoc vel simile Cataplasma, ac identidem renovetur:

Rx. Pulpa Pomorum Dulcium repurg. ℥vj.

Coq. in Aq. Rosacea & Fœniculi ad mollitiem, hinc contrita add. Mucilag. Seminis Fœnigraci ℥ij.

Albumina duorum Ovorum.

Cort. Granator. subtilit. pulv. ℥ij.

Lap. Hamatit. exactè triti ℥j.

Lactis Vaccini rec. q. s. F. S. A. Cataplasma.

Interim Desiccantia & Detergentia blandiora ipsi oculo admovenda; qualia sunt *Sarcocolla*, *Aloë*, *Tutia Preparata*, *Corallium Preparatum*, *Saccharum Candum*, *Aqua Chelidonii Maj.* & similia. Ex quibus Collyrium fiat abstergens oculo instillandum. v. gr.

Rx. Aq. Chelidonii Maj. Euphrasia, Rosarum an. ℥j.

Troch. Alb. Rhafis subtilit. pulv.

Tutia Prepar. an. ʒʒ. Sacchari Cand. ℥ij.

Misceantur.

Z z 2

Vel,

Vel,

℞. *Aq. Rosarum* ℥i℥. *Euphrasia*, *Chelidonii Maj. an.* ℥j.
Mellis Virginis Despumati ℥℥.

Misceantur pro Collyrio: cui pro re nata *Fel Lucii Piscis* addi potest.

Collyrii loco majori oculi angulo inungatur, nec non ipsi ulceri bis quotidie imponatur Unguentum Exsiccans & leniter Abstergens. ex. gr.

℞. *Tutia Prepar.* *Nihili Albi an.* ℥ij.

Corall. Rubr. Prepar. *Margaritarum Prepar. an.* ℥j.
Camphora ℥℥.

Unguenti Rosacei ℥ij. aut ℥i℥℥.

Terantur exactè in mortario, pro Unguento.

℞. *Butyri Rec. exactè loti* ℥℥.

Tutia Prepar. Div. Vurioli Alb. gr. viij.

F. S. A. Unguentum.

Atque horum remediorum usui insistendum, usque dum ulcus mundum & sufficienter detersum sit. Dein ut cicatrix inducatur Collyrium hoc laudat Barbette:

℞. *Plumbi Usti*, *Sarcocolla*, *Sacchari Saturni*, *Sief Albi Rhafis an.* ℥℥.

Aq. Rosacea ℥iv. *Misceantur simul pro Collyrio.*

Corneæ
 Tunicae
 Cicatrix
 post Oculi
 Ulcus re-
 licta quo-
 modo sit
 Curanda.

VI. Sed fanatis ulceribus hisce, non rarò in Cornea Tunica relinquitur *Alba & Eminens Cicatrix*, quæ nonnunquam Corneam totam, vel ex parte solummodo tegens, visionem vel tollit, vel imminuit, aut depravat.

Curationem hujusmodi crassarum, densarum, callosarum, ac inveteratarum cicatricum nequaquam tentari vult Aëtius; cum non nisi Collyriis acerrimis, partes oculo vicinas exulcerare potentibus, tolli queant. Superficiarum verò, & minores aliquam curationem suscipere possunt, præsertim in pueris & adolescentibus. In quarum curatione Rhases vult, ut *Aqua Dulcis tepida aut calida vapor oculo excipiat*, donec oculus rubeat. Vel,

℞. *Rad. Althææ*, *Liliorum Albor. an.* ℥ij.

Fol. Malvæ, *Violaria an. Mj.* *Sem. Fœnigraci* ℥j.

Fiat Decoctio in f. q. Aqua Pura; ejusque decoctionis vapor oculo excipiat.

Re-

Remedia autem Detergentia, quæ leniter attenuare & discutere possunt, sunt *Fel Caprinum* vel *Lucii Piscis*, *Mel Despumatum*, *Saccharum Candum*, *Vitriolum Album*, *Succus Chelidonii Majoris*, *Succus Ruta*, *Succus Fœniculi*, *Succus Cerefolii*, &c. Ex quibus Collyria, Unguenta, vel Pulveres pro re nata præparari possunt, Præstat tamen medicamenta oculorum maculis & cicatricibus sub formâ Pulveris admoveere. v. gr.

R. Tutia Prapar. Sacchar. Cand. Albi an. ʒj.

Vitrioli Albi gr. iv. Camphora gr. ij.

Corall. Alb. Prapar. ʒʒ.

M. F. Pulvis subtilissimus, quotidie bis, terve oculo inspergendus.

Sed hujusmodi albicantes corneæ tunicæ inhærentes maculas, cicatricesvè sæpius sanatas, & penitus ablatas vidimus, *Saccharo Cando Albo in impalpabilem pollinem redacto, identidem Oculo insperso.*

VII. Verum & aliquandò contingit, purulentam materiem sub Cornea Tunica ante Pupillam; prope Humorem CrySTALLINUM colligi, sic ut visio planè impediatur: qui affectus Græcis *Hypopyon*, Nostratibus *Gen Etter-Oogh* nuncupatur. Fit verò *Hypopyon*, seu *Oculus Purulentus*, dum tumor sive Corneæ, sive Uvæ in abscessum degenerat, ut materia purulenta ibidem consistat.

Pus sub
Cornea
Tunica si
colligatur,
quid agen-
dum.

Si igitur Pus inter Corneam & Uveam contineatur, exactius illud conspicitur, & affectus oculus sano eminentior apparet. Hoc autem Pus si per Cataplasmata, Fomenta, & Collyria leniter Discutientia resolvi nequeat, alia tentanda sunt remedia. Galenus & Aëtius narrant, Medicum quendam Romæ capitis concussionem Pus loco suo dimovere solitum, ne visioni obesset; id tam sæpius frustra à se tentatum, scribit Jobus Meckeranus.

Aëtius acu obliquè, sive à latere immisâ Pus per puncturam Corneæ educit, tum *Albumen Ovi* instillat, ac dein *Ovum Integrum cum Vino Mulso conquassatum*, & molli lanâ exceptum Oculo imponit. Sed quo modo illa Corneæ

apertio, ac purulentæ materiæ evacuatio sit facienda, & quid porro ad hanc Operationem requiratur, videatur apud Jobum Meekeranum *Obf. Chir. cap. 9.*

C A P U T X.

De Fistula Lachrymali.

I. *Æterum in interno oculi cantho inter duo puncta lachrymalia Caruncula locatur, Lachrymalis dicta, quæ continuum lachrymarum per genas defluxum impedit; sed eas imbibendo ordinatè per vicina puncta lachrymalia in nares dirigit. Hæc caruncula ab acrium humorum affluxu turget nonnunquam, intumescit, & abscedit, ulceraturque, ulcere non rarò in Fistulam abeunte, ut adeò tandem subjectum os carie corrumpatur: qui affectus Lachrymalis Fistula nuncupatur.*

Fistula Lachrymalis qualis sit affectus.

II. Est itaque **FISTULA LACHRYMALIS** *Tuberculum inter majorem oculi angulum & nasi radicem ortum, plerumque cum inflammatione, nonnunquam & sine inflammatione. Atque hic tumor aliquandò quidem in superficie se ostendit, aliquandò magis profundum obsidet, & non nisi tactu ac compressione percipitur. Tumor hic ruptus & malè curatus in ulcus abit, quod vel simplex remanet, à quo pus coctum plerumque exudat: vel serpens & malignum evadit, à quo pus crudum effluit; id quod non rarò sub inferiore palpebra viam sibi facit, & per tuberculum ibi elevatum, exulceratumque aquosam & ichorosam materiam effundit: aut si abscessus tardius rum-patur, in sinuosum ulcus, seu *Fistulam oculi, Lachrymalem* dictam degenerat.*

Affectus hujus Causa.

III. *Causa* humor est tenuis, acris, salus, qui eò stillans primò inflammationem, dein erosionem, exulcerationem, ac tandem fistulosum & sinuosum ulcus, nonnunquam cum subjecti ossis carie, producit.

Tuberculum autem ipsum aliàs majus, aliàs minus est,

est, in superficie eminens & visui expositum, aut in profundo latens, & cum soluta unitate in *Agilope*, citrà hanc in *Anchilope*. Rumpitur autem tuberculum hoc, aut intus versus oculum, aut extrà per cutem, aut utrimque. Interdum & os naris proximum perforat; nonnunquam cartilaginem palpebræ, ac ipsam palpebram corrumpit.

IV. Igitur dignoscitur malum hoc, quod tumeat locus affectus, rubore in ambitu perfundatur, lancinante dolore affligatur, in primis inflammatio si adsit. Ubi verò cute exulceratâ rumpitur tuberculum, fit abscessus cum ulcere; quod si legitime non curetur, pus diutius coërcitum cuniculos porro agit, sinumque facit, per quem collecta intus sanies aut spontè effluit, aut presso angulo extruditur, tumorque nonnihil subsidet, usque dum nova colligatur materies. Nonnunquam ad os usque subjectum sinus penetrat, illudque erodit, viamque in narem proximam aperit, è qua graveolens quid continuo excidit.

Lachry-
malis Fi-
stulæ Dia-
gnostica.

V. At verò affectus hic ægrè sanatur, nisi maturè ei occurratur. Atque difficilior redditur hoc vitium, si sit conjuncta soluta unitas, siquè tumor profundas occupet partes.

Prognos-
tica.

Si ruptio sit interiora versus, periculosior; quia metuenda est subjectorum ossium corruptio.

Fistula recens, & quæ orificium habet extrinsecus manifestum, facilius curam suscipit.

In genere tamen Fistula Lachrymalis chronicum malum est, cum propter perpetuum materiæ affluxum, & motum oculi continuum, tum quia conveniens ligatura ea in parte fieri nequit, tum denique quia medicamenta debilia parum agunt, fortia vero oculum lædunt.

VI. Quoad *Curandi Methodum*: Quandoquidem eodem modo non semper se habet Fistula Lachrymalis, non semper eadem erit hujus affectus Cura. Curatur namque vel ut incipiens; vel ut abscessus jam ruptus, cujus tamen latera minimè sunt callosa; vel ut Fistula perfecta,

Medendi
Methodus.

osse

osse tamen subjecto sano, minimequè corrupto; vel denique ut Fistula perfecta, osse subjecto carioso: atque tum aut Medicamentis, aut Chirurgia.

VII. In genere ut Ægilops vel incipiens vel perfectus Curetur, primum instituenda est optima victus ratio. Dein redundantes in toto acres tenuesquè humores sunt corrigendi, & tum per alvum, tum per urinas, tum per auctam transpirationem evacuandi. Quem in finem conducit Decoctum, ex *Ligno Guajaco, Sassafras, Radicibus Saraparilla, China, additis Betonicâ, Majoranâ, aliisquè Cephalicis; nec non* (si Purgans id desideramus) *Pulpâ Colocynthis, Glycyrrhizâ, &c.* Insuper *Setaceum* nuchæ adhibere quantum conducatur in Curanda Fistula Lachrymali, Praxis docet, affirmat Hildanus *Cent. 4. Obs. 19.*

Incipiens
Ægilops
quomodo
tractari
debeat.

VIII. Generalibus hisce præmissis, si Ægilops incipiens sit, atque nondum apertus, secetur ferro ac aperitur, idque fiat maturè. Si enim apertio differatur, pus vicinas partes erodit, & Fistulam sæpè inemendabilem gignit.

Aperto autem abscessu, seu naturâ, seu arte, imponantur Desiccantia, Detergentia, Consolidantia: quem in finem conducit *Unguentum de Tutia*, vel simile ex *Aloë, Myrrha, Plumbo Usto, Tutia, Spodio Preparato, &c.*

Chalmetæus *Enchr. Chir. lib. 3. cap. 20.* se nihil præstantius sequenti esse expertum testatur;

R. Vini optimi, seu potius Spiritus Vini,

Mellis Rosacei an. ʒj. Pulv. Myrrha optima ʒij.

M. F. Linimentum, quo manè & vesperi locus illinatur.

Insuper ipsi ulceri postquam Exsiccans aliquod impostum sit Unguentum, pars affecta comprimatur instrumento ab Aquapendente descripto, & à Sculteto *Armam. Chir. Tab. 8. Fig. 1.* depicto, aliove simili, ut ulcusculum ita consolidetur, & cicatrice ocludatur.

Lachry-
malis Fi-
stula per-
fecta quo-

IX. Si verò perfecta sit Fistula, lateribus adedè callosis, incidatur ferro, ac dilatetur. Sed si Patiens ferrum admittere nolit, dilatetur Turundis ex *Radicibus Gen-
tiana*

tiana, aut *Spongiis Preparatis*. Quod si hoc fieri nequeat, modo Cura-
tanda sit. tantillum ex *Cuscuta* quodam prudenter applicetur. Diligenter interim oculus claudatur, ne forsan liquefactum Causticum in oculum fluat.

Apertâ & sufficienter dilatâ Fistulâ, *Mercurius Precipitatus Ruber* ulceri inspergendus, aut filamentis imponendus est, ac superponendum Emplastrum ex *Gummi Elemi*.

Atque hoc modo callus consumendus, quo attrito, pars affecta nunc citato Aquapendentis instrumento, vel simili comprimatur, ipsique ulceri *Balsamum Peruvianum*, vel *Tolutanum*, aliudve Unguentum Exsiccans, Detergens, Cicatrizans imponatur, sicque consolidetur ac cicatrice occludatur.

X. At verò subjectum os si cariosum observetur, Os Fistulæ
subjectum
si sit corru-
ptum, quid
agendum. (quod deprehenditur, si immisso specillo asperitas quædam in osse appareat; aut sonus quidam percipiatur osse pulso, consumpto scilicet periosteo) quantum fieri potest detegendum est, dein ferro abradendum: quo sublato, osse superstiti filamenta arida applicanda, quousque caro laudabilis ab ipso excreverit; imponendum quoque vulneris labiis *Unguentum de Tutia*, Sarcotici loco, propter continuum ichoris ad angulum oculi fluxum: tandem cicatrix inducenda *Gummi Elemi*, aut *Emplastro Diapalmeo*, similivè exsiccante. Si autem os cariosum & probe detectum commodè abradi nequeat, *Euphorbium in subtilissimum pulverem redactum* inspergatur. Enimverò nihil præstantius esse *Euphorbio* in Ossibus Cariosis, & in Fistula Lachrymali ostendit Praxis, subscribit Hildanus *Cent. 5. Obs. 22. & Cent. 2. Obs. 92.* Quippe quod adjacentem carnem non adurit, ut perperam nonnulli metuunt.

Sunt qui cariem ossis *Oleo Varioli*, *Sulphuris*, aut *Aquâ Forti* corrigere tentant, sed malè; ad circumjacentes enim partes fluunt, & os ulterius corrumpunt.

Alii ossis fistulæ lachrymali subjecti cariem *Cauterio Actuali* corrigunt, idque non malè; quæ enim ferrum aut ignis non sanat, insanabilia esse *Hippocrates* pronun-

ciavit. Scribit tamen Fabritius Hildanus, sibi curationem fistulæ lachrymalis cum Euphorbio semper tam feliciter successisse, ut Cauterio Actuali nunquam fuerit usus. Interim vero illud non rejicit, atque ideo fistulâ planè occalescente, Inustionibus utendum, si Ægri admittant; utpote quæ callum non modo atterunt, partemque ipsam corroborant, sed etiam citius separant os corruptum.

Quandoquidem igitur & callus fistulæ, & ossis corruptio consolidationem impediunt, hinc callositate ossisque carie absumptis, nec non deteriso fatis ac mundificato ulcere, *Balsamum Peruvianum*, vel *Tolutanum*, vel *Unguentum de Tutia*, aut simile filamentis applicetur, ut plana ac pulchra fiat cicatrix.

XI. Per totum autem curationis tempus, Collyrium Exsiccans ac Anodynum oculo frequenter instilletur, & linteam reduplicatum, eodemque Collyriô inadesactum applicetur, sintque omnia fasciâ diligenter ligata, ut oculi motus quoad fieri possit impediatur. Exempli loco esto id, quod sequitur:

Rx. Aq. Rosarum, Plantaginis, Euphrasie an. ʒiʒ.

Sem. Cydoniorum ʒiʒ. Maneant in infusione per horas, dein colatura admisceantur,

Troch. Alb. Rhasis subtr. pulv.

Tutia Preparata an. ʒiʒ.


Fiat Collyrium, calidè oculo identidem adhibendum.

In genere tamen de Fistula Lachrymali inveterata cum magna subjecti ossis corruptione notandum, quod difficulter ea curetur; & si curata fuerit, adhuc tamen ex oculo lachrymæ effluant, ob carunculam lachrymalem absumptam.

Sed genuinam Fistulas Lachrymales curandi methodum videre licet apud Hildanum *Cent. 6. Obs. 3.* & Petrum de Marchettis *Obs. Chirurg. 22.*

C A P U T X I .

De Aurium Ulceribus.

I.  Liquandò quoquè in AURIBUS, haud secus ac aliis in partibus, excitantur ULCERA, eaque sunt vel apparentia & visui exposita, vel occulta ac in profundiore Auris parte sita: iterum vel recentia, vel antiqua, vel cum pauca, vel cum multa sanie.

Aurium
Ulcer
qualia sint,
& quomodo
hant.

Fiunt autem in Auribus Ulcera, vel ab Externis Causis, vel ab Internis. Enimverò casus, percussio, vulnus hic eodem modo, quo in cæteris partibus Inflammationem, dehinc Abscessum, tandem Ulcus excitare queunt. Interdum quoquè à diu in meatu auditorio retento Cerumine amaro & viscoso, ibidemquè ob salinam oleaginositatem putrescente, hujusmodi Ulcus procedit. Deniquè acres, pungentes, mordicantes, partequè Auris interiores exulcerantes humores in causa non raro sunt. Communiter verò hic observamus, magnam materiæ quantitatem inde profluere, & difficulter admodum hujus partis Ulcera sanari, ea in primis, quæ sunt in meatus auditorii parte ossea. Quantitas autem materiæ non solum à sanguine venit, qui suppuratur; sed etiam ex tunicæ meatum auditorium succingentis glandulis, quæ à Pure continuò irritatæ, magnam liquoris quantitatem è canaliculis suis excretoriis emittunt.

II. Quoad *Diagnosin*: horum ulcerum Signa sunt satis manifesta; cum ex dolore, ardore, punctione, pruritu, sanie vel pure ab illa parte emanante, in cognitionem devenire possimus: & si sanies copiosa effluat, sordidum ulcus: si tenuior, virulentum: si foetens, putridum indicat; siquè nonnunquam post faniem aliquid sanguinis emanet, corrosivum ulcus arguit. An vero ab externis, aut ab internis causis hujusmodi ulcus fuerit excitatum,

Qua ratio-
ne cogno-
scantur.

ex Ægrotantis & adstantium quærelis, aliisque circumstantiis faciliè innotescet.

Ulcèrum
horum
Prognosis.

III. Cæterum Recentia Aurium Ulcera facilius, at Inveterata difficiliora sanantur. Difficultas autem sanandi hæc ulcera inde est, quod semper à liquore ex meatum auditorium succingente glandulosa membrana profluente humectentur, adeoque siccari nequeant; quo fit, quod materia, è glandulis hisce profluens, acris quippe & sal-sa, reunionem partium & cicatricem impediat. Difficilior quoque sanantur ulcera in meatu auditorii parte ossea, quam in parte cartilaginea, quia osseus canalis versus tympani membranam declivis est, & ubi in planum descendit, fossam efficit notabilem, ex qua purulenta materies non nisi difficulter eximi potest; cum è contrario meatus cartilagineus concham versus sit declivis, hinc & quævis excrementitia materia statim ejiciatur.

Scopi Cu-
rativi.

IV. Ad *Curandi Methodum* quod attinet: Aurium Ulcera quamvis interdum per se sanantur, post cohibitum puris effluxum; plerumque tamen artis auxilio egent. Et quidem, universalibus haud neglectis, sanies erit detergenda, ulcusque exsiccandum, à levioribus semper incipiendo; & quanto recentius fuerit ulcus, tanto tutius abstersione & exsiccatione curatur. Eum in finem eluatur auris *Vino calente*. Atque Iniectiones fiant Detergentes, ex *Urina Pueri*, aut *Hydromelle*, aut *Aqua Hordei cum Melle Rosaceo*; & si fortioribus opus sit, fiant Decoctiones ex *Aristolochia*, *Agrimonia*, *Centaurio*, & *similibus in Vino albo*, quibus misceatur *Mel Rosarum*.
v. gr.

Rx. Rad. *Aristolochia* Rot. ℥iij.

Herb. *Agrimonia* Miß.

Sum. *Absynthii*, Cent. Min. an. Mj.

Coq. in s. q. *Vini Albi* ad ℥xij. colatura admisceatur

Mellis Rosacei ℥iij. M. pro Iniectione: cui si ulcus putridum sit & valdè sordidum, addi insuper potest *Fel Bubulum*, vel *Aloë cum Spiritu Vini*, aut simile.

At

At verò Pinguia omnia & Oleosa vitanda sunt, quippe quæ aurium ulcus sordidius indies reddunt.

Galenus testatur, se hujus generis ulcera inveterata sanasse cum *Ferri Scoria in pulverem redacta*, hinc cocta cum *Aceto acerrimo*, quoad mellis acquirat consistentiam. Etiam putredinem, qua hæc ulcera sæpè diffluunt, emendare & siccare valet *Fel Bubulum in forti Aceto dissolutum*, ac tepide instillatum.

Valefcus de Taranta sequens ex Haly commendat, & scribit, se eo Presbyterum, qui aurium ulcere & sanie octo annos laboraverat, sanasse;

Rx. Mellis 3x. Aceti 3j.


Cog. leviter & despumetur, dein add.

Viridis Aris 3j.

Misceantur, & cum turunda auri impone.

C A P U T X I I.

De Narium Ulceribus.

I.  Ost Oculorum, Auriumque Ulcera, proximum est, ut ad NARIUM ULCERA accedamus, & quæ inde oriantur symptomata perpendamus. Igitur *Narium Ulcerum* Narium Ulcera unde fiant, &c. *plures occurrunt Differentia.* Alia enim à Causis oriuntur Externis; ab ictu viz. c. su, vulnere. Alia ab Internis; ab humoribus puta acribus, malignisvè: sive ii è toto sanguine ad Nares ferantur, ut fit in Lue Venerea; sive à cerebro, aut à crassa pituitaria membrana eò expellantur.

Adhæc Narium Ulcera in se considerata alia recentia sunt, alia inveterata; atque hæc etiam vel crustosa sine sanie, vel sordida, vel putrida ac virulenta, vel corrosiva, vel fistulosa, vel cancrofa. Denique quoad partem affectam; alia externa sunt & oculis exposita; alia interna; in intima narium parte, vel in osse ethmoide.

Narium
Ulcerum
Signa.

II. Signis vero discernenda sunt hæc ulcera, cum inter se, tum ab aliis narium affectibus. Recentia enim ulcera non rarè nec acrimoniâ, nec dolore sese produnt; nares tamen plerumquè ichore sanguineo madent, aut crusta sicca, vel nigra emungitur. Dum autem crustula diutius hæret, perpetuò sub ea aliquid exeditur, quod ulcus majus efficit. Vetustius tamen & putridum ulcus, quod *Ozana* vulgò nuncupatur, foetorem emittit talem, ut *Ægertum* sibi, tum aliis tetri spiritus vapore admodum molestus sit. Et si diutius duret, paulatim serpit longius, atque vel alas narium, vel earum interstitium, vel tenella ossa exedit, paulatimque perforat, præsertim si vel cancri speciem habeat, vel à lue venerea contractum sit.

Ozana.

III. Igitur Narium Ulcera foetorem ferè spirantia, *Ozana* dici consueverunt, ἀπὸ τοῦ ὀζειν. *Ozana*, ut inquit Celsus *lib. 6. cap. 8.* sunt ulcera circa nares plures crustas & foetidum odorem habentia. Et *Ægineta lib. 3. cap. 24.* inquit, *Ozanam* esse ulcus cariosum ac putridum, ex acrium humorum alluvie prognatum. Possumus ergò & nos dicere, OZÆNAM esse *Narium Ulcus profundum ac putridum, ut plurimum crustosum, foetidumque odorem spirans.*

Ejus Cau-
sa.

IV. Quoad *Causam Ozana*: Galenus *lib. 3. de simpl. med. comp. cap. 3.* ait: „Ozænæ ex humorum acrium, & putri-
„laginosorum influxu gignuntur: nam si humor saltem
„acris esset, ægrè curabilia ulcera produceret, non gra-
„veolentia. Galeno subscribunt Alexander Trallianus & Aëtius. Est igitur *Proxima Ozana Causa* humor acri-sali-
nus, ac erodens, qui ipsa quandoque ossa, & maximè cartilagineum narium interstitium corrumpit, sicque faciem miserè deformat. Hic autem acris malignus humor, cujus influxu hujusmodi putridum ac crustosum, nec non graveolens Narium Ulcus, *Ozana* puta, generatur, vel à Venerea Lue procedit: vel ab acribus ferinisque Catarrhis è cerebro, aut ex membrana pituitaria eò stillantibus; quibus propter acrimoniam corruptio facilè accedit, unde putridum ac graveolens hoc ulcus evadit. Adhæc oritur quandoquè hic affectus

ctus à Suffumigijs è Mercurio & Cinnabare incautè adhibitis ; cujus rei tres quatuorvè historias recenset Fabricius Hildanus *Cent. 2. Obs. 23.*

V. Cæterum Externa Narium Ulcera oculis conspiciuntur ; Interna autem & Occulta ex effluente sanie Diagnos-
tica. & crustis decidentibus cognoscuntur. Munda porrò, ex sanie laudabili : fordida , ex crassiore : putrida , ex fœtore : corrodentia , ex sanguinis cum sanie effluxu : cancrofa , ex præsentibus canceri signis cognoscere licet.

In specie verò Ozæna cognoscitur ex effluente sanie, & decedentibus crustis ; Laborans præterea non ipse sibi graveolet tantum, sed & adstantibus tetri spiritus contagio molestus est.

VI. Sunt quoquè Narium Ulcera curatu plerumque Prognos-
tica. difficilia, ob humiditates viz. tum ex cerebro , tum ex pituitaria membrana, continuò ad partem hanc defluentes ; & quo magis vel minus inveterata, eo curatu faciliora erunt , vel difficiliora. Celsus de Ozænâ verba faciens inquit : „ sciri quidem debet, vix ei malo succurri, „ nihilominus tamen quædam tentanda sunt, quanquam „ curatu sit difficile. Porrò tametsi narium ulcera externa, superficialia, recentia, munda, facilius curentur ; occulta tamen , profunda, antiqua, immunda, crustosa, fistulosa, narium ossibus communicata , difficulter : putrida verò, corrodentia, cancrofa, periculosa plerumque existunt.

Etiam Narium Ulcera & Ozænæ, si omnibus ritè administratis non curentur, pro desperatis non sine ratione haberi solent ; quia suspicio est, ne in cancerum talia degenerent, quem satius est, non attingere.

Insuper pro desperatis hæc ulcera haud immeritò habentur, quando ossa narium tenella exedunt, vel narium alas, earumque interstitium magnâ deformitate putrefaciunt, & exesum palatum perforant ; præsertim si à lue venerea fuerint, orta, quod ut plurimum evenit.

VII. Sunt

Indicationes
Cura-
tivæ.

VII. Sunt deniquè eadè in Narium Ulceribus Curandis Indicationes, quas aliarum partium sordida ulcera exigunt. Viz. totius corporis primò habendam esse rationem, & humores in toto superfluos evacuandos. Et quoniam vel à Lue Venerea, vel saltem ab acribus & ferinis Catarrhis profundum, crustosum, foetidumquè narium ulcus ut plurimum procedit; hinc in primis peccantes humores Medicamento conveniente è toto corpore iteratò expurgandi. Dein Vena in brachio secanda. Cucurbitulæ per intervalla scapulis nunc Siccæ, nunc cum Scarificatione applicandæ. Nec non Setaceum ad tertiam colli vertebra pro majore acrium humorum diversione adhibendum. At interim caput, imposità ei Cucuphà, & Fistulâ Tabaci fumifuctione sumptâ, similibusque exsiccandum, roborandum.

VIII. Verum si omnibus hisce ritè administratis, nihilominus tamen non curetur affectus, quin potius recrudescat, Curatio instituenda, qualis in Venerea Lue institui solet. Utatur Patiens Decocto Sudorifero, ex *Ligno Guajaco, Corticibus Ejsdem, Salsaparilla, China, Turbith, Hermodactylis, Folius, Betonica, Majorana, Salvia, Liquiritiâ, similibus.* Et porrò in omnibus sese gallici morbi curæ submittat.

IX. Sed ad partem affectam, Nares puta, quod attinet: ulceris crustæ prius sunt auferendæ; quod fit aliquo pingui, v. gr. *Butyro Recenti ac Loto illito.* Celsus *Mel cum tantillo Therebinthina in nares immittit, & spiritu succum attrahere jubet, donec in ore gustus ejus sentiat*: ita enim crustæ resolvuntur; quæ dein per sternutationem haud difficulter ejici solent.

Crustâ remotâ Ulcus eluatur *Vino, in quo Mel coctum sit; vel Vino Decoctionis Agrimonie & Verbenæ, cum Melle.* Vel, si nimis sordidum sit, ad absterfionem ejus & exsiccationem adhibeatur *Unguentum Apostolorum; aut Egyptiacum, cui parum Succus Tabaci admixtum sit.*

Dein aliquamdiu sequens Medicamentum naribus injiciatur, ac filamenta eidem imbuta imponantur:

℞. Sem.

℞. *Sem. Cydoniorum* grosso modo contus. ℥j.

Aq. Plantaginis, Rosarum, Spermat. Ranar. an. ℥ij.

Maneant in Infusione per horas in loco calido. Dehinc expressioni mucilaginosæ add. Mell. Rosarum ℥j.

Pulv. Corall. Rubr. Prepar. C. C. Usti & Prepar. Tutia Prep.

Lapid. Calaminar. Prepar. Nihil. an. ℥j.

Misceantur.

vel immittatur hoc, aut simile Unguentum

℞. *Plumbi Usti & Prepar.* ℥iij.

Pulv. Aloës, Myrrha an. ℥ij.

Unguenti Nutriæ ℥iij. Albi Camphorati ℥ij.

Ol. Rosacei. q. s.

Dinterantur in Mortario Plumbeo, & F. S. A. Unguentum.

Nonnulli commendant *Aquam Plantaginis*, in qua dissolutum est aliquid *Mercurii Dulcis*, cum petiis Ulceri admovendam.

Etiā *Succus Scarleæ Melli Rosaceo*, mixtus valdè hic prodesse dicitur. *Platerus* sequens laudat Unguentum:

℞. *Cerusa* ℥j. *Tutia Preparata, Lithargyri* an. ℥ss.

Plumbi Usti 3vj.

Pulv. Myrrha, Aristol. Rot. an. ℥ij.

Ol. Rosarum, Omphacini, Succi Plantaginis an. ℥ij.

Agüentur duæ in Mortario, & F. S. A. Unguentum.

Barbette hoc valdè extollit:

℞. *Plumbi Usti, Cerusa Lota, Tutia Preparata,*

Lithargyri an. ℥ij.

Cort. Thuris ℥j.

Myrrha, Aristol. Rot. Mercurii Dulcis an. ℥ss.

Unguenti Fusci Fel. Wurtzii ℥iij. *Alb. Camphorat.* q. s.

M. F. S. A. Linimentum.

uti & hoc *Fabritius Hildanus*:

℞. *Succi Geranii, Solatri, Sempervivi Maj.* an. p. aq.

Lithargyri, Plumbi Usti, Cerusa, Lapid. Calamin. an. ℥ij.

Indantur in mortarium, affuso cochleari Olei Rosacei, & Succi superioris alternatim, probe agitando, donec in Unguentum coeat, quo iuvunda illita Naribus indantur.

Conducit & hic *Aqua Aluminosa seu Mercurialis* vel sola, vel diluta cum petiis prudenter usurpata.

Bbb

Præ-

Præstans quoque est *Aqua Viridis Hartmanno usitata*, quæ non tantum in Ozænis, sed in omnibus Ulceribus Fœtidis Narium, Palati, Uvulæ, Gingivarum, & Linguae mirificè valet. Cujus hæc est descriptio:

℞. Mellis Rosacei ℥ij.

Sulph. Vivi, Aluminis Crudi, Aeruginis an. ℥j.

Albi Graci, Sabina an. ℥ss. Flor. Sambuci ℥j.

Fol. Plantaginis, Hyperici, Pulegii, Rosmarini, Ruta an. Mss.

Coq. in Vini & Aqua lib. ij. ad casum transversi digiti. Ast notandum, quod *Aerugo* non simul coquatur, sed in fine addatur, & relinquatur donec refrigerit; postea caleat & usui servetur. Viz. ejus aliquid in cochleari calefiat, tum intingatur penicillum, eoque locus ulceratus attingatur.

X. Guljelmus Rondeletius *Pr. lib. i. cap. 65.* In Ulceribus Narium post sufficientem deterfionem nihil efficacius se invenisse scribit *Suffitum*, qui partes illas profundas attingit & siccat. Parandus autem ex potentissimè siccantibus hoc modo;

℞. Ladani puri, Hypocistidis, Mastichis, Myrrha an. ℥ijj.

Syracis Rubr. & Calam. Cort. Thuris, Sandaracha, Auripigm. an. ℥ij.

Excipiantur omnia Therebinthinâ, & F. Trochisci, quibus suffiatur Ager serò & manè in cubiculo, atque suffitus naribus infundibuli ope excipiat.

Optimum etiam est parare Candelas ex Cera Rubra: etenim ob *Cinnabarim*, cum qua hæc cera conficitur, fuligo istiusmodi candelæ plurimum juvat exsiccationem; si præsertim accendatur in cubiculo benè clauso & angusto. Quod autem fuligo accensæ candelæ cum inspirato aëre excipi soleat, experimur, cum diutius in studiis moram trahimus noctu; namque sputum & narium excrementa fuligine denigrata redduntur. Dein addit: *hac ratione nos ulcus curavimus, quod neque ab Italis, neque à Gallis curari potuerat.*

Suffitus sequentis Pulveris (inquit Barbette in *Chirurgia*) prunæ impositi multa præstat, modò cautè, & non nisi semel, aut ad summum bis quotidie usurpetur, ne facilitatio exciteretur:

℞. Ben-

R. Benzoini, Sandarache, Mastichis, Thuris, Styracis an. ʒj.


Cinnabaris Facilius ʒß.

M. F. Pulvis, pro Suffimigio.

Quæ porrò in inveteratæ ozænæ curatione sunt observanda, videri possunt apud Scultetum *Armament. Med. chirur. tab. 37*. Historiam ozænæ gravissimæ cum ossis palati erosione sanatæ refert Hildanus *Cent. 2. Obs. 22*. Exemplum quoquæ nasi ulceris, apicem illius depascens, feliciter curati, habetur apud Platerum *lib. 2. Observationum*.

C A P U T XIII.

De Labiorum Ulceribus, & Fissuris.

I.  Onnunquam & LABIA occupant UL- Ulcera Labiorum
CERA CRUSTOSA, sæpè quoquæ qualia sint,
SERPENTIA, orta ab *humoribus biliosis,* & unde
acri-salinis, & quodammodo *glutinosi,* qui mi- prove-
serè hujusmodi exulcerationibus Labia in- niant.

quinare & corrumpere solent.

Talia ulcera nonnunquam per modum criseos in febribus intermittentibus contingunt, atque febris solutionem indicant. Sæpè etiam absque crisi ab humoribus vitiosis è toto corpore ed protrusis ortum habent. Vel à gallica lue proveniunt.

II. Hujusmodi autem Labiorum Ulcera oculis obvia Horum
sunt: causæ vero signis investigandæ. Si per Crisin acci- Ulcera
dant, febris adest. Si à Morbo Gallico, is etiam suis Diagnosis.
signis sese prodit. Si & febris & luis veneræ signa absint,
ex latente in corpore Cacochymia ortum habent.

III. Cæterum labiorum ulcera si in febribus cum co- Prognosis.
ætionis signis appareant, plerumque bonum sunt signum,
atque febris perfectam solutionem, vel imminutionem
significant, ac per se facillè sanantur. Sed cum viribus debilibus, aliisque malis signis, si os & labra exulcerentur,

sæpè lethale est. Etiam curatu difficiliora & pejora sunt, quæ à morbo gallico proveniunt.

Curatio.

IV. Igitur in febribus Labiorum Ulcera si critica sint, per se faciliè sanantur. At à lue venerea quæ oriuntur, curanda sunt ut venerea lues; curatione sc. instituta per Salivationem, Decocta Sudorifera, & similia. Talium ulcerum curatorum exemplum habetur apud Forestum *Lib. 14. Obs. 2.* ubi scribit, se Juvenem (qui ex lue venereâ labia ulcerata, inflata, nigra, tumida, dura, carcinomatosis instar, habuit) curasse universalibus ad morbum venereum, & panno hac Decoctione imbuto labiis apposito;

℞. Ligni Sancti p. ij.

Bulliat in pinta una Aqua Solatri, dein coletur, & colatura add. Aluminis ℥j. iterum simul ebulliant, & coletur, ac colatura detur usui.

Si vero ulcera hæc absque febre & morbo gallico oriuntur, ab humoribus nempe vitiosis acribus, è toto corpore eò protrusis; Universalibus usurpatis, & Dietâ conveniente haud neglectâ, adhibeatur *Unguentum de Cerasa*, vel *Album Camphoratum*, vel *Nutritum*, aut simile. v. gr.

℞. Unguenti Rosacei, Nutriti, Albi Camphorat. an. p. æq. Terantur diu in Mortario Plumbeo, donec Linimentum evadat.

Quod si tale ulcus exsiccare non possit, tangatur *Aquâ Aluminosâ Fallopii*, descriptâ *Cap. de Ulceribus Venereis*. Aut prudenter usurpetur *Aqua Viridis Hartmanni*; vel vulgaris *Aqua Mercurialis* seu *Aluminosa*, quæ *Vino Gallico* & *Aquâ Plantaginis* diluta frequenter admoveatur.

Labiorum
Fissuræ.

V. Atqui cutis cum carni in labiis connexa sit tantâ tenuitate, tantâ subtilitate, ac teneritudine, ut, nisi labris laceratis, ab iis separari non possit; hinc faciliè à causis externis, ventis, frigore; ut & internis, humoribus puta & vaporibus salsis & acribus, vitiantur, finduntur, & ita scinduntur, ut interdum etiam sanguinem fundant. Vitium hoc Græci *παράσας*, Latini *Fissuras* seu *Scissuras Labiorum* vocant. Quæ sanè non planè sunt negligendæ: nam-

namquè turpitudinem pariunt, atquè in crustosa & difficulter curabilia ulcera quandoquè degenerant.

VI. Solent verò haud difficulter sanari Labiorum Fissuræ, inuncto *Candelarum Sevo*: vel inungatur *Unguentum Rosarum*, aut *Pomatum*: vel fiat *Litus ex Recenti Axungia Gallina*, & *Cerâ Albâ*, *Aquâ Rosacâ* sæpius lotis.

Quomodo
Curari de-
beant.

Aëtius *Ovi Pelliculam Internam* fissuras labiorum agglutinare tradit.


Sed ad Labiorum ut & Mammarum Fissuras admodum conducit *Sevum Hircinum liquatum in Aqua Rosacea*, si pars affecta cò illinatur. Etiam utile est *Oleum à Vesellis Ovorum recentè expressum*; uti & *Oleum Cera sine fuco recentè destillatum*. Vel quod sequitur:

℞. *Butyri Insulsi* ℥j. *Cera Flavæ* ℥ß. *Liquatis admisceatur Succi Uvarum Carulearum recentis* q. p.

F. exinde S. A. Globulus, quò labia fissâ oblinantur.

C A P U T XIV.

De Ulceribus Oris.

I.  Ræter Ulcuscula quæ in internis Oris partibus oriuntur, illarumque superficiem depascunt, & *Aphthæ* vulgò nuncupantur, (de quibus verba facere nunc animus non est) in *Ore*, *Fancibus*, aliisque intra *Os* conten-

Oris Ulce-
ra qualia
sint, &
quomodo
fiant.

tis partibus SERPENTIA non rarò observantur *ULCERA*; quæ *Aphthas Exulceratas* nonnunquam sequuntur; aliquandò post *Inflammationes* & per se, ut in aliis partibus, ex affluxu vitiosorum humorum fiunt; quemadmodum & in Gallico Morbo excitantur.

II. In Ulceribus hisce Curandis, quoquè totius corporis habenda crit ratio per *Purgantia* identidem exhibita, quandoquè *Venæsectiones*, & si malignitas adfuerit, *Decocta Sudorifera*, *Antivenerca*, quæ hic magni usus sunt.

Qua ratio-
ne Curari
debeant.

Externa Media etiam hîc *Abstergentia* sint, atque

Siccantia. Quem in finem Barbette hanc Oris Collutionem valdè extollit:

℞. *Fol. Quercus* Mj. *Flor. Rosarum*, *Balaustia an.* p. j.
Cort. Granator. ℥ij. *Alum. Vst.* ℥ij. *Vitriol. Alb.* ℥℥.
Coq. in f. q. Vini Rubri Adstringentis ad ℥viiij. *colatura add.*
Diamoronis, *Mellis Rosacei an.* ℥j.

Misceantur pro Oris Collutione.

Ad Sordida Oris Ulcera utilis quoquè est *Aqua Viridis Plateri*:

℞. *Eruginis* ℥j. *Aluminis* ℥℥. *Vitrioli*, *Minii an.* ℥j.
Coq. in Vini Albi ℥iv. *Aq. Vsa* ℥j.

Hinc Aqua immixto penicillo loca in faucibus ac ore tangantur, cavendone quia deglutiatur. Postea Lacte Dulci in quo Calx Ignis sit extinctus, os colluatur.

Etiam à multis usurpatur *Unguentum Egyptiacum in Aqua Plantaginis cum pauco Aceto dissolutum, addito Melle Rosaceo.* Verum acria hæc serpentibus Oris ulceribus, in primis si in carcinomatis naturam vergant, adversissima sunt. *Hil-danus Cent. 3. Obs. 86.*

Hinc in oris ulceribus non cancrofis hoc conducit Linimentum:

℞. *Mellis Rosacei* ℥i℥.
P. Alum. Vsti ℥℥. *Myrrha optima* ℥j.
Ol. Sulphuris gutt. x.
Misceantur.

Barbette laudat Linimentum ex ℥iij. *Unguenti Fusci Felicis Wurtzii*, & ℥ij. *Mellis Rosacei*, inter semixtis.

Sed ad oris, omniumque ejus partium ulcera (sive sint uvulæ, sive tonsillarum, sive linguæ) serpentia, etiam si cancrofa, sequens Linimentum utilissimum semper observavi:

℞. *Mellis Rosacei* ℥iij. *Tinctura Saturni* ℥iij. vel ℥iv.
Misceantur exactè.

Eum in modum quoque fieri potest Gargarisma vel Oris Collutio;

℞. *Aq. Caprifolii*, *Plantaginis an.* ℥vj.
Mellis Rosacei ℥iij. *Tinct. Saturni* ℥iij. vel ℥iv.
Misceantur.

At

At verò si in latere Linguae nascantur ulcera, videndum num dens aliquis acutior sit, qui sanescere sæpè ulcus non finit, quique proindè limandus, vel evellendus est.

III. Cæterum in oris exulceratione *Os Palati* ab humore corrodente non rarò perforatur & corrumpitur: quod ubi evenit, sermo vitatur; cum aër, qui per os elidi debeat, simul per foramen illud ad nares penetret, per easque egrediatur. In tali casu si os nigrum sit, radendum id prius, dein ex arte curandum. Sed antequam foramen illud claudatur, vel si planè claudi non possit, ut vitium illud sermonis tollatur, fabricanda est minutissimis foraminibus perforata lamina aurea vel argentea, instar clypei, quæ in medio eminentiam habeat, cui spongiola sicca, foraminis magnitudini respondens, alligetur, atque ità foramini adaptetur: ubi enim spongia humorem imbiberit, dilatatur, ut lamina firmiter hæreat, foramenque claudat.

Os Palati
quum ex-
sum sit,
quid agen-
dum.

IV. Ad ulcera oris, Gingivarum præsertim, scorbutica conducit Linimentum *ex Melle Vulgari vel Rosaceo, cum Alumine Usto & Spiritu Varioli*. Vel talis Oris Collutio:

Ulcera Oris
Scorbutica
quomodo
tractanda.

℞. *Aq. Plantaginis* ℥iij.
Antiscorbutica, Vini Albi Gallici an. ℥i℥.
Cinamomi ℥ij. *Alum. Crud. pulv.* Di℥.
Misceantur.

Si verò gingivæ, partesque vicinæ nigrescant, adeò ut gangræna metuatur;

℞. *Aq. Antiscorbutica* ℥vj.
Theriaces, Salis Absynthii an. ℥j.
Mellis Rosacei ℥j.
Alum. Crudi ℥i℥. *Sp. Vini* ℥vj.
Misceantur.

Denique *Fistulosa* sæpè *Ulcera* Gingivas obsident, unde vicini dentis radix cariem contrahit eò usque, ut saniei acrimoniâ omninò denudetur. Quo in casu cariosum dentem evellere oportet: sic enim brevi curabitur fistula.

CAPUT XV.

De Pectoris Ulceribus, & Fistulis.

Pectoris
Ulcera
qualia sint,



I. Quandoquē & ULCERA in PECTORE excitari solent; quorum alia sunt *Penetrantia & Fistulosa*, hinc & FISTULÆ THORACIS meritò dicta; alia verò *non Penetrantia*: & ex his alia majora, alia minora, alia profundiora, alia minus profunda, alia antica, alia postica, alia lateralia sunt.

& unde
fiant.

II. Hujusmodi autem Thoracis Ulcera, Fistulosa in primis, oriuntur vel ex causis internis, vel ab externis. Atque sequuntur non rarò aut Empyema, aut Pleuritidem, quæ ritè per sputum evacuata non fuerit, dehinc foràs apostema effecerit. Insuper post tumores, aut vulnera thoracis malè curata, Fistulæ in Pectore sæpè excitari solent, quæ difficilis sunt curationis; præsertim si ossa, sternum puta, spina dorsi, aut costæ simul afficiantur.

Morbi hu-
jus Dia-
gnosis, &
Prognosis.

III. Hæ autem Thoracis Fistulæ cognoscuntur facilè, & oculis patent; sique penetrent, stylo, vel aëris egressu observantur.

Cæterum Penetrantia Thoracis Ulcera in Fistulas perfectas non rarò terminantur; & quandò pus non ritè expurgatur, ac in thoracis cavitate retinetur, Patiens empyicus fit; hinc tabidus, macilentus & marasmodus evadit. „ Omnes thoracis fistulæ, ait Pigræus *Prax. Chir. libr. 5. cap. 5.* difficilis sunt curationis, longèquē est satius eas palliativè curare, optimâ vivendi ratione adhibita, quam accuratius; hac spe, quasi perfanari brevi, possent.

Atque ided, in primis si vetus sit fistula, curâ tantum utendum palliativâ, cum harum partium fistulæ rarò sanentur: unde qui fistulâ thoracis penetrante laborant, solent plurimum toto vitæ tempore argenteam gestare fistulam. Et scribit Aquapendens, nonnullos se novisse, qui

qui viginti quinque & triginta annos talem gestarunt, & vitam satis commodam duxerunt.

Porro quæ in Dorso sunt Fistulæ, periculosiores sunt ob majorem nervorum copiam & spinalem medullam vicinam, ac rarò sanantur. Quæ in musculis sunt circa magna vasa, non satis tutò curantur. At non Penetrantia Thoracis Ulcera, quæ sunt absque offis corruptione, faciliè curam suscipiunt.

IV. Enimverò thoracis ulcera non penetrantia, sicut aliarum partium ulcera curantur; & si putrida sint, ad putridi ulceris curationem respiciendum.

Curandi
Methodus.

Penetrantia autem seu fistulosa quæ sunt, & Medicamentis Internis & Externis curari debent, haud secus ac de Ulcere Fistuloso superius indicavimus. Orificium verò, nisi id satis hiet, in primis dilatandum, immisâ Turundâ ex *Spongia Preparatâ*, vel *Radice Gentiana*, vel *Medullâ Sambuci contortâ*, vel aliquo simili; quæ filo appendenda, ne in Thoracis cavitatem ingredi possit. Dein Turunda Cava Plumbea vel Argentea similiter filo alligata immittatur, ut sic materia sæpè & sensim evacuetur. Ulcus interim, partesquè internæ detergantur Injectionibus ex *Decocto Hordei cum Melle Rosaceo*, cui & *Hydromel* addi potest. Vel fiat talis;

Rx. Rad. *Aristoloch. Rot. Iridis Florent. an. ʒiij.*

Herb. *Agrimonia, Hyperici, Centaurii Min. Vinca per Vinca an. Mj.*

Flor. *Rosar. Rubr. Mß. Hordei M. pug. iij.*

Coq. in duabus partibus Aq. Comm. & una parte Vini Albi ad ʒxxij. Colatura add. Mellis Rosacei ʒiij. vel ʒiv. Et quum opus fuerit ulcus carne replere, Pulv. *Myrrha, Iridis, Sang. Draconis an. ʒj.*

M. F. ex his Injunctio.

Quum verò glutinare & exsiccare expedit, haud inutile erit id, quod sequitur:

Rx. *Therbinthina optima ʒj. Mellis Communis ʒiʒ.*

Farina Lupinorum ʒʒ. Fabarum ʒij.

Succi Apii, Plantaginis, Agrimonia an. ʒj.

Ccc

Pulv.

Pulv. Myrrha, Mastichis, Thuris an. ʒij.

F. ex his super igne S. A. Unguentum; quò turundæ & penicilli illinantur, ac desuper ponatur *Emplastrum de Scavoma*, vel *Diapalma*, vel *de Minio*, sicquè ulcus carne oppleatur, & cicatrice occludatur.

Thoracis
Fistula ob-
liqua &
flexuosa
quomodo
tractari
debeat.

V. Verum obliquus, flexuosusque si sit fistulæ sinus, nec non fistulæ finis declivis; præstat universum fistulæ flexuosum, declivemque sinum *Turundâ ex Spongiâ Compressa*, vel *Radice Gentiana* dilatare non tantum, sed quoquè scalpello, aut potius parvo cultello unam aciem habente, camque in extremitate paulo intus recurvatam, (cujus cuspidi insuper exiguus affixus sit globulus ex cera alba) discindere, ac ad fundum usque aperire. Enimverò citissima & quasi momentanea fistulæ thoracis incisio est, quæ sit Syringotomo, quod in altera extremitate habet aciem, circa cuspidem globulo cereo obvolutam, quo minus in immissione carnes laceret. Hinc in fistulam immittatur, ac ubi ad fundum ejus pertingit, per carnem & cutem superincumbentem dextrâ adigatur, ut globulo cereo in ulcere remanente cuspis cultelli per foramen factum exeat, qua digitis sinistrae apprehensa, amborum foraminum interstitium, unico quasi ictu, incidatur.

VI. Insuper contingit nonnunquam, quod Fistula non solum declivis sit, & terminum habeat inferius, sed etiam à spatio intercostali superiore subtus costam sese insinuet; viz. inter pleuram & costam, donec in alterum intercostale spatium subjectum terminetur. In hoc casu C. Celsus vult, præcidendam esse, & eximendam ex utraque parte costam. Sic enim loquitur *de Re Med. lib. 7. cap. 4.*
„ Solent autem inter costas fistulas subterire, quod ubi
„ accidit, eo loco costa ab utraque parte præcidenda &
„ eximenda est, ne quid intus corruptum relinquatur. Quæ operatio quam difficilis sit, quam periculosa, unicuique facillè patet. Hinc potius talis fistula pertundatur Instrumento ab Aquapendente excogitato. Immittatur viz. cannulæ argenteæ & incurvæ extremitas, ad fistulæ fundum

fundum usque, ut exterius spectet: dein per cannulam fistulæ immittitur acus longa (quæ non longè à cuspidè foramen habet, & filum ducit) ut fistulæ fundus perforetur, & filum per superiorem & inferiorem sinus portam exeat. Perforato fistulæ fundo, eximatur acus per novum sinus foramen, & fili extremitates colligantur, ut fistulæ foramina teneantur aperta, ac materia purulenta per inferius effluat, donec sinus subtercostalis vel carne repleatur, vel agglutinetur. Hunc fistulam thoracis curandi apparatus exponit Scultetus *Arment. Med-chir. Tab. 38.* Atquæ thoracis fistulæ acu percutiæ, & hoc modo sanatæ exemplum adfert. *Obs. 44.*

VII. Sed non rarò quoque accidit, Fistulam intrus penetrare in Costam, vel Claviculam, vel Sternum: quæ ossa cum sint cavernosa, solet faciliè in iis Pus colligi, & serpere perpetuò corruptio vel Costæ, vel Claviculæ, vel Sterni. In hoc casu Candens Ferramentum per Cannulam ad Costam aut Claviculam inferatur, omnisque putredo exsicceetur & absumatur, parsque corrupta roboretur; ita enim cicatrice obducetur. Vel fistulæ sinu ad costam aut claviculam cariosam usquè, immittitur ex *Compressa Spongia* vel *Radice Gentianæ* Turundâ, abundè dilatato, ossi carioso inspergatur *Pulvis Euphorbii*, sicque caries auferatur, ac sinus consolidetur. Fistulæ Thoracis, cum erosione claviculæ, brevi tempore Curatæ, exemplum videre est apud Sculterum *Obs. 40.*

At verò si Sternum corruptum, aut aliqua saltem labe affectum sit, amplianda fistula, aut ferramento incidente, aut turundâ ex *Compressa Spongia* vel *Radice Gentianæ*; dein pars ossis corrupti abradenda, usquè dum caro laudabilis paucas post horas illi accrescat. Quod si caro isto temporis spatio non succreverit, indicio erit, totum corruptum os non esse abrasum, ac proindè rationem repetendam, donec caro optima adnascatur: quò aliis postmodum remediis detur locus, & curetur fistula. At nunquam deveniendum est ad inuersionem ipsius Sterni, uti rectè monet Petrus de Marchettis *Obs. Chir. 39.* quia non

Ad Costam, Claviculam, vel Sternum si penetret Fistula, quid agendum.

abscedit, aliorum corruptorum ossium more: additque se observasse, inustum sterni os in multis non abscessisse, nisi elapsis duobus tribusve annis. Quod idem affirmat Dom. de Marchettis P. F. *Anatomes cap. 9.*

Cæterum Ulcera Fistulosa in Pectoris dextra sede, juxta papillam, curata, videri possunt apud Platerum *lib. 2. Observ.* ubi habetur quoque Ulcus Fistulosum in Dorso, à scapula ad lumbos usque pertingens, sanatum. Fistula Mammæ Dextræ curata extat apud Scultetum *post Armament. Med-chir. Obs. 75.* Ex vulnere thoracis Fistulam subortam, quæ spatio aliquot mensium pervadens ad capsulam cordis, hujus substantiam ad cavitatem usque absumpsit, observavit Petrus de Marchettis *Obs. Chir. 47.*

Thoracis
Fistula in-
veterata, &
planè de-
sperata, qua
ratione
tractari
debeat.

VIII. Omnes autem Thoracis Fistulæ difficillimam recipiunt curationem, ita ut interdum tum Medici, tum Ægrotantes defessi, & spe destituti, curam ipsi naturæ relinquant: quo in casu Aquapendens fistulæ orificio imponit *Pilam ex Cera Alba*, appensum filum habentem; præcipitque ut quotidie ea mundetur, ac tractetur, veluti si esset fonticulus, curando ipsam in posterum ut fonticulum, non ut fistulam; sicque temporis progressu caro gignitur quandoque per totum fistulæ ductum, atque ita fistula, alioquin insanabilis, non raro sanatur.

CAPUT XVI.

De Abdominis Ulceribus, & Fistulis.

Abdominis I.
Ulcerum
qualia sint.



Aud secus ac in *Thorace*, ita quoque in VENTRE INFERIORE quæ excitantur ULCERA, alia sunt *Penetrantia*, alia non *Penetrantia*. Non penetrantia dicuntur illa, quæ peritonæum non perforant: penetrantia verò, quæ usque ad partes intrâ peritonæum contentas pertingunt.

Unde ori-
antur.

II. Oriuntur autem Ulcera in Infimo Ventre iisdem ex Causis, ex quibus in aliis partibus excitari solent: ex casu

casu viz. percussione, inveterato vulnere, post suppuratum apostema, ex acris erodentis materiæ confluxu, ex acribus medicamentis appositis, hisque similibus. Et sanè Abdominis Abscessus, è quibus postea Ulcera relinquuntur, frequentius occurrunt, quam vulgus Medicorum putat. Ità Galenus *lib. 5. de Locis Affectis cap. 7.* refert, Stesianum quendam, quasi abscessum in hepate haberet, ab aliis Medicis curatum fuisse: id quod Galenus negavit, & monstravit abscessum fuisse inter musculos transversos & obliquos abdominis. Similem ferè historiam habet Dodonæus *Obs. Med. cap. 29.* de quodam Scriba, qui cum dextri lateris dolore cum febre esset correptus, juxta ac paulò infra costas nothas, Medicumquè accersivisset, qui ipsum ut Pleuriticum curaverat, atque inde pejus haberet, Dodonæum vocavit; qui exhibito primum leni Purgante, Cataplasma Emolliens applicavit, ac tumore emollito tandem Sectionem instituit; cumque ex abscessu copiosum pus effluxisset, Æger, adhibitis ulceri idoneis remediis, convaluit. Scribit quoque Sennertus *Prax. lib. 3. part. 10. cap. 8.* Victoris uxorem simili tumore ad ipsam ferè ventriculi regionem laborasse, qui cum in tantam magnitudinem excrevisset, ut propemodum duos pugnos æquaret, Sectione eum aperiri curavit: ex quo abscessu maxima Puris copia effluxit, magno cum foetore, fluxitque Pus postea aliquot dies, Ægraque, idoneis ulceri curando medicamentis adhibitis, tandem convaluit. Narrat insuper Fabritius Hildanus *Cent. 2. Obs. 38.* virum quadragenarium, robustum, dolore lateris dextri ad finem costarum notharum laborantem ad se Lausannam venisse. Cum verò nullus tumor appareret, sed saltem dolor cum febricula adesset, atque Purgantia, Fomentationes, Cataplasmata, Inunctiones, Discutientia, Resolventia, & Anodyna per aliquot dies sine fructu applicarentur, nihilominus dolor punctorius & pulsatorius circa regionem hepatis & peritonæum persisteret, etsi in cute nihil appareret, dolore locum affectum monstrante,

Sectio facta est: quâ peractâ Pus copiosè effluxit, neque dui post febris, dolor, lypothymia paulò cessarunt; ulcus tamen propter Puris copiam quæ effluxit; per aliquot menses apertum servatum fuit, Ægerque tandem sanatus. Et certè si pus collectum esse animadvertatur, maturè abscessus aperiendus, ne nimia puris copia colligatur, quæ dein vel peritonæum penetret, & in abdominis cavitatem defluat; aut postea sine vitæ periculo evacuari non possit: cujus rei historiam habet *Cent. 2. Obs. 39.* de viro quadragenario, qui in dextro hypochondrio abscessum immensæ magnitudinis habebat, ut cutis totius ferè lateris ab illi ossè usque ad costas veras, lineamque albam & spinam dorsi Puris plena & elevata esset, cum dolore continuo, lypothymia, nausea, appetitus & virium prostratione. Vocatus Hildanus ob periculi magnitudinem tumorem aperire recusavit; quod cum postea Barbitonfor quidam fecisset, & vomitam aperuisset, maxima puris copia inde effluxit, & dolor quidem aliquo modo imminutus est, sed intra biduum Æger expiravit. Unde ille monet, ut juniores Chirurgi in aperiendis magnis abscessibus cauti sint; & materiam non confertim, sed sensim & per vices evacuent. Scribit porrò Petrus Estanove *Obs. 2.* puerum quandam ventris tumore laborantem, hydropicum habitum fuisse, cumque umbilicus valdè prominere, apertio tandem facta est, ex qua puris laudabilis octo vel decem libræ profluxere, sicque omnino Æger curatus est. Adhæc plurima & admiranda Abscessuum Abdominis exempla adferri possent, quorum quædam licet videre apud Th. Burnetum in *Theſauro Medicina Præctica libr. 1. sect. 4.* Ex quibus postea non exactè curatis, non rarò ulcera relinquuntur in abdomine, non penetrantia; imo & nonnunquam penetrantia seu fistulosa.

Fistulæ
Abdomi-
nis.

III. Enimverò in Abdomine quoquè interdum FISTULA, in primis super pubis latera, fiunt, cum eum in locum humores facilius decumbant, atque ibidem hæreant. Insuper & corrumpuntur sæpè, putredine inficiuntur,

tur, ac corroduntur simul Intestina, ut per Fistulam etiam fœces alvi egressas fuisse, compertum sit. Sic per umbilicum, post abscessum inter pectinem & umbilicum ruptum, Puero cuidam Mediolanensi fœces alvi exiisse, refert Cardanus *de Subtilitate lib. 18.* Et Alexander Benedictus *Prax. lib. 10. cap. 24.* narrat, cuidam Puero Veneto ex abscessu intestina perforata fuisse, ut per umbilicum magnam excrementorum partem singulis diebus emitteret; sano tamen similem per domum ambulasse. Scribit quoque Fabritius Hildanus *Cent. 1. Obs. 51.* se vidisse adolescentem duodecim annos natum, qui tumore musculorum abdominis laborabat, quo rupto excrementa per quatuor aut quinque hebdomades per eum locum, nil verò per alvum egressit. Quæ autem in ejus cadavere inventæ sint, ibidem licet videre. Atque *Cent. 1. Obs. 54. & 55.* similes ferè narrat historias. Refert quoque Petrus de Marchettis *Obs. Chir. 53.* sibi visum Patrem quandam Theatinum, laborantem Fistulâ Umbilici, ad intestina usque penetrante, de quorum dolore erant quærelæ ex demisso statim in eandem specillo; qui tamen brevi temporis spatio curatus est. Adhæc Platerus *Obs. lib. 3.* scribit, Capitaneum quandam ante multos annos in ventre vulneratum, stercus per fistulam, quæ sanato vulnere illic remanserat, multos annos incolumem alioquin, & superstitem excrevisse. Etiam de muliere gravida refert, cui tuberculum nucis juglandis magnitudine in sinistra abdominis sede, transversæ manus spatio ab umbilico erupit, quod in abscessum, indeque in ulcus sinuosum abiit, ex quo aperto sanies & pus copiosè effluerunt, tuncque pruritu saltem quodam remanente, dolor penitus remisit, ipsaque nihil mali passa, foetum vivum & sanum, statò partus tempore peperit, nisi quod excrementa alvi, per ulcus illud sinuosum apertum progrediebantur; quæ ab eo tempore omnia, non amplius per alvum, per hanc aperturam expurgabantur, & ut procedrent, mulier ipsa manibus ventrem premendo, bis quotidie sic ab illis sese exonerabat. Narrat quoque Chirurgus hujus urbis

Historia.
exper-

expertissimus Ravensway, sibi visum in muliere, ob erosionem intestini, non tantum excrementa, verum etiam duos vivos lumbricos ex inguine prodiisse; quæ tamen perfectè fuit curata.

Ulcera
Abdomi-
nis Dia-
gnosis, &
Prognosis.

IV. Cæterum Penetrantia hæc Infimi Ventris Ulcera dignoscuntur ex styli vel candelæ cereæ immisione: cum nimirum multa horum portio ingrediatur; & ex Vini injectione siphone facta. Enimverò in penetrantibus Abdominis ulceribus intrà peritonæum vinum penetrat. In non penetrantibus verò refluit, styliquæ sive cereæ candelæ pauca portio intrà ulcus ingreditur. Porro quæ non sunt penetrantia Abdominis Ulcera, facillioris sunt curationis. Quæ vero sunt penetrantia, frequenter in Fistulas abeunt, & difficulter sanantur.

Curandi
Methodus.

V. Ad *Curationem* verò quod attinet: non Penetrantia Abdominis Ulcera, sicuti aliarum partium ulcera Curari debent, cum nihil peculiare habeant. Atqui Ulcera hæc si sint Magna, Sinuosa, vel Fistulosa, non aliter quam Incisione curantur; & quidem si Fistula unum orificium habeat, utendum est Syringotomo altera extremitate acuto, ut finis fistulæ perforetur, & totus fistulæ meatus dissecetur, atque aperiatur. Si vero Fistula plura orificia habeat, Syringotomo utendum altera parte obtuso, & exiguum globulum præfixum habente, quo etiam tota fistula aperiri possit. Vel fiat apertio Cultro seu Scalpello Longo, & manubriolum similiter longum habente; qui Culter unâ tantum parte aciem habeat, in extremitate paulò intus recurvatam, exteriorem vero partem retusam obtineat, ad cuius cuspidem ex cerâ globulum infixum esse oportet, quo intus per totum fistulæ ductum sine obstaculo demittatur.

VI. At verò si Penetrantia & Fistulosa fuerint talia Ulcera, fucatâ curatione, sicut de Penetrantibus Pectoris Ulceribus diximus, uti debemus, servatâ optimâ victus ratione, utque decet deterfo ac mundificato ulcere. Scribit tamen Fabritius ab Aquapendente, se istiusmodi Abdominis Ulcera Penetrantia ac Fistulosa, affectis etiam Intestinis

ficæ fuerit, dolor circa pubem percipitur: si verò juxta meatum urinarium, tempore mictionis magis deprehenditur, ac imprimis ubi mingere incipiunt & desinunt Ægri.

Prognosis.

III. Porrò Vesicæ Ulcera ferè incurabilia sunt; quia in parte sunt membranosa, & urina, quæ mordax est, continuò illò transitu vellicat, & consolidationem impedit. Periculosiora autem sunt istiusmodi ulcera quæ ex erosione sunt orta, quam quæ ex aliis causis. Etiam difficilius & rarius curantur in senibus, quam in juvenibus. Ulcus quod est à calculo, non curatur, nisi prius is extrahatur.

Curandi
Methodus.

IV. In Curatione absterfionem & consolidationem quæ requirunt Vesicæ Urinariæ Ulcera. Interim tamen præcavendum, ne ulcus irritetur, latiusque serpat; sed ut dolor leniatur danda opera, uti & urinæ ardor ac difficultas. Id quod præstant Emulsiones ex *Amygdalis*, *Seminibus quatuor Frigidis Maj.* &c. Atqui ad Ulcus Abstergendum, simulque Leniendum sumat Patiens bis in die, sequentis Electuarii particulam magnitudinis avellanæ:

℞. *Therebinth. Venet. cruda* ℥j.

Cassie Fistule rec. extr. ℥i℥.

Pulv. Liquiritia elect. ℥iij.

Ocul. Cancr. crud. ℥ij.

Salis Prunella ℥j.

Merc. Dulcis ℥℥.

Balsam. Sulphuris gutt. xxvj.

Syr. Althæa Fern. q. s. M. F. Elect.

Dein superbibat largiorem haustum hujus Decocti;

℞. *Rad. Althæa, Consolid. Maj. Liliorum Alb. an.* ℥i℥.

Glycyrrhiza rasa ℥j. aut ℥ij.

Herb. Bugula rec. Mij.

Agrimonia, Veronica, Pyrola, Sanicula an. Mj.

Capis, Papaver. cum Seminibus ℥℥.

Cog. in s. q. Aq. Pura ad lbiv.

Electuarii locò proderit bis quotidie sumere guttas 6 aut 7
Balsami Sulphuris Therebinthinati, vel Succinati, vel Balsami Coparve,

Copaive, vel cochlear *Aqua Gonorrhæalis Quercetani*. Vel mane & vespere usurpentur *Pilula ex Therebinthina*, *Liquiritia*, *Troch. Alkekengi*, &c.

Barbette sequentes laudat:

Rx. *Troch. Alkekengi*, de Carabe,

Gypsi Usti an. ʒʒ.

Boli Armeni, *Terra Sigillata*, *Cranii Humani an.* ʒj.

Therebinthina Venet. q. s.

F. S. A. Pilula pisi magnitudine.

Multi hoc in casu miris laudibus extollunt *Trochiscos Gordonii*. Ulcus enim mundant, dolorem sedant, & urinæ ardorem mitigant, simulque conglutinant.

V. Interea in Vesicam per Catheterem infundatur *Lac recens cum Melle Rosaceo*. Et certè quæ per Catheterem injiciuntur non raro tantum profunt, quam ore sumpta; cum longa à ventriculo ad vesicam via sit, in qua vires medicamenti non parum alterantur. Barbette hanc proponit Injectionem;

Rx. *Aq. Calcis Viræ ʒiij. Plantaginis ʒij.*

Succ. Albi Rhasis ʒj.

M. pro Injectione, singulis diebus ter quaterve usurpanda.

Aqua Calcis nihil aliud est, quam *Aqua Communis*, in qua *Calcis Viræ* particula sit eximta. Sed cavendum, ne acris nimis efficiatur.

VI. Ulcus verò quod est à *Calculo* non curatur, nisi *Calculus* tollatur: quem tamen extrahere nonnunquam periculosum est propter ulcus. Ideoque si ulcus sit profundum, tutius est *Emplastis* & *Lenientibus* saltè *Medicamentis* uti, ut lapidi quædam lævitas inducatur, ulcusque mitigetur; quod optimè fit *usu Lactis Dulcis*, in quo *Althea Radix* sit decocta.

VII. Si Ulcus sit à *Cantharidibus*, atque id recens, *Lac Dulce* copiosè bibendum; vel sumenda *Emulsio ex Seminibus quatuor Frigidis Maj. Papaveris Albi*, &c. Vel *Emulsio* fiat ex *Semine Cannabino*, addito colatura *Syrupo Althea Fern.* Dein consolidandum cum *Tragacantha*, *Bolo Armeno*, *Terra Sigillata*, similibusque. Si verò antiquum sit, ut alia ulcera tractandum.

Insignem ulceris vesicæ curati historiam licet videre apud Fabrit. Hildanum *Cent. 3. Obs. 69.* Adhæc vesicæ ulcus, multis aliis frustra tentatis remediis, tandem *Aquarum Spadanarum* continuò usu sanatum fuisse, refert Tulpus *Obs. Med. lib. 2. cap. 53.*

Penis Ul-
cera.

VIII. At verò in VIRILI PUDENDO non rarè etiam excitantur ULCERA; eaque sunt vel externa, vel interna; atque alia sunt in præputio, alia in glande, alia circa glandem, alia per reliquum membrum: insuper alia sunt pustulis similia, alia sicuti exco-riatio, alia corrosiva & virulenta; alia porrò recentia sunt, alia antiqua, putrida, & cavernosa.

Ulcerum
horum
Causæ.

IX. Horum Ulcerum origo aliquandò est à causa externa, ut à difficili ac violento coitu cum virgine vel foemina, cui angustius pudendum est; vel à coitu non difficili quidem, sed multiplicato nimis, Penemque inflammante; uti & è dura longaque equitatione: quandoquè à causis internis, uti à forde simplici & non contagiosa inter glandem & præputium hærente, ibique putrescente, contracta ex coitu cum muliere non infecta. Hinc enim pustulæ exiguæ instar granorum milii è glandis superficie emicare solent, quibus maturatis ruptisque ulcuscula rotunda, & in medio punctum albicans habentia expullulant, aliàs dispersa, aliàs ita densa, ut ex pluribus unum tandem fiat.

Præterea è Contagio excitari possunt hujusmodi ulcera, ut iis accidit, qui rem cum infecta muliere habent; viz. ex seminali humore corrupto, ac inter glandem & præputium retento, partemque istam erodente, exulcerante.

Diagnos.

X. Sunt autem manifesta satis partis hujus Ulcera, cum glans à præputio denudari possit, & ideo aliis signis non est opus. Si verò propter tumorem præputium deorsum trahi non possit, & ulcera oculis non appareant, tunc dolore, tumore, & saniei ejectione dignoscuntur.

Progno-
stica.

XI. Cæterum periculosa sunt Ulcera in Pene, utpote in organo fungoso, hinc & corruptioni facilè obnoxio; unde

unde serpunt facile, & difficulter sanantur, in primis quum urina per penis meatum effluens curationem impedi-
 Præterea pars ipsa sensu exquisito prædita est; qua de
 causa istiusmodi ulcera Acrâ Medicamenta sustinere non
 possunt, quæ alioquin hic prodesse. Ulcera quæ à
 Lue Venerea in his partibus excitantur, non curantur,
 nisi morbo illo prius curato; cum ab ejus malignitate
 foveantur.

Insuper ulcera hæc aliquandò in cancrum abeunt, vel
 gangrænam inducunt, ut totum membrum virile abscin-
 dere opus sit, cujus rei habent exempla Valescus de Ta-
 ranta, Fabritius Hildanus, aliique.

XII. Quando igitur Penis Ulcera parva & benigna sunt, Topicis facile curantur; atquæ in hujus partis ex-
 coriatione sufficit partem *Vino Gallico*; vel *Aquâ Rosacæ & Plantaginis*, cui & *Vinum* addi potest, identidem abluere;
 & si majori exsiccatione opus sit, iis parum *Aluminis* ad-
 datur: vel illinatur *Unguentum de Tutia*, aut *Album Camphoratum*, aut *Diafomphologos*, similevè. Enimverò Medi-
 camenta in ulceribus hisce conducunt, quæ insignem sic-
 candi vim habent, & hoc non solum ulceris, sed & par-
 tis affectæ ratione; qualia sunt *C. C. Ustum*, *Ebur Ustum*,
Ostreorum Concha Combusta, *Alumen*, *Tutia*, *Lithargyrum*,
Plumbum Ustum, *Æs Ustum*, *Flos Æris*, *Cerussa*, *Anti-*
monium, & similia; ex quibus Pulveres, Linimenta, &
 Lotiones parari solent. v. gr.

Rx. *Aq. Ferratæ* vel *Plantaginis* ℥j.

Rasar. Cort. Guajaci ʒj. *Aluminis* ʒʒ.

Rosar. Rubr. ʒj.

Coq. S. A. & colentur. Abluantur ulcera hoc Decocto sapinu.

Rx. *Aq. Decoctionis Mytilorum.* q. v.

Florum Æris. q. s.

Stent in digestionem ad radios solares aliquot dies, dein liquor
 decantetur, eoque frequenter abluantur hujus partis ulcera.

Si verò Ulcera fuerint antiqua, sordida, putrida, saniosa,
 callosa, virulenta, ac serpentia, in primis abluenda sunt
Hydromelice cum Alumine; cui & *Spiritus Vini* addi potest. Vel,

R. Vini Albi ℥vj. Aq. Plantaginis, Rosarum an. ℥ij.

Floris Aru ℥℔. Aluminis Crudi ℥i℔.

Miscerantur, & parum ebulliant.

Utile quoque est Unguentum Aegyptiacum, & Apostolorum, ut & Aqua Viridis ab Hartmanno & Platero descripta, ac identidem laudata Aqua Aluminosa vel Mercurialis.

Etiā Mercurio Præcipitato Rubro cum Linimento conveniente mixto utendum; non tamen in ejus usu diu persistendum: sed quando quod callosum & virulentum absumptum est, fovenda pars affecta Decocto Malva, Albae, Seminis Lini, &c. & Medicamentum Digestivum idoneum Ulceri imponendum, donec quod corruptum est separatur, ut in curatione huius venereæ fieri solet.

Si verò Penis & Præputium valde intumuerint, Cataplasma imponatur ex Floribus Camomilla, Sambuci, Meliloti, Rosarum, Farina Seminis Foenigraci, & similibus. Quod si nec hoc modo pars exulcerata detumescat, & dolor perseveret, ulcusque serpat, præputium secundum longitudinem incidendum, ut ulcus mundari, ac convenienti modo curari possit. Hoc tamen in Ulceribus Penis Curandis semper est observandum, ne pendens pudendum teneatur; verum suspendatur, & superioribus partibus aligetur, ita tamen, ne dolor excitetur.

At si gangræna & sphacelus Penem corruerit, tutissimum est, id quod corruptum, vel etiam si opus sit, totum Penem abscindere, & Medicamenta postea, quæ in aliarum partium gangræna & sphacelo adhibentur, usurpare. Exemplum huius rei habet Forestus Lib. 26. Obs. 6. de quodam, cui Penis post inflammationem ita putrefactus fuit, ut cataplasmati adhærens exciderit, & putrefactio Scrotum quoque occuparit, Aegro nihilominus, idoneis medicamentis adhibitis, vivo manente, & ex ventre per foramen saltem urinam emittente. Similem prorsus historiam refert Fabricius Hildanus Cent. 3. Obs. 83.

XIII. Sed accidit aliquandò, quod ULCERA oriuntur in VIRGA, hoc est, in MEATU URINARIO: viz.

Meatus
Urinarij

viz. ex tuberculo seu apostemate intus oborto; vel ex urina acri; vel ex calculis asperis & angulosis, qui inter transeundum meatum hunc lædunt; vel, quod frequentius fieri solet, ex semine acri & virulento, uti in gonorrhæa virulenta neglecta & inveterata contingit.

Ulcera unde fiant.

XIV. Cognoscuntur autem Meatus Urinarii Ulcera præcipuè ex dolore, qui inter meendum percipitur, & ex pure quod ante urinam excernitur. Insuper ex tactu & compressione ulcerata pars invenitur, cum in parte ulcerata ex compressione dolor excitetur. Adhæc Penis interdumensus & aliquantisper tumidus est, doletque, & ad inferiora curvatur, nec nisi inter femora indolenter teneri potest.

Quomodo deprehendantur.

XV. Ulcera hæc si ex virulenta gonorrhæa oriuntur, non ita facile sanantur, nisi sublata penitus gonorrhæa: quæ verò ab aliis humoribus eveniunt, *Emulsione Seminum Melonum & Cucumeris, ac Amygdalarum*, per plures dies usurpatâ, sæpè sanantur. Curantur autem hujus partis ulcera, venerea in primis, facilius in juvenibus; è contrario in senibus rarò aut nunquam curationem suscipiunt. Sed curatio semper maturanda. Nisi enim maturè curentur, vel Carunculæ in Meatu Urinario gignuntur, quæ urinæ emissionem impediunt; vel ad interiora proserpit malum, & vel vesica, vel perinæum, aliæve altè exulceratæ partes ad summam usque cutem exeduntur, ut per varias partes vicinas ad anum, scrotum, ipsumque penem urina, quasi cuniculis factis, continenter effluat: sicquè Fistulosa evadunt, & non rarò vix curabilia hujusmodi ulcera.

Quid de iis sit judicandum.

De Fistulis in Perinæo audi Hildanum *Cent. 5. Obs. 75.*
 „ Videant Juniores Chirurgi, ut in prognostico fistularum perinæi sint prudentes. Si enim ex causâ internâ facta fuerit fistula, nunquam perfectè sanatur. Obducitur quidem nonnunquam cicatrice, sed facillimè à causâ aliqua interna recrudescit, & nonnunquam, si ad tempus clausa persistit, gravissima symptomata subsequuntur; uti potrò exemplis demonstrat: quapropter

propter monet, ne Ægri tantoperè de integra & perfecta consolidatione harum fistularum sint solliciti.

Qua ratio-
ne Curari
debeant.

XVI. Igitur ulcus hoc ut detergeatur & conglutinetur, atquè adedò ritè curetur, meatui urinario per siphonem injiciatur *Aqua Hordei*, vel *Lac Dulce cum Melle Rosaceo*. Vel talis, aut similis fiat Injectio:

℞. *Lactis Dulcis in quo Silices Ignis extincti sunt* ℥xij.
in eo dissolv.

Mellis Rosacei ℥i℥.

Mucilag. Gum. Tragacanthæ, & Rad. Consolida an. ℥℥.

Therebinthina in Ovi Vuello solut. 3j.

Cerussa ℥i℥. *Pomphol. Alb.* 3j.

Misceantur diligenter, triduoque vel quadriduo renoventur, ne Lac acescat, aut Mucilagines corrumpantur.

℞. *Lithargyri, Cerussa, Tutia Præparata an.* 5j.

Sacchar. Cand. ℥℥. *Camphora* ʒ℥.

Aq. Rosarum, Plantaginis an. ʒiv.

Misceantur pro Injectione; cui addi potest Aluminis ʒj.

Ad cicatricem induendam utile est hoc;

℞. *Aq. Plantaginis, Rosarum an.* ʒiv.

Troch. Alb. Rhasis ℥℥.

Boli Armeni ʒ6.

Misceantur.

Est quoquè efficax valdè *Balsamum Peruvianum*, illinendum tenui candelæ ceræ; quæ dein virgæ immittatur.

Petrus de Marchettis ulcera hæc curat Candelis tenuibus, compositis ex pulveribus *Plumbi Usti*, *Cerussa*, *Tutia Præparata*, mixtis cum Cera, in urethram immisissis, & continuo ibidem detentis: mejendi tamen pruritu sollicitante, educantur. Verum & observandum, non esse immittendas fluente gonorrhæâ, ne ab iisdem suppressa exulceret colulum vesicæ, & alias partes proximas: atquè si malignitatis aliqua suspicio subsit, eadem Candelæ imbuendæ *Unguento Albo Camphorato*, misto cum *Præcipitato Rubro*, absque ullo metu, ne hoc exulceret partes sanas; tum quia est correctum *Unguento Albo Camphorato*; tum quia non excoriare eas solet, sed tantummodò extinguere mali-

malignitatem ulcerum, quæ, eâ sublata, dictis Candelis postmodum facillimè sanantur.

Interim Patiens bibat *Emulsionem ex Seminibus quatuor Frigidis, Amygdalis, &c.* Nec non subinde sumat cochlear *Aqua Gonorrhæalis Quercetani*; vel aliquod ex medicamentis de Vesicæ Ulceribus propositis, quo urinæ meatum perlabente, ejusdem vi exsiccante & consolidante Ulcera Urethræ facilius consolidentur.

Meatus
Urinarum
Fistulæ.

XVII. Cæterum istiusmodi Ulcera quia perforare solent Urethram cum integumentis, aliquando in PERINEO, quandoque in SCROTO, ab illis tandem oriuntur FISTULÆ: quæ si in Perinæo sint, absente gonorrhæa, pars callosa circà urethram, partesque vicinas, imposito Cauterio Potentiali absumenda, vel Ferramento Candente inurenda, quò caro illi accrescat, & ad cicatricem deducatur fistula: hac tamen cautelâ, ne urethra ipsa erodatur vel inuratur, atque fistula amplior fiat: vel alioquin Fistula usque in urethræ cavitatem incidatur, & dein Sarcoticis ac Epuloticis cicatrice claudatur.

XVIII. Si verò pars urethræ scroto opposita Fistulâ laboraverit, urina ex ipsa effluens scrotum corrodit pluribus foraminibus: quæ curatio ardua & difficilis est, licet eandem felici successu aliquoties tentaverit Petrus de Marchettis, hac methodo: expurgato prius corpore, & exhibitò *Decocto Guajaci, Salsaparilla, China, &c.* ad ipsam partem affectam accedit; quæ si multiplex sit, omnes fistulas fecat, & per candelam propositam omnem operam in sananda urethra adhibet; cum alia ratione fistulæ scroti non omninò sint sanabiles, nisi curâ palliativâ, qua denuò recrudescunt: quod si non possit curari urethra candelâ propositâ, scrotum secandum, usque ad illius fistulam, ipsaque inurenda, vel Potentiali Cauterio consumenda materia ejus callosa, & sectæ partes Sarcoticis carne replendæ, tandemque Epuloticis ciatrix inducenda. Idem refert *Obs. 59.* historiam cujusdam, cui, ex inveterata virulenta gonorrhæa, collum vesicæ, prope urethram, variis fistulis fuit pertusum, cum effluxu urinæ non so-

lum ex scroti pluribus locis, verum etiam ex inguinibus, Ægro tamen sanitati præter spem restituto.

Caruncula
in Meatu
Urinario.

XIX. Nonnunquam CARUNCULA, CALLUS CARNOSUS, VERRUCA, aut omnino CARNO-SA EXCRESCENTIA in MEATU URINARIO nascitur. Id quod sæpè iis accidit, qui gonorrhæa virulenta, & hinc orto ulcere in meatu urinario laborant. Talia enim ulcera si negligenter tractentur, *Caruncula seu Excrecentia quædam Carnes in Urinaria relinquitur*, urinæ difficultatem inferens. Enimverò succrescens inibi caro primùm mollis & exigua est; sed temporis progressu ita induratur, & augetur, ut urinam non raro omnino supprimat.

Quomodo
dignosca-
tur, & quid
de Ea cen-
sendum sit.

XX. Dignoscitur autem hoc malum, quod liberè non excernatur urina, sed difficulter & guttatim exeat; idque aliquandò tanto cum cruciatu, ut Æger nonnunquam alvinas fæces simul egerat, haud secus ac vesicæ calculo laborans. Adhæc dolor in mictionis fine magis discruciat, quam dum urina profluit. Exploratur quoque caruncula cathetere, vel candelâ cereâ in meatum urinarium immisâ, quæ toties in via offendit, quoties carunculæ obstruentes occurrunt. Insuper compresso digitis penè, durum tuberculum deprehenditur.

Porro indagandum, num caruncula meatui urinario innata sit recens, num inveterata. Nam quantò antiquior est, eò difficilior curatur, quia in callum non raro induratur. In genere omnis caruncula in hac parte oborta difficulter absimitur, ob loci angustiam, & tractandi difficultatem.

Qua ratio-
ne Curari
debeat.

XXI. Absolvitur verò Curatio carnem absumentibus, ulcusque consolidantibus; auspicando semper à mitioribus, progrediendumque ad acriora, si ex usu fore videantur. Alfonsus Ferrius. *l. de Caruncula seu Callo*, specillo carunculam dissolvere tentat: „Nec est, inquit, cur sanguinis effusionem timeamus, saluberrima enim ea est; „quinimò tum chirurgicum opus prosperè succedit. Vidimus enim plures solâ specilli ope curari, cum in ca-
run-

„runculam penetraverit : urina namque egrediens suâ ab-
 „stergendi atque exsiccandi vi , sine ullo alio artis præ-
 „sidio sanare potest.

Hanc carunculam curandi methodum violentam pro-
 didit modo Galenus *l. de Loc. Aff. viz. ut æneâ fistulâ carun-*
cula deteratur. M. A. Severinus *de Effic. Chir. p. 2. de Section.*
cap. 114. hanc operationem quoque commendat , refertque
 Hieron. Cardanum testari , se vidisse perforatâ cathetere ca-
 runculâ rem optimè cessisse ; tametsi sanguinis & saniei
 multum proflexerit. Quam rem & sibi compertam esse
 testatur. Adhæc Paræus inquit : „nec debemus terreri,
 „si per intervalla sanguis ex latentibus carunculis fluere
 „cernatur. Est enim ad curationem compendium ; quia
 „materiæ conjunctæ portione sublata , incrementum ejus
 „prohibetur , pars ipsâ pondere premente levatur. Ita-
 „que nisi talis hæmorrhagia spontè supervenerit , utile
 „erit eam provocare instrumento duriore , quam est ipse
 „catheter. Sicquè carunculas cathetere atterendas vult,
 eundo , ac redeundo toties eandem viam , quoties ipsis
 atterendis & comminuendis necesse videbitur ; attritasque
 sanguine multò manare suadet , ad affectæ partis le-
 vamen. Sed contrà hos , & in primis Alfonsum Ferrium , ac-
 riter insurgit Julius Palmarius *lib. 2. de Lue Venerea cap. 10.*
 ubi hæc habet : „falsum est , quod scriptum reliquit
 „Alfonsus Ferrius , Chirurgicum opus rectè ac prosperè
 „succedere , quum caruncula specillo repugnat , eoque
 „superata sanguinem multum profundit. Sic enim cu-
 „ratos non paucos notavi inflammatione prehenso , ac
 „jugulatos ante septimum diem : multoque magis quod
 „ait ; urinam abstergendi , siccandique , qua pollet facul-
 „tate , sine artis beneficio sæpè persanare carunculam.
 „Nam si recens genitum ulcus , sive in renibus , sive in
 „cervice vesicæ consistat , nec abstergere , nec siccare
 „urina potest , quomodo genitam jam carunculam atte-
 „ret , atque adæquabit ? Ego quidem urinâ acriore nec
 „siccari , nec cicatrice obduci ulcera , sed potius augeri ,
 „atque exasperari notavi.

E c c 2

Bar-

Barbette in *Chirurgia* scribit, se multoties hujusmodi carunculas integrè curasse usu Suppositoriorum exilium ex sequenti Unguento, leni coctione incrassato;

℞. *Unguenti Fusci Fel. Wurtzii*, *Mellis Rosacei* an. ʒij.
M. F. S. A. *Unguentum*.

Vel,

℞. *Lithargyri*, *Flor. Sulphuris* an. ʒiij.

Tutia Preparat. ʒij. *Minii* ʒß. *Unguenti Egyptiaci* ʒj.

Mellis Rosacei q. s. M. F. S. A. *Unguentum*. Quod inclinatur candela cerea, eaque in urethram immittatur, bis terve quovis die renovando; usque dum mundificatio absoluta sit.

Hieronymus Reusnerus *Obs.* 91. refert, carunculam meatus urinarii certissimo experimento in pluribus sustulisse Antonium Fuchsum Medicum Norinbergensem: *Olenum Succini cum Ovi Vtello mixtum* applicabat candelæ cereæ, quam meatui urinario immittebat. Sanè securum remedium, & reliquis omnibus præferendum, si respondeat eventus. Nam in carunculis meatum urinæ obstruentibus cavendum, ne malum acribus medicamentis irritetur: lenientibus & validè siccantibus, si fieri queat, potius curetur. Inter mitiora siccantia & leviter admodum corrodentia præ cæteris commendatur *Pulvis Sabine*.

Emplastrum quò Doctissimus Fernelius uti solebat:

℞. *Aloës Optim.* ʒij. *Myrrha*, *Aristolochia* an. ʒiß.

Tutia Preparat. ʒß.

F. omnium Pulvis, ex quo cum *Syrace Liquida* fiat massa, quæ Emplastri crassitiem habeat. Cereolo è quo ceræ tantillum abrafum sit, qua parte carunculam attingere oportet, agglutinetur; idquè penis calore liquefcens, tuberculum cui insidet, absumit.

Si Alfonso Ferrio credimus, omnem carunculam tutissimè, ac sine dolore sensim radicitus exedit & exsiccat id, quod sequitur;

℞. *Sabina* in umbra siccata, & tenuissimè trita ʒiß.

Cerati de Mucilagibus ʒß.

Misceantur.

Egregium Unguentum ad carunculas in meatu urinario absumendas, hoc est:

℞. C-

℞. *Ceruse* *Præp.* ʒʒ. *Tutia præp.* *Corall. Rubr. Præp.*
Lithargyri, *Sarcocolla*.
Camphore cum Oleo Rosaceo trita an. ʒʒ.
Aloës, Mastichis, Olibani an. gr. vj.
Plumbi Usti & loti ʒʒ.
Antimon. præp. ʒij. *Troch. Alb. Rhafis sine Opio* ʒʒ.
cum s. q. Olei Rosacei, & Amygdalar. Dulc. F. S. A. Un-
guentum; quod *candela cerea opè caruncula identidem ad-*
moveatur.

Vel ne aliæ partes, præter carunculam in meatu urinario, tangantur, nevé effluens per intervalla urina medicamenta applicita eluat; immittatur peni Cannula Argentea tenuis, à latere perforata, & aperta foramine, quod magnitudini carunculæ respondet, eamque excipit; dein vel specilli, vel tenuis candelæ cereæ opè medicamenta applicentur, cannulaquè ibidem relinquatur.

Haud multum abfimile excogitavit instrumentum Hier. Fabrit. ab Aquapendente, cujus beneficio nil nisi caruncula absumitur, prohibeturque ne medicamentum carunculæ admotum ab urina, quæ sæpius excernitur, elui possit. Fit autem Cannula ex linteo, cerâ albâ oblinito, (longitudine digiti transversa, & latitudine eâ, ut æquet argenteum catheterem) quæ filum longum habet appensum. Hæc Cannula prius extrinsecus idoneo medicamento fit oblita, quale est propositum Unguentum, vel id, quod, teste Sculteto, carunculas meatus urinarii absque dolore, & sanarum partium excoriatione, consumit:

℞. *Mellis Communis in cineres usti, Tutia Præp.*
Butyri rec. in Aq. Plant. loti,
Therebinthina similiter lota, Cera Flava an. ʒʒ.
Aluminis Usti ʒʒ.

M. F. Linimentum.

Cannula igitur medicamento oblinita, stylo extra fistulam argenteam prominenti adaptetur, atque una cum argentea fistula & stylo, in meatum urinarium immittatur, donec occurrat carunculæ. Et cum jam est in loco carunculæ, argentea fistula cum suo stylo retrahatur:

cannula verò ex linteo cerâ inducto parata, & immissa relinquatur in meatu, ut per eam urina excernatur; quæ simul prohibet, ne medicamentum carunculæ admotum ab urina elui possit: filum autem dictæ cannulæ appensum trahitur, cum volumus ut cannula ceræ foras trahatur, & medicamentum renovetur.

Gabriel Fallopius, *lib. de tumoribus. pr. nat. cap. 38.* pro Caruncula in Meatu Urinario inter alia unum familiare habet secretum, *Arsenicum* sc. quo utitur hoc modo. Emollit ipsum super lapide pictorio cum *Succo Limonium*, postea soli, donec siccatur exponit, dein ipsum diluit *Aceto Stillatitio*, iterumque sub sole siccatur, & hoc quater facit. Ultimâ vice abluit *Aqua Rosaceâ*, deinde cum Cerato aliquo miscet, ut cum *Diapalma*, vel *Diachilo*, vel cum *Oleo Rosaceo & Cera*, facitque Emplastrum pro ratione duritiei carunculæ. Adhæc minimam portiunculam hujus Medicamenti ponit in extremo candelæ ceræ, ac quotidie semel vel bis in meatum urinarium felicissimè immittit. Interim tamen si dolor, aut insolitus rigor, aut febris, aliudvè symptoma ex acrimonia admoti medicamenti acciderit, extrahenda candela vel cannula medicamento obliterata, meatusque urinaris eluendus *Lacte recenti calido*, aut *Aquâ Rosaceâ cum Camphora*, idque tamdiu, donec sedata illa impedimenta videbuntur.

Signa autem extirpari carunculam, habentur è mor-dicatione circa partem, & è copia effluentis puris.

Carne absumptâ, ulcus abstergendum, eique cicatrix dein inducenda, quod nullo medicamento melius perficitur, quam *Amalgamate Mercurii*, si *Unguento Diapompholigos* misceatur: hoc unguentum modis nunc expositis carunculæ admoveatur, & sæpius renovetur; vel eò inuncta candela ceræ urethræ inseratur.

Atqui absumpta caruncula, & absoluta curatio creditur, quum urina liberrimè ac citrà ullum dolorem effluat, & candela ceræ (etiam parte crassiore) vel catheter sine ullo offendiculo transeat, & in vesicam facilè intromittatur. Enimverò horum remedium vicissitudine nulla est

tam

tam inveterata, neque tam contumax caruncula, quæ non semper, sensim, ac sine dolore exedatur, ac radicitus extirpetur; modo prudenter ea adhibeantur, & bene valeat reliquum corpus.

XXII. Cæterum inter Pudendorum Ulcera meritò ^{Testium} numerantur EA, quæ TESTIUM sunt. Enimverò post ^{Ulcera.} inflammationem interdum Ulcus in Testibus relinquitur: & Scroti Ulcera nonnunquam Testibus communicantur. Suntque hæc ulcera valde periculosa, & sæpè in cancrum abeunt, aut in gangrænam terminantur.

At verò ut ritè Curentur, primò corpus convenienti modo purgandum: deindè ulcus mundandum *Unguento Apostolorum*, vel *Anteo*, vel simili; mundatum autem & abundè deterfum, consolidandum & cicatrice claudendum Epuloticis sæpius propositis.

XXIII. In UTERO quoque, & præcipuè in EJUS ^{Uteri, ejusdemque Colli Ulcera ex-} CERVICE & COLLO non rarò contingunt UL- ^{cera.} CERA. Sunt autem talia Ulcera nunc magna, nunc parva, nunc superficialia, nunc profunda, nunc simplicia & munda, nunc fordida, erodentia, depascentia, maligna. Quæ si diutius protrahantur, aut negligenter curentur, non rarò in *Fistulae Colli Uterini* degenerant.

XXIV. Causæ verò Uteri Cervicem vel Vaginam ^{Unde, & quibus de Causis hæc Ulcera excitentur.} Exulcerantes sunt vel Internæ; affluxus viz. acrium humorum diuturnus, id quod in fluore muliebri albo diu nimis protracto accidit; ut & si acres, maligni, prævique humores cum sanguine menstruo in hanc quasi corporis muliebris sentinam confluunt, & per hunc locum evacuantur; aut secundinæ corruptæ; lochia item diu post partum retenta & corrupta; inflammationes in abscessum conversæ, qui ruptus postea in ulcus abit: vel Externæ & Evidentes; acria viz. & erodentia medicamenta; partus difficilis, cum grandior sætus, præsertim à minus perita Obstetrice, extrahitur; violentus concubitus, imprimis cum lue venereâ vel virulentâ gonorrhæâ infecto; contagium namque venereum istiusmodi ulcera

ulcera ut plurimum inducit. Tandem vulnus, casus, percussio, quæ in aliis locis, si non rectè tractentur, ulcera excitare possunt, hic quoque, etsi rarius, locum obtinent.

Affectus
hujus Dia-
gnostica.

XXV. Hoc autem Ulcus cognoscitur primùm ex dolore & perpetua mordicatione eo in loco, quæ sensim augetur & intenditur, ac in primis si tangatur, ut & in concubitu; mariti namque congressum ægrè perferre possunt. Insuper punctiones acutas in pube, ardoreque vehementes circa pudendum & anum experiuntur, cum dejiciendi conatu maximo, & stupore circa sedes inferiores. Deinde visu cognosci possunt, si in extremitate vaginæ consistunt. Adhæc ex effluente pure, quod interdum est doloris expers, uti & odoris; interdum flavum, viride, foetidum, prout ulcus nunc mite est, nunc sordidum.

Si istiusmodi Ulcus in Fistulam degeneraverit, cognoscitur ex ipsa figura ulceris, quæ in formam fistulæ protenditur. Habetque fistula conjunctum callum, funditque tenuem ac pravam sanie, & præcipuè si locus prematur plus saniei effluit. Adhæc Colli Uterini Fistula aliquandò ad Vesicam usque penetrat, & tunc per fistulam urina exstillat; aliquandò ad Anum, ut etiam excrementa alvi per fistulam exeant. Sed monendi hîc sunt juniores Practici, non rarò Anatomes minus periti, ne unquam meatum urinarium (cui insignis præest caruncula) pro fistula pudendi muliebris tentent curare, uti ille Barbitonsor, cujus meminit Petrus de Marchettis *Obs. Chir.* 60.

Prognostica.

XXVI. Hæc Colli Uterini Ulcera periculo non vacant, nullumque ex his contemnendum, suntque difficilia curatu; cum sint in parte tenera, exquisito sensu prædita, & humida, ac suscipiendis humoribus valdè idonea, atque hinc inflammationi & putredini obnoxia; ita ut levis etiam excoariatio requirat diligentiam, ut rectè sanentur, ne in gravius ulcus abeat.

Curandi
Methodus.

XXVII. Quoad *Curationis Præcepta*: hic eadem erunt, ac in aliarum partium ulceribus curandis. Igitur universalibus

salibus præmissis, ad ulceris deterfionem frequenter in collum uteri Metrenchyta injiciatur *Serum Lactis*, cui vel *Saccharum*, vel *Mel Commune*, vel *Mel Rosaceum* sit admixtum. Vel fiat talis Injunctio:

℞. *Therebinth. Venet.* ʒij. *Vitellum unius Ovi.*
Mucilag. Seminis Cydoniorum ʒj. *Dissolvantur cum*
Seri Lactis, *Aqua Plantaginis* an. ʒvj.
Pro Injunctione.

Si autem dolor magnus sit, ad eum leniendum ita immutetur:

℞. *Aq. Rosarum*, *Plantaginis*, *Spermat. Ran.* an. ʒij.
Opii dissol. ʒj.
Albumen unius Ovi.
Olei Rosacei ʒj.
Agitentur probe pro Injunctione.

Etiam doloris ulcerisque causâ, hoc vel simile præscribitur Unguentum; quod cum linteo discerpto Uteri Vaginae intrudatur:

℞. *Mucilag. Seminis Psyllii cum Aq. Ros. facta* ʒiij.
Troch. Alb. Rhafis cum Opio, *Butyri Rec.* an. ʒʒ.
Vitellos duorum Ovorum.

Misceantur simul pro Unguento.

Ad ardorem quoque & cruciatum, qui hujus partis ulceribus ut plurimum adesse solet, conducit *Emulsio ex Seminibus Melonum*, *Cucumeris*, *Papaveris*, *Amygdalis*, &c.

Et ad majorem deterfionem ac ulceris sanationem; hæc fiat Injunctio:

℞. *Rad. Consolida*, *Althea* an. ʒvj. *Bistorta* ʒʒ.
Herb. Plantaginis, *Equiseti*, *Consolida Saracen.* an. Mj.
Sem. Lini ʒj. *Psyllii* ʒij.
Hordei Mund. p. j.

Decoq. in .f. q. Aq. Communis ad ʒxvj. *colatura add.*

Mellis Rosacei ʒij. *Sacchar. Thomæ* ʒj.

Misceantur pro Injunctione.

Dein Unguentum admoveatur, ex Unguento de Tutia, Nutritio, Albo Camphorato, Diapompholigos, similibusque. Vel præscribatur tale;

F ff

℞. Pulv.

℞. *Pulv. Iridis Florent. Lübhargyri, Flor. Sulphuris an. ʒij.*

Mastichis ʒj. Merc. Dulcis ʒß.

Unguenti Fusci Felicis Wirtzj ʒij.

Mellis Rosacei q. s.

M. F. S. A. Linimentum.

℞. *Unguenti Rosacei ʒj.*

Merc. Precipitatus Albi ʒiß.

Misceantur exactè pro Unguento.

Interea Inseffiones à quibusdam valdè hîc commendantur, ex *Radicibus Althææ, Liliorum, Consolida, Herbis Plantagine, Equiseti, Artemisia, Lavro, Alchymilla, Floribus Camomilla, Meliloti, Seminibus Lini, Anethi, similibusque in Aq. Comuni decoctis.*

Suffitum quoque per infundibulum, injecto sequenti Pulvere super carbones, excipiat Patiens;

℞. *Gummi Juniperini ʒj.*

Thuris, Mastichis, Myrrha, Ladani an. ʒij.

M. F. Pulvis. Cui, si originem debeant hæc ulcera morbo gallico, addi insuper potest *Cinnabaris ʒj.* Quo in casu etiam cum linteo discerpto admoveatur *Aqua Viridis Hartmanni*, vel *Aqua Aluminosa seu Mercurialis*, vel aliquod è Medicamentis de Penis Ulceribus Venereis propositis.

In genere pro hujus partis ulceribus curandis, *Thermæ fœccantes, Sulphurea, & Aluminosa*, valdè efficaces sunt, exque non rarè ulcera, quæ aliis medicamentis sanari non potuerunt, curarunt.

CAPUT XVIII.

De Ulceribus, & Fistulis in Ano.

Ani Ulcera unde fiant.



Tiam solent intus in ANO oboriri **ULCERA**, ægrè admodum sanabilia. Ea ortum ducunt à lue venerea inveterata; ex gravi dysenteria, ac succedente tenesmo; item ex hæmorrhoidibus exulceratis, aliis-
vè cau-

vè causis : sic abscessus gravissimi circa podicem ex inepta venæsectione sequuti, notabile exemplum habetur apud Fabrit. Hildanum *Cent. 5. Obs. 63.* Atque aded humorum ad partem hanc affluxus varius, item inflammationes, vulnera, equitatio longa, aliæque externæ læsiones, horum ulcerum causæ esse possunt.

II. Hæc autem Ulcera si externa sint, oculis patent : Quibus modis dignoscantur.
quæ verò intus latent, ea ex sanie emanante & dolore percipiuntur. Nonnulli in hoc casu anum inspicere conantur instrumento, Speculo Ani dicto, parum calefacto, & ut lubricum reddatur, Oleo oblinito ; sed quoniam hoc instrumento vix observari possunt istiusmodi ulcera, quin potius partes cum dolore & inflammatione lacerentur ; hinc usum speculi hujus non probo, cum facilius quod optamus consequi possimus. Viz. indice digito in anum immisso non solum ulceris magnitudo, sed insuper durities, & tubercula melius percipiuntur. Adhæc ulceris quantitatem conjicere possumus ex copia saniei excrementis immistæ ; quanta enim est sanies, tantum est ulcus : sicuti ulceris qualitatem, ex qualitate saniei. Etiam ulcerum ani statum exactissimè cognoscimus turundâ ano immissâ, & per integrum diem relictâ : quæ eductâ, observatur cui parti materia purulenta adhæreat ; quæ tunc locum & magnitudinem ulceris indicat.

III. Sed externa & benigna hujus partis Ulcera ut facilius deprehenduntur, ita etiam facilius curantur : sic ex dysenteria quæ fiunt hujusmodi ulcera, brevi temporis spatio non raro sanantur deterfione & consolidatione ; viz. *Aquâ Hordei, & Melle Rosaceo iterum, & tertio per Siphonem infusus* ; vel injecto identidem Clystere ex *Lacte Dulci, cum Therebinthina in Ovi Vitello dissoluta, addito Melle Rosaceo.* Quæ verò maligna sunt & occulta, difficulter curantur ; cum pars hæc exquisito sensu prædita sit, & Medicamentis Acrioribus faciliè exasperetur, ac à transeuntibus excrementis inquinetur : atque ided hujusmodi ulcera venerica non aded faciliè sanantur ; serpunt namque plurimum supra musculum sphincterem aut superius, seu inferius,

rius, vel ad latera. Sic refert Marchette *post Observationes Chirurgicas*, se in cadavere observasse plusquam triginta distincta ulcera supra sphincterem musculum, per totum rectum intestinum & aliquam coli intestini partem serpentina, quibus dissectis insignis Puris quantitas effundebatur.

Qua ratio-
ne Curari
debeant.

IV. Quoad *Curam horum Ulcerum*: (Vencreorum præsertim) primò totum corpus est expurgandum; dein exhibendum Decoctum ex *Ligno Guajaco*, *Corticibus Ejusdem*, *Salsaparilla*, *China*, & similibus, cum Sudore, & observata tenui Diætâ, prout in Lue Venerea fieri solet; vel Salivatio movenda, bis, tervè sumpto *Bolo ex Conf. Rosar. Rubr. cum Turpeto Minerali*.

Interim dum hæc fiunt, Topica adhibenda Remedia: in primis Injectiones hic conducunt Detergentes & Consolidantes, sine acrimonia & morfu. v. gr. ex *Aqua Hordei Chalybeata cum Melle Rosaceo*.

Petrus de Marchettis à principio Injectiones laudat ex *Aqua Hordei cum Unguento Egyptiaco*, ad abstergenda fordida ulcera, usque dum dolore inferant, atque ex ipsis aliqua portiuncula sanguinis effluat; tunc verò abstinendum ab *Egyptiaco*; cujus loco erit *Decoctum Guajaci*, *Scordii*, *Virga Aurea*, &c. Vel fiat talis;

℞. *Hordei Integri* p. ij.

Ligni Guajaci ʒiʒ.

Herb. Plantaginis, *Scordii*, *Verbasci an.* Mʒ.

Flor. Rosar. Rubr. p. j.

Coq. in f. q. Aq. Fabrorum ad ʒxvj. colatura add.

Mellis Rosacei ʒij. vel ʒiij.

Misceantur.

Valdè efficaces quoque sunt *Aqua Thermarum siccantes*, *Sulphureæ*, & *Aluminosæ*, si calidæ per siphonem Ano frequenter injiciantur.

Adhibitis autem ejusmodi Detergentibus, ne dolor exacerbetur, mox aliquid lenientium & consolidantium admoveatur; v. gr. *Oleum Hyperici cum aequali portione Olei Ovarum*, vel simile. Seu potius ab injectionibus immit-
tenda

tenda Turunda longa & crassa, imbuta Unguento de Turina, vel sequenti:

℞. Unguenti Albi Camphorati ℥j.

Lithargyri, Tutia Prepar. an. ℥j.

Sarcocolla, Thuris, Balauftia an. 3℔.

Terantur diu in Mortario Plumbeo, donec Fuscum fiat Unguentum. Cui prò curandis istiusmodi ulceribus venereis, semper addatur aliquid Præcipitatis Rubri.

V. At verò quanquam hac methodo multa Ulcera Ani Venerea quotidie sanantur, quandoque tamen adeò maligna occurrunt, quæ dictis remediis non cedunt: in quibus curandis deveniendum ad Ignem, quo inurenda non semel tantum, sed iterum, & tertio, ac quarto; atque ne partes sanæ lædantur, Inustio fiat hoc modo. Cannula longo manubrio donata & ad latus perforata (Sculpt. Tab. 16. Fig. 2. 3.) linteo, in Vino Austero expresso & similiter perforato, obducatur, ac Ano immitatur, dein Candente Ferramento (Sculpt. Tab. 16. Fig. 4.) in eandem immisso repetitis vicibus ulcus inuratur; hac tamen cautela, ne frequentius id fiat, & citius remoto ferramento candente, potius quam eodem diutius intrâ canulam detento, ne sc. intestinum rectum altius inuratur, & perforetur.

Factâ inustione, duos aut tres dies utendum Turundâ imbutâ Butyro Recenti: postmodum deveniendum ad laudatas nunc Injections, impositâ semper Turundâ dictis Unguentis imbutâ. Atque hac methodo istiusmodi Ulcera ut plurimum sanantur; & quæ hoc modo curam non suscipiunt, in Fistulas abire solent. Enimverò Ulcera Ani si vel Medici negligentia, vel Ægri morositate non recte curentur, ex sanie intus relicta, ibidemque cuniculos quasi agente, atque vicinas partes corrumpente, excitantur *Fistula*.

VI. Est autem ANI FISTULA *Ulcus angustum*, Ani Fistula longum, callosum, sedem habens in substantia Intestini Recti, vel Musculi ejus Sphincteris. Exulceratur verò Sedes hac Fistula variis modis. Interdum namque circa Anum oriuntur

qualis sit affectus, & quæ ejus sint Diffæ-

Fistulæ rectum intestinum haud quaquam perforantes; sed circa Anum consistentes, & in carne terminum habentes. Aliæ exedunt intestinum rectum, simulque perforant communia integumenta, ut sanies exterius per cutem egrediatur. Nonnullæ ad intestini recti tunicam tantum exteriorem pertingunt, & serpunt supra intestinum, quod tamen non perforant. Aliquæ inter tunicas intestini recti sursum tendunt, modo ad medium sphincterem, modo ulterius. Quædam ad vesicam deflectunt. Adhæc aliæ uno tantum sinu, aliæ pluribus perreptant: quædam rectæ, quædam tortuosæ, ut non possit earum ductus investigari: quandoque verò sunt multæ simul & contortæ, atque conjunctæ, habentes tamen unum orificium. Sunt etiam aliæ pertingentes ad articulum coxæ. „ Harum Fistularum principium excurrit nonnunquam „ ad lumbos, sive thoracis vertebrae, imò interdum ad „ ipsas scapulas, *inquit Ampl. Tulpus Obs. Med. lib. 3. „ cap. 28.* Cujus oras licet forfice diducas, & amplies, „ (quod tamen ad cutaneas fistulas summè utile) operam nihilominus ludes: nec pervenies unquam ad rem, „ motissimum sinuosorum flexuum principium.

Ani Fistulæ
quibus ex
Causis
oriuntur.

VII. *Causæ* verò *Fistularum Ani* aliæ externæ sunt, aliæ Internæ. Inter *Externas Causas* frequentissima est tuberculum exterius circa Anum enatum & suppuratum, cujus sanies si exitum non habet, sinum efficit profundum. Enascitur autem istiusmodi tuberculum ex contusione partium ani, ut sæpè equitantibus, & aliquandò remigantibus contingit: item ex ictu, vel casu in partibus circa anum facto, cum exinde partes ani proximæ atterantur, & perruptis vasis sanguis ad nates, & circa anum cogatur, qui extravasatus putrescit, & putrescendo acrimoniam acquirit, & molles illas partes exedit, sinuat, Fistulamque efficit. Insuper vulnera hujus partis non rarò in ulcera degenerant, atque hæc in fistulas. Inter *Internas* namque *Fistularum Ani Causas* primò numeratur ulcus intestini recti non ritè curatum: dein apostema in partibus hiscè obortum, & serius apertum; viz. expectatâ ejus matu-

maturatione, cum tunc temporis sanies illa intus contenta corrodat, ac sinum, tandemque fistulam efficiat: atque idè in hac parte apostemata, antequam ad maturationem perveniunt, sunt incidenda.

Cæterum ab humoribus vitiosis ad intestinum confluentibus, & musculum sphincterem erodentibus huiusmodi Fistulæ oriuntur; dum à materia falsa, mordaci, vel virulenta, ex lue potissimum venerea, exulceratur rectum intestinum, hinc sensim evacuato ulcere ab eadem in eo congesta, & diutius hærente, paulatim perfoditur; atque materiâ inter partes musculosos collectâ, tandem oritur tumor in partibus Ani externis, qui disruptus in fistulam abit, tum rectum intestinum, tum musculum ejus sphincterem pertudentem. Denique hæmorrhoides tumentes & malè curatæ, atque exulcerantes, in sinus nonnunquam, tandemque in fistulas abeunt.

VIII. Cognoscuntur autem Ani Fistulæ, quod officium ulceris sit angustum, sinus vero intus latens, & labia ejus callosa sint. Excernitur etiam inde sanies (modo orificium ejus non claudatur. Tum enim nihil excernitur, & vicinæ partes tumidæ fiunt) aliquandò aquosa, aliquandò virulenta.

Fistularum
Ani Dia-
gnostica.

An verò unus, vel plures sinus sint; item an penetrent, vel non penetrent; vel sintne rectæ aut intortæ hæ fistulæ, stylo immisso exploratur. Si namque fistula sit in partibus externis propè anum, quæ licet musculum sphincterem non perforaverit, in intestinum rectum tamen penetraverit, id specillo patebit; intruso siquidem digito oleo inuncto in anum, specillum nudum illi occurreret. Si vero fistula sit tortuosa, ut stylus in anum facile penetrare non possit, ex excrementis id deprehenditur; cum aliquandò per fistulam fæces alvi reddantur, & liquor in fistulam injectus per anum exeat, seu in anum infusus per fistulam egrediatur. Porro fistulæ inter intestini recti tunicas dignoscuntur immisso specillo, si digito id non fuerit obvium, sed membranâ ipsius intestini tectum. An verò fistula perforat intestinum rectum in muscu-

musculo sphinctere, vel suprà eundem, hoc prodit signum: siquidem si digiti in anum intrusi apex ab eodem non constringi, sed in loco veluti vacuo hærrere sentiat; quo stylus quinetiam in fistulam demissus pervadat ad extremum usque digitum, in illud scilicet cavum, fistulam perforare intestinum suprà sphincterem indicio erit. Utrum verò fistula fuerit in muscoli hujus principio, medio, vel fine, quoque digito & specillo patet. Si ad vesicam perveniat, urina per eam redditur. Interdum ad rectum intestinum & vesicam simul penetrat, ac tum inter mingendum crepitus ex pudendo, perinde atque podice emittitur.

Prognostica.

IX. Quoad *Præsentia* de *Ani Fistulis* facienda: Ani non penetrantes *Fistulæ* penetrantibus minus periculosæ sunt. Nihilominus tamen omnes ferè Ani *Fistulæ* sanabiles sunt. Et gloriatur Petrus de Marchettis, se ultra sexcentas ani fistulas perfectè curasse, alias difficilius, alias facilius.

Ægrè admodum sanantur Ani *Fistulæ*, quæ suprà musculum sphincterem intestinum perforant; ut & quæ à lue gallica proveniunt. Facilius verò, & brevi tempore, quæ in orificio ani; minus facilè, quæ in medio musculo intestinum perforant.

Ani & Recti Intestini *Fistularum* Curatio.

X. Atqui *Fistulas* hæc *Curandi Indicationes* vel totum corpus, vel partem respiciunt affectam. Totum corpus quæ respiciunt, permittunt (si viscera Patientis benè fuerint constituta, ut patet ex inculcata ejus valetudine) fistularum curationem mox aggredi, non expurgato corpore, absque ullo futuri morbi periculo. Alioquin præmittatur corporis Purgatio, præparantibus, & purgantibus lenioribus; nec non Vena Secetur. At verò si Patiens fuerit mali habitus, & cacochymicus, propinetur insuper Decoctum ex *Ligno Guajaco*, *Salsaparilla*, *China*, &c. Ut tum per Sudores, tum per Austam Transpirationem, & copiosiore excretionem Urinam, ab humoribus vitiosis liberetur: præsentem siquidem cacochymiam, rarè admodum ex toto sanantur fistulæ ani. Fonticuli item in cruribus excitati non rarò multum condu-

conducunt, cum per hosce materia derivetur, & evacuetur: sic in senibus ex antiqua fluxione si sint fistulæ, eæ tutò nunquam curantur, nisi ante consolidationem excitetur Fonticulus in crure, pro evacuatione materiæ quotidie collectæ.

XI. Partis autem Affectæ Curatio multiplex est, pro varietate & differentiis fistularum. Atque hinc in ipsius fistulæ curatione explorandum prius, num hæc sit unica vel multiplex, hoc est, num unum habeat orificium & ductum; an verò plura orificia, pluresvè ductus: deinde num in intestinum penetrent fistulæ, nec ne; & sic porro. *Fistule* quippè *prope Anum*, quæ non pertingunt ad ipsius orificium, facillimè sanantur, non tamen absquè Sectione: & quidem si recte sint, sectione unicâ; si autem sinuosæ, pluribus curari solent sectionibus.

Primò igitur foramen fistulæ dilatandum immisiss *Turundis* ex *Radice Gentiana*, vel *Spongia Compressa*; ac quotidie eædem crassiores immittendæ, donec foramen fistulæ dilatatum admittat Scalpellum ad Sectionem: satis verò dilatato foramine, immittendus *Cultellus* rectus, atque facienda unica Sectio, ad fundum usque ipsius fistulæ; postmodum ad prohibendam inflammationem imponendum lintheum discerptum *Ovi Albumine* imbutum, superinjectis stupis in eodem madefactis; quibus postero die remotis, diligenter stylo inquirendi alii sinus: qui dilatandi, atque secandi modo nunc dicto: supra fistulam sectam adhibendum *Digestivum ex Melle Communi, Theribimhina, & Ovi Vitello*. Quod si fistulæ callum consumere nequeat, imponatur illud *Sculteti*;

R. Merc. Præcip. Rubr. 3ß.

Mellis Rosacci ʒß.

Misceantur. Unguentum hoc lintheo discerpto excipiatur, & fistulæ apertæ callo imponatur.

Consumpto callo, deterfoque vulnere, caro generanda, non quidem *Sarcoticis* Unguentis admotis; utpotè humidioribus; sed sicciorebus, *Unguento de Tutia* scilicet, de *Plumbo*, similibusvè; atque lintheo discerpto his imbuto vul-

G g g

nus

nus omninò implendum, ut caro è fundo succrescat; ac superponendum *Emplastrum Diapalma*, vel simile.

Producta autem æqualiter carne, inducenda cicatrix, non Pulveribus, nec Filamentis Aridis, quibus labia vulneris callosa evadunt, & cicatrix non ita faciliè obducitur; at impositis iisdem Exsiccantibus Unguentis; quibus dura ac solida evadit cicatrix, quæ difficilior dehisceat.

XII. Sed *Fistula*, quæ ad *Orificium Ani* pertingunt, & serpunt exterius *suprà Intestinum Rectum*, non tamen ipsum perforant, non ita faciliè sanantur, ob copiosas humiditates, quæ ab intestinis continuò defluunt. Istæ sunt quoque dilatandæ, & secandæ; nullo quippè alio præsidio sanantur.

Igitur si occurrat *Fistula Ani* non penetrans rectum intestinum, sumendum Specillum, quod in una sui extremitate capitulum rotundum, & pro fili serici traiectione foramine donatum habeat; in altera, pro incisione fundi fistulæ, instar acus tricuspidis acuminatum sit, cujus apici affigatur pila cærea, qua instrumenti acumen liberiores transitum habeat ad sinus fundum, neque timor sit, ut in latera ejus impingat, operationem impediat, & dolorem excitet.

Præparato ita specillo incerato, fistulæ fundus inquirendus, eoque invento, specillum fortiter trudendo cutis perforanda, totumque illud per fistulam ducendum, propendente ex utroque foramine filo serico; dein educto specillo, fili extrema colligenda, arctissimè stringenda, sicque universi sinus incisio filo peragenda. Atque hic modus fistulam non penetrantem incidendi proponitur à C. Celso *lib. 7. cap. 4.* hisce verbis: „in fistulam demisso specillo ad ultimum ejus caput, incidi cutis debet; dein novo foramine specillum educi lino sequente, quod in aliam ejus partem ob id ipsum perforatam, conjectum sit. At verò quia fistulæ totius per filum incisio & curatio nimis tardè procedit, illamque assiduus comitatur dolor, meritis rejicit eam Fabr. ab Aquapendente,

dente, nec locum habere ait, nisi in iis, qui meticulose ferrum expavescunt. Unde & nos potius ducimus, fistulâ specillo perforatâ, & foraminibus pro usu syringotomi, quod altero extremo capitulum crassius habet, iussuienter dilatatis, filum sericum remove, atque fistulam ipsam incidere. Et hæc fistularum per filum & aciem scalpelli curatio Celsi & recentiorum Practicorum votis satisfacit, atque simplici per filum incisione melior est, & tolerabilior, in primis quando orificia propter sinus longitudinem nimium distant. Si tamen & hæc operatio æquo tardior videbitur, omnibus bonæ operationis conditionibus satisfaciatur Chirurgus, si statim fistulam inciderit Syringotomo acutam aciem habente, globulo tamen cereo munitam, quo syringotomi acumen transitum habeat liberiorem ad fundum fistulæ, neque metus sit, ut in latera impingat, operationem impediat, doloremque excitet.

Verumenimverò licet hoc modo, per Sectionem partium externarum, Fistulæ Ani non Penetrantes ut plurimum curari soleant; facilius tamen eandem curam suscipiunt, si ipsum intestinum intus sececur. Neque omnino metuenda est musculi sphincteris & intestini recti sectio; hac equidem cautelâ, ne musculus totus sececur, sicque fæces involuntariè effluant. Scribit Hipp. *lib. de Hemorrh.* sphincterem tutò posse incidi, quovis modo, sine læsione sui officii, si saltem octava ejus pars relinquatur intacta, aliàs sequeretur involuntaria fæcum excretio, & tandem ipsa mors.

XIII. Tertiò occurrunt *Fistula, qua Intestinum Rectum perforant, sive in inferiore Musculi Spinclæris, sive media, sive suprema ejusdem parte*; quæ tamen loci diversitas non mutat curationem, sed solummodò ejusdem tempus; extremi quippè musculi fistulæ citius sanantur, medii verò, vel supremi tardius, propter profundas sectiones, quibus ad perfectam earundem sanationem opus est.

Hujusmodi fistulæ aliquandò ab Hippocrate sine incisione curantur. Nam primum Turundam fistulæ immit-

tit *Succo Tubyrali* madidam, pro callo consumendo; deindè *Florem Aris* adspersit: in anum ad inflammationem prohibendam, Glandem immittit Corneam, exterius *Cretâ Detergente* illitam, usque in quintum diem: ablato callo, Glandem *Alumine* implet, anoque imponit, ad glutinandum, ad inflammationem arcendam, ad locum affectum exsiccandum. Sed vix unquam hæc curatio succedit. Præferenda autem quæ primùm hæc fistulas dilatat Turundis accommodatis, deindè eas secat, vel Syringotomo, vel Filo Serico. Utendum Filo, Patientibus ferrum reformidantibus; licet hæc sectio longa sit, & dolore molesta: frequentius verò Syringotomo, quia citius & minore dolore operatio perficitur: & quidem hunc in modum. Specillum sumendum argenteum, in utraque extremitate rotundis capitibus prædium, illudque pro necessitate incurvandum. Hujus extremo, & Syringotomi globulo filum ex lino duplicato alligandum. Quibus peractis, fistulæ orificio lentè intrudendum specillum, illudque ut & filum duplicatum, & globosum scalpelli caput, per ani orificium trahendum. Deinceps manu sinistrâ arripienda syringotomi superior pars, atquè sic instrumentum trahendo & impellendo fistula uno ictu, ne diu *Ægri* doloribus torqueantur, integrè incidenda. Qua incisa, sanguis sistendus, inflammatio prohibenda, callus (modo nunc dicto) absumendus, vulnus recenti carne implendum, & cicatrix inducenda.

XIV. Ad *Fistulas* autem, quæ *Intestinum* perforant ultra *Musculum Sphincterem*, parte superiore, quod attinet: Istæ à multis habentur insanabiles, nisi præfecto toto sphinctere, ex quo involuntaria fit fæcum alvinarum excretio. Hæc tamen se sæpius feliciter sanasse scribit Petrus de Marchettis, citrà illud incommodum: factâ viz. congruâ dilatatione, ut in omnibus aliis ani fistulis curandis fieri solet; musculus sphincter eousque secandus, ut aliqua ipsius pars integra supersit, ac intacta, quæ suo fungatur officio. Factâ sectione, superstes fistula Actuali Cauterio erit inurenda, ut callus tollatur, cujus crustâ *Butyro* vel
Dige-

Digestivo sublatâ, implenda cavitas linteo discerpto imbuto *Unguento de Tutia*; hac ratione, ut imminuatur quotidiè, donec proba caro æqualiter generetur, & cavitas oppleatur.

XV. At nonnunquam observantur *Fistula*, quæ serpunt inter *Intestini Recti* iunicas, & superius tendunt, modo ultra *litudinem Sphincteris*, modo *infra*. Eæ tamen rarò fiunt callosæ, propter humiditatem in intestinum, ejusquæ membranas continuè allabentem; quæ proindè statim sunt dilandaræ *Turundis* ex panno lineo confectis, (vitatis illis ex *Radice Gentianæ*, vel *Spongia Compressa*, quæ plus satis dilatando, lacerant membranas intestini) dehinc secundæ secundum longitudinem, absque ullo metu læsionis musculi sphincteris: ad interna verò faciendâ est sectio.

Sed *Fistulæ* hæc dum secantur, immittenda intrâ Anum cannula rotunda, altero extremo clausa; at à latere fissurâ patefacta, in cujus medio lana mollis vel gossypium lateat, ne acies scalpelli hebetetur: illius cannulæ usus est, ut sectâ fistulâ, excipiat gladiolum, illæsis proindè intestini partibus oppositis.

Curantur autem facilè hæc *fistulæ* sectæ, obductâ cicatrice *Injectionibus* exsiccantibus bis quotidie infusis, nec non immissis *Turundis* imbutis *Unguento de Tutia*, atque *Pulveribus* itidem Exsiccantibus. Factâ namque Sectione, mox immittenda *Turunda* longa, ad fundum usque sectionis pertingens, illita *Ovi Albumine cum Bolo Armeno conquisato*: ad deterfionem verò injicienda *Aqua Hordei cum Melle Rosaceo*, & suprà turundam inspergendi *Pulveres ex Bolo Armeno, Terra Sigillata*, similibusque, tum ad exsiccandum, tum ad adstringendum. Notandum verò, quod hujusmodi fistulis nunquam adhibeatur *Digestivum*, ne tenues intestini membranæ nimium flaccescant & resolvantur. Post quatuor aut quinque dies, parandæ *Injectiones* ex *Aquis Thermalibus*; vel, hisce deficientibus, *Artificialibus ex Vitriolo, Nitro, Sale, Alumine, cum Aqua Communi*, immisâ semper *Turundâ* imbutâ *Unguento de*

Tinia; ac Pulveribus dictis Exsiccantibus; quibus remediis obducenda cicatrix, quę durior licet, & callosa, nequaquam tamen impedit constrictionem musculi sphincteris; quinimò si mollior foret, brevi resolveretur denud ab humiditate continuò partem illam alluente.


XVI. Tandem ad *Vescicam serpentes Fistula* succedunt; quarum quędam perveniunt ad ejus collum: & quidem aut juxta ejus exortum, vel medium, vel finem, ipsum tamen non perforant: alię ipsum pertundunt in ejusdem exortu, aut medio, aut circa finem, ubi cervix vesicę oriri vulgò perhibetur. De hiscè vix est dicendum, cum omnino sint insanabiles, & solo Prognostico relinquendę, ne infamentur artis pręsidia. Quoad illas tamen, quę pervadunt ad cervicem vesicę, ipsam tamen non perforant: in iis curandis majore dilatatione opus est, quam in præcedentibus; in quam rem, ex usu sunt Turundę ex *Compressa Spongia*, vel *Radice Gentiana*, atque fistulā dilatata, faciendā Sectio gladiolo admodum recurvo, dorso lævi; ne lædatur collum vesicę, acutā acie, quod partes illud investientes sint membranose, quę difficulter secantur. Si sint plures sinus, ii pluribus sectionibus sunt patefaciendi, illasò semper vesicę collo; turpe quippè, & foedum foret, urinam per aliam partem effluere, quàm naturalem. Factā sectione, callus removendus, tum absolvenda curatio uti in aliis fistulis.

In genere verò de *Fistularum Ani Curatione Medico* observandum, ut statim ad eam se accingat, nisi renuente *Ægro*; suppressā siquidem, ut sæpè fit, purulentā materiā, vari sinus excavantur, unde tandem *Fistula* in plures diffunditur; è qua suppressā materia oriuntur abscessus, non sine magno dolore, gravi febre, & aliquandò morte ipsius Patientis.

Perperam itaque existimant multi *Pseudo-Medici*, & *Barbitonfores*, se sanare posse fistulas ani & intestini recti Balsamis, Unguentis, Injectionibus, aliisque hujusmodi pręsidiis; sed frustra laborant, cum hæ non nisi Sectione sanabiles sint.

CAPUT XIX.

*De Tibiarum, Articulorum, & Pedum
Ulceribus.*

I.  Andem restant ULCERA quæ in TIBIIS, ARTICULIS, & PEDIBUS sunt. Sed quæ in genere de Ulceribus nunc diximus, facile quis ad harum partium ulcera applicare poterit: adde ut dubitaverim, de Tibiarum, Articulorum, & Pedum Ulceribus quicquam superaddere. Nihilominus tamen, quoniam non infrequenter contingit, ut falsi, acresque humores ad hæc extremas partes expulsi, Ulcera excitent, de iis pauca adjungere haud abs re putavi. Etenim acres, austeri, acido-salini humores cum sanguine per arterias ad partes illas delati, ibidemque relictæ, nonnunquam ulcera excitant, egrè curabilia; idque præsertim post erysipelas partes illas frequenter infestans accidit; quemadmodum & in fœminis mensium obstructione laborantibus. Insuper è scorbutico hujusmodi ulcera sæpè nascuntur. Etiam quibusdam familiis talia ulcera admodum familiaria sunt; ut omnes, fœminæ præsertim, etiam aliàs benè valere videantur, ulcera illa diuturna in cruribus habeant.

Ulceræ hæc
unde oriuntur.

II. Hiscè autem partium extremarum ulceribus maturè omninò occurrendum est. Nisi enim statim sanentur, natura adfuecit ad hæc partes vitiosos in corpore redundantes humores amandare; qui postea, si ulcus occludatur, & corpus non diligenter, sæpiusque purgetur, alios morbos graviores excitant. Solent etiam neglecta incrementum sumere, partes vicinas corrumpere, callosa fieri, ut ita, si maturè iis non succurratur, incurabilia fiant. Sed istiusmodi pedum ulcera, in primis quæ tibie anteriora occupant, multum laboris Chirurgo creant, ex eo quod corporis universi humiditates conti-

Partium
harum Ul-
cera qualia
sunt.

nuò

nuò ad partes affectas defluant ; quæ res efficit, etiam optima medicamenta frustra usurpari, nisi fasciis pes arctè, ab inferiore parte ad genu ascendendo, constringatur, semelque aut bis quavis septimanâ Purgatio iusta instituat.

Quomodo
Curari de-
beant.

III. Igitur ut Ulcera hæc ritè Curentur, primò corpus diligenter ab humoribus vitiosis Purgandum, ac viscerum dyscrasia corrigenda. Et si plethoricus sit *Æger*, Vena brachii Secunda, & sanguis mittendus. In Topicis autem, ac localibus præsiidiis semper partium affectarum natura consideranda, cum non eadem Medicamenta siccioribus partibus & humidioribus competant. Et si Ulcera in Articulis fuerint, ratione humiditatis partis affectæ, Sicciora & Aridiora Medicamenta sunt applicanda, *inquit Paulus Ægineta lib. 4. cap. 5.* qui in hisce ulceribus curandis inter alia laudat *frequentem irrigationem Aquâ Mariâ vel Mariâ saltam.* Enimverò articulorum ulcera sunt quamprimum exsiccanda & sananda, cum in partibus hiscè sæpè ulcera cava & cacœthe gignantur; tum propter ossium articulationem, tum quia paucò calore sunt præditi articuli, tum quia crasso & viscido humore perfunduntur. Quapropter pro his ulceribus curandis, Exsiccantibus Medicamentis *Spiritus Vini* miscendus erit, qui partes illas roborat, exsiccat, & maximè putredini resistit. Sed cum diætæ partes declives sint, & idèò ad recipiendos humores aptæ, plano loco inter curandum sunt situandæ.

IV. Tibiarum verò Ulceribus imponatur *Unguentum Diapompholigos*, quod in hoc ulcerum genere efficacissimum semper deprehenditur, eò usquè, donec pus bonum & album appareat. Vel applicetur *Unguentum Desiccativum Rubrum*; vel, quod efficacius, *Unguentum de Minio*, cujus hæc est descriptio:

℞. *Axung. Porci* rec. ʒxij.

Cera. Alba, Cersa, Minii an. ʒij.

Lichargyri, Lapid. Calaminar. Prepar. an. ʒj.

Varioli Albi ʒß.

M. F. S. A. Unguentum.

Et

Et quia Oleosa, & Pinguia, propter immediatè cuti subiectum periosteum, in ulceribus hiscè curandis omninò sunt vitanda; laudatur à multis *lamina Plumbea tenuissima*, Tibiæ Ulceratæ firmiter alliganda: nec non *Emplastrum Gryseum*. Vel,

℞. *Empl. Grysei, de Plumbo an. ʒj.*

Cerusa, Lithargyri an. ʒiij.

Sacchari Saturni ʒʒ.

Gummi Elemni ʒij.

M. F. S. A. Emplastrum.

Efficacissimum quoque hiscè ulceribus curandis est *Fac To-um Magistri Christiani*;

℞. *Ol. Rosacei ʒxij.*

Cerusa, Mucilag. Rad. Consolida an. ʒvj.

Cera Alba ʒiv.

Lithargyri, Minii, Lapid. Calamin. Preparati an. ʒiij.

M. F. S. A. Unguentum.

Platerus lib. 2. *Observ.* hoc Medicamentum, utpotè validius exsicicans, extollit:

℞. *Cerusa, Aluminis, Varioli an. ʒiʒ.*

Aceti Vini q. s.

Coq. donec in formam Calcis sicca redigantur.

De hac Calce dissolve portunculam in Vino Albo, quò illinatur Ulcus, in eoque intinctum linteum discerptum ulceri imponatur: dein superponatur hoc Emplastrum;

℞. *Lithargyri, Cerusa, Plumbi Usti an. ʒj.*

Tutia Preparata, Marris Perlarum an. ʒij.

Mastichis, Thuris an. ʒiʒ.

Camphora ʒj.

Colophonia ʒʒ.

Savi Cervini ʒj.

Therebinthina ʒij.

Ol. Rosacei, q. s.

M. F. S. A. Emplastrum.

Insuper prò Crurum, Pedumvè Ulceribus inveteratis Curandis, non semel egregium & efficacissimum expertum quod sequitur:

H h h

℞. *Herb.*

℞. *Herb. Artemisia, Agrimonia, Scordii,*
Sum. Absynthii, Centaurii Min. an. Mj.
Aqua Pluvia ℔vj. Cog. ad ℔ij.

In colatura madefiant lintea discerpta, qua Ulceribus hisce imponantur, & bis quotidie renoventur; ac mappa lanea similiter madefacta superinjiciantur.

Laudatur & hoc;

℞. *Aqua Melissa ℥vj.*
Tincta Prepar. ℥i℥. vel ℥ij.

Fiat Mixtura, eodem modo usurpanda.

V. Sed harum partium Ulcera magnas Medico & Chirurgo sæpè pariunt molestias, nec Curam suscipiunt, nisi è directo ulceris, sub genu vel suprà genu, excutitur *Foniculus*, quo affluentes continuò humores deriventur, & evacuentur: qui non ocludatur, priusquam ulcera sint curata, & affecta pars, ex morbi diuturnitate labefactata, satis robusta observetur.



PRAXEOS CHEIRURGICÆ

LIBER QUARTUS.

D E

FRACTURIS.

C A P U T I.

De Fracturis in genere.

I.



Ed quum de affectibus, qui carnosissimolibusquē partibus accidere solent, quiquē prō curatione manuum operā indigent, abundē nunc dictum sit: modo restat, ut de iis vitiis quoquē agamus, quæ Ossā invadere possunt.

Enimverò quod in parte molli est *Vulnus*, id in dura & *Fractura* ossea est *Fractura*; propriè Græcis *αἴμα καὶ κατὰ*, quæ quid sit. est ossis divisio seu ruptura à causâ externâ violenter irruente. In *Fracturæ* Definitione omnes ferè auctores sunt concordēs, quod sit *Continui Solutio in Osse facta*: in hoc verò differunt, quod Galenus, Paulus Ægineta, & alii Græci, per *Fracturam* intelligant *quancunque Unitatis sive Continuitatis Solutionem in Osse, à re extrinsecâ violentâ factam, tam ab instrumento incidente, quam contundente, vel rumpente*. At verò cum de *Fracturis* tantum simus dicturi, quæ à re contundente vel rumpente fiunt; idè cum Guidone de Cauliaco *Fracturam* definiemus: quod sit, *Ossis Continui Solutio absque incisione, violenter extrinsecus à re rumpendi, vel contundendi vim habente facta*: vel potius dicamus, **FRACTURAM** esse *Continuitatis Ossium Solutionem, à violentia quadam extrinsecus irruente accidentem*.

Hhh 2

II. Sunt

Fractura-
rum Diffe-
rentiæ.

II. Sunt autem variæ Fracturarum Differentiæ, quas tradit Galenus *lib. 6. Meth. Med. cap. 5.* Franguntur namque Ossâ vel simpliciter, vel cum adjuncto vulnere, extremitatibus acuminatis fracti ossis musculos, cutemque perforantibus. Idem contingit, cum à glande plumbea vulneratur caro, & subiectum os frangitur. Simplex Fractura tribus modis contingit: vel enim franguntur ossa transversim, quæ in primis & propriè *Fractura* dicitur. Et quidem si ita franguntur, ut nullo pacto extrema cohareant, atque è directo non jaceant; in specie hujusmodi Fractura *καυλῶδὴν*, à fracti caulis similitudine appellatur. Dicitur etiam *ραφανῶδὴν καὶ σκευῶδὴν*, à similitudine fractæ radiculæ & cucumeris. Vel franguntur ossa secundum longitudinem instar alicujus asseris; atque hoc Fracturæ genus *Fissura* vulgo, Galeno *χιρκαῶδὴν* nuncupatur. Vel franguntur cum contritione in plures partes, & talis Fractura *σύντριμμα*, *Comminutio* appellatur; quæ & *καρπῶδὴν*, *nucalim* à quibusdam dicitur, quod sit facta in modum contusarum nucis testarum.

Dein à parte affecta variæ petuntur Fracturarum Differentiæ. Alia enim est cranii fractura, alia humeri, alia brachii, alia femoris, alia aliûs partis. Insuper alia fractura magna est, alia parva, alia simplex, alia multiplex, alia sola, alia cum carnis contusione & vulnere, alia cum luxatione, inflammatione, gangræna, &c.

Causæ.

III. Causæ autem Fracturarum Internæ nullæ sunt; Externæ verò ea omnia, quæ contundendi, vel ossâ rumpendi, ac dividendi vim habent: sive sit casus, sive ictus quidam violentus, qui suâ vi & violentiâ os frangit & comminuit, ac continuitatis solutionem, quam *Fracturam* appellamus, efficit. Facit tamen ad faciliorem ossium fracturam eorundem constitutio fragilis, ut etiam leviozem impetum sustinere non possit; sive ea sit naturalis, sive à carie (inprimis luem veneream, ac inunctiones mercuriales subsequente) acquiratur. Enimvero ex luc venerea, arthritide, aut inveterato scorbuto cariosum os, levissimâ accedente causâ externâ, fractum fuisse aliquoties notatum

ratum est. Memorandæ & raræ fragilitatis historiæ exstant apud Marcellum Donatum *de Hist. Med. Mirabil. lib. 4. cap. 5.* Schenkium *Libr. 5. Obs. 8.* Hildanum *Cent. 2. Obs. 66. 68.* Qualem & nos observavimus in muliere Scorbuto graviter afflicta: cujus historiam adferre haud gravabor. Mulier septuagesimum septimum agens annum Scorbutica, postquam tum brachiorum tum crurum doloribus lancinantibus ac rodentibus diu fuisset afflicta, vasculum quoddam è pavimento attollens, mox vehementissimum in crure sinistro sentiit dolorem, ob quem deponere vasculum, & proximo in loco sedere fuit coacta. Dolor hic indies augebatur, variaquæ ei sedando per quinque hebdomadas imposita fuerunt remedia: quæ cum nullum adferrent levamen, ecce 2 Junii 1688: per gradus descendens eadem in parte ossium crepitum persentiebat, ab eoque momento omnis incedendi potentia cessabat. 14 Junii vocatus cum Gerardo Dompfelaar, Medicinæ Doctore, & Cheirurgo N. Schut, crus omninò diffractum observavimus. Fracturam composuimus, & deligavimus, linteaminibus madefactis Epithemate ex æqualibus partibus *Aqua Pura*, *Aceti Rosacei*, & *Spirium Vini*, addito tantillo *Salis Communis*. Sed penitus emaciata quum esset Ægra, nulla suecrescentis calli indicia unquam apparuerunt: quin potius, labescentibus indies viribus, tandem ad plures abierit.

Observatio.

IV. Ad Dignoscendas Fracturas jubet Hippocrates, partem sanam cum ægra conferre, ut discrimen, si quod sit, facilius intelligatur. Nam si partis affectæ figura fuerit inæqualis, utpotè in loco percusso cava, & in opposito tumida, Fracturam suspicari licet. Insuper transversim vel obliquè facta Fractura faciliè cognoscitur, quia ossis fracti extremitates separatæ tactu deprehenduntur: si membrum fractum contrectetur ac variè dimoveatur, crepitus ac fragor in affecto loco, ob ossium mutuam collisionem, ac affrictionem, auditur; dolor vehemens adest, ob divulsionem ac distortionem partium nervosarum, aut ob puncturam eminentis ossis in perioæto.

Signa Diagnostica.

Adhæc Fractura femoris, tibiæ, aut pedis, omnem incessum tollit, quem aliqualem, admodum licet dolorificum, luxatio concedit: Et hoc certum Signum distinguens Fracturam & Luxationem. Adest quoque interdum membri tortuositas, & brevitās, dum inferiorem ossis partem musculi convulsi sursum trahunt; sed non semper.

Si verò fracturæ Vulnus sit conjunctum, non solum dictis signis ea cognoscitur, sed etiam tactu; digito vel specillo intra vulnus immisso, quibus fractura vel ossis asperitas persentitur.

Fracturæ autem secundum longitudinem factæ difficilius cognoscuntur; deprehenduntur tamen ex membri præternaturali crassitie, inæqualitate, dolore. At Comminutio tactu explorari facîle potest: variis enim in locis os digitis cedit, exasperatum valde.

Prognostica.

V. Cæterum Ossâ Fractâ nunquam verè reuniuntur, & sicut caro non coalescunt secundum intimas partes; sed, ob ossium siccitatem ac duritiem, duntaxat secundum exteriorem superficiem mediante callo, circa oras ipsorum oborto, consolidantur. Facilius autem curatur fractura ossis transversim facta, quam quæ obliquè contingit, quævè inæqualitatibus prædita est; quia neque facîle committuntur, & nullo retuso innituntur, carnemque, interdum & nervum quoque, & tendinem vulnerant: sunt namque illæ fracturæ, in quibus capita fractorum ossium sunt retusa, minus periculosæ.

Difficilius item curatur fractura, ubi os in multa fragmenta divisum est, quoque plura sunt fragmenta. Etiam quò fractura major, & ossâ fracta majora, eò difficilior & tardius consolidatur.

In illis partibus, ubi bina sunt ossa, ut in brachio & crure, si alterum tantum frangatur, facilius fractura curatur, quam si ambo sint fracta, cum minus musculi contrahantur, sed ab altero osse integro tensi servantur, atque integrum os fracto sit veluti sustentaculum. Facilius item consolidantur fracta ossa, quæ suis sedibus mota non sunt.

„Ossa

„ Ossa autem minus periculose in medio franguntur,
 „ & facilius curantur, & quod propior fractura capiti, vel
 „ superiori, vel inferiori ossis est, eò pejor est. Celsus
lib. 8. cap. 10. Enimverò & majores adfert dolores ob
 nervosarum, tendinosarumque partium læsionem, &
 difficilior curatur. Quæ verò fracturæ articulis spatio
 trium vel quatuor digitorum proximæ sunt, non so-
 lum periculosæ, sed & curatu difficiles, cum commodè
 ligari nequeant, ac ut plurimum tales difficilem jun-
 cturæ motum relinquunt; viz. ob callosam inter ten-
 dines, articularumque ligamenta concrecentem sub-
 stantiam.

In genere tamen recens fractura ad consolidationem
 aptissima est. Si verò tempus protrahatur, curatio diffi-
 cilior redditur. Arabum Princeps Avicenna inquit:
 „ quantò serius fracturæ restaurantur, tantò peiores
 „ sunt; cum spatium illud alienâ substantiâ repleatur, &
 „ in restauratione majore extensione egeant, magnæque
 „ extensioni sæpè spasmus seu convulsio accidat.

Quæ porrò Fracturæ cum Vulnere sunt conjunctæ,
 periculosæ sunt, & eò periculosiores, quò majora fue-
 rint vulnera, ac sensibiliores partes tetigerint; cum in
 hujusmodi fracturis dolores, inflammationes, ac gan-
 grænæ supervenire soleant, & ferulis, aliisque sustenta-
 culis uti vix queamus.

Demum de tempore consolidationis fracturæ nihil cer-
 ti prædici potest, cum id variet secundum ætatem, ha-
 bitum corporis, anni tempus, ac alias circumstantias. Ut
 plurimum verò nasi, maxillæ, juguli, pectoris, scapu-
 larum ossa, costæ, ossa spinæ, tali, calcis, manus, &
 plantæ pedis, intra vigesimum, vel vigesimum quartum
 diem consolidantur. At crurum & brachiorum intrâ tri-
 gesimum quintum & quadragesimum diem, &c.

Circa tempus verò, quo ossa fracta confirmari, ac firmo
 soleant obduci callo, observavit Fabricius Hildanus *Cent. 6.*
Obs. 68. tibias gravidarum fractas, quamdiu uterum ge-
 runt, mediante callo coalescere non posse. „ Tota enim
 „ natu-

„ natura, *inquit*, cum circa formationem fœtus occu-
 „ pata sit, materiam pro calli generatione destinata ad
 „ uterum mittit, & ossa fracta negligit. Cujus rei me-
 morabile exemplum refert *Cens. 5. Obs. 87.* de matrona
 gravida, quæ tibiam fregerat; ubi tantas circa genera-
 tionem calli habuerunt difficultates & labores, adeo etiam,
 ut tertiâ & vigesimâ hebdomadâ, post contractam fractu-
 ram, movendo & circumagendo pedem, ossa confracta
 adhuc vacillarent. Tandem tamen, scilicet à tertiâ & vi-
 gesimâ ad trigessimam septimanam, fractura fuit confir-
 mata. Causam autem tardioris generationis calli in fœtu
 quærendam esse judicat. Quamdiu enim in utero fuit fœ-
 tus, alimentum pro calli generatione destinatum, ad sui
 nutritionem per vasa umbilicalia attraxisse putat.

CAPUT II.

De Generali Fracturarum Curatione.

Ad Curan-
 da Fracta
 Ossa quæ
 requiran-
 tur.



I. **T** Fracturarum Curatio tum in rupti, fra-
 cturæ ossis adunatione ac reductione; tum
 in illius consolidatione & conglutinatione
 consistit. Ossis verò Adunatio Chirurgi
 operâ & dexteritate efficitur: Consolidatio
 autem & Agglutinatio virtute ac viribus Naturæ, cum-
 que Balsamo suo Naturali; glutinoso nempe humore,
 ad coadunanda & consolidanda ossa accommodatissimo,
 efficacissimo. Enimverò cum Fractura sit Ossis Continui
 Solutio, prò ejus Curatione finis ac prima intentio erit
 Unio. Hanc tamen Unionem Medicus facere nequit,
 sed solius Naturæ opus est; quæ in junioribus nonnun-
 quam per intrinsecam & omnimodam partium disjuncta-
 rum unionem; in adultis verò, interveniente *crasso* seu
 Callo, tanquam Glutine, conjungere fractas extremita-
 tes solet. Est autem Callus idoneum ac proprium fracti
 ossis alimentum, quod ibidem effervesceat dum concoqui-
 tur, & in tumorem attollit substantiam ossis, haud secus
 ac in

ac in taleolis arborum per insitionem adaptatis contingere solet. Atque hic Porus seu Callus licet non sit os, ita tamen durus est, ut si idem membrum denuò frangi contingat, potius alia in parte frangatur, quam ubi callus genitus est.

II. Verumenimverò Unitio illa etsi Naturæ opus sit; tamen ut Ea scopum suum assequatur, plura adhuc necessaria sunt. Nimirum cum ossa fracta plerumquè suo loco dimoveantur, si id accadat, ea restituenda, & ad amussim coaptanda. Deindè hoc modo conjuncta servanda. Quæ si dextrè à Chirurgo fiant, Unitio postea Ossium seu Calli Generatio opus Naturæ est. Medicus tamen & hic Naturæ opem ferre debet: quod fit, si partis naturalem temperiem conservet, & Inflammationem, ac omnia symptomata, quæ naturam in opere suo turbare possent, avertat.

III. Primò itaque, ut Corn. Celsus *lib. 8. cap. 7.* docet, animadvertendum & considerandum est, utrum ossa fracta proprio loco exciderint, nec ne, cum non semper, ubi transversim franguntur ossa, suâ naturali sede excident. Cognoscitur autem ossa suo loco dimota non esse, si in fracturæ loco nulla cavitas percipitur, nec punctio- nis sensus adest, nec membrum brevius apparet. In hac ergò fracturæ specie non opus est, ut membrum extendatur, & de ossium repositione ac coaptatione laboretur.

At verò ossa fracta si loco suo exciderint, ita ut unum suprà alterum efferatur, prima cura esse debet, ut restituantur. Fit autem hoc duabus Operationibus, quarum altera *Extensio*; altera *Conformatio* seu *Ossium in suum locum Repositio* appellatur.

IV. Igitur in fractorum ossium restitutione opus est membri *Extensione*: cum enim musculorum fibræ, ossis robore destitutæ sequantur naturalem suam determinationem, & in se contrahantur, necessum est per vim eos, simul cum osse fracto, tantum elongare, quantum à naturali statu recesserint. Alioquin, si non recta fiat extensio in fracturis, ex attritione rumpentur ossium

Fracturæ
Extensio
quomodo
sit facien-
da.

eminentiæ , quæ dein suas in cavitates reponi non possent , sed vel exterius ad ossium latera hærerent , vel inter ossa fracta remanerent , ossisque fracti coaptationem impedirent.

Ut autem iusta fiat Extensio , danda opera ut fiat minimo cum dolore. Fiet verò hoc , si membrum extendendum eâ figurâ collocetur , in qua muscoli non agant , sed otiosi , & omnes laxati sint , *hoc est* , membri talis sit situs , qui ipsi sano omnium familiarissimus , quivè nullam ipsi adferat lassitudinem : quo modo & minore extensione opus est , & minore cum dolore opus perficitur. Extensio interim fiat neque validior , neque debilior , quam requiritur ; sed moderata : quoniam ex validiore extensione insignis oritur dolor , ex quo postea febres , convulsiones , & resolutiones sequuntur : in debiliore verò ossium capita committi nequeunt ; sed eorum eminentiæ simul confricantur , vel franguntur , vel in proprias cavitates recondi ac reponi non possunt.

Cæterum fit Extensio hæc aut solis Manubus , idque unius vel plurium ; vel Habenis , sive Linteis , Fasciisvè circumpositis ; vel per Trochleam trajecto fune , quale exemplum habet Fabrit. Hildanus *Cent. 5. Obs. 86.* & ex eodem Scultetus *Armat. Chir. Tab. 22. Fig. 1.* Extensio namque major vel minor requiritur pro diversitate temporis , ætatis , magnitudinis ossis. Fractura recens , Æger debilior , os exile , leviolem exigunt extensionem ; vehementiorem verò fractura inueterata , Æger robustus , os magnum. Sic minimam postulat extensionem radius ; majorem ossa , quæ in summa manu & summo pede sunt ; adhuc majorem ossa cubiti ; validiorem humerus & tibia ; validissimam femur.

In genere autem cognitâ fracturâ mox instituatur Extensio ; si namque id non fiat , magnus ob dolorem vehementem fit humorum affluxus , & muscoli versus sua principia trahuntur , hinc extensio difficilis evadit , & si instituatur , ossa fracta adjacentes partes carnosas pungunt , ac sequuntur inflammationes , convulsiones , aliæquæ

quæ mala accidentia. „ Quicquid suo loco motum est, „ ante inflammationem reponendum. Si verò convulsio „ oriatur, ossibus in suam sedem restitutis, rursus ea „ (si commodè fieri possit) suis locis propulsabimus. Chalmet. in *Enchir. Chirurg. lib. 4. cap. 2.* Quod idem docet Hippocrates *Lib. de Fracturis. §. 36.*

Si cum fractura Luxatio incidit, primum luxatio, modo fieri possit, dein fractura erit curanda; quod majorem vim in restaurando postulet luxatio, quam fractura. Tagaultius *lib. 5. cap. 4.* Anton. Chalmetæus *Enchir. Chirurg. lib. 4. cap. 2.* Oribasius *Lib. de Machinamentis, Vido Vido Interprete pag. 498.*

V. Extensioni succedere debet *Conformatio*, quæ est Confor-
ossis fracti in suum locum repositio, & extremitatum re-
cta coaptatio; quam muscutorum legitima figuratio opti-
mè determinat, sicut nulla in illis contorsio notetur. Ea
fit, si postquam membrum catenus extensum est, ut in
reponendo ossa se tangere nequeant, Chirurgus mem-
brum, utraque manu comprehensum, studeat ad pri-
stinam figuram reducere, impellendo hinc, inde, antè,
retrò, ad latera, donec extantes particule in suas cavi-
tates & pristinas sedes fuerint reductæ. Non sunt autem
eminentiæ ossium cum impulsu vehementi in suas cavi-
tates intrudendæ, ne rumpantur, sed potius sponte sua,
extensione laxatâ, manibus Chirurgi leniter directæ in
suas sedes recedant. Repositionem verò probè factam
esse, ex doloris cessatione, ossis fracti in superficie æquali-
tate, & comparisonem cum sano membro factâ, elucescit:
siquæ membrum reductum post fracturam longius appa-
reat, id violentæ extensionitribuendum est.

VI. Ossâ sic probè coaptata exactè conjuncta sunt te-
nenda, quod præstabit *Deligatio*, quæ ita fieri debet, ut
& partes commissas servet, & inflammationem arceat.
Sed priusquam Fascia membro fracto injiciatur, ad hu-
morum affluxum & inflammationem prohibendam, at-
que partem affectam roborandam, linteum reduplica-
tum, *Oxycrato* aut *Vino Rubro Adstringente* madidum

Fractura-
rum Deli-
gatio.

(omissis *Oleis*, *Emplastris*, & similibus, utpote inutilibus, ac non raro admodum noxiis) imponatur; dein Deligatio instituat, quæ nec nimis laxa sit, ne ossa suo loco iterum dimoveri possint; nec nimis arcta, ne alimenti affluxum prohibeat, & dolorem excitet. Perficiatur verò duabus Fasciis, paratis ex linteis vetustis, aliisque usibus ex parte attritis, ut sint tractabiliores, validis tamen, ne extentæ lacerentur; nullas confusiones aut extantias habentibus, ut æqualiter, ac sine dolore constringant. Prior Fascia supra fracturam injicienda, & circa eam modicè comprimendo ter involvenda, dein sursum versus ducenda, usque dum ad sanam membri partem, quatuor, quinque, vel pluribus circumvolutionibus perveniat, paulatim imminutâ compressione. Ubi autem satis de sana parte fuerit comprehensum, ibi deligationem terminare oportet. Dein altera Fascia, priore duplo longior contrario modo involvenda: si enim prior versus dextram, hæc versus sinistram obvolvatur; ut si forsan musculus aliquis per primam fasciam nimium ad alteram partem sit attractus, restituatur in partem contrariam, per secundam fasciam, quæ primum fracturæ injicienda, & unâ vel alterâ circumvolutione factâ, ab ea incipiens deorsum aliquoties circumvolvenda, similiter paulatim compressionem minuendo, iterumque supra fracturam ducenda, ita ut ultrâ primam fasciam in parte sana terminetur.

Maximâ igitur diligentia opus est in fasciis arctandis, cumquæ eæ injiciuntur, Patientem interrogare oportet, qualem circumjectam fasciam sentiat, & si premi se dixerit, laxari debet; sin verò fasciam ita laxam affirmet, ut minimè fractum membrum sustineat, adstringere est opus. Moderatè ergò fasciæ adstringi debent, magisque in parte fracta stringi ac coarctari, quam alibi, ut ab humorum defluxu ea defendatur.

VII. Quoniam verò hæ duæ fasciæ, jam circumvolutæ, ad fracturam continendam debiliores sunt, adhibenda insuper *Splenia*, seu panni linei sæpius complicati, oblongi,

longi, crassi, splenis brutorum instar. (*Compressa* barbaro vocabulo, latino *Pulvilli* vocantur.) Hæc circa fracturam, & totum membrum, per ejus longitudinem adhibenda, ut unum alteri non superponatur, sed inter ea digiti transversi spatium circiter intercedat: quæ firmantur appositis *Ferulis*, ex ligno tenui lævigato, aut potius charta crassiore paratis. Etenim cum fasciæ & splenia inflexibilia non sint, fracturam firmam & directam servare nequeunt; sed faciliè fieri potest, ut tum vigilantibus, tum dormientibus membrum moveatur. Ut igitur in motibus membrum firmum teneatur, opus est iis, quæ rigida sunt, & non flectuntur, & tamen minus ponderosa. Quem in finem Hipp. elegit Ferulas, quæ & rigidæ sunt, ac inflexiles, sed læves. Quod si ob membri inæqualitatem ferulæ aptari non possint, partes cavæ spleniis implendæ sunt, ac membrum æquale reddendum, ut ferulæ commodè applicari queant. Desuper Vincula alliganda admodum laxa, sic ut appositæ ferulæ cum spleniis contineantur, nec quicquam partem adstringant, ac comprimant, sed ut tutum, immobile, ac in debita figura membrum servant. At verò in ferularum appositione cavenda sunt ossa prominentia & excarnia; illis namque appositæ dolorem, nec non alia inferrent graviora symptomata.

VIII. Signum autem congruæ deligationis potissimum ipse Æger indicare solet, ubi, num prematur, rogaris, atquæ is respondeat, se premi quidem, sed leviter, idquæ præsertim, quæ fractura est. Sin verò Patiens fasciis nimis prematur, eæ celerrimè solvendæ & aptius deligandæ, ne ex ætiori vinculo prava eveniant symptomata. Sin fasciarum circuitus iusto laxiores, & nihil se premi respondeat Patiens, ætius vincierendæ, cum laxa vincula non prohibeant membrum, quò minus, quæ fractura est, depravetur.

IX. Congruæ deligationi succedit bona membri *Repositio*, quæ sit mollis, æqualis, sursum vergens, sic ut nec protuberantia, nec sinus in loco fracto notetur, neque

Membri
Fracti, &
Deligati
Repositio.

dolorem & inflammationem excitet. Præterea in Repositione oportet congruam membri figurationem considerare; quæ scilicet dolore vacat, & musculos ex utraque parte integros servat: hæc autem est figura media, in qua dum otiamur singula membra continere consuevimus, ut in cubito figura angularis, in carpo recta, &c. Eanimirum, quæ inter extremos cujusque membri motus intermedia est. Hæc figura nisi observetur, exiguo post tempore membrum dolere solet.

Pars igitur deligata in Capsula Ligneæ, qualem depingit Hildanus *libr. de Ichore & Melicer. cap. 29.* & Scultetus *Armam. Chir. tab. 56. fig. 1. 2. 3.* stupâ linteo involutâ repleta, sive in pulvinari molliusculo deponatur, atque ita in tertium usque diem relinquatur, si Patiens eo, quo deligatus est die, & sequenti nocte sentiat se valentius stringi; postero verò die minus, nec non in parte extrema tumor laxis, mollis, & parvus appareat: si verò aut sit nullus tumor, aut magnus & durus postridie in manu vel pede, prava est deligatura; quia illa non continet; hæc nimis arcta est, & inflammationem movet, atque gangrænam non rarò minatur; unde nullâ interpositâ morâ Æger solvendus, ac denuò, sed moderatè, deligandus est.

Fasciæ
quando
solvendæ.

X. Igitur si probæ deligationis signa adsint, nullusque dolor insignis, nullavè inflammatio suspecta sit, reliquum opus, quod est callum, per quem fracta ossa conjunguntur, gignere, naturæ committendum, & deligatio ante tertium diem non solvenda. Tertio autem, post primam deligationem, die, quum laxiores videntur fasciæ, solvantur; cumque fuliginibus ac vaporibus ob deligationem exhalare prohibitis, & per moram ac stagnationem acrioribus redditis, ita intolerabilis non rarò excitetur pruritus, ut in dolorosam excoriationem, ac inflammationem terminetur; hinc pruriens pars *Aquâ Tepidâ* aliquoties perfundatur, ut apertis poris detentæ sub cute fuligines evaporari queant: dein membrum ligaturâ, quæ moderatâ paulo arctior sit, constringatur, ac porrò

porrò ut prius deligetur, inque capsula seu molliusculo pulvinari deponatur in septimum usque diem; nisi pruritus, vel inflammatio, vel dolor, vel quid aliud infestet. Septimo die fasciæ iterum solvendæ, membrum *Aquâ Tepidâ* perfundendum, & deligandum, arctius adductis fasciis; ita tamen, ne sanguinis circulatio, spirituumquæ vitalium ac animalium radiatio prohibeatur.

Membrum ita deligatum detineatur immotum ad duodecimum circiter diem, quo fasciæ denuò solvendæ, & membrum deligandum. Si namque tardius solvatur deligatio, magna sæpè incommoda (qualia sunt, partis exulceratio, putredo, gangræna, &c.) inde oriuntur; quorum exempla notavit Fabritius Hildanus *Cent. 2. Obs. 91.* qui propterea monet, ut secundo aut saltem tertio die semper deligatio solvatur: & quanquam post septimum non sit adeò necessarium toties fracturam solvere, setamen de quarto in quartum fascias solvere, partemque affectam inspicere solere, scribit. Atque hæc Deligatio continuanda, (paulò laxius tamen fasciis & ferulis indies adstrictis, ut nutrimentum ad ossa fracta magis conflueret, & callus gigni, firmusque reddi possit) donec callus genitus, & fractura sanata sit; quod triginta aut quadraginta intrâ dies plus minus fieri solet.

XI. Interim ad Calli Generationem alii exhibent *Insula*, in quibus bullierunt *Folia Agrimonie*, & *Radices Consolida Majoris*. Nonnulli viscidiores *Cibos* præbent. Alii *Lapidem Osteocollam pulverisatum* & cum *Insulo* exhibent, & cum *Cerato extrinsecus applicant*. Sed cum Calli Generatio, adeoque fracturæ ossium mediante callo unitio, solius Naturæ opus sit, hæc omnia, ut inutilia ac planè inepta, meritò rejicimus. Nihilominus tamen, ut omnia quæ Naturam in opere suo turbare possent removeantur, bona Diæta Ægrotanti præscribenda; Venesectio aliquandò instituenda, & sanguis nonnunquam depurandus: In partium inferiorum fracturis Purgantia rarius, ferè sola Suppositoria usurpentur: in superiorum autem partium fracturis Purgantium atque Enematum usus necessarius admodum est.


XII. Quod

Fractura
per ossis
longitudi-
nem facta.

XII. Quod si Fractura per longitudinem ossis facta sit, fasciæ arctius stringendæ, quam in reliquis; ut ossa fracta, quæ secundum latitudinem à se invicem receßerunt, ad mutuum contactum ducantur, & removeri nequeant. Caterum ea omnia agenda, quæ in transversæ fracturæ curatione dicta sunt.

C A P U T III.

*De Affectibus præter naturam, qui Fracturis
accidunt.*

I.  Uniam verò Fracturis non rarò quædam accidere solent, quæ aut curationem remorantur, aut post curatam fracturam remanent; ut sunt dolor, inflammatio, pruritus, excoariatio, membri debilitas & gracilitas, figura depravata, &c; quæ idcirco Medici operam requirunt, de iis etiam paucis dicendum.

Dolor.

Dolor igitur si adsit, ne in causa sit, ut humores in partem affectam confluant, & inflammationem vel quid aliud excitent, omninò leniendus ac tollendus. Ut verò tollatur, considerandum, à qua causa proveniat; quæ statim tollenda. Perpendendum ergò, an ab osse aliquo pungente Dolor sit, an à fasciis nimium adstrictis, an ex pravo membri situ, an ex humorum affluxu.

Si ex osse pungente Dolor sit, (id quod ex levi partis contrectatione, & pungente dolore cognoscitur) fasciæ solvendæ, & os pungens vel in locum suum reponendum, vel, si fieri possit, eximendum, aut præcidendum. Sin ex fasciarum nimia adstrictione Dolor oriatur, deprehenditur id ex tumore, qui in membri extremitate apparet, Ægerque se vehementer premi conqueritur: tunc quamprimum fasciæ solvendæ, & laxior deligatio instituenda. Sed ob malam membri situationem si Dolor fiat, id Æger facile indicat, & situs mutationem postulat, quæ ita instituenda, ut jam sine dolore se esse fateatur.

II. Ve-

II. Verum ex humorum defluxu quum pars doleat, *Inflammatio*, & *Inflammationis* signa apparere incipiunt. In hoc casu si membrum devinctum sit, quamprimum solvendum, & cum linteo duplicato vel quadruplicato calidè imponendum *Oxycratum*, vel *Vinum Rubrum Adstringens*: vel applicetur Fomentum Anodynum, Resolvens, leviterque Repellens, ex *Matua*, *Althæa*, *Violaria*, *Scordio*, *Floribus Sambuci*, *Camomilla*, *Rosarum Rubrarum*, &c. in *Lacte Dulci*, vel *Cerevisia Tenui decoctis*. At priusquam sedata fuerit inflammatio, pars affecta non deliganda, saltem arctè non stringenda.

III. *Pruritus* cum partem infestet, & *Ægrotantem* tor-
queat, cessabit si *Aquâ Tepidâ* pars inter deligandum fo-
veatur, ut apertis poris materia pruritus efficiens diffili
possit. Quod si locus affectus *Aquæ Tepidæ* affusionem
commodè non admittat, ejus vaporis satis utiliter appo-
nitur: prohibenda interim *Ægris* scalpura, eò quod
pessima, & præter excoriationem dolores excitet graves.
Si tamen ex imprudenti scalpura, vel ex fasciarum re-
solutione diutius quam par est protracta, dolorosa oria-
tur *Excoriatio*, sanatur affusione *Aquæ Tepidæ*, uti pruri-
tus; & Litu ex *Unguento de Cerusa*, *Albo Camphorato*, *Nu-
trito*, vel simili.

Pruritus.

Excoria-
tio.

IV. Non rarò quoque *Fracturis*, vel ex attritu, vel
ex arctioribus vinculis, vel qualibet aliade causa *Gangrena*
accidit. Quæ qua ratione tractanda sit, *libr. 1. cap. 17.* ab-
undè dictum fuit.

Gangre-
na.

V. Sed & nonnunquam post *Fracturam membrum*
gracile & debile manet: quod fit ob alimenti penuriam,
dum à nimia fasciarum strictione partis affectæ vasa &
porositates admodum constringuntur, aded ut sufficiens
alimentum affluere nequeat. Id quandò fit, pars *Aquâ*
moderatè Calidâ fovenda, donec rubescat, eaque laxius
deinceps vincienda. Insuper commendatur à nonnul-
lis *Picatio*, quæ fit *Nigrâ Pice suprà linteum ductâ*, parti
multoties applicatâ, & *violenter, velociterque ablata*, ut ratio-
ne adhærentiæ, pilorumque evulsionis, ac doloris, ali-

Membri
Gracilitas,
& Debili-
tas, post
Fracturam
relicta.

mentum alliciatur, cavendo postmodum strictam fasciarum circumductionem, quæ affluens alimentum iterum repelleret.

Ossa Distorta, & malè Composita.

VI. Etiam contingit, ut postquam Ossa Fracta iterum coaluerunt, pristinam & convenientem figuram non recipiant, sed Distorta sint; unde membri motus impeditur, & claudicatio in pede oritur, vel in brachio apprehensio lædatur. Fit autem hoc, vel ob Chirurgi ossa componentis & fracturam deligantis imperitiam aut negligentiam; vel ob Ægrotantis vitium, quandò membrum fractum ante calli confirmationem movet, aut ipsi innititur: vel ob ipsius Fracturæ culpam, quum ossis frustulum inter ossa fracta continetur, quod mutuum eorum contactum impedit.


Emendatur autem hoc vitium, si quidem læsio membri sit magna, continuòque punctiones, ob acuitatem capiti ossium non rectè compositorum, persentiantur, Patiens sit juvenis & robustus, callus recens, & non diu concretus, os fractum non adeò magnum; si callus iterum frangatur, & ossa rectè coaptentur & componantur. Verum ut tutius fiat hæc calli fractio, is emolliatur multos dies Fomentis, Balneis & Linimentis. Callo satis emollito, Chirurgus membrum fractum genu suo imponat, & os utrinque utraque manu deprimat, ac denuò frangat; deindè ossis fracti partes manuum palmis coaptet, & fracturæ novæ convenientem curam instituat. At verò si Patiens sit senex vel debilis, callus vetustus & induratus, os magnum, quale est femoris vel humeri; optimum est illi manum non admovere, ob periculosa, quæ hanc curationem subsequi solent, symptomata: satius enim est vel deformem vel claudum multos adhuc annos vivere, quam crudeli curâ læthalia provocare symptomata. Etiam si læsio membri in suis functionibus non sit admodum magna, Æger sorte suâ sit contentus.

Atqui si ossis frustulum membrum totum distorqueat, Incisio fiat ad os fractum usque, & Volsellâ ossis portio glutitur.

glutinationem impediens extrahatur, dein Fractura per extensionem coaptetur, deligetur, & deponatur, eodem modo quo recens fractura.

C A P U T I V.

De Fracturis cum Vulnere.

I.  Ed FRACTURIS non raro conjungitur VULNUS, quando ossium fractorum eminentiæ acutæ incumbentem carnem perforant. Atquæ in hiscè interdum os fractum nudatum est, interdum non est nudatum; Quumque denudatum est, nunc extrà vulnus non eminet, nunc verò eminet: deinde interdum os, seu fragmentum aliquod abscessurum esse metui-mus, interdum nihil abscessurum speramus. Quæ omnes Differentiæ cum variæ sint, variam sanè expostulant Curationem.

II. Fractura cum Vulnere Simplici, *hoc est*, in qua Curatio nec os à suis tegumentis denudatum est, nec aliqua ossis ^{Fracturæ cum Vul-} portio abscessura, duas habet pro sui curatione Indica- ^{nere, ossè} tiones. Prima est, ut Ossa Fracta loco suo restituantur, non nuda- & conjungantur. Altera, ut Vulneris Labia simul reu- ^{to.} niantur. „ Quod si os frangatur, & unà cum ossis fractura „ etiam muscoli & corpora adjacentia vulnerata sint, tunc „ curationis intentio oritur duplex, quarum altera qui- „ dem circà ossa fracta, altera verò circà corpora adjacen- „ tia vulnerata versatur. Galenus *lib. de Arte Medica cap. 91.*

Primum ergò, cruore sordibusque deterfis, membrum congruè extendendum, & ossium fractorum capita debite coaptanda, haud secus ac in fractura sine vulnere. Hic tamen notandum, ne Extensio sit adèò valida, quod partes carnosæ ac membranosæ admodum laceræ, contusæ, & attritæ plerumque sint; alioquin dolores ingentes, nec non convulsiones excitarentur, non raro cum vitæ discrimine. Et quidem Extensio hæc, Ossiumque

Repositio statim , & primo aut ad summum secundo die fiat , priusquam parti gravis superveniat inflammatio.

Extensione peractâ , Osseque Reposito , Vulneris Labia ad mutuum contactum adducenda , adductaque servanda per Linteola Emplastica cruciatim imposita , & Fasciam. Dein Vulneri ea applicentur , quæ conglutinandi ac vulnera consolidandi vim habere suo loco docuimus.

Post hæc Fractura Deliganda est , perindè ac si ossa citrà vulnus essent fracta. Fasciæ tamen hic sint molliores & latiores , ut oras vulneris utrinque comprehendant , & sic labia ejus constringant , non comprimant : angustiores namque si essent fasciæ , tunc vulnus cinctum tenerent , & dolorem inferrent. Cæterum minus etiam stringendæ sunt , quam si vulnus non adesset , ne compresso vulnere dolor & inflammatio oria- tur : unde Hipp. & Celsus plures faciunt circumvolutiones , cum melius sit sæpius circumvolvere , quam adstringere. Nonnulli autem hujusmodi fracturæ deligationem instituunt per Ascialem Fasciationem , (de qua Scultetus *Armament. Chirurg. tab. 27. fig. 1. & tab. 28. fig. 8. 10.*) ut crebrior fieri possit partis affectæ inspectio.

Tertio , nonnunquam secundo , à prima deligatione die pars solvatur , iterumque deligetur ; ita tamen , ut deligatio paulò magis comprimat , quamdiu durat timor inflammationis , nisi dolor prohibeat. In secunda verò , & tertia solutione laxior semper fiat deligatio , ut libera omninò sit sanguinis , pro futuri calli materia , circulatio. Reliqua curatio eadem erit , ac fracturæ sine vulnere ; nisi quod Ferulæ non sint ad vulnus apponendæ , ne id comprimant : si verò apponendæ , adhibeantur ad vulneris latera & partem oppositam , donec sanatum sit vulnus. Rarò autem contingit , simplex vulnus , si fracturæ conjungitur , secundo vel tertio apparatu cicatrice non obduci , vel saltem carne non repleri. Sanato vulnere si nondum confirmatum sit os , eadem agantur , quæ in fractura simplici.

III. Interdum tamen accidit in Fractura cum Vulnere, ut os nudatum non sit; ossis tamen frustulum abscissurum metuamus. Id quod fit, cum ob fracturæ impetum aliquod ossis fragmentum ita à reliquo osse separatum sit, ut cum eo denuò conjungi nequeat. Tum enim natura id quod sibi molestum est, aliisque ossibus uniri non potest, foras protrudere conatur, neque finem facit, donec expulsum sit; id quod longiore demum tempore non rarò perficere solet.

Curatio
Fracturæ
cum Vulnere, ubi os nudatum non est; ossis tamen frustulum abscissurum expectatur.

At verò abscessurum os indicat sanies, quæ copiosior, quam pro magnitudine & constitutione vulneris, effluit. Deindè labia vulneris non coeunt, & si coiverint, iterum dehisci, & ad excretionem stimulari videntur, & laxa quasi ac spongiosa evadunt; nec non tacita quædam motio in parte vulnerata percipitur: Neque enim natura vulnus integrè sanat, ubi aliquid intus hæret, quod reliquis agglutinari non potest. Adhæc ossa abscessura indicatur, si in plures particulas os comminutum sit: neque enim tunc omnes facilè conglutinantur.

Citò autem futuram abscissionem suspicatur, si caro laudabilis in parietibus ossis sani generetur. Enimverò non alio modo os recedit, quam dum natura carnem in labiis ossis sani creat, quæ os superpositum attollit, atque propellit. „ maturum ossis exitum, præter probabiles „ quasdam conjecturas, inde cognoscere licet; si os semel, iterum, atque tertio quis pulset: percussum enim si clangorem, & vacui resonitum reddit, apertum de maturitate testimonium dabit. M. A. Severinus *Efficac. Chir. part. 2. de iis, quæ ad ossa spectant, cap. 11.*

Tempus verò, quo ossa recedere soleant, varium est. Enimverò ætate tenera, tempore æstivo, siquæ os non adeò magnum sit, viginti, triginta, aut quadraginta dierum spatio abscedit. Si verò sit magnum, ætate adulta, tempore hyemali, vix sexagesimo die, aut etiam tardius, os separatur. In magnis ossium contritionibus, etiam post multos annos fragmenta ossium prorumpere, exemplo de-

Kkk 3 mon-

monstrat Hildanus *Cent. 4. Obs. 97.* Quod & in Praxi frequenter observari solet.

Si igitur os abscessurum suo loco motum sit, & in vulnere consistat, statim volsellâ extrahendum. Similiter si ossis frustulum per rimam undique à reliquo osse sit separatum, in suo tamen adhuc loco detineatur, nihilominus quoniam nunquam cum reliquo osse glutinari potest, apprehendendum & extrahendum; siquidem sine dolore & violentia extrahi possit: atqui absque magna vi si id fieri nequeat, non debet extrahi, quia facilè excitantur dolor, inflammatio, febris, ulcusque fistulosum redditur, cum extracto osse cavitas illa sanie repletur, quæ corrodendo carnis generationem impedit. Hinc potius Naturæ negotium tunc committendum, quæ sensim id, quod agglutinari nequit, separat. Interim tamen opus naturæ à Medico juvandum, & propterea deligatio laxior instituenda, sæpiusque (de tertio sc. in tertium) solvenda, ne pus detineatur, sed facilè effluat. Ferulæ etiam eo loco, quo os abscessurum, non imponendæ, ne dolorem comprimendo pariant. Insuper Medicamenta vulneri admovent, quæ ossa & omne alienum è vulnere expellant. Quem in finem *Barbette Chir. part. 1. cap. 3.* sequentia proponit:

Rx. *Cineris Lumbricor. Terrestr. ʒiij.*

Mellis Virginei ʒiʒ.

M. F. Unguentum.

Vel;

Rx. *Aloës, Myrrha an. ʒʒ.*

P. Rad. Consolid. Maj. Aristoloch. Rot. an. ʒiij.

Euphorbii ʒij.

Therebinthina, & Cera q. s.

Ol. Liliorum Albor. parum.

M. F. Unguentum.

Officulo tandem omninò separato, ac citrà violentiam extracto, Ferulæ adhibeantur ad latera vulneris, donec id consolidetur. Si autem, vulnere ad cicatricem perducto, fractu-

fractura nondum fuerit confirmata, Ferulæ undique erunt apponendæ, ut in fractura simplici.

Verumenimverò si ossium fragmenta, quanquam à suo toto separata, perioſteo tamen adhæreant & affixa ſint, nullo modo ſunt educenda, ſed potius in ſuum locum, ſitumque naturalem aptè reducenda, cum coaleſcere & conglutinari queant.

Attamen inſignis offis portio ſi ſit abſceſſura, idèd, quod offis fracti partes non potuerint cum aliis componi; tales partes vulneratæ omninò leniter tractandæ ſunt. Enimverò propter motum & compreſſionem dolores accidunt vehementes, pungentibus offis diffracti particulis non ritè compoſitis partes vicinas.

Si verò non ſtatim, ſed demum poſteà, os abſceſſurum appareat, Deligatio hæc (ut membrum quotidie deligari & ſolvi commodius queat, abſque eo quod fractura moveatur) mutetur in Alſcialeſm Falciationem, donec os abſcederit. Offè autem abſceſſo, ac in conſpectum detrufo, eoque voſſellâ, ſi citrà violentiam fieri poſſit, extracto, vulnus conſolidandum. Quo ad cicatricem perducto, membrum in quiete conſervandum, donec fractura confirmetur, appoſitis undique ferulis.

IV. Cæterum in Fractura cum Vulnere ſi os perioſteo ſuo denudatum appareat, videndum, utrum extrà vulnus emineat, nec ne. Extrà vulnus ſi non emineat, Curatur moderata membri Extenſione, convenienti Coaptatione, Labiorum Vulneris ad mutuum contactum Adductione, apta Deligatione, & congruâ Depoſitione. In Deligatione tamen denudatum os cute, muſculiſque quamprimum coöperiendum, ſicque ab aëre externo, quantum fieri poſſit, defendendum, ne alteretur, & poſteà abſcedere neceſſe ſit: hinc conſiderandum, an aliqua offis portio ſit reſeſſura, vel nulla? nulla abſcedet, ſi os nudatum ſtatim cutis operculo fuerit reſectum: aliqua recedet, ſi os diutius aëri fuerit expoſitum; quanquam & hæc regula non ità univerſalis, quin ſæpius obſervatum ſit, offa propter cauſas tum externas, tum internas denu-

Curatio
Fracturæ
cum Vul-
nere, in
qua os nu-
datum eſt.

denudata, non fuisse alterata, nec squammam abjecisse, uti variis exemplis ostendit Fabricius Hildanus *Cent. 4. Obf. 95. & 96.*

Si igitur nullum aut parvum os abscessurum sit, Deligatio peragenda, velut in fractura cum vulnere simplici, & in qua parvi ossis expectatur separatio: sin magnum sit abscessurum, Asciali Deligatione pars vincienda, uti in fractura cum osse magno abscessuro.

At verò os fractum, nudatumquè si extrà vulnus emineat, perpendendum, an in propriam cavitatem, beneficio debitæ extensionis, citrà violentiam & convulsionis periculum, restitui possit, nec ne? si possit, restituitur; sin minus, non restituitur. Periculosam restitutionem indicant, prominentia magna, inflammatio, & pars ob musculorum contractionem dura: facilem verò, os eminens parvum, absentia inflammationis, & partis mollietis.

Cum igitur os eminens citrà violentiam & periculum convulsionis reponi possit, primò membrum moderatè extendatur, deinde fractura componatur. Quod si ossa extensione difficulter coaptari queant, ob timorem magni doloris, & periculosæ convulsionis, validior ne fiat extensio, sed Vecte seu Scalpro quodam Incisorio, inter ossa fracta immisso (vid. Scultet. *tab. 27. fig. 9.*) extensio juvetur, donec ossa è directo collocata videantur: deinde paulatim extensio relaxetur, & vectis extrahatur. Verumenimverò si os, cui innititur vectis, in superiore parte, multa fragmenta, vel aliquod acutum habeat officulum, ut vecti non detur commodus locus, illa Scalpro Rasorio auferenda, hoc autem Forfice præcidendum, ut vecti tuta comparetur sedes. Osse reposito, considerandum, an fragmentum aliquod abscessurum sit, nec ne? si nihil sit recessurum, pars affecta (vulnere appposito conveniente Digestivo) deligetur, ut fractura cum vulnere simplici; sin verò aliquid recessurum, deligatio instituatur, ut in fractura cum magni ossis separatione.

V. Quod

V. Quod si eminentia denudati ossis ita foras protuberet, ut sine violentia in locum suum reponi nequeat, tunc è duobus malis minus eligendum, osque eminens & nudum Forfice præcidendum, vel potius subtili Serrâ amputandum, & postea fractura per modicam extensionem coaptanda: hoc enim melius est, quam hujusmodi ossa non coaptata relinquere, vel extensione violentâ Ægrum in periculosa præcipitare convulsionem, & ad mortem deducere. Fracturâ coaptatâ, membrum deligetur, ut in fractura cum vulnere simplici, ita tamen, ut vulnus quotidie sine cruris commotione inspicì possit: atque hinc suadet Scultetus, ut fasciis & emplastris foramen supra vulnus incidatur, ad Medicamenta vulneri magno quotidie applicanda. Rationem porro fasciarum perforationis addit: „ quia vulnus magnum, & ideo per se-
„ cundam intentionem curandum, copiosam generat sa-
„ niem, indeque crebram requirit inspectionem; os au-
„ tem comminutum, ob metum novæ musculorum con-
„ tractionis, frequentiore membri elevationem, fasciâ-
„ rumque resolutionem prohibet, unde media via, ut
„ vulneri & fracturæ satisfiat, incedendum.

Veruntamen cum eminens os refecatur, ita ut os brevius fiat, multi Ægro prædicendum volunt, partes fractas futuras esse breviores: quæ prædictio ex Hippocrate & Galeno vera est, quando femur vel humerus fractus particulam ossis amiserit; sed cum tibiæ vel cubito portio quædam abscindatur, brevitatis membri semper timenda non est: os enim sanum conservat membrum distentum, donec natura defectum abscessæ portionis callo compensaverit. Cujus rei memorabile in No-


Observa-
tio.

bili Viro vidimus exemplum. Is è curru, equis in furorem incitatis penitus diffracto decidens, tibiâ cum fibula circiter in medio diffregit, tanta cum violentia, ut superior tibiæ pars cutem ad duorum digitorum latitudinem perforaret, atque omni periosteo privaretur: vocatus cum Cornelio van Beest Medicinæ Doctore, & Chirurgo Herberto à Ravensway, N. du Préc, suavis-

unanimiter eminentis istius ossis, periosteo penitus denu-
 dati, ablationem : dictum factum, & altero die os illud
 subtili Serrâ amputavimus, crus ad pristinam longitu-
 dinem extendimus, & in molli pulvinari æqualiter depo-
 suimus, vulnus quotidie inspiciendo; atque sic ex utro-
 que ossis sine paulatim succrescens callus tandem coivit,
 sensimque in osseam duritiem firmatus est, ita ut crus
 pristinam longitudinem retinuerit, & ubi ablatum sit,
 nunc videri vix possit. Haud absimilem historiam recen-
 set Cl. Diemerbroekius *Anatom. lib. 9. cap. 1.* nec non
 Scultetus *Armament. Chirurg. tab. 28.* ex quibus insuper
 patet, Ægrum è duplici fractura cum vulnere & deper-
 ditione ossis, restitutum nonnunquam non claudicare.
 Imò femur licet, vel humerus fractus particulam ossis
 amiserit, non tamen semper sequitur, partem illam futu-
 ram fore breviorē : ita videtur observasse Doctissimus
 Lindanus, qui *Physiolog. cap. 16. artic. 21.* hæc habet :
 „ memoriâ dignum est, quod meus pater vidit Enchusæ.
 „ Puero sexenni comminutum est os femoris : fragmen-
 „ tis arte & naturâ sequestratis, medio osse exos spatium
 „ erat quatuor pollicum. Id visum est ex reliquis parti-
 „ bus ossis sensim adauctis & tandem coëuntibus ita im-
 „ pleri, ut dicere non liceret, ubi abfuisset, aut quod
 „ incommodum haberet ex fractura.

C A P U T V.

De Fracturis in specie.

I.  Gitur de Fracturis in genere cum satis
 nunc dictum sit, cumque ossa quæ fran-
 guntur varia sint, & secundum ossium
 fractorum varietatem curatio nonnihil va-
 riet, haud abs re erit, de iis in specie quæ-
 dam superaddere; saltem proponendo differentias, quæ
 à subjecto, & ossium fractorum diversitate sumuntur. Et
 quia frequentissimè franguntur humerus, brachium, ma-
 nus,

nus, femur, crus, patella, ossa pedis, de iis primò dicemus; postea & reliquorum ossium fracturas subjungemus.

II. Enimverò HUMERUS, cum externis injuriis expositus sit, sæpius frangi solet. Appellatur autem *Humeri Os* id, quod inter Cubitum & summum Humerum interjacet, & superiore ejus capite cum Scapula committitur, inferiore verò Ulnæ & Radio articulatur.

Humeri
Fractura.

Cognoscitur ossis hujus Fractura non solum ex partis dolore & actione læsa, cum cubitus amplius sustineri & elevari nequeat; sed etiam tactu, cum, si pars hæc prematur, ossium fragor ac strepitus audiat, & inæqualitas persentiat.

Humeri os, ut Hippocrates *Lib. de Fracturis*. §. 9. Paulus *Ægineta lib. 6. cap. 100.* & Celsus *lib. 8. cap. 7.* inquit, quadraginta diebus coalescit. Cum autem sit grandius, longiore tempore ad callum generandum opus habet.

Fractum verò Os Humeri ut restituatur, brachium incurvetur, sic ut incumbat pectori, mox humerus circa articulationem inferiorem comprehensus deorsum ducatur: factâ hac extensione, ossa convenienter manuum operâ componantur; quod haud itâ difficulter fieri potest. Sedulo tamen hîc curandum, ut semper in hoc situ servetur, ne iterum, quod levis mutatio efficere valet, eo excidat. Chirurgus interim, post secundam præter propter deligationem, quavis vice brachium in rectum prudenter extendat, ne tendines ab humero ad cubitum excurrentes diuturnâ eâ quiete contrahantur, sicque rigiditas accidat brachio. Si verò hæc tendinum contractura relinquatur, haud difficile est eam curare, si quotidie ingens pondus gestet Æger, Chirurgus autem rigidum membrum frequenter illinat Unguento Emolliente & Relaxante.

Hippocrates *Lib. de Fracturis* §. 8. alium proponit modum, quo humeri os fractum extendi & componi debeat, de quo inspiciatur Sculteti Armamentarium Chirurgicum *Tab. 23. Fig. 1.* Vult enim Sapientissimus Senex,

LII 2

ut

ut rotundum lignum cubiti longitudinis, vel paulò brevius ab utroque capite habenulis alligetur, quæ trabi, vel alicui sublimi adhæreant, sicque æqualiter ac firmiter lignum suspendatur, ne sursum vel deorsum ferri possit: Deindè Æger brachium super dictum lignum imponat, *id est*, ut transversum lignum alæ subijciatur; tum Patiens sedeat ità sublimis, ut parum absit, quin suspendatur: interim aliquod aliud paretur, cui brachium inhæreat, pulvinari uno vel pluribus brachio suppositis, ità ut ad eam altitudinem perveniat, ut cubitus ad rectum angulum collocetur, vel à ministro ità detineatur. Deinde cubito valida, mollis, & lata habena circumdatur, cui magnum pondus appendatur, quod extendere convenienter possit; aut robustus aliquis partem inferiorem, cubito cum humero ad rectum angulum figurato, cogat, ac trahat. His factis, Chirurgus stans, altero pede super re quapiam sublimiori collocato, prominentiobus palmarum partibus fractum os componere debet. Alii autem Scalarum gradu suspensi ligni vice utuntur.

At verò Manubus non rarò fieri potest hæc Extensio; præsertim in pueris: resupinatò enim Ægrotante, ne molestiâ aliquâ afficiatur, & alligatâ ac suspensâ ipsius manu ex cervice, ità ut angulosa figura servetur, alter ex ministris ambabus manubus humeri superius caput apprehendendo, alter inferius in diversa extendendo. Quod si manuum operâ expediri non possit in adultioribus, ob muscutorum crassitiem & robur, Laqueis extensio fiat, quorum alterum suprà, alterum infra fracturam brachio circumligare debemus, iique duobus ministris (quorum alter ad caput, alter ad pedes Ægrotantis consistat.) ut in diversa æqualiter & simul extendant, præbeantur.

Facta quovis modo Extensione, ossibusque convenienter compositis, Fasciæ injiciendæ, incipiendo à fractura, attendendumque ut semper in ea figura ligetur membrum, in qua manere debet, *id est*, ut cubitus cum humero rectum angulum constituat. Cætera porrò agan-

agantur , ut in generali fracturarum curatione superius diximus.

III. BRACHIUM propriè dicitur illa pars , quæ est à Cubito ad Carpum. Constat duobus ossibus , quorum alterum *Radius* , alterum *Ulna* dicitur. Atquè frangitur nunc utrumque , nunc alterutrum tantum.

Cubiti sive
Brachii
Fractura.

Fractura Brachii , ubi unum saltem os fractum est , facilius curatur ; at utrumque si fractum sit , pessima est , & difficilius curatur : majore namque extensione tunc opus est , cum ossa fracta nullum fulcrum & sustentaculum habeant ; atque adeò musculorum fibræ , ossis robore penitus destitutæ , naturalem suam determinationem omninò sequantur , & in se contrahantur. Ut plurimum tamen Brachii Ossa intrà triginta præter propter dies coalescunt ; quanquam ætas ab ætate , natura à natura differat. Veruntamen si alterum saltem brachii os fractum sit , facilius est curatio , cum subjectum habeat alterum , in quo plus opis est , quam in fasciis , ferulisque. Et si Radius tantum frangatur , faciliorem admittit curationem ; sin Ulna , difficilius curatur.

In Curanda Brachii Fractura haud secus procedendum , ac in aliarum partium fracturis curandis. Ad Extensionem verò minore vi opus est , ubi Radius fractus fuerit ; majore , ubi Cubitus seu Ulna ; maximâ , ubi utrumque os. Et quidem si ambo ossa sint fracta , æqualis Extensio faciendâ : si alterutrum solummodò fractum sit , ea in parte , ubi fractura est , fortior Extensio instituenda. Atque hæc actio ex sententia Pauli *Æginetæ lib. 6. cap. 101.* fieri debet inflexâ manu ad angulum rectum , sic ut pollex omnium digitorum altissimus , contrâ minimus digitus omnium infimus habeatur. Fieri autem potest extensio Manubus , à duobus ministris in diversa extendentibus ; & si vehementiore extensione opus est , utrisque præsertim ossibus fractis , & in valdè carnosâ , Habenâ faciendâ , alligando unam supra fracturam , alteram infrâ. Extensione factâ , admotis

LII 3 promi-

prominentibus palmarum partibus os fractum dirigendum & componendum, atque in pristinam sedem restituendæ si quæ ossium adsint eminentiæ. Osse fracto reposito, fractura Fasciis circumdanda, & alia, quæ in genere de fracturæ curatione dicta sunt, peragenda, tandemque brachium rectè collocandum ac situandum: quod fit, si incurvatum imponatur pectori, sic ut manus paulò altiore occupet locum, quam brachium ipsum, nec non mitellâ commodissimè excipiat, è cervice suspensum in ea figura, *hoc est*, quæ rectum angulum referat in cubiti curvatura, ut conjuncta ossa nullo modo dimoveantur. Post hæc singulo biduo aut triduo leniter brachium extendatur, quò affluentes humores non nimis diu in articulis detineantur, adeoque non efficiant harum partium coalitum, & hinc membri rigiditatem. Similiter si superius Ulnæ tuberculum, *Olecranon* dictum in ipsa Cubiti flexura fractum sit, qualibet vice, inter deligandum, leniter brachium extendatur, & iterum cubitus incurvetur, ne in ipso articulo, viz. inter ejus tendines & ligamenta, callosa concreescens substantia juncturæ difficilem motum, vel omnimodam rigiditatem relinquat.

Ossium
Manus
Fractura.

IV. MANUS OSSA sunt octo *Carpi*, quatuor *Metacarpi* seu *Palma Manus*, & quindecim *Digitorum*. Hæc ossa, *Digitorum* viz. & præsertim *Metacarpi*, fracturam nonnunquam patiuntur; at verò *Carpi* ossa contunduntur magis, quam franguntur.

Cognoscitur autem fractura in hisce ossibus facilè, visu & tactu; cum hæc ossa fracta vel ad exteriora, vel ad interiora ut plurimum declinent. Non difficulter tamen, & quidem intrâ viginti præter propter dies, perfectè coalescunt, & sanantur.

Quandò ergò quoddam Manus Os frangitur, *Patiens* læsam manum super æqualem & lævem tabulam deponat. Deindè minister ossa fracta extendat: *Chirurgus* verò manu in suam sedem ea restituat; hinc conveniente Fasciâ partem obvolvat. Et quidem si *Digit*i fracti sunt,

sint, excepto pollice, vicinis sanis alligandi, ut ab iis in suo loco, quasi à ferula apposita, contineantur. Tandem Glomo ex Linteo Convoluta manus vola complenda, ut hoc modo ossa composita facilius contineantur, & digiti in media figura conserventur. Manus quoque cum brachio à collo idoneâ fasciâ suspendatur, ac in quiete detineatur, quousque fracta ossa consolidentur; dein tertio vel quarto quoque die vincula solvenda, & pars *multa Aquâ Calidâ* fovenda ac perfundenda, cum dixerit Hippocrates *Lib. de Fracturis*, „ In omnibus autem, „ qui juxta Articulos sunt, affectibus, liberaliter Calida „ Aqua perfundenda est, deindè Medicamenta applican- „ da, & rursus pars deliganda. Et sane multum hoc modo præcavebitur, ne digitis vel extensis vel contractis callus tam faciliè generetur, adeoque ne manus officium in comprehendendo lædatur. Hipp. *lib. 6. Epidem.* nautæ cujusdam historiam refert, cui ob fracturam medii digiti, exortæ inflammationi gangræna successit, tandemque spasmo episthotono correptus interiit.

V. FEMORIS OS, licet cæterorum ossium; quæ Femoris Fractura. in corpore humano sunt, maximum, crassissimum, & longissimum sit, nonnunquam tamen frangitur, vel in medio, vel in extremis, locisque vicinis.

De Femoris Fractura Hippocrates *lib. de Fracturis, ex edit. Lindani, §. 23.* ita scribit: „ at verò si femoris os fractum fuerit, extensionem præ omnibus facere oportet, ita ut ne defectuosius fiat. Amplior enim facta, nihil læserit. Neque enim si quis distantia ex vehementia extensionis ossa deligaverit, fieri poterit, ut deligatio ipsa teneat, ut ita distent: sed coeunt inter se ossa quam citissimè, ubi intendentes ipsa remiserunt. „ Crassissimæ enim ac fortissimæ quum sint hac parte „ carnes, deligationem superabunt, non ab ipsa superabuntur. Hoc confirmare videtur C. Celsus, dum *lib. 8. cap. 10.* id scriptum relinquit: „ si femur fractum „ est, fieri brevius oportet; quia nunquam in antiquam „ sedem revertitur, summisque digitis postea ejus cruris „ infi-

„ infistit. Sed multa tamen femori debilitas est, ubi for-
 „ tunæ negligentia quoque accessit. Et Avicenna *lib. 4*
Fen. 5. tradit, raram admodum esse femoris fracti inte-
 gram curationem. Quibus verbis nos monent, ut inte-
 gram femoris fracti curationem nunquam promittamus,
 sed omnem potius diligentiam adhibitori claudicationem
 dubiam prædicamus, ne ex fracturæ natura, aut ex
 Ægrorum impatientia superveniens, nostro adscribi er-
 rori, & præmii loco famam minuere possit. Scribit quo-
 què Fabritius Hildanus *Cent. 5. Obs. 86.* se neminem un-
 quam vidisse, qui ex hujusmodi fractura sine claudica-
 tione evaserit, præter unicam puellam, cui novam &
 peculiarem curandi rationem adhibuit, quæ ibidem vi-
 deri potest. Id autem præcipuè accidit, si femur in loco
 superiore juxta coxam frangatur. Sin verò genu versus,
 aut in medio femoris os frangatur, & diligens cura adhi-
 beatur, non adedò difficulter, & sine claudicatione fra-
 ctura sanari potest.

Ubi igitur femoris os fractum est, valenter omninò
 extendi debet, & recto tramite, ità ut in neutram par-
 tem convertatur: violenta extensio convenit, quoniam
 maximi sunt musculi, qui femur circumdant, & ma-
 gnâ versus suum principium contractionem faciunt.

Resupinato ergò Ægrotante, & extensis cruribus, va-
 lida Extensio fieri debet, vel Manubus, vel Habenis,
 ut videre est apud Scultetum *Armam. Chirurg. tab. 26.*
fig. 1. vel Instrumentis sive Machinamentis, Glossocomo
 puta, vel trochleâ trajecto Fune, qualem depingit
 Fabritius Hildanus *Cent. 5. Obs. 86.* nec non Scultetus
tab. 22. fig. 1. Extensione sufficiente factâ, musculi, ut-
 potè validissimi, facillè fracti ossis partem inferiorem ad
 superiora adducunt. Id tamen ut ritè & decenter fiat,
 prominentibus palmarum partibus, ut in aliis fracturis,
 os dirigatur & comprimatur, adeoque ossis fracti capita
 coaptentur. Interim meminerit Chirurgus priusquam
 operi se accingat, femur anteriore & exteriori parte gib-
 bum esse, interiore & posteriore curvum, ut ad eam
 figu-

figuram femur reducat, ne superveniat claudicatio.
Hipp. de Fract. §. 24.

Reductum femur aptâ & conveniente Ligaturâ deligetur, qualis est Fascia Ascialis, quæ simul & in orbem circâ coxam & ilia, ut inguina etiam, & quod inter anum & genitale est, involvatur; cum ob alias causas, tum ne externæ ferulæ nudam partem offendant.

Insuper fractum femur conveniente fasciâ obligatum longo Canali, qui poplitem excedit, imponatur. Nam si canalis femori adaptetur, qui poplitem non excedit, is noxam potius, quam opem adfert: prohiberi enim non poterit, quin corpore aut crure moto femur quoque moveatur. Popliti etiam molestus erit, & genu curvari permittet: si verò quis genu quodammodo flectat, femoris quoque vincula moveri necesse est, & musculos alio atque alio modo figurari, adeoque & ossa fracta dimoveri. Ideoque utilissimum videtur, femur in canalem conjici, qui à coxa ad pedem usque pertingat; & præcipuè, si ad poplitem cum canali fascia laxa circumjiciatur, velut infantes in cunis fasciari solent. Enimverò ubi femur in partem superiorem, aut ad latus distorquebitur, ità cum canali melius continebitur. Canalis igitur à summo ad imum usque, aut nullus adhibendus.

Cæterum imo calci magna habenda cura, ut tum in femoris, tum in tibiæ fracturis aptè collocetur: etenim si pes dependeat, tibiâ reliquâ obfirmatâ, ossa in anteriore cruris parte gibba apparere necesse est, idque eò magis, si hominis calx suapte naturâ grandior fuerit.
Hipp. l. de Fracturis §. 26.

Sed distorsio femoris præcavebitur, si membrum in, ante, & post deligationem instrumento Glossocomo (vide Scultetum *Armat. Chir. tab. 21. fig. 4.*) conservetur extantum, usque ad perfectam fracturæ confirmationem. Ne autem instrumentum hoc partem suâ duritie atterendo lædat, idcò aliquid molle subjiciendum, uti est lana carpta, mollis stupa, vel simile.

Mmm

VI. PA-

Patella
Fracta.

VI. PATELLA etiam interdum frangitur, & quidem nunc secundum longitudinem, respectu totius femoris, nunc in transversum, nunc in obliquum; & nunc in duas, nunc in plures partes comminuitur; insuper nunc cum vulnere, nunc sine vulnere.

Hujus autem ossis Fractura facile innotescit ex tactu, cum partes divisæ persentiantur, cavitas appareat, & crepitus in contrectatione audiatur, nec non omnimoda adsit incedendi impotentia.

Patella equidem, ut alia ossa rara, facile coalescit, modo rectè conjungatur, & conjuncta servetur. Et si secundum longitudinem facta sit fractura, sine manuum operâ, solâ musculorum tibiae extendentium contractione, ossa conjunguntur, & conjuncta pulvillis, spleniis, fasciisque non difficulter in suo loco retinentur, ac uniuntur viginti circiter dierum spatio; atque ita nulla calli extuberantia, & hanc subsequens claudicatio, facile metuenda. Ambrosius Paræus tamen *Chirurg. lib. 14. cap. 22.* neminem sibi visum fuisse scribit, cui os hoc fractum esset, qui non per vitæ reliquum claudicaverit: idque idè, quod facta calli concretionem consolidatio liberam genu flexionem impediat. Verum etsi hæc de transversa fractura facile concedi possint: tamen rectè statuit Fabritius Hildanus *Cent. 5. Observ. 88.* non semper, præcipuè in fractura patellæ secundum longitudinem facta, id esse necessarium; cum non semper callus ita protuberans nascatur, ut motus impedimentum in genu, & claudicationem afferat, videamusque in aliorum ossium fracturis, naturam tam eleganter callum generare, ut sæpe vix fracturæ appareat vestigium; quod in primis accidit, ubi periosteum integrum est, quod materiam calli retinet, ne nimis excrecere, & protuberare queat.

Si verò Fractura transversim vel oblique facta sit, difficulter admodum curari potest, ut incedendi impotentia, vel saltem claudicatio non relinquatur. Enimverò cum muscoli tibiae extendentes sursum versus, & pedem

dem moventes deorsum trahant patellam, ossa fractæ patellæ ita disjunguntur, ut haud faciliè conjungi, aut conjuncta retineri queant, unde callus extuberat, qui cavitatem inter femur & tibiæ os adedò adimplet, ut articuli istius motus impediatur. Nihilominus symptoma hoc prudens Chirurgus non rarò prohibere solet, si qualibet vice, inter deligandum, fractam patellam digitis (ne fragmenta composita denuò dimoveantur) firmiter apprehendat, & undique loco prudenter moveat.

Itaque in hujus ossis restauratione, crus primò extendendum est; dein à Chirurgo Patella seu in duas, seu in plures partes fracta conjungenda, & secundum naturalem figuram equanda, nec non convenienteligatorum continenda. Torulis verò impositis stramineis, ut in fractura cruris fieri solet, membrum immobile tenendum, & omninò cavendum, ne crus flectatur. Hoc enim si fieret, fragmenta composita suo loco iterum dimoverentur; quem in finem poplitis cavitas rotundis spleniis exactè implenda, ut genui curvatura impediatur. Religiosè interim observet Chirurgus, ut inter deligandum fractam patellam prudenter ultrò citroque moveat, ne inter tendines & ligamenta, quibus continetur patella, callus concreseat; hinc & articuli istius motus difficilis, vel omnimoda rigiditas, atque adedò incedendi ferè impossentia, aut saltem claudicatio relinquatur.

VII. CRUS illa pars appellatur, quæ à Genu ad Pedem extenditur. Constat duobus ossibus, quorum quod crassius est, & internam Cruris regionem occupat, *Tibia*; quod tenuius & exterius, *Fibula* nominatur. Franguntur hæc ossa interdum ambo simul, interdum unum tantum; & Fractura accidit vel in medio, vel in superiore, aut inferiore parte.

Si utrumque os fractum sit, facillimè id cognoscitur; cum totum crus inflecti possit. Nec difficulter cognoscitur Tibiæ Fractura, si ea tota fracta sit; quoniam totum hoc os in conspectum, utpote in loco excarni, faciliè venit. Si verò Fibula sola frangatur, id non ità faciliè

Cruris seu
Tibiæ Fra-
ctura.

cognoscitur ; quoniam multà carne tegitur : fracta tamen pars ad interiora inclinare solet.

Si ex ossibus hiscè alterum fuerit fractum, facilius curatio est : præsertim si Fibula tantum sit fracta, curatur facilius, & Æger citius pedi insistere potest ; cum facilius crus extenditur, & tibia maximam oneris corporis partem sustinet. Tibia verò si fracta sit, curatur difficilior, quia crassior, & vice fundamenti totum corpus sustentat ; hinc & majore extensione opus est, & homo tardius incedere audet. At utraque ossa si fracta sint, difficilis admodum est curatio, tum quia validior requiritur extensio, tum quia omni fulcro destituta est pars affecta.

Sive ergò utrumque, sive unum os frangatur, crus, quantum opus est, extendendum, ut sine læsione ossa suo loco restitui & conjungi queant. Quod plerumque duo viri robusti (si alter in partem inferiorem, alter in superiorem Crus trahat) manibus præstare possunt. Quod si id exsequi nequeant, Habenis vel Machinamentis utendum. Et ubi satis extensum crus fuerit, ossa fracta reponenda. Deindè Fasciis crus involvendum ; quæ & latiores & longiores esse debent, quam in brachio : & omninò ità situandum ac componendum, ne in ullam partem perverti possit, neque ossa fracta depravari queant. Tandem crus rectum & extensum super pulvinari, aut re molli & plana collocandum, & Ferulæ, ac Canales adhibendi, ut *Cap. 2. de Generali Fracturarum Curatione* diximus. Qua in re observandum, ne super eminentes ossium extremitates applicentur, vel super magnum musculorum Gasterocnemii ac Solei tendinem, qui calcaneo inseritur. Hæ namque partes, cum sensum habeant exquisitum, compressionem non ferunt, sed compressæ dolent, ac inflammantur. De situ autem tibiæ fractæ hæc habet Fabricius Hildanus *Cent. 1. Observ. 93.* „ In fracturis tibiæ curandis, nonnulli Chirurghi non levem committunt errorem, quum „ volunt tibiæ erectam insistere talo, ex qua situatione „ hæc

„ hæc sequuntur incommoda. Primò quidem fit, ut Æger temporis progressu majorem dolorem patiat in talo, quam in ipsa fractura, idque propter tendines, magnos & nervosos, qui talo inseruntur. Dolor autem, ille multos ad se trahit humores, qui in ipsa junctura, & spatiis inter ossa pedis fracta, atque ligamenta retinentur. Et quia ex hac situatione venæ & arteriæ communiuntur, & proinde pars affecta suo calore quodammodo destituitur, necessario condensantur & refrigerantur hi humores in ipsa junctura, & spatiis inter ossa pedis. Inde curatâ fracturâ, pes novam adfert molestiam: ægrè enim & difficulter movetur junctura, sequuntur & nonnunquam alia quam pessima symptomata. Id quod idem Hildanus memorabili exemplo confirmat, quandò subjungit: „ prospiciant igitur Chirurgi, ne nimis curiosè situationem hanc in fracturis tibiarum observent. Involutâ autem tibiâ fasciis, splenis, & stupis, & in capsula idonea collocatâ; ea eligenda est situatio, quæ minimè sit dolorosa. Itaque modo in hanc, modo in alteram partem collocanda est tibia, ut Æger nunc in hoc, nunc in illud latus decumbere possit: sic enim multa accidentia evitabuntur. Hæc ille.

VII: Hominis PES, sicuti Manus, ex multis minutisque, nec non duris constat ossibus, magnitudine & figurâ diversis. Sunt autem ea, septem *Tarsi* ossa, quinque *Metatarsi*, quatuordecim *Digitorum*. Ossa verò Pedis & Manus non frangi scribit Hippocrates *lib. de Fracturis*. § 10. nisi acutâ vel gravi quapiam re carnosæ partes vulnerentur. Sunt enim duriora: & quæ acuta sunt, & gravia, si ossa hæc frangant, cutem incumbentem salvam non relinquunt. Et Paulus Ægineta *lib. 6. cap. 106.* scribit, Talum nullo modo frangi, non tantum ob dritem, sed quia undequaque ab ossibus eminentibus est munitus. Similiter Albucasis *lib. 3. cap. 18.* inquit; ossi Calcis nullo modo accidere fracturam, aliis, verò Pedis ossibus fracturam accidere posse, ac etiam ossibus Digi-

Ossium
Pedis Fractura.

torum ; sed rarò hoc evenit , potiusque hæc ossa atteruntur , quam franguntur.

Si autem Pedis ossa frangantur , visu & tactu id deprehenditur ; cum hæ partes excarnes sint.

Horum ossium Fractura per se periculosa non est ; sed quia non nisi à valida admodum & violenta causa franguntur , partes incumbentes , & vicinæ carnosæ ac tendinosæ simul contunduntur & vulnerantur , unde dolores gravissimi , inflammationes , aliaque superveniunt accidentia. Diebus tamen præter propter viginti confervent & occallescent ; nisi quæ cruri vicina sunt. Ea enim cum sint majora , longius tempus requirunt.

Curatio ferè eadem est , quæ ossium Manus fractorum. Commoda nimirum facienda Extensio , & ossa , sive in superiorem sive inferiorem partem emineant , in naturalem sedem compellenda : quod commodius sit , si Æger pede fracto tabulæ planæ panno obductæ instat. Deindè fasciis pes involvendus. Et cum pedi Ferulæ ob loci inæqualitatem commodè ad moveri non possint , Splenia *Oxyrato* , vel *Vino Rubro Adstringente* madida loco affecto imponenda , Fasciisque locus vinciendus , ut ossa composita in sua sede contineantur. Situatio tamen & collocatio aliter hîc instituenda , quam in manu. Enimverò cum manus datæ sint ad apprehensionem , curvâ figurâ digiti collocandi sunt. Pedes verò cum ad ambulandum & standum dati , rectâ figurâ situandi , non curvâ , ne eorum actio depraveretur.

Narium
Fractura.

IX. Insuper & alia nonnunquam franguntur ossa , inter quæ Nasi primo loco occurrunt. Conflatur autem NASUS ex ossibus & cartilaginibus : ossa ejus propriè franguntur ; cartilagines contunduntur , deprimuntur , distorquentur.

Fracta verò hæc ossa ex signis manifestis innotescunt , quoniam si adversa fracta sint , nares desidunt , & sinus nasus apparet , difficulterque spiritus trahitur : si à latere os sit fractum , is locus cavus apparet : Sin cartilagines contusæ sint , earum distorsio , & in alteram partem inclinatio adest.

Com-

Commodissimè ex sententia Hippocratis *lib. de Articulis, ex edis. Lindan. §. 31.* restituitur Nasus fractus eodem die, vel certè paulò post, nec differenda curatio, quia in naribus callus citò generatur, intrà decem dies, nisi corrumpatur. Subjungit tandem sapientissimus Senex: „Nasus ex omnibus corporis partibus facillimè componitur, & nisi protinus dirigatur, dirigi postea non potest, sed pervertitur.

Itaque si Nasus fractus in inferiorem partem aequaliter dimittatur, sinusque reddatur, quamprimum quicquid in cartilagine incidit, leniter excitandum ac sublevandum, ut sublatum postea decenter coalescat; viz. in nares aliquid intromittatur, quod dirigat, ut Specillum ad digiti formam fabricatum, ex Buxo, vel Ebore, vel Ferro: aut quod fractum est, elevetur Digito in nares immisso, atque in naturalem sedem restituaatur. Extrinsecus etiam ab utraque parte Nasus apprehendatur, ac sursum ducatur. Ubi autem probè conformatus fuerit nasus, ut naturalem figuram conservet, longa linamenta contorta in Nares immittenda sunt, quæ narium cavitatem implent, vel perforata Cannula, aut Penna introducatur, superimposito exterius Emplastro Defensivo, vel simili.

Si verò in uno tantum latere Nasus fractus sit, dirigere etiam convenienter ab ea parte, quæ declinat, & in naturalem sedem restituere oportet, tum Digitum vel Instrumentum commodum in nasum, qua parte læsus est, immittendo, tum extrinsecus dirigendo. Et ne quod compositum est, iterum depravetur, in singulas nares (at crassius in narem læsam) Linamentum, vel Penna Anserina grandior molli pellicula obducta, vel Fistula aut Cannula è Plumbo vel Argento, itidem pelliculâ obducta, immittatur, ac tamdiu intus relinquatur, donec os aut cartilago satis roboretur. Neque multum refert, quid immittatur, modo præster, ne fractum nasi os subsideat, & molle sit, odorisque gravis expers. Monet tamen Hippocrates, nullo pacto Spongiam esse immit-

mittendam, quoniam humorem imbibit, atque sic turgendo, partem distendit, cunctaque dissolvit. Etiam Deligationem improbat, quam C. Celsus proponit, quia magis nocet quam confert, cum similitatem, & majorem amplioremque distortionem adferat. At de necessitate ligaturæ in Narium Fractura Curanda disputat Guido de Cauliaco in sua *Chirurgia*, qui videri potest.

Si juxta cartilaginem Nasus fractus sit, & in obliquum distortus, post congruam conformationem, Habenula digitum lata, Glutine aliquo illita, naso ea parte, in quam inclinat, agglutinanda; postea intendenda, quantum expedit, ut nasus rectè dirigatur. Longa autem sit hæc habena, ut circà aurem obducta circum caput obducatur. Hæc justè dirigit nasum, & remitti ac intendi potest. Et si intrà nares impositæ turundæ dolorem excitent, tollendæ, & tamdiu nares habenâ directæ servandæ. Post quartum decimum diem habenæ demendæ, & Emplastrum aliquod Catagmaticum imponendum.

Si autem Nasi ossa minutim fuerint confracta, quantum licet, singula in suam sedem reponenda, vel idoneis Instrumentis compellenda, neque facilè, & nisi nullo modo agglutinari possit, os aliquod eximendum; cum semper deformitatem pariat. Postea Ceratum vel Emplastrum ad ossa confirmanda imponendum. Plura de Narium Fractura videantur apud Hippocratem *Libr. de Articulis, articuli. 30. 31. 32. 33. 34.*

Maxillæ
Inferioris
Fractura.

X. Interdum & INFERIOR MAXILLA frangitur, vel transversim, vel in plurima fragmenta, ossibus semper inter se aliqua ex parte cohærentibus, raro penitus disjunctis, & dissolutis, ut in aliis.

Facilè autem Fracta Maxilla cognoscitur, quoniam si tantum extrinsecus ossa fracta sint, tactu apparet, & in interiore oris parte aliqua gibbositas digito persequitur. Sin verò transversim fracta fuerit, introrsum manifesta cavitas fit, & in interiore oris parte ferè dens super proximum dentem excedit.

Maxillæ ossa, si primis diebus inflammatio non accedat,

dat, intra viginti præter propter dies consolidantur, & dentes integri remanent. Sin verò cura diutius protrahatur, dentes vitiantur, & inutiles redduntur, auctore Hippocrate *Lib. de Articulis articul. 29.*

Si igitur Maxilla ita per transversum fracta sit, ut ossa inter se aliqua ex parte equidem cohæreant, digitis utrinque, tam ori immixtis, quam extrâ applicatis, os comprimere & in suam sedem compellere oportet: interius namque tuberculum foràs propellendum, & alterâ manu ossa inæqualia complananda. Maxillam verò in suam sedem esse restitutam, ex ejusdem, nec non dentium æqualitate apparet.

Si verò Maxilla tota transversim fracta sit, quod tamen rarò accidit, sic ut os super os emineat, & dens super proximum dentem excedat, digitis ori immixtis, & extrâ manu adhibitâ, ossa fracta componenda: & nisi simplici compressione id fieri possit, primum extensio, ministro retrò continente & Chirurgo ante extendente, fieri debet, hinc & ossa inter se componenda. Deinde dentes qui sunt ad fracturam, non tantum bini, verum & plures inter se colligandi, donec ossa ferruminata sint. Hipp. filo aureo utitur: cujus defectu vel filum sericeum, vel seta equina usurpari poterit. Si Maxilla in mento fracta fuerit, qua parte ambo colligantur ossa, ambabus manibus inter se coaptari & dirigi debet.

Ubi autem fracta ossa fuerint reposita, quod ex æqualitate dentium cognoscitur, ut suo loco conserventur, extrinsecus Ferula, ex corio seu alia conveniente materia, maxillæ longitudini correspondens, apponenda, hinc conveniens Deligatura instituenda; quæ fiat Fasciâ duabus extremitatibus fissâ, duos digitos latâ, mediâ quoque sui parte in longitudinem incisâ, ut utrinque mentum complectatur. Cum ergò fasciæ in extremitatibus fissæ quatuor sint capita, duo inferiora ad summum caput deducantur, ibidemque deligentur, vel pilcolo nocturno assuantur; duo superiora transversim traducta ad imum occiput deligentur, vel eidem pilcolo assuantur.

N n n

Sin

Sin tali fracturæ Vulnus sit conjunctum, Specillo explorandum, an minutim, & in plures partes diffracta sint ossa; & si ossis fragmenta separata inveniantur, aliisque conferruminari nequeant, idoneo Instrumento eximenda; sique vulneris orificium angustum sit, ampliandum: deinde vulneris labia ad mutuum contactum adducenda, & appositis Linteis Emplastice adducta conservanda, atque dicatum cruentis vulneribus Medicamentum superponendum, donec consolidentur. Interim ne decumbat Æger in partem maxillæ fractam, sed in sanam; at non huic, sed capiti innixus, ne ossa composita iterum distorqueantur. Maxilla quoque immobilis servetur; ideoque Æger non multum loquatur, nec duriores cibos mastice, sed mollioribus & liquidis nutriatur, donec callus obduret. Et si aliquid denuò suo loco motum fuisse observetur, tertio præter propter die deligatio solvenda, & si quid exciderit in suum locum reponendum.

Claviculæ
seu Juguli
Fractura.

XI. CLAVICULA Acromio & Sterno articulata movetur; qua parte autem jungitur sterno manifestius agitur, obscurius & ferè insensibiliter cum acromio, quia scapulæ motum sequitur. Idcirco fractæ claviculæ pars acromio juncta situm mutat, in anteriorem, vel posteriorem, vel inferiorem locum conversa, alterâ ejusdem parte semper immotâ.

Frangitur verò Clavicula vel transversim, vel oblique, vel per longitudinem. Si per transversum id accidat, vel propè humeri articulum, vel magis versus articulationem cum sterno diffringitur.

Cognoscitur ossis hujus Fractura tactu potius, quam visu; ut & ex dolore.

Si per transversum frangatur Clavicula, facilius curatur; difficilius autem, si per longitudinem. Nam quod transversim fractum est, faciliè extensione, & digitorum compressione in naturalem sedem revertitur: reliqua fractura semper quid eminentiæ habet, quod ægrè coaptari potest. Perficitur tamen Claviculæ Fractæ Curatio quatuor & viginti circiter diebus.

Igi-

Igitur ut hæc Fractura curetur, ministri duo ad extensionem requiruntur, quorum unus utraque manu humerum, qui claviculæ fractæ adjacet, ad posteriora, alter caput in latus oppositum ducat; interea Chirurgus digitis id quod prominet propellendo, ima foras attrahendo, & quæ deorsum tendunt, sursum, & quæ sursum sunt, deorsum compellendo, fracturam componat. Aliqui autem, ut facilius fiat restitutio, Glomum Lineum alæ subjiciunt, hinc brachium ad costas comprimunt, atque ita os suæ sedi restitunt. Si verò ossis fracti extremitates ita depressæ sint, ut sursum reduci hoc modo nequeant, Æger resupinandus est in pulvinari duriore, spinæ inter scapulas subjecto; humeri interim manubus sic deprimendi, ut ossis fracti extrema depressa eleventur eousque, ut in naturalem sedem restitui possint.

Compositis fractæ Claviculæ ossibus, Plagulæ tres convenientis crassitie & longitudinis, ut cavitatem, quæ supra & infra claviculam est, repleant, parandæ, quarum duæ lateribus, tertia crassior prominenti fracturæ imponenda. Ità enim & os fractum eminens deprimitur, & nec sursum, nec deorsum, nec ad latera è suis sedibus ossa fracta composita dimoveri poterunt. Hinc Deligatio instituenda; quæ fiat Fasciâ palmum latâ, debitæ longitudinis, duplex caput habente, decussatim injectâ, quæ sæpius circumducenda, & obvolvenda, ut brachium ad posteriora deducat: Interim cavitas sub axilla lintheaminibus convolutis replenda; sic namque facilius deligationem sustinet Patiens.

XII. SCAPULA etiam qualibet sui parte frangi ^{Scapulæ} potest, rarius tamen in processu illo, qui Acromium dicitur, sæpius juxta Spinam, & in aliis extremitatibus. At si Acromium frangatur, visu & tactu percipitur, præsertim si pars ægra cum sana comparetur: sin verò latior ejus pars, & in extremitatibus frangatur, tactu cavitatis quædam deprehenditur, & punctorius dolor in parte percipitur. ^{Fractura.}

Fractura quæ in Summo Humero seu Acromio est, difficilius curatur, quam in aliis Scapulæ partibus. At in cervice Scapulæ, aut circa articulationem ejus cum humero, quæ est Fractura, ferè incurabilis est.

Si ergò os fractum Scapulæ adhuc cohæreat, manu Chirurghi in suum locum restituendum. Quod si non facile fiat, & majore vi opus sit, Pila ex linteo sub axillâ ponatur, & minister deorsum humerum trahat, cubitum ad costas adducendo, Chirurgus verò manu Fracturam comprimat & componat. Sin os fractum Scapulæ non cohæreat, modo ligamentis & periosteo quodammodò adhæreat, & pungendo admodum molestum non sit, etiam suo loco restituendum. At si penitus & ab osse, & à periosteo ac ligamentis separata sint fragmenta, sic ut carnes pungant, cute incisâ, eximenda. Sin verò non pungant, relinquenda: natura namque, quod reliquis non cohæret, tandem spontè expellit, etsi interdum post longum tempus id fiat; sic refert Ambrosius Paræus *lib. 14. cap. 9.* cuidam Marchioni è scapula vulnerata ossium quædam fragmenta post annos septem, cicatrice reserata, erupisse.

Ossibus ritè compositis, Deligatio conveniens instituenda, sique summum Humeri fractum sit, Pila sub ala vincienda, & deligatio non frequenter solvenda: Æger interim in opposito latere cubet, & partem in quiete detineat.

Costarum
Fractura.

XIII. Interdum COSTÆ ex causis violentis quodè franguntur; casu viz. aut contusione. Et quidem fractæ Costæ interdum intrò declinant; interdum extrà eminent; interdum, etsi totæ franguntur, proprio loco non dimoventur; nonnunquam & caro circa costas coliditur.

Si Costa & tota fracta, & extremitates loco motæ, quædam inæqualitas & cavitas tum visu, tum tactuprehenditur, & strepitus auditur. Quibus accedunt & alia symptomata; adest viz. dolor gravis, pleuriticum dolorem æmulans, respiratio difficilis, tussis molesta,

leſta, & non rarò quoque ſanguinis ſpurum, dum ex vaſis ruptis effluentem ſanguinem pulmo imbibit, nec non febris. Si tamen Coſta quidem fracta ſit, at fractæ extremitates neque intrò ceſſerint, neque in exteriorem partem compellantur, pauci febricitant, aut ſanguinem ſpuunt.

Coſtarum Fractura ſi ſimplex ſit, abſque partium vicinarum gravi contuſione, aut inflammatione, periculo vacat, & intrà vigefimum diem non rarò curatur. Sin verò caro circà coſtas atteratur, periculoſum malum eſt, & non rarò lethale, teſte Hippocrate *Lib. de Articulis*. Etiam periculoſa eſt Fractura, ſi Coſta intrò compellatur, & pleuram pungat vel vulneret, tuncque eadem ferè ſymptomata, quæ pleuriticis infeſtare ſolent, ſuperveniunt, ac longius protrahitur curatio.

Si ergò Coſta fracta ſit, proprio tamen loco non dimota, nec incumbentium, vicinarumque partium contuſio adſit, per ſe facilè consolidatur. Sin extrà promineat, manu comprimenda, & in propriam ſedem reducenda, ac æquanda. Si intrò vergat, Æger tuſſi, ac ſpiritus, ore clauſo, retentione eam exterius compellat; Chirurgus verò Ægrotanti manubus, quantum fieri poteſt, ſuccurrat. Quod ſi non ſuccedat, nonnulli Emplaſtrum cuti validè adhærens cenſent imponendum, idque aliquoties cum impetu auferendum, donec in locum ſuum Coſta ſit reſtituta. At quandò Coſtæ fragmentum membranam pungat, atque acerbiffimi inde dolores, aliaque prava ſymptomata oriantur, cutis incidenda, ac pungentia fragmenta vel eximenda, vel præcidenda. Plura de Coſtarum Fractura videantur apud Hippocratem *Lib. de Articulis*. §. 51. 52. 53. 54. Inſuper de feliciffima curatione fracturæ coſtarum, in qua nonnulla notatu digna occurrunt, videatur Fabritius Hildanus *Cent. 5. Obſ. 85*.

XIV. DORSI SPINA eſt *Vertebrarum* omnium contextus, & ſicut quædam corporis carina, quæ conſtat ſeptem Cervicis *Vertebriſ*, duodecim *Dorſi*, & quinque *Lumborum*, nec non *Oſſe Sacro*, & *Coccygis*. *Vertebrarum Corporum*

Spinæ
Dorſi Fractura.

ra rarò admodum Fracturam patiuntur; earundem tamen Processus à causis externis & violentis nonnunquam franguntur. Id autem tactu facilè deprehenditur, cum huc atque illuc moveri persentiantur diffractæ Apophyses.

Vertebrarum Processuum simplex Fractura simplici lenique manuum operâ restituitur, ac consolidatur viginti circiter dierum spatio: sunt namque Processus hi ossa spongiosa & rara. Sin verò per vim admodum violentam totæ Vertebrae frangantur, adeò ut medulla spinalis simul patiatur, dehinc Paralyfi afficiantur brachia, pedesve Ægrotantis, ac urina fæcesque alvi retineri nequeant, mors in propinquo est. Interim tamen ne Æger sine auxilio deferatur, nil faciendorum negligendum, & facto Prognostico cutis incidenda, ac libera fragmenta eximenda, hinc vulnus curandum.

Ad Fracturas Spinæ pertinet *Ossis Sacri & Coccygis Fractura*; quæ si ita sit, ut & Spinalis Medulla lædatur, lethalis est. Sin ea non lædatur, adeoque salutis spes sit, immisso in anum digito usque ad locum affectum, os fractum expellendum; extrinsecus verò alterâ manu ossa æquanda, & in suum locum reponenda. Et si aliquod ossis frustulum abruptum persentiat, facta apertione, id eximendum, ac porrò vulnus ex arte curandum.

Ossis Innominati Fractura.

XV. OS INNOMINATUM, quod ossibus tribus; *Ilio, Coxendicis, & Pubis*, simul unitis constat, frangitur ut scapula, vel in extremitatibus, vel secundum longitudinem, vel in medio.


Cognoscitur Fractura hæc ex dolore, qui tactu, & compressione inprimis exasperatur; nec non cavitate, inæqualitate, punctura, & nonnunquam stupore in crure ejusdem lateris.

Exigit autem Fractura hæc celerem restitutionem, perficiturque consolidatio quatuor & viginti præter propter diebus. Interim si sit in Ossis Innominati extremitatibus, digitis vel manu ossa fracta componenda ac æquanda.

Si

Si verò frangatur os per longitudinem, vel ad interiora declinet, ità situetur Pociens, ut supet ventrem decumbat, Chirurgusque manubus, uti potest, fracta ossa componat.

Sin os fractum comminutum sit, Apertio facienda, sicque & fragmenta libera auferenda, & alia reponenda. Verum cum vix sub cute solum, sed sub ipsis musculis talia fragmenta plerumque lateant, sine periculo hîc Sectio non instituitur: hinc omninò cavendum, ne in faciendâ hac apertione, tendines, vel vasa quæpiam majora lædantur, sicque graviora excitentur symptomata.



PRA-

PRAXEOS CHEIRURGICÆ

LIBER QUINTUS.

D E

LUXATIONIBUS.

C A P U T I.

De Luxationibus in genere.

Luxatio
quid sit.



I. Uemadmodum in *Fractura* ossium solvitur continuitas, sic in *Luxatione* eorundem separatur contiguitas. **LUXATIO** namque, sive **EXARTICULATIO**, Barbaris **DISLOCATIO** dicta, nihil est aliud, nisi *Ossis* è sua sede in alienam *Prolapsus*, quo motus *arbitrarius* impeditur. Propriè tamen *Ea* locum habet iis in ossibus, in quibus reperitur structuræ ratio talis, quæ ad motum manifestum est comparata; uti sunt omnes articuli per diarthrosin conjuncti: videmus enim, quoties è sede sua excidunt ossa, motum articuli perire. In ossibus verò per synarthrosin conjunctis, in quibus nullus adest sensui manifestus motus, non quidem ille aboletur, sed propter tendinum ligamentorumvè compressionem oritur dolor, & actio partis impeditur; exemplo sint ossicula in carpo, & tarso.

Luxationum
Differentiæ.

II. Dupliciter autem luxari ossa contingit, secundum magis & minus. Illa species perfecta est, ossè extrà suum locum planè collocato, quæ idcirco *ἑξάρθρῃσα* Græcis, vulgò *Luxatio* seu *Dislocatio* dicitur. Hæc verò imperfecta, quæ *παράρθρῃσα*, Latinis *Subluxatio* nominatur.

Per-

Perfecta ergo Luxatio est, quum ligamenta ita relaxantur & extenduntur, vel disrumpuntur, ut os extra cavitatem suam planè deturbatum, & in alieno, nec consueto loco situm sit. Imperfecta verò dicitur, quum os è proprio loco non prorsus dimotum est, sed partim extra manet, partim intrà, sinus seu acetabuli margini insistens. Id quod accidit, aut quia violentia non valdè magna fuit, aut quia ligamenta firma solidaque reperiuntur, nec admodum relaxata, sed violentiæ quodammodo restiterunt. Pertinent huc *Distorsio*, *Perversio*, & *Relaxatio* seu *Elongatio*; viz. cum laxatis & longioribus factis ligamentis, articulus quidem secundum longitudinem à sua sede quodammodo recedit, non tamen è toto excidit.

III. Verum præter duplicem hanc, perfectam & imperfectam, luxationem, sunt & tria alia luxationisgenera : viz. in partem superiorem, vel inferiorem, & ad latus; quæ probè cognosci ac considerari debent, ut in proprium, naturalemque locum reduci ac restitui possint.

Adhæc aliæ Luxationes simplices sunt, aliæ compositæ. Simples dicuntur, quæ nullam aliam affectionem conjunctam habent. Compositæ verò, quibus unus vel plures affectus sunt conjuncti; ut cum ad luxationem vulnus, fractura, inflammatio, abscessus, vel aliud quid accesserit.

Denique & differunt Luxationes ratione causarum, quod nunc fiant à causis externis; casu, ictu, saltu, violenta membri distorsione: nonnunquam ab internis; humoribus puta affluentibus.

IV. Enimverò Luxationum Causa duplex est, ex- Causæ:
terna & interna. Externa luxationum causa, est casus,
ictus, saltus, extensio & motus partis violentus, aut
quidvis aliud ejusmodi, quod vel ligamenta disrumpit,
vel extendit & relaxat, adeoque violenter os sede suâ
moveret & expellit.

O o o

liga-

ligamenta laxans, qui sensim adauctus, ossis caput tandem foràs trudit.

Signa Diagnostica.

V. Dignoscitur autem Luxatio visu & tactu. Tumor enim in ea parte, in quam ossis caput excidit, apparet; cavitas verò in loco, è quo prolapsum est: idque eò facilius deprehenditur, si corpus non admodum crassum & pingue sit, aut locus excarnis. Deindè perfecta si sit luxatio, membrum brevius redditur; quia prolapsum sede sua os, cum resistantiam non habeat, sursum trahitur à musculis, nisi ingens ligamentorum laxitas in causa fuerit, quod ultrà modum elongetur. Sed cum luxatum membrum semper sano dissimile sit, in situ, figura, & longitudine; cum sano & integro id comparandum, ut brachium cum brachio, crus cum crure in eodem homine. Insuper cum articulationes propter motum factæ sint, si ossis caput è naturali sede excidat, motus articuli læditur; hinc ubi luxationis suspicio est, motus tamen non læditur, luxationem nondum factam esse concludendum. Tandem quia è sede sua elapsum os partes sentientes, in quas prolapsum est, tendines puta, nervos, musculos comprimit, magnus inde excitatur dolor. Sin verò saltem sit Subluxatio, symptomata hæc remissiora sunt, aut quædam eorum absunt.

Prognostica.

VI. Prognostica Luxationis Signa ea sunt, ex quibus vel periculosam & curatu difficilem, vel lethalem esse luxationem deprehendimus. Hæc ex articulorum figura, item ex luxationis magnitudine, & causis, nec non morbis luxationi conjunctis, ac symptomatibus ei supervenientibus; denique ex luxationis tempore, atque ex corporis habitudine, desumuntur. Ossa itaque facilius vel difficilius luxantur & luxata facilius vel difficilius in pristinam ac naturalem sedem restituuntur, vel ob majorem aut minorem sinus cavitatem, vel ob ligamentorum ac musculorum validitatem aut laxitatem. Quibus igitur membrum robustum, ac ligamenta valida sunt, articulus minus facilè excidit, & difficilius reponitur; at repositus validius continetur. At quibus mem-

brum

brum imbecillius est, corpusque mollius, & ligamenta infirma, facilius elabitur, faciliusque restituitur; verum restitutus minus fideliter continetur. Hinc in corpore puerili & tenero ossa luxata facilius restituantur; restituta tamen minus faciliè retinentur. Contrarium accidit in adultis & corporibus robustioribus. Similiter illi articuli, qui profundiori sinu reconduntur, pluribusque ligamentis fulciuntur, difficilius luxantur, & luxati difficilius in pristinum locum restituantur. E contrario, qui planiori sinu articulantur, paucioribusque ligamentis fulciuntur, facilius luxantur, luxatique facilius in pristinum locum restituantur. Insuper quò longius à suo sinu articulus excidit, eò difficilius restituitur; quò propius, eò citius.

Luxationes, in quibus ossium margines, sive cavitarum supercilia abrumpuntur, pessimæ sunt, quoniam suo loco etsi restituantur articuli; tamen non diu persistunt, sed levissima de causa iterum excidunt. Haud secus qui ob ligamentorum laxitatem elapsi sunt articuli, licet reponantur, tamen rursus faciliè elabuntur.

Luxationes quibus dolor ingens, inflammatio, aut vulnus accidit, curatu sunt difficiles, nec periculo carent, & sine convulsionis, imò mortis periculo restitui non possunt. Monet quoque Hippocrates, quod, si febris articuli repositionem antevertat, nullum luxatum articulum in suam sedem compellere conveniat.

Vetustæ item luxationes, & quæ jam callo obdurrunt, & in quibus lentus humor articuli cavitatem replevit, nunquam, vel saltem difficillimè sanantur. Omnis ergo luxatio statim reponenda est.

CAPUT II.

De Luxationum Curatione.

Curatio
Simplicis
Luxatio-
nis.

I.



Gitur in omni Luxatione Curanda, communis est Indicatio: scilicet *Luxati & suo loco moti Membri in propriam & naturalem sedem Reductio*; quam operationem *Ἀρθρομολος* Græci vocant. Hanc si quis cum fru-

ctu exercere desiderat, is inprimis omnium in corpore humano articulationum naturam novisse debet: Etenim per illam viam per quam exiliit, in suum locum reducendum est os, quod sede motum fuit. Huic autem reductioni inserviunt quatuor operationes; Extensio viz. Repositio, Deligatio, ac membri repositi Collocatio. Enimverò luxatum membrum, haud secus ac fractum, tum ob tendinum contractionem, tum quoque ut ossis caput suæ sedi è directo opponatur, est extendendum.

Extensio
luxati
membri
quandò,
& quo
modo fit
facienda.

II. Fiat verò *Extensio* statim post luxationem factam. Quod si propter Chirurgi absentiam statim fieri non possit, fiat die etiam secundo vel tertio, nisi ob accedentem inflammationem desistere cogamur; die autem quarto propter exacerbationes nihil tentandum: observatum enim, quod, si tentetur extensio, restitutio feliciter non succedat, sed multa eam sequantur incommoda. Unde Fallopius *Lib. de Luxationibus cap. 3.* „moneo vos, inquit, „ut habeatis semper rationem temporis, ad summum „non excedentis diem tertium, & si tertius dies esset „præteritus, expectandus est terminus inflammationis, „& tempus, usque quo periculum non sit de inflammatione, estque, monente Hippocrate *Lib. de Articulis*, dies „septimus. Et Tagaultius *Lib. 5. cap. 4.* hanc sententiam confirmat hisce verbis: „si antequam ad luxationem „voceris, pars luxata dolore infestetur, aut inflammatione occupetur, non prius eam in suum locum reponere tentabis, quam dolor finitus fuerit, & inflammatio

„tio conquieverit. Si enim membrum dolore atque in-
 „flammatione affectum distendendo laceraveris, peri-
 „culum est, ne convulsio, aut aliud pravam symptomata
 „fufcitetur. In similia verba erumpit Ambrosius Paræus,
 „cum *Chirurg. lib. 15. cap. 5.* sic inquit: „omnis luxatio re-
 „stituenda est, antequam inflammatio venerit: quod si
 „jam illa adsit, de tollenda sollicitum statim Medicum
 „esse oportet, de cætero Ægrum quiescere; ne, si ir-
 „ritetur malum, doloris exacerbatio, convulsionis, gan-
 „grænæ, & tandem mortis adferat consecutionem; ut ali-
 „quandò à se observatum refert. Ergò ubi inflammatio,
 „& alia prava symptomata sedata & correctæ fuerint, tum
 „demum aggredienda luxationis restitutio est, si præsertim
 „corporis & membri affecti habitus eam admittere possit.
 „Adstipulantur Joh. de Vigo *lib. 6. cap. 1.* Anton. Chal-
 „mæteus *Enchirid. Chir. lib. 4. cap. 2.* Scultetus *Armat. Chir.*
tab. 28. & alii. „non sine causa gravissima Celsus *lib. 8.*
cap. 11. & alii (inquit Fabricius Hildanus *Cent. 2. Obs. 40.*)
 „monent, in Dislocationibus, quicquid suo loco motum
 „est, ante inflammationem reponendum esse. Sin illa
 „adfuerit, quiescere oportere, nec membrum lacerasse-
 „re, usque dum inflammatio finita sit. Qui secus fa-
 „ciunt, non leviora symptomata, imò & mortem non-
 „nunquam inferunt; uti variis exemplis ibidem affirmat.
 „Itaque si primis tribus diebus fieri non possit extensio,
 „expectandum usque ad septimum aut octavum diem.
 „Sed antequam tunc fiat extensio, quia callus interea ge-
 „nerari incipit, præparandus est articulus ad indolen-
 „tiam, & facilitatem restitutionis, calefaciendo, emol-
 „liendo, & laxando partes articuli; musculos nempe,
 „tendines, & ligamenta: si namque partes hæ emollitæ
 „sint, facilius & minore cum dolore extenduntur. Hæc
 „autem articuli emollitio fit per *Fotum plurima Aqua Te-*
pide, vel Decoctionis Malva, Althea, Violaria, Florum Ca-
momilla, Meliloti, & similibus.

Cæterum Extensio hæc fit, vel solis Manubus Chirur-
 gi, aut ejus ministrorum; isque modus Palæstricus ap-
 pella-

pellatur, quia in palæstris luctantium membra luxata simplicissimo hoc modo reponebantur; atque convenit in mollibus corporibus, & ubi luxatio levis ac recens est: vel Laqueis & Fasciis, nec non beneficio Scalarum, Forium, Pistillorum, Instrumento Hippocratico ~~apud~~ dicto; qui modus Methodicus nominatur, & convenit pueris, foeminis, & masculis jam robustioribus, & luxationibus mediocribus, non admodum levibus: vel Organis seu Machinis perficitur majoribus, & Organicus dicitur, ac adhibetur cum difficillima & inveterata sit luxatio. Hac de re consule Hippocratem *Lib. de Fracturis, & Articulis*. Oribasium *Libr. de Machinamentis*. Hildanum *Cent. 5. Obs. 69. & 86.* Scultetum *Armament. Chirurg. tab. 21. fig. 1. & 3. tab. 22. fig. 1. & 4.*

Quocunque autem modo luxati membri Extensio fiat, necessum est eousque fieri, ut inter ossa liberum aliquod spatium relinquatur, ne in repositione ossis caput atteratur, & sinus supercilia frangantur: unde symptomata gravia, & sæpè incurabilia eveniunt. Insuper in Extensione membri commoda figuratio observanda; restitudo viz. tum ratione ossium, tum ligamentorum, & muscutorum. Servatâ namque harum partium rectitudine, minore cum dolore & difficultate succedit extensio.

Repositio.

III. Extensione sufficiente factâ, os, quod proprio sinu exciderit, vel restituendum per circumgyrationem, vel placidè ab ea parte, qua fuerit prolapsum, in contrariam impellendum, & tandem minimo, quam fieri potest, dolore in proprium sinum *Reponendum*, ne fiat contusio, vel attritio capitis & sinus inter se. Hi verò motus non semper necessarii sunt; nam interdum, ubi extensio facta est, si musculi prius contracti tantum remittantur, facile suâ sponte articulus in locum naturalem redit.

Quod si & luxatio imperfecta, & os ex sinu seu acetabulo prorsus excussum non sit, necesse non est membrum extendere; sed illud movendo & agitando leniter & apertè in sedem naturalem, rectâ propellendo, vel placidè circumgyrando, manu dirigatur ac restituatur.

Arti-

Articulum autem rectè repositum esse cognoscitur; primum ex naturali membri figura, quando nulla cavitas, nullusque circà articulum tumor apparet, quemadmodum ante restitutionem, sed in omnibus similis est sanæ parti, aut parum admodum abest propter influxos humores, quumque motum amissum reductum membrum recuperavit, deindè ex doloris remissione, quæ signum est inseparabile: semper enim dolor sedatus indicat restitutum esse articulum, licet reducto membro interdum & dolor remaneat, quod prius valdè læsi sint musculi.

IV. Reposito verò in sedem naturalem articulo, membrum ità firmandum, ut articulus iterum ex sua sede egredi non possit, cum ob ligamentorum ac tendinum laxitatem facillè prolabi soleat. Id autem perficitur eodem ferè modo, ac in fracturis: primò enim antequam deligatio instituat, Medicamentum apponatur, quod influxum humorum & inflammationem prohibeat, & laxata ligamenta adstringere, partemque roborare queat; quale est *Oxycratum*, vel *Vinum Rubrum Adstringens*. Hinc convenienter membrum deligandum per Fascias & Splenia, quarum beneficio in orbem munienda est articulatio, donec ligamenta debitum robur & adstrictionem acquisiverint. Ità tamen administranda *Deligatura*, ut articulus in sua sede conservetur, ac humorum affluxus prohibeatur. Sique opus sit, & membri figura ac ratio id patiatur, etiam Ferulæ è densa charta, vel corio, vel alia conveniente materia imponendæ.

V. His peractis *Collocetur* membrum molliter ac æqualiter, tali figurâ, quæ ipsi sano naturalis sit, non dolorosâ, nec lassitudini obnoxia. Et si pruritus, vel dolor, aliavè symptomata non urserint, deligatio haud solvatur ante diem quintum, sextum, aut septimum: tunc enim, laxatis fasciis, & pruritu ob detentos vapores excitato, solvendæ fasciæ, parsque pruriens *Aquâ Tepidâ* perfundenda, ut apertis leviter poris detentæ fuligines transpirare queant, adeoque pruritus mitigetur. Quod si pruritus

Deligatio.

Collocatio.

ritus non sit molestus, à foru hoc abstinendum. Hinc factâ molli Frictione, articulus leniter ad hanc & illam partem movendus, ne, concrescente in articulo humore, tendinibus ac ligamentis rigiditas tandem inducatur. Deindè impositis Spleniis *Oxycrato*, aut *Vino Rubro Adstringente* madidis, membrum ut prius deligetur; sed primâ paulo arctior sit secunda deligatio. Atque itâ porro procedendum, donec membrum satis videatur robustum; quo tempore solvendum, & Ægrotanti præcipiendum, ut consuetas operationes moderatè exercere incipiat.

Curatio
Luxationis
cum In-
flamma-
tione, &c.

VI. Verum accidit nonnunquam, ut Luxatio non sit sola, sed alii insuper affectus præter naturam; dolor puta, inflammatio, vulnus, fractura, conjungantur. Sin ergò, antequam Chirurgus vocatur, jam dolor & inflammatio partem affectam prehenderit, articuli luxati restitutio non tentanda, nisi dolor & inflammatio sedata fuerint. Si enim antequam hoc factum fuerit, ea tentetur, metuendum est, ne ex tendinum & ligamentorum distensione Convulsio, vel aliud periculosum symptoma oriat. Quamobrem nec extensio, nec aliqua alia operatio locum habet; sed in medio, minimèque doloroso situ pars affecta deponatur, & Sectâ Venâ, alvoque Clystere laxatâ, ei apponatur *Vinum Rubrum Adstringens*, vel Epithema ex *Aq. Fl. Sambuci*, *Aceto Rosaceo*, *Vino Rubro*, &c. v. gr.

Rx. *Aq. Flor. Sambuci* ℥viij.

Aceti Rosacei ℥i℥.

Vini Rubri Adstringent. ℥iij.

Camphora ℥i℥. *Sacchar. Saturn.* ℥i℥.

M. pro Epithemate.

Vel circumjiciatur Fomentum ex emollientibus, dolorem sedantibus, & leviter resolventibus; ex *Malva*, *Althea*, *Parietaria*, *Floribus Camomilla*, *Sambuci*, *Rosar. Rubr.* *Summit. Anethi*, *similibus*, in *Aqua Communi* & *Vino Rubro Adstringente decoctis*. Sedatâ inflammatione, doloreque mitigato, extendatur, reponatur, deligetur, & colloceatur membrum, ut in luxatione simplici.

VII. Sin

VII. Sin Inflammatio post repositionem succedat, quod non rarè contingit, tum ratione violentæ extensionis, tum doloris perpetui, instituendus est Viſtus Tenuis, Vena ſecanda, & Purgans Medicamentum exhibendum, moxque ſolvenda deligatio, etiamſi ſit primo vel ſecundo die, & præſcriptum Epithema vel Fomentum imponendum, donec Patiens levamen percipiat. Hinc membrum laxius deligetur paucioribus ſarciis; idque ſingulis diebus faciendum, ad inflammationis uſque declinationem: quâ ablata, obſervetur curandi modus nunc expoſitus.

VIII. Si Vulnus luxationi acceſſerit, ita ut articulus vel detectus, vel extrâ cutem protruſus ſit, affectus eſt admodum periculofus, ac ſæpè lethalis; cum ex tendinum ac ligamentorum diſtentione ſeu dilaceratione dolor, inflammatio, convulſio, febres acutæ, graviffima adeoque ſymptomata excitantur; eſtque eò periculofior, quò membrum majus eſt, ligamentaquè & tendines circa id robuſtiores: unde humeri ac femoris luxatio cum vulnere plerumque mortem adfert. Eò etiam majus periculum eſt, quò vulnus articulo propius. Ideoque Hippocrates offium luxatorum cum vulnere repositionem, eorumque deligationem averſatur, ſoliſque dolorem lenientibus, & inflammationem tollentibus initio uti jubet, nihilque ex his tutò reponi poſſe putat, præter digitos, manus, & plantas, atque in his ipſis etiam diligenter omnia peragenda eſſe præcipit. Neque enim vel digitus, in quo minimum periculi eſt, reponi debet, cum inflammatio adest, ſed vel antequam inflammatio accedit, vel cum jam ſedata eſt. Multò magis in aliis articulis id faciendum, de quibus omnibus *Libr. de Articulis* §. 74. 76. 77. 78. ita inquit: „ At verò quibus tibiæ „ offibus luxatis, ac ulcere induc̃to, articuli circa pedem „ penitus eminent, ſive intrò vergant, ſive extrâ, tales „ reponere non oportet, ſed permittere ut quicumque „ velit Medicus reponat. Illud enim clarè ſcire oportet, „ quod homo morietur, ſi repositi permanſerint. Sed &

Ppp

„ vita

Luxatio
cum Vul-
nere.

„vita paucorum dierum his continget. Pauci enim ex
„ipfis septimum diem transgrediuntur. Convulsio enim
„est, quæ ipsos occidit. Sed & cancerari contingit ti-
„biam & pedem. Hæc ita futura esse certò scire opor-
„tet. Si verò repositi non fuerint, & ne tentati quidem
„ab initio, plerique ipsorum superstites evadunt. Eadem
„ratio est, si cubiti ossa circa manus articulum ul-
„cere factò emineant, sive ad internam manus partem,
„sive ad externam. Clarè enim nosse id oportet, quod
„is morietur intrà paucos dies tali morte, qualis antea
„dicta est, cui reposita ossa permanferint. Quibus au-
„tem reposita non fuerint, neque repositio tentata sit,
„hi multo plures superstites manent. Quibus verò tibie
„os, factò ulcere, circa genu eminuerit foràs, sive ad
„externam partem, sive ad internam, his, si quis repo-
„nat, adhuc promptior mors adest, quam aliis, etiamsi
„etiam illis prompta aderat. Si verò omisà repositione
„medearis, spes quidem salutis hoc solo modo existit.
„Verum periculosiora hæc ossa sunt, quanto superiora
„ac robustiora, & à fortioribus elapsa. Eadem ratio est,
„& de articulis circa gibbum cubiti, & de cubito ac bra-
„chio: quæcunque enim ex his luxata ulcere factò
„eminuerint, ea omnia si reposita fuerint mortem indu-
„cunt: non reposita spem salutis: claudicationem verò
„superstitibus. Lethaliores autem sunt superiores arti-
„culi, si reponantur. Sed & si non reponantur, pericu-
„losiores iidem sunt. At verò quibus articuli digitorum
„aut pedis, aut manus luxati factò ulcere eminuerint,
„osse non fractò, sed circa ipsam connexionem avulso,
„his si repositi permanferint, adest quidem periculum
„convulsionis, si non benè curati fuerint: attamen ope-
„ræ pretium est ut repositio fiat, cum prædictione, quod
„multà custodià ac curà opus habet. Minimè primi arti-
„culi periculosi sunt: superiores autem periculosiores.
„Reponere verò oportet eadem die aut postredie: ter-
„tio aut quarto minimè. Quarto enim die maximè re-
„crudescere solent. Quibus autem non statim repositi
„fue-

„ fuerint , in his dictos dies transgredi oportet. Quic-
 „ quid enim intra decem dies repositum fuerit , omne
 „ id continetur. Si verò reposito osse Convulsio accedat ,
 „ articulum statim ejicere oportet , & calidâ quam sæ-
 „ pissimè humectare , & totum corpus , & præsertim circà
 „ articulos , calidè & leniter ac molliter tractare. Verum
 „ inclinatum magis quam extentum totum corpus esse
 „ oportet. Expectandum tamen est , articulos circà digi-
 „ tos , qui reponuntur , abscessuros esse. Plerumque enim
 „ ità contingit , si vel quævis inflammatio subsit. Quare
 „ si non , propter vulgi imperitiam , Medico veren-
 „ da esset accusatio , nullum penitus reponere oportebat.

„ Quod autem Hippocrates in solis digitis faciendum
 „ consulit , id nos in reliquis quoque articulis facere co-
 „ nabimur , *inquit Tagaultius. lib. 5. cap. 4.* ac statim qui-
 „ dem inter initia , dum pars adhuc inflammatione vacat ,
 „ prolapsum cum vulnere articulum mediocri extensio-
 „ ne (validam enim extrâ periculum perferre non potest)
 „ reponere tentabimus. Quod si juxtâ animi institutum
 „ evenerit , inflammationem solummodo arcere cona-
 „ bimur. Si verò inflammatio , aut convulsio , reposito
 „ osse accesserit , rursus id (si modo fieri sine vi possit)
 „ suo loco protinus expellendum est. At si hoc quoque
 „ periculum metuamus , (non enim inflammatus articu-
 „ lus sine vi fortasse cedit , & suâ sede iterum propelle-
 „ tur) satius fuerit per initia in majoribus articulis repo-
 „ sitionem differre. Ubi verò inflammatio conquieverit ,
 „ (quod septem aut novem dierum spatio contingit)
 „ tunc præfari oportet , quale periculum ex repositione
 „ sit securum ; & si non reponatur , hominem ea parte
 „ claudum ac mutilum omnino per reliquum vitæ tem-
 „ pus futurum : dein conabimur sine violentiâ os in suam
 „ sedem compellere. Porro ulceris curationem eandem ,
 „ quæ propoſita est in fracturis cum ulcere , administra-
 „ bimus. Omne autem membrum , quod cum vulnere
 „ loco motum , neque repositum est , sic jacere conve-

Ppp 2

„ nit ,

„ nit, ut maxime cubantem juvet; tantum ne moveatur, nevé dependeat. Hæc Tagaultius: cui, ut & Hipocrati, subscribunt C. Celsus *lib. 8. cap. 24*. Galenus in *Hippocr. de Articulis*, *Vido Vido Interprete*. Ambr. Paræus *Chirurg. lib. 15. cap. 5*. Fallopius *tract. de Luxation. cap. 9. 10. 11*. Cæsar Magatus *de Vulneribus lib. 2. cap. 71*. Scultetus *Armam. Chir. tab. 28*. & alii plures.

Ubi ergò articulus major reponi nequit, habità prius universalium & victus ratione, membrum sine omni extensione & deligatione in media figura, vel de collo suspendatur, vel leniter collocetur, ut immobile maneat, & dolorem non sentiat. Impedienda interim inflammatio, & convulsio imminens, medicamento dolorem mitigante, leviterque repellente.

Observatio:

Sin verò (majoris præsertim articuli) luxatio facta sit cum vulnere, tendinibus dilaceratis, ac omnino disrumpis ligamentis, atque adeò offe detecto ac extrà cutem protruso, eoque tandem sphacelato, nulla curationis spes est, nisi quod suprà luxatum articulum in parte sanà membrum extirpetur. Talem casum nobis videre contigit Anno 1678. in Rustico, cui tibiæ os, ubi talo conjungitur, cum vulnere erat dislocatum, atque disrumpis articuli ligamentis detectum & extrà cutem protrusum, ac brevi post canceratum. Quem cum tractarem cum Chirurgo N. van Engelen, suasi mox totius cruris prope genu amputationem, cui consilio cum Chirurgus obtemperare noller, putans certò certius se hunc affectum curaturum, morbus indies auctus fuit, gravissimaque accesserunt symptomata; ut tandem, cum præ foribus mors videretur, vocatis insuper Petro Wassenaar Medicinæ Doctore, & Petro Curtio Chirurgo, fuerit conclusum de cruris prope genu extirpatione; qua sequenti die peractà Patiens, qui duos præter propter menses miserrimè decubuerat, brevi restitutus est, & ligneo crure instructus etiam nunc inter vivos versatur.

Luxatio cum Fractura.

IX. Sed & nonnunquam accidit, ut luxationi Fractura conjungatur. Quo in casu membrum vulgari modo exten-

extendendum, & luxatus articulus in suum locum reponendus, ossa verò fracta conformanda & componenda sunt. Et primò quidem luxatus articulus, si fieri possit, reponendus, deindè fractura curanda, & utrisque conveniens deligatio adhibenda. Quod si ante fracturæ curationem articulus sine periculo restitui non possit, primò fractura coaptanda; deinde, ubi callus generandus est, danda opera, ut etiam articulus luxatus restituitur.


X. Sin verò luxatio vel ob Chirurgi absentiam, vel ob Patientis negligentiam, vel ob præsentem Inflammationem, aliamvè ob causam, statim non restituitur, Callosa circà articulum contrahitur Durities. Estque callosa hæc substantia vel dura ac lapidea, vel non ità dura. Idcirco articulus fovendus, vel *Aquâ Simplicî Calidâ*, vel Fotu Emolliente, ac leviter admodum Resolvente, ex *Althæa, Malva, Violaria, Floribus Camomilla, Meliloti, Radice Cucumeris Asinini, Seminibus Lini, Fœnigraci, similibus in Aqua Communis decoctis*. Post fotum articulus inungendus Linimento ex *Unguento Althææ, Oleo Liliorum Alborum, Amygdalarum Dulcium*, aliisvè emollientibus.

Luxatio
Antiqua
cum Callo.

Tandem ubi quicquid callosum fuerit, emollitum & discussum est, ad partis extensionem, & articuli repositionem deveniendum, atque reliqua facienda & administranda, ut in luxatione simplici. Quid si, articulo restituto, callus oboritur, Patiens juxtà usum emollientium & leviter discutientium, articulum, quantum possibile, moveat; quo motu callus digeratur.

CAPUT III.

De Luxationibus in specie.

- I.  Æterum inter præcipuorum articularum dislocationes, primo loco occurrit MAXILLÆ INFERIORIS LUXATIO, qua & masticatio tollitur, & locutus depravatur. Rarò tamen accidit, ut ea luxetur,

Maxillæ
Inferioris
Luxatio.

xetur, ob arctissimam ejus cum ossibus temporum per validum ligamentum articulationem, & validissimum musculorum eam sursum trahentium robur.

Hæc autem Luxatio vix aliam in partem fieri posse, quam anteriorem, ejus cum temporum ossibus articulatione abundè docet. Enimverò in partem posteriorem luxari non potest, quia temporum ossis processus obstant, idque impediunt; nec faciliè dextrorsum, quia sinistrum maxillæ capitulum plurimum impedit; neque etiam sinistrorsum, quia impedimento est capitulum maxillæ in latere dextro. Ergò in partem anteriorem maxilla tantum luxari solet. Accidit autem ista Luxatio, si processus anterior & acutus infrà os Jugale elabitur, ut eo ità humilior fiat, ut sursum in suum locum amplius redire non possit. Aliàs enim etsi processus hic osse zygomatico humilius demittatur, non tamen statim fit luxatio, sed ore aperto suum in locum revertitur. Fit verò ista Luxatio, vel in uno duntaxat latere, cum solum pars ejus dextra vel sinistra elabitur, vel in utroque latere simul, cum tota Inferior Maxilla è sede sua excidit.

II. Causa hujusce Luxationis frequentissima, si non unica, est nimia oris apertio & diductio, quæ plerumque fit oscitando, ità ut processus acutus, qui *Corone* Græcis dicitur, osse jugali humilior fiat, simulque in latus convertatur. Nihilominus tamen ligamentorum laxitas, nec non musculorum debilitas, causæ esse possunt adjuvantes, quod Maxilla dislocetur.

III. Maxillam autem è sua sede excidisse cognoscitur, quod in anteriorem partem promineat, ejusque processus acuti existant juxtà articulos maxillæ luxatos. Si namque processus acutus ex osse jugali excidat, necesse est, ut ibi emineat, quod in homine non ità obeso & visu & tactu faciliè cognoscitur. Os manet apertum, unde loquela impeditur, & saliva Ægro invito effluit.

Si ex una tantum parte Maxilla luxata fuerit, ipsa cum mento in contrariam partem, qua luxata non est, inclinatur, os distorquetur, unde dentes nec committi possunt,

possunt, nec paribus suis respondent, sed sub incisoriis canini consistunt: Insuper in parte luxata protuberantia notatur, ac musculus temporalis rigidus admodum apparet.

Si verò in utroque latere sit luxata, tota cum mento, & quidem rectà, in partem anteriorem sive ad pectus prominet, os apertum relinquitur. Dentes inferiores longius quidem, quam superiores excedunt; è regione tamen sibi invicem, incisarii incisoriis, canini caninis respondent: juxta malas in utroque latere eminentia apparet, quam processus acutus efformat, musculique temporales, quorum tendines hic processus excipit, intenti, rigidaeque conspiciuntur.

IV. Periculo interim non vacat Maxilla, sive ex altera tantum parte, sive ex utraque luxata. Faciliior tamen restitutio est, si in uno duntaxat latere luxetur: sin verò in utroque simul luxatio sit, difficiliior, periculosa, ac interdum lethalis est; præsertim si quam celerrimè non reponatur: cum muscoli omnes, quibus maxilla continetur & movetur, intendantur admodum, hinc & dolores, inflammationes, febres continuæ, gravissimaque alia superveniant symptomata.

V. Maxillæ luxatæ repositionem eleganter docet Hippocrates *Libr. de Articulis* §. 26. quem secutus est C. Celsus *lib. 8. cap. 12.* Nimirum videndum imprimis, an ex altera tantum parte fuerit prolapsa Maxilla, an ex utraque. Si in utroque latere luxata sit, in humili sede Æger colloceatur, ejusque caput vel ad parietem, interjecto pulvinari duriusculo, urgeatur, vel à ministro, à tergo Ægri collocato, ut immobile maneat, teneatur; hinc Chirurgus utriusque manus pollicem linteo obvolutum dentibus molaribus imponat, reliquis verò digitis maxillam ad mentum extrinsecus apprehendat, sicque eam primò deorsum trahat, mox in partem posteriorem adigat, tandem sursum pellat, sicque eam restituat.

Sin in uno tantum latere fuerit Luxata, reponitur Maxillam in partem oppositam protrudendo, quod non ità diffi-

difficulter fieri solet. Imò vel colaphus gravior eam non semel restituit.

Repositione facta, conveniens Deligatio facienda, quæ fiat Fasciam imponendo ad mentum, ubi aliquantulum dehiscat, ut hinc inde mentum apprehendat: deinde ex utraque parte ad aures eadem fascia rescindenda, auresque foras trahendæ; hinc liganda fascia in capitis vertice, eaque non solvenda donec maxilla fuerit confirmata: quod bidui, tridui, aut ad summum quadridui spatium fieri solet. Interim à sermone multo, oris diductione, & oscitatione, durorumque ciborum masticatione Patiens abstineat, & liquidis contentus sit.

Claviculæ
Luxatio.

VI. Interdum & CLAVICULA sede suâ dimoveatur, id quod Galenus in *Comment. ad Hippocratis Librum de Articulis* suo exemplo probat, ubi prolixè recenset, quomodo sibi in Palæstra hic articulus ita luxatus fuerit, ut inter acromium & jugulum trium digitorum intervallum intercederet, & quid circa se actum sit.

Luxatur autem Clavicula, quin potius subluxatur, vel in commissura ejus cum sterno, vel ubi scapulæ acromio jungitur, ex casu, aut violento quovis extrinseco ictu, seu percussione, laxatis, extensisque conjunctionis ligamentis, hinc & è sede suâ paululum claviculâ avulsâ. Rarò tamen id accidit, propter firmam cum utroque ossæ connexionem.

Quum ergò Clavicula subluxatur, manifestè elevata conspicitur. Ac quandò summus humerus à proprio loco fuerit dimotus, acutior apparet, & exstare videtur os, quod recedit, sinusque unde excidit persentitur, adeò ut imperitis luxati brachii suspensionem præbeat: ita Ambr. Paræus. *lib. 15. cap. 11.* testatur, se multos Chirurgo novisse, qui decepti luxationem juguli pro summi humeri luxatione habuerint.

Subluxata Clavicula faciliè admodum reponitur, & in sedem naturalem revertitur; sed vix unquam in ea servatur, unde necessariò sive plus, sive minus à superiore parte prominet, sæpequè contingit, Ægrum ma-

nium

num neque ad caput neque ad os movere posse. At circa sternum si subluxatio facta sit, & promineat clavicula, nullum inde relinquitur detrimentum.

Ut autem restituatur subluxatum hoc os, brachium extendendum, & clavicula in suum locum repellenda est. Quod fit, si Æger supinus jaceat, pulvinari duriusculo scapulis supposito, ut scapula thoraxque ad exteriora protuberet, & attollendo, deprimendo, aut protrahendo brachium antrorsum, retrorsumque, prout dislocatio exegerit, manusque volâ comprimendo, os hoc in suam sedem compellatur. Dein splenia multiplicia imponenda, ac pars arctius vincienda, si forsân restituta Clavicula in sede naturali servari, ac confirmari queat.

VII. DORSI SPINA è multis componitur *Verte-* Spinæ, &
bris, quæ peculiari articulatione, mediantibus quatuor *Costarum*
obliquis processibus, nec non ipso vertebrarum corpo- *Luxatio.*
re, inter se cohærent & connectuntur, ut ad inflectendum, in anteriora præsertim, apta sit; & ne sedibus suis in isto motu excidant Vertebrae, multis variisque ligamentis insuper firmantur. Quandoque tamen causarum præternaturalium violentiâ è sua sede quodammodo exturbantur, & subluxantur; raro autem perfectè dislocantur. Enimverò perfecta Vertebrarum Luxatio fieri nequit, nisi diffractis apophysibus, nec non penitus divulsis cartilaginibus ipsi vertebrarum corpori adnatis, quibus in parte anteriore eæ inter se connectuntur.

Fit autem Vertebrarum Spinæ Subluxatio vel in partem anteriorem, vel in posteriorem, vel in latera; ex casu viz. percussione, nimiâ inflexione, ac similibus causis violentis.

Caterum quod Vertebrae suo loco motæ sint, visu & tactu explorari potest. An etiam versus interiora, vel exteriora, vel ad latera subluxatae sint, visu dignoscitur.

Atqui curatu admodum difficilis est hic affectus, præsertim si malum recens non sit. Si autem plures Vertebrae ordine sese consequentes simul subluxentur, minus periculo-

culosum est, quam si una saltem luxetur : una namque vertebra si loco moveatur, cum in acutum angulum desinat, spinalem medullam comprimit, camque valdè lædit : at si plures simul loco suo quodammodo excident, atque angulum obtusum efficiant, minus spinalem medullam comprimunt.

Perfecta verò quandò contingit Vertebrarum Cervicis aut Dorfi Luxatio, lethalis est. Etenim spinalis medulla, nervique ab ea oriundi ità comprimuntur, ut spiritus animales in partes inferiores influere nequeant, hinc & respiratio tollatur, & cæteræ partium inferiorum actiones mox sileant.

Vertebrarum autem Cervicis Subluxatio quandoque fit versus posteriora, quandoque versus anteriora. Versus posteriora si fiat, spinalis medulla comprimitur, mentum ad pectus flectitur, unde & loquendi & spirandi potentia tollitur, homoque non rarò jugulatur. In anteriora si fiat Cervicis Vertebrarum Subluxatio, collum distorquetur, caput moveri nequit, facies livet, locus affectus dolet, & spirandi ac loquendi difficultas adest. Malum tamen minus periculosum est, quam integra luxatio. Statim autem his occurrendum : quod fit, si *Æger* in humili sede sedeat, Chirurgi verò minister scapulas deprimat, at ipse Chirurgus caput utrinque ad aures apprehensum elevet, & variè moveat, donec vertebra suo loco restituatur; quod ubi factum, caput sine dolore iterum movere valet *Æger*.

Ubi Dorfi Vertebrae extrorsum Subluxatae sunt, *Æger* ventri incumbat super Scamnum Hippocratis, (vide Scultetum *Armam. Chir. tab. 25. fig. 2.*) hinc ministri duo vinculis duobus, quorum unum ad axillas, alterum ad ossa innominata, firmatum sit, fortiter partes *Ægri* extendant, quò is in totum quoad spinam elongetur, Chirurgus autem ipse protuberantes Vertebrae manu intro pellat.

Ad interiora verò facta Spinæ Dorfi Subluxatio pro incurabili ab Hippocrate *Lib. de Articulis*, Paulo *Ægineta* lib. 6.

lib. 6. cap. 117. Avicenna *lib. 4. fen. 5. tract. 1. cap. 21.* & aliis, meritò habetur. Fabritius Hildanus tamen *Cent. 5. Obs. 69.* aliquid tentandum censet; primò quidem extensione, & Spinæ nunc in dextrum, nunc in sinistrum latus concussione, nec non linteo sub ventre posito, ejusdem in altum elevatione, per instrumenta ab Oribasio & Paræo depicta. Deindè dorsi incisione usque ad vertebra subluxatam, & vertebræ, quæ post incisionem aptis tenaculis apprehendenda est, in altum elevatione: sed modus hic tutus vix videtur, modo non sit planè impossibilis.

VIII. Insuper & COCCYGIS OS luxatur extrorsum & introrsum. Extrorsum quandoque Luxatur foeminis in partu difficili, quibus tamen facilè, fasciâ circa nates validè constrictâ, restituitur. Introrsum quoque Luxationem patitur, quæ ut restituatur, digitis tam in anum immisissis quam extus applicatis eoque moveatur, donec debito situ locatum sit, uti latius videre est apud Jobum Meckeranum *Observ. Chirurg. cap. 56.*

IX. COSTÆ etiam nonnunquam Luxantur à casu aut percussione, nunc suprà, nunc infrà, nunc intrò. Si suprà, vel infrà, vel in latus fiat Costæ Luxatio, inæqualitas visu & tactu deprehenditur, & hinc cavitas, illinc extuberantia apparet. Si intrò luxata sit, saltem cavitas observatur.

Sequuntur autem varia Luxatas Costas symptomata; difficultas spirandi, thoracem movendi, & corpus erigendi, dolor pleuritidem referens, inflammatio, febris: hinc ut quamprimum suæ sedi Costa restituatur, danda opera. Et si Luxatio sit in partem superiorem, Æger rectus suspensus ex januæ vel fenestræ parte superiore brachiis statuatur, & costæ capitulum extrà vertebra emi-nens comprimat, donec in locum suum redeat. Sin verò in partem inferiorem Luxata sit Costa, Æger pronus incurvetur, manibus suprà genua innixus, interim Chirurgus costam luxatam manu in locum naturalem comprimat. At intrò facta si sit Luxatio, incurabilis & ferè lethalis est, cum manuum opera nihil præstare possit.

Volunt tamen , ut Emplastrum aliquod validè adhærens apponatur , quod sæpius violentiâ summâ avellatur , si forsan hoc modo restitutio sequatur.

Humeri
Luxatio.

X. HUMERI OS capite suo rotundo , cartilagine undique obducto , sinui cervicis scapulæ perfectissimâ , omnibus motibus obeundis absolvendisque accommodatissima , articulatione committitur. Cumque sinus hic non altè satis pro excipiendo humeri capite exsculptus sit , ne frequentibus luxationibus articulus hic foret obnoxius , provida natura duobus ligamentis validis , lato viz. & rotundo , duobusque scapulæ processibus , acromio cum eoque conjuncto claviculæ capite , & coracoide dicto processu , nec non musculis , deltoide præsertim ac bicipite , cavit , & insuper præter cartilaginem , qua sinum hunc incrustavit , aliam in ambitu adjunxit , quæ sinui quidem haud adnascitur , ligamentis tamen adstricta crassior incipit , sensimque versus centrum extenuatur. Nihilominus verò causa violenta si accadat , articulus hic excidit non solum , sed & reliquis frequentius & facilius.

Excidit articulus hic ferè semper in unicum tantum locum ; deorsum scilicet in alam , seu sub axillam. Adcò autem rarò in alium locum luxatur , ut scripserit Hippocrates , articulum hunc , qui cum lato scapularum osse jungitur , se novisse uno tantum modo excidere , nempe in alam ; in locum verò superiorem , aut exteriorem , vel interiorem nunquam , aut saltem rarissimè. Enimverò prolapsus humeri in partem superiorem manifestè impeditur à scapulæ processu , acromio dicto , ubi cum clavicula jungitur ; at in locum exteriorem articuli hujus egressus prohibetur ab eodem scapulæ processu , musculoque bicipiti ; in interiorem verò , seu anteriorem ne ossis humeri caput prolabatur , scapulæ processus coracoides avertit : ut adcò cum Hippocrate affirmare liceat , in partem inferiorem plerumque humerum luxari , cum nullum ibi adsit propugnaculum , quod hanc prohibere posset dislocationem.

XI. An

XI. An verò Humerus saltem luxationem perfectam, *Quæstio?* an etiam subluxationem patiatur, quæritur? Resp. articulum hunc subluxationem nonnunquam pati; imo frequentius subluxatur humerus, quam alius quivis articulus, quia caput ejus rotundum destituitur collo oblongo, inferitur in sinum exilem, profunditate carentem, minimeque majori huic capiti respondentem, & hinc facilius descendit, parumque elabitur tantum, ac in margine cervicis scapulæ subsistit. Atque talis humeri subluxatio haud ita difficulter restituitur; viz. levi factâ extensione, per simplicem circumgyrationem.

XII. Causâ humeri luxationis violenta plerumque est; casus nempe, percussio, brachii vehemens extensio, aut distortio, &c. Humerum verò sub alam prolapsum esse, faciliè cognoscitur, & monstrat id certissimum, proprium, & inseparabile signum: nimirum quid rotundum ac durum sub axilla sensibilibiter tactui obvium. Quibus tamen, & alia accedunt: luxatus namque humerus si cum sano comparetur, dissimilis admodum apparet, quoniam cavitas insolita est in humeri summo, videturque is extare, & acutior, nec rotundus, sicut sanus conspicitur; cum humeri caput, quod rotunditatem faciebat, jam sit prolapsum, & in inferiore loco recipiatur. Insuper prolapsum brachium sano longius est, manumque ori admoveere Æger nequit.

Gracilibus porro ac macilentis facilius Humerus luxatur, & luxatus facilius reponitur; at difficilior in sua sede detinetur. Carnosis autem sicuti rarius quidem luxatur, sic difficilior in propriam sedem restituitur; at restitutus minore cum molestia servatur. Recens quoque Humeri Luxatio facilius reponitur, antiqua difficilior, & reposita iterum excidit, quoniam scapulæ cervicis sinus callosâ repletur substantiâ, quæ, si os reponatur, iterum è proprio sinu prolabi cogit.

XIII. Igitur ut prolapsus Humeri articulus in suam sedem restituatur, prius aliqua humeri extensio facienda, ut versus principia sua retracti musculi elongentur,

adeoque luxatus humerus suo loco sic reponatur. Sunt autem varii reponendi modi, ut videre est apud Hippocratem *Lib. de Art. §. 2. 3. 4.* Ambr. Paræum *Chirurg. lib. 15. cap. 21. 22. 23. 24. 25. 26. 27.* & alios. Horum tamen quosdam, quique minorem requirunt apparatus, ac tutissimi sunt, recensebimus.

Primus modus fit cum minister articulum humeri validè detineat, Chirurgus brachium deorsum trahat, hinc idem in sinum suum elevando reponat. Scultetus *Arment. Chirurg. tab. 23. fig. 3.*

Secundus modus fit per Calcem, hac ratione. Æger humi resupinandus est, ac inter alæ cavitatem, scilicet inter caput humeri & costas, pila mediæ magnitudinis adaptanda. Chirurgus interim Ægro ex adverso sedens calcem super pilam alæ subjectam applicet, & ambabus manibus humerum deorsum (cum caput ejus musculorum vi sursum tractum sit) trahat; calce verò eundem sursum compellat, sicque in propriam sedem adigat.

Tertius modus fit per Scalam, (de qua Scultetus *Arment. Chir. tab. 21. fig. 3.*) estque tutus etiam, & satis commodus. Erigatur nimirum Scala firma, super cujus gradum altiore rotundum quoddam corpus, quod Patientis alæ adaptari, humerique caput propellere possit, deligetur: ad ima scalæ subsellium locetur, cui pedibus insistat Æger, postea ala super corpus illud rotundum ponatur, brachium luxatum à Chirurgo deorsum trahatur, humerusque hinc inde commoveatur. Interim sanum brachium à ministro ex opposita parte etiam validissimè deorsum trahatur, mox scabellum pedibus Ægrotantis subtrahatur, ut è scala pendeat, hacque ratione humerus restituitur.

Quartus modus à præcedente non multum differt, & pistillo perficitur. Viz. molli aliquâ fasciâ involvatur Pistillum, atque latus inter & humeri caput dimittatur. Sit autem ejus longitudinis, ut homo stans propemodum ex eo pendeat. Quod si brevius fuerit, homo sedeat sic, ut vix humerum super pistillum injicere possit: dein-

deindè brachium juxtà piftillum extendatur; alter verò corpus in alteram partem adigat, manubus ad collum plicatis.

Commodior autem videtur quintus modus, qui fit per Humeri suppositionem; scilicet validus quidam & altioris staturæ vir Ægrotantis alam ponat super acuminatam humeri sui partem, Humerumque Luxatum versus pectus suum validè trahat, humerum suum elevando, ut ab eo Æger quasi pendeat. Interea minister alius scapulam deorsum comprimat, brachiumque variè moveat, usque dum omnia ritè restituta.

Sextus modus omnium commodissimus fit per Glossocomum, seu Ambi, ab Hippocrate descriptum, & à Paræo emendatum; de quo videantur illi, ut & Scultetus *Armam. Chir. tab. 21. fig. 7.*

XIV. Humero in propriam sedem restituto, mediocris magnitudinis pila ex molli lana, & tenuibus linteis facta alæ subjiciatur, ne humerus propter gravitatem, ligamentorumque laxitatem rursus descendat. Dein Splenia *Vino Rubro Adstringente* aut *Oxyrato* madida luxato, at nunc restituto humero imponantur, tum ad arcendam inflammationem, tum ad relaxata ligamenta roboranda. Tandem Fascia longa, duobus capitibus prædita, ità circumjiciatur, ut pilam constingat, humerique articulum comprehendat; quæ deindè ad alteram alam, ab eaque ad scapulas, rursusque ad ejusdem humeri caput tendat, tum ad oppositi lateris cervicem vergat, sæpiusque eodem modo circumagatur, adeò ut pilam non solum constingat, sed & brachium sursum trahat, vel saltem conservet. Cubitus similiter ad pectus adducatur, & fasciâ in orbem circà corpus porrectâ deligetur, sicque vinctus humerus commodè contineatur. Elapsis verò tribus, quatuor, vel quinque diebus, si vincula laxiora sint facta, vel inflammationis suspicio adsit, solvantur fasciæ, & pars affecta ut prius deligetur, donec articuli ligamenta robusta satis evaserint.

Cubiti Luxatio.

XV. CUBITI ARTICULATIO ex duobus Brac-

Brachii ossibus, *Radio & Ulna*, ac inferiore capite ossis humeri, fit per Gynglymum, *hoc est*, eam articulationis speciem, qua ossa se mutuo excipiunt, & vicissim excipiuntur ab aliis. Sinus enim habet humerus parte inferiore duos, quorum anterior sive minor processum cubiti anteriorem, cum brachium inflectimus, suscipit; posteriorem verò, sive majorem, quem cubitum vocamus, cum brachium extendimus, posterior sinus admittit. Pro radio excipiendo humerus etiam capitulum peculiare, exterius dictum, obtinet. Insuper articulum hunc validissima membranosa ligamenta firmant, roborantque. E quibus omnibus colligere licet, eum difficillimè luxari, cum multiformis & varia sit horum ossium conjunctio. Nihilominus tamen quaquaversum Cubitus Luxari potest, antrorsum, retrorsum, extrorsum, & introrsum, quandoque cum radio, aliquando sine eo; nonnunquam radius à cubito absque ulla ejus luxatione recedit.

„Cubiti luxatio alia completa & perfecta est, (inquit „*Paræus lib. 15. cap. 31.*) alia imperfecta. Hæc ut faciliè „& levi quadam ex occasione incidit, sic faciliè restituitur. Perfecta contrà, ut difficulter fit, sic non ità facilem habet repositionem; præsertim nisi inflammationem prævenieris: suborta enim inflammatio repositionem vel difficillimam, vel omninò impossibilem reddit, maximè quæ extrorsum incidit.

Cæterum ut aliarum partium luxatio à causis violentis fit, ità & hæc. Et Cubiti quidem in anteriorem partem Luxatio, ut plurimum ex violenta & subita brachii extensione contingit: in posteriorem, ex violenta brachii inflexione; & ad externam vel internam, ex brachii perversione fieri solet.

In quam verò partem Cubitus luxatus sit, visu, tactuque faciliè deprehenditur. Si enim in partem anteriorem prolapsus fuerit, brachium abbreviatur, nec curvari potest, in parte anteriore tumor insolitus, in posteriore cavitas insueta conspicitur. At in partem posteriorem si fuerit luxatus, brevius itidem brachium efficitur, tumor

mor in posteriore, cavitas autem in anteriore parte apparet. Sin in interiorem aut anteriorem partem Luxatio fiat, eadem signa adsunt, protuberantia eo loco datur in quem procidit os, sinus verò eo, quo excidit; brachium quoque curvatur, & extendi nequit, sicut in luxatione ad anteriora, & posteriora.

Cubitus porro uti ob multiformem ac variam cum humero articulationem, ligamentorumque robur, non facile elabitur; ita prolapsus difficulter restituitur. Luxatus autem Cubitus nisi citissime reponatur, non solum varia & periculosa symptomata; dolorem nimirum intensissimum, inflammationem, febrem, convulsionem: sed nonnunquam ipsam etiam mortem adfert. Omnium tamen luxationum, quæ in Cubito fiunt, maximè periculosa & dolorifica est, quæ in posteriorem fit partem.

Si ergò Cubitus in partem anteriorem sit Luxatus, ut reponatur, primum Extensio fieri debet in congrua figuratione, non in directum, sed in obliquum, ita ut Cubitus ad rectum angulum cum humero collocetur, ne altum Cubiti supercilium humeri capitulum lædat. Extensionem efficiant ministri duo, quorum unus summum humerum sursum, alter cubitum deorsum, vel solis Manubus, vel, necessitate id exigente, Vinculis trahat. Deinde corpus aliquod rotundum è linteis convolutis apponatur ad cubiti flexuram, hinc comprimatur, tum cubitus inflectatur, isque citissime ad posteriora à Chirurgo impellatur, ac reponatur. *Sculterus Arm. Chirurg. tab. 24. fig. 1.*

Imperfecta autem si sit Cubiti in partem anteriorem Luxatio, seu Subluxatio, moderatâ factâ extensione, solo brachii inflexu facillimè restituitur.

At verò Luxatus in partem priorem Cubitus si dicto modo restitui non possit, alius adest: viz. duo ministri brachium similiter extendant; ad cubitum autem luxatum Habena ponatur, & infra tam longa ligetur, ut pes Chirurgi possit ei tanquam stapedi inniti: factâ extensione, & habenâ deorsum tractâ pede chirurgi, retrò

R r r

com-

comprimens Chirurgus cubitum inflectat, sicque articulum reponat.

Posteriorem tamen in partem Luxatus si fuerit Cubitus, obliquâ à ministris factâ extensione, Chirurgus luxatum os in contrariam partem urgeat, ac compellat; sique recens Luxatio fuerit, facillè reponitur. Affirmat autem Hippocrates *Libr. de Fracturis* §. 44. hanc Cubiti Luxationem solâ ejusdem subitâ ac diutinâ extensione se nonnunquam curasse.

In partem anteriorem vel interiorem prolapsus Cubitus facillimè reponitur, si, factâ extensione, ab ea parte, in quam prolapsus est, in contrariam impellatur. Scult. *Armam. Chir. tab. 23. fig. 2.*

Factâ luxati cubiti repositione, congrua fiat Deligatio, mediam semper observando figuram, sicut in humeri vel cubiti fractura diximus.

Manus &
Digitorum
Luxatio.

XVI. CARPUS *Cubito & Radio* per Diarthrosin connexus, excidere potest ad anteriora, posteriora, interiora, & exteriora; potissimum tamen in anteriora prolabitur. At METACARPI OSSA omnia introrsum quidem & extrorsum luxantur; ad latera verò duorum mediorum ossium prolapsum impediunt duo ossa extrema, indicem & minimum digitum respicientia: quæ duo tamen in latus ab ossium vicinia liberum excidere possunt. DIGITORUM OSSA similiter in quatuor partes dislocari possunt; antè putà, postèrius, ac utrinque ad latera: sed ut plurimum ad anteriora, vel posteriora luxantur.

Atquè ut aliarum luxationum, ità & Carpi, Metacarpi, ac Digitorum Luxationis Causa est motus violentus, ictus, calus, perversio, contorsio.

Cognoscuntur autem haud difficulter partium manus Luxationes. Sive enim Carpi, sive Metacarpi, sive Digitorum ossa in partem anteriorem luxata fuerint, tumor eo loci in anteriore parte apparet, digitique flecti nequeunt. Sin in posteriorem exciderint, tumor in parte posteriore conspicitur, digitique, ob tendinum & nervo-

nervorum ad ipsos tendentium compressionem, extendi non possunt.

Luxatio harum partium periculosa non est, cum facile restitui in sedem naturalem possint dislocata ossicula.

Quod si ergo facta sit Carpi Luxatio in partem anteriorem, aut posteriorem, manus ponatur super Tabulam, (vide Scultetum *Armat. Chirurg. tab. 24. fig. 2.*) & quidem supina, si ad anteriora; prona, si ad posteriora facta sit Luxatio: dein fiat extensio à duobus ministris, trahentibus hinc inde tum brachium, tum digitos. Dum fit extensio, Chirurgus articulum luxatum in partem contrariam impellat.

Luxatio ossium Carpi, aut Metacarpi, in illa nullà facta extensione, in hac modicà, facile reponitur, manu super tabulam collocatà, & supposito corpore duro, sicque ossibus in sua loca protrusis, vel antè, vel postè.

Haud secus Digiti Luxati, à duobus ministris factà super tabula extensione, facile in contrarium impelluntur. Factà luxatorum horum ossium repositione, membrum convenienter deligandum, & deponendum.

XVII. FEMORIS OS, omnium in corpore humano maximum & longissimum, capite suo globoso, valida cer-Femoris
Luxatio. vice subnixo, & cartilagine obducto, coxendicis acetabulo, amplo satis & profundo, committitur, in eoque duobus validis ligamentis detinetur; uno lato, crasso, & membranoso, quod articulum totum circumdat; altero tere-
ti, quod ab ipsa acetabuli cavitate productum, in susceptum femoris caput inseritur, idque acetabulo firmissimè connectit, sicque articulatio hæc per Enarthrosin Diarthroseos perficitur: ut adèd Femur facilius & expeditius flecti, extendi, in latera moveri, & circumverti, nec facile prolabi possit.

Excidit autem aliquandò hic articulus in quatuor partes; nimirum in anteriorem, & posteriorem, sed rarius, cum acetabuli supercilium hæc in parte altius sit; frequentius verò in partem exteriorem, & interiorem, cum

eo loci humilior sit supercilium. Quoad Femoris imperfectam Luxationem, seu Subluxationem: nunquam, aut saltem rarò admodum eam dari puto; quoniam acetabulum, quo globosum femoris caput reconditur, alta satis in ambitu habet supercilia, ut omninò fieri non possè videatur, ut caput hoc partim in acetabulo contineatur, partim promineat, & exciderit: insuper dearticulationis motu & circumactione, nec non musculorum robore in locum suum facilè id raperetur. Attamen à causa interna Subluxatio hujus articuli forsàn contingere potest: tum enim ligamenta ac vincula emollita admodum & relaxata, ossis caput acetabuli margini insistens retrahere & revèhere nequeunt.

XVIII. Causæ perfectæ Femoris Luxationis sunt eadem, quæ luxationis humeri; externæ puta, & violentæ, casus, ictus, aliavè violenta & indecens femoris extensio ac distortio. Insuper humores ad articulum hunc affluentes, eundem è sede sua sensim protrudere possunt, sicque imperfectam causare luxationem.

De femoris ossis capite aliquid notatu dignum annotavit Rolfincius, *Exercit. Anatom. lib. 2. cap. 49.* viz caput hoc valdè laxa conjunctione ossi femoris adhærere, ità ut coctione in aqua citò emolliatur, & facilè manibus ab osse dirimatur, præcipuè in animalibus junioribus; atque hinc fieri, ut in infantibus & pueris junioribus nonnunquam ab osse recedat & divellatur, idque sæpè parva de causa, ut à levi casu, vel cum nutrices nimis maturè pedibus insistere & inniti jubent infantes, atque tunc illud communiter haberi pro luxatione, ex coque diagnoseos errore felicem curationem impediri. Testatur quoque Cl. Diemerbr. *Anat. lib. 9. cap. 19.* se recessum hujus epiphysis in uno aut altero vidisse, qui à Medicis & Chirurgis pro luxatione habebatur, licet caput ossis femoris extra acetabulum nusquam elapsum sentiri possèt: interim tamen os femoris versus posteriora reflectebatur, ejusque superior pars sine capite nonnihil sursum versus ascendere sentiebatur, sicque crus illud altero brevius evadebat.

XIX. Di-

XIX. Dignoscitur autem Femoris Luxatio his Signis. In *Luxatione ad interiora*, crus longius est, si cum altero conferatur, & difficulter mobile; genu exterius protuberat, ac globosum femoris caput manu in inguine notatur. Facile quidem reponitur, sed & facile iterum excidit, unde pars emaciatur, & Æger fulcro uti cogitur. *Exterius ubi facta Luxatio*, crus altero brevius est, quoniam femoris caput in locum altiore excidit: inter anum & scrotum pars in sinum dehiscit, at juxta clunes in tumorem attollitur: genu, pes, tibia intrò spectant, pedem equidem satis commodè flectere potest Æger, at terræ imponere haud ità; calx namque terram non attingit, sed ima planta, quia crus abbreviatum est. Licet autem non reponatur, dolor tamen per se tandem cessat, Ægerque temporis successu sine sustentaculo incedere valet. *Anteriorem in partem si Femur fuerit Luxatum*, tumor in inguine est, cum femoris caput ad pubem incumbat; nates contrà, propter musculos cum femore ad pubem contractos, rugosæ sunt, ac depressæ; urina, propter vesicæ cervicem quodammodo compressam, aliquandò supprimitur; crus nec curvari, nec ad inguina adduci potest, cum in ipso flexu sit femoris caput; idem tamen nec elongatur, nec abbreviatur, ad calcem præsertim: digiti pedis namque non facile extendi, nec ad terram converti possunt, unde in incessu Æger calci inniti cogitur. Etiam si nec hîc repositio quædam fiat, rectus tamen incedere tandem potest Æger: contingit verò nonnunquam, pedem sufficienter à terra removeri non posse. *In Luxatione ad posterosa*, pedem nec extendere, nec flectere valet Æger, unde calx terram non attingit, crus abbreviatur valdè, in inguine sinus est, at compressis natibus protuberantia observatur notabilis; ex globoso viz. femoris capite in nates prolapsò, quod visu tactuque ibidem deprehenditur. Hic quoque etiam si repositio nulla fiat, dolor sensim cessat, pedisque motus redit; pes autem licet rectus, nec distortus sit, nihilominus tamen brevior permanet, & multum abest, ut terram calx contingat,

unde immedicabilis remanet claudicatio.

In genere verò magnum Femori periculum est, ne vel difficulter reponatur, vel repositum rursus excidat. Difficulter Femur Luxatum reponitur, quia propter validissimos musculos, qui in hac parte sunt, extensio sufficiens fieri nequit; & tantò difficilior reponitur, quantò Luxatio vetustior est. Repositum autem faciliè rursus excidit, tum propter musculos & ligamenta relaxata, & imbecillia reddita, tum quia suo pondere deorsum tendit: insuper ob ligamentorum abruptionem in proprio sinu persistere aliquandò non potest, & ideo iterum delabitur. Si igitur Luxato Femore lacera & disrupta sint articulationis ligamenta, haud ità difficulter articulus reponitur, sed repositus in sede naturali servari nequit, semperque denuò prolabitur: at relaxata solummodò si sint ligamenta, difficilior restituitur luxatum femur, verum repositum in proprio loco nonnunquam detinetur.

Antiqua Femoris Luxatio, quæ jam callum contraxit, & in qua sinus oppletus est, incurabilis judicatur, ejusque repositio minimè tentanda, cum frustra affligatur Æger. Docet quoque Fabritius Hildanus *Cent. 6. Obs. 100.* inveteratam hanc Luxationem reduci non posse, sed post tentatam reductionem semper malum pejus factum fuisse.

XX. Igitur ut Dislocatum Femur sedi naturali restituantur, Æger subjecto pulvinari in scamno aut mensa ità collocandus, ut pars in quam prolapsum est femoris caput, sit superior, ea verò, à qua recessit, inferior, hoc est, pronus quidem, si extrorsum aut retrorsum Luxatio facta sit; supinus, si introrsum; & in latus, si antrorsum: postea conveniens facienda extensio, vel Manubus, vel Habenis, vel Machinamento, (quale est Trochlea trajectis funibus, depicta apud Hildanum *Cent. 5. Obs. 86.* & Scultetum *tab. 22. fig. 1.* Tandem verò Femur, semper viâ prolapsui contrariâ, in suum acetabulum impellendum.

Itaque ad interiora si Femur Luxatum sit, Æger imponatur

tur scamno aut mensæ, hinc inter utrumque pedem supponatur baculus fortis linteo benè obvolutus, mox valida fiat pedis extensio, usquedum commodè manu reponi possit. *Exterius autem si facta sit Dislocatio*, similiter scamno aut mensæ Æger imponatur, extensioneque conveniente factà Repositio fiat. *Anterius verò cum exciderit Femoris caput*, incumbat Æger lateri sano, hinc pes extendatur, sicque vel manu, vel genu in suum sinum compellatur. At *versus posteriora si sit Luxatio*, Æger imponatur ventri, hinc pes validè extendatur, mox Femur manu prehensum circà genu extrorsum à pede sano dimoveatur, sicque caput ipsius in sinum compellatur. Sed proprio in loco restitutum ut maneat, quietus Patiens decumbat, usque dum ligamenta pristinum robur acquisiverint.

At vero præter nunc expositos reponendi modos, & is occurrit, quem Hippocrates describit; quo femoris articulus, sive in interiorem, sive in exteriorem partem eruperit, restituitur. Nimirum Scala defoditur, cui homo insidet, integro & sano crure leniter extento, & quam commodè poterit alligato: cruri vitiatò Calathus, in quem conjecti lapides fuerint, vel vas fictile appenditur aquà plenum, sicque factà extensione, luxati articuli repositio fiat. Scultetus *Armam. Chir. tab. 23. fig. 4.*

XXI. GENU & perfectam, & imperfectam patitur Luxationem, labiturque frequenter in partem interiorem, & exteriorem; rarò in posteriorem; at vix unquam in anteriorem, & non nisi à causa admodum violenta, cum Patella opposita id prohibeat.

Genu Luxatio.

Accidit autem hæc Luxatio à percussione, casu, saltu, cursu vehementiore, immodica tibiæ extensione, vel contractione & distorsione.

In quem verò locum Genu Luxatum sit, facilè in excarni hac parte cognoscitur; siquidem in latere, in quod articulus prorupit, protuberantia, cavitas in latere, è quo discessit, visu tactuque deprehenditur. Insuper figura depravatur, crus est extantum, nec flecti potest;

potest; unde motus necessariò depravatur, vel omnino perit.

Genu porro, si cum cubito conferatur, ob ejus juncturæ modum, sæpius luxatur, & facilius reponitur. Ossium namque, quibus uterque articulus continetur, structura arctior, & conjunctio profundior est in cubito, laxior in genu; atque adeo Luxatio Genu minus periculosa est.

Genu si Subluxatum sit, nulla, aut exigua saltem requiritur extensio, sed sola in contrariam partem impulsio articulum reponit. At perfecta si Dislocatio sit, extensio est necessaria; quæ fiat Manubus in recenti luxatione, & puerili ætate: minister unus trahat supra genu, alter sub genu; Chirurgus verò ad partem contrariam, è qua excidit, manu os impellat. In Luxatione non ità recenti, & corporibus robustioribus, opus est Habebenis, vel etiam Machinamentis, quibus sufficiens fieri potest extensio.

Os ubi repositum est, quod ex cruris libera extensione, & cum altero sano comparatione cognoscitur, Splenia imponantur *Oxycrato* vel *Vino Rubro Adstringente* madida, hinc conveniens instituenda Deligatio, Ægerque ab incessu abstineat, donec novæ luxationis nullus amplius sit metus.

Patellæ
Luxatio.

XXII. PATELLA, cum à lateribus nullum habeat obstaculum dislocationem ejus impediens, in partem superiorem, inferiorem, anteriorem, & posteriorem nunquam Luxatur; in posteriorem verò nunquam, cum tibiæ & femoris ossa, quæ ipsa regit, obstant. Accidit autem hæc Luxatio à percussione, casu, saltu, ac indecente tibiæ distensione. Eaque visu & tactu facile dignoscitur, cum rectè flecti ac moveri crus nequeat. Et quoniam laxior est hæc articulatio, haud difficulter sedi suæ Patella restituitur.

Verum ut in suam sedem reponatur, Patiens firmiter in planitie erectus stet: Chirurgus interim manubus Patellam à parte, in quam prolapsa est, in eam, è qua

qua excidit, compellat. Ubi restituta est, Splenium cavum, patellæ formæ accommodum, & *Oxyrato* vel *Vino Rubro Adstringente* madidum, parte eâ, ad quam prolapsa erat, collocetur; at poplitis cavitas variis compressis expleatur: omnia denique arctè fasciis constringantur, ne genu inflecti possit; si namque flectatur genu, periculum est, Patella ne rursus loco suo excidat. Ubi verò novi prolapsus periculum nullus est, *Æger* sensim genu rursus flectere assuescat.

XXIII. PEDIS nomine intelligimus septem *Tarsi* ossi, suis nominibus donata, quinque *Metatarsi*, quatuordecim *Digitorum*; quæ omnia variis modis invicem coarticulata, ligamentisque membranosis connexa sunt. De horum omnium luxationibus jam dicendum esset. Sed quia Tarsi, Metatarsi, & Digitorum ossa eodem fere modo in Pede, quo Carpi, Metacarpi, & Digitorum ossa in Manu, inter se uniuntur; iisdem quoque Luxationibus subjecta sunt, quæ easdem causas habent, iisdem signis dignoscuntur, ac eodem modo reponuntur, operæ pretium non est, quædam de his superaddere. At verò de Tali, & Calcanei Luxatione, cum ossibus hisce nulla in manu respondeant, quædam addere lubet.

Ossium
Pedis, ac
Digitorum
Luxatio.

XXIV. TALUS igitur, seu ASTRAGALUS in omnes quatuor partes prolabi potest, nimirum in partem anteriorem, posteriorem, anteriorem, posteriorem; frequentius tamen in anteriorem. Et quidem perfectè luxatur, & subluxatur.

CALX autem, sive CALCANEUS, Talo subiectus, frequenter quidem antè & postè, raro ad latera erumpit.

Fit verò horum ossium Luxatio à violento casu, ictu, aut aliâ inconveniente pedis distorsione. In specie autem Calx luxatur, & ab Astragalo divellitur, si quis ex alto desiliens graviter in calcem labatur & impingat, vel inter saltandum calci vehementer insistat.

Talus porrò si in partem anteriorem prolapsus sit, ima pedis pars in posteriorem convertitur; si in posteriorem

contraria signa adfunt. At in anteriorem partem si erumpat, latus ille ac robustus tendo, qui calcaneo inseritur, durus tensusque evadit, pes minor ac brevior apparet, ob articulum in priorem partem promotum; si in posteriorem, calx ferè reconditur, quia articulus ad calcem clapsus est, planta major, pesque longior evadere videtur: Et hæc Signa si manifesta sint, perfectam Luxationem, sin obscura, Subluxationem denotant. In specie verò Calcis Luxatio ex dolore, figura partis depravata, & actione læsa faciliè cognoscitur.

Cæterum Talus uti faciliè Luxatur, sic faciliè reponitur; sed ob multitudinem ossium juncturas componentium difficulter confirmatur; atque idè post Tali repositionem diutiùs in lecto perseverandum, ne is Talus, qui totum corpus sustinet, nondum confirmatus tendinibus ac ligamentis, ferendo oneri cedat, rursusque prolabatur. Veruntamen Calcis Luxatio periculosior est; siquidem venæ & arteriæ majores, quas excipit, nec non magnus ille tendo, qui ei annectitur, faciliè læduntur, unde inflammatio, convulsio, delirium, febris, & gravissima alia symptomata non rarò excitantur.


Ut ergò Luxatus Talus in proprium locum reponatur, primùm debita facienda extensio; Manibus quidem ministrorum in Luxatione recenti & corpore puerili, quorum alter pedem, alter tibiam apprehendat & extendat. Sin manibus proba extensio fieri nequeat, uti in corporibus robustioribus, & luxatione haud ità recenti, fiat Habenis, vel aliis Machinamentis deorsum trahentibus. Scultetus *Armam. Chir. tab. 25. fig. 1.* Postèa Chirurgus articulum in partem contrariam, è qua excidit, compellat, convenientemque Deligationem instituat; quæ tamen minus pro ratione adstringenda est, ne posterior Calcis tendo nimis constringatur.

Calcaneus etiam, levi extensione factâ, in naturalem sedem haud difficulter reponitur; repositus verò convenienter vincendus, Ægerque tamdiu in quiete detinendus, donec restitutus hic articulus probè confirmatus fuerit;

fuerit ; id quod ante quadragesimum diem (uti de reposito Luxato Talo quoque affirmare licet) vix contingit.

Atque hæc de Fracturis & Luxationibus breviter dicta sunt. Cum enim eruditissimi Hippocratis libri de Fracturis & Articulis exstent , illos , qui plura desiderant , ad eos remittimus.

F I N I S.



O R D O

LIBRORUM ET CAPITUM.

LIBER PRIMUS

De Tumoribus præter Naturam.

CAP. I.	<i>De Tumoribus in genere.</i>	Pag. 1
II.	<i>De Phlegmone seu Inflammatione.</i>	9
III.	<i>De Furunculo.</i>	19
IV.	<i>De Epiphytide, & Termintho.</i>	21
V.	<i>De Erysipelate.</i>	22
VI.	<i>De Oedemate.</i>	27
VII.	<i>De Tumore Flatuoso.</i>	34
VIII.	<i>De Testudine, & Talpa sive Topinaria.</i>	37
IX.	<i>De Atheromate, Steatomate, & Meliceride.</i>	40
X.	<i>De Ganglio, & Lupia.</i>	45
XI.	<i>De Scyrrho.</i>	50
XII.	<i>De Tumore Aquoso.</i>	54
XIII.	<i>De Hydrocephalo.</i>	57
XIV.	<i>De Hydromphalo, & Hydrocele.</i>	61
XV.	<i>De Bubone.</i>	66
XVI.	<i>De Carbunculo seu Anthrace.</i>	73
XVII.	<i>De Gangrena, & Sphacelo.</i>	78
XVIII.	<i>De AFFECTIBUS CUTANEIS. Et PRIMUM, De Maculis quibusdam levioris momenti, quæ Ephelides, Lentigines, & Hepatica vulgò nuncu- pantur.</i>	109
XIX.	<i>De Herpete.</i>	113
XX.	<i>De Scabie, ejusdemque Speciebus.</i>	119
XXI.	<i>De Impetigine seu Lepra Gracorum, &c.</i>	130
XXII.	<i>De Strumis seu Scrofulis.</i>	136
XXIII.	<i>De Cancro.</i>	141
XXIV.	<i>De Polypo.</i>	149
XXV.	<i>De Epulide, & Parulide.</i>	154
		XXVI. De

INDEX CAPITUM

XXVI. De Ranula.	155
XXVII. De Aneurismate.	157
XXVIII. De Varicibus.	161
XXIX. De Paronitio seu Paronychia.	164
XXX. De Hernia in genere, atque in specie de Intestinali, & Omentali.	168
XXXI. De Tumoribus Scroti, Herniis improprie dictis; viz. Hydrocele, Pneumatocele, Sarcocoele, Chysocele.	177
XXXII. De Ani Procidencia.	181
XXXIII. De Uteri Prolapsu.	184

LIBER SECUNDUS

D E

VULNERIBUS.

CAP. I. Quid Vultus, quae sint illius Differentia, Causae, Diagnostica. Pag. 190

II. De Vultu Prognostico.	194
III. De Vultu Curatione in genere.	211
IV. De Vultu Symptomatibus.	213
V. De Rebus Alienis à Vultu eximendis.	217
VI. Modus exponitur, quo Vultus Labia sint conjungenda, conjunctaque servanda.	222
VII. De Medicamentis ad Vultu Curanda necessariis. Et Partis Vultuatae substantiis salubri conservanda.	226
VIII. De Vultu Carnis Simplicis, & Profundo.	235
IX. De Vultu Carnis Composito, seu Cavo, & cum Substantiae deperditione.	237
X. De Vultu Vultuorum, hoc est, Venarum & Arteriarum.	239
XI. De Vultu Nervorum, & Nervosorum Partium.	243

Sss 3

XII. De

INDEX CAPITUM

XII.	<i>De Vulnere cum Contusione.</i>	247
XIII.	<i>De Vulneribus Morſu Animalium illatis, aliſquæ Venenatis.</i>	251
XIV.	<i>De Vulneribus Sclopetorum.</i>	256
XV.	<i>De Vulneribus Capitis.</i>	262
XVI.	<i>De Vulneribus Faciei.</i>	282
XVI.	<i>De Vulneribus Oculorum.</i>	287
XVIII.	<i>De Naſi Vulneribus.</i>	292
XIX.	<i>De Vulneribus Labiorum, Aurium, & Lingue.</i>	293
XX.	<i>De Vulneribus Cervicis, Collis, Gutturis, Vaſorum Jugularium, & Medulla Spinalis.</i>	297
XXI.	<i>De Vulneribus Thoracis, & Partium intus Contentarum.</i>	302
XXII.	<i>De Vulneribus Abdominis, & Internarum Partium.</i>	311
XXIII.	<i>De Vulneribus Articulorum.</i>	322

LIBER TERTIUS.

DE

ULCERIBUS.

CAP. I.	<i>De Ulceribus in genere.</i>	Pag. 325
II.	<i>De Ulcere cum vitioſi humoris affluxu, ac proinde diſficulter cicatricem admittente.</i>	331
III.	<i>De Ulcere Maligno, Depaſcente, Phagadeno, Carcothe, &c.</i>	336
IV.	<i>De Ulcere Verminoſo.</i>	339
V.	<i>De Ulcere cum Offis Corruptione.</i>	340
VI.	<i>De Ulcere Profundo, Sinuoſo, ſeu Cavernoſo.</i>	345
VII.	<i>De Fiſtulis.</i>	346
VIII.	<i>De Ambuſtione.</i>	351
IX.	<i>De Oculorum Ulceribus.</i>	362
X.	<i>De Fiſtula Lachrymali.</i>	366
XI.	<i>De Aurium Ulceribus.</i>	371

XII. De

INDEX CAPITUM.

XII.	<i>De Narium Ulceribus.</i>	373
XIII.	<i>De Labiorum Ulceribus, & Fissuris.</i>	379
XIV.	<i>De Ulceribus Oris.</i>	381
XV.	<i>De Pectoris Ulceribus, & Fistulis.</i>	384
XVI.	<i>De Abdominis Ulceribus, & Fistulis.</i>	388
XVII.	<i>De Vesica Urinaria, & Pudendorum Ulceribus.</i>	393
XVIII.	<i>De Ulceribus, & Fistulis in Ano.</i>	410
XIX.	<i>De Tibiarum, Articulorum, & Pedum Ulceribus.</i>	423

LIBER QVARTVS.

D E

FRACTURIS.

CAP. I.	<i>De Fracturis in genere.</i>	Pag. 427
II.	<i>De Generali Fracturarum Curatione.</i>	432
III.	<i>De Affectibus præter naturam, qui Fracturis accidunt.</i>	440
IV.	<i>De Fracturis cum Vulnere.</i>	443
V.	<i>De Fracturis in specie.</i>	450

LIBER QVINTVS.

D E

LUXATIONIBUS.

CAP. I.	<i>De Luxationibus in genere.</i>	Pag. 472
II.	<i>De Luxationum Curatione.</i>	476
III.	<i>De Luxationibus in specie.</i>	485

F I N I S.

